

قفص اسمه أنا
رياب كساب

قفص اسمه أنا / رواية

رباب كساب

الطبعة الثانية ، ٢٠٠٩



دار اكتب للنشر والتوزيع

القاهرة ، اش المعهد الديني ، المرج

هاتف : ٠٢٢٤٤٠٥٠٤٧

موبايل : ٠١٢٩٢٥١٥٩٢ - ٠١٨٢٣٦٣٠٣٥

E – mail : dar_oktob@gawab.com

المدير العام :

يحيى هاشم

تصميم الغلاف :

حاتم عرفة

تدقيق لغوي :

حسام مصطفى إبراهيم

رقم الإيداع : ٢٠٠٨/١٥٢٨٦

جميع الحقوق محفوظة ©

قفص اسمه أنا

رواية

رياب كساب

الطبعة الثانية

٢٠٠٩



دار الكتب للنشر والتوزيع

حان الآن موعد أذان الفجر، نطقها مذيع الإذاعة قبل أن ينطلق صوت المؤذن هاتفاً الله أكبر الله أكبر معلناً بداية يوم جديد من أيام الله على هذه الأرض.

كانت بداية يوم شتوي بارد حين بدأت الحركة تعم الدنيا وعملاً أرجاء المدينة الصغيرة، والتي ما هي إلا شارعان رئيسيان تبدأ عند تقاطعهما المدينة ويتجه كل منهما في اتجاه، أحدهما الطريق السريع الرابط بين مراكز المحافظة والآخر هو قلب البلد حيث المدارس والمحال والمصالح الحكومية، ويرتبط كلاهما بشوارع وحارات صغيرة، ما إن تدخل إحداها حتى تجد نفسك في النهاية في الطريق الآخر، وفي نهايتهما يقطعهما شارع كبير ينتهي عند محطة السكة الحديد.

وهذه مدينة هادئة نوعاً ما، صخبها في النهار، وفي الليل - وخاصة الشتاء - تجدها خاوية إلا من بعض الشباب الذين يتسكعون في طرقاتها، لا مصنع فيها ولا صناعة، جميع أهلها من القرى المجاورة جاءوا ليسكنوا بجوار أعمالهم في المدارس والهيئات الحكومية. وما يعيننا منها واحد من شوارعها العديدة الصغيرة، يقع على يسار الشارع الذي هو قلب البلد، وذلك حين تدخل المدينة قادماً من طنطا، إنه شارع الشهيد إبراهيم

أبو الروس -الذي كان يقطنه رحمه الله- وهو قصير ضيق يتسع
لسير سيارة واحدة فقط؛ بيوته متلاصقة متقابلة ليس فيها مسن
التناسق شيء، بل لا تعرف ما هو التناسق، فهي بين طابق أو
طابقين لا تريد، ألوانها مختلفة بل إن أغلبها تكاد لا ترى لونه
من فعل الزمن. ويبدأ بيت عم حلمي الحلاق الذي يتكوّن من
طابق واحد يعلو الطريق عنه فتتزل له بدرجة سلم واحدة، وعم
حلمي هذا غير كل الحلاقين المعروف عنهم الثروة وحب
المعرفة، وليست المعرفة الثقافية والاطلاع بالطبع، وإنما معرفة
أحوال الناس وأخبارهم والتندر بها أمام زبائنهم، كما أقم
مشهورون بالبرود، لكن عم حلمي عكس هذا تمامًا، فهو رجل
رصين قليل الكلام لا يتحدث إلا إذا بدأه أحد بالحديث، ويرد
بإجابات مقتضبة غير مستفيضة وكأنه يصارع ليسكت مرة
أخرى، في حين أن زوجته سعدية تعاني صمته الدائم على
الرغم من أنها تعلّمت منه قلة الكلام، ثم أي كلام تقوله بعد
صراخها مع صغارها طيلة اليوم، عم حلمي لديه ثلاثة أطفال
أحمد ومحمد وحنان، أعمارهم بين الخامسة عشرة والعاشرة.
ويقابل بيت حلمي الحلاق بيت الأستاذ أحمد عبد الفتاح
مدرس اللغة الإنجليزية بمدرسة المدينة الثانوية، وهو منزل من
طابقين، طلاؤه حديث حيث إن الأستاذ أحمد ورثه عن والده
رحمه الله، وبعد عودته من الإعارة هدم البيت وبني عمارة

جديثة، زوجته أمينة مدرّسة لغة فرنسية بنفس المدرسة، لديهما طفلتان، آيات وأميرة، وعمرهما بين الثامنة والسادسة.

ويجاور منزل الأستاذ أحمد منزل كبير، مكوّن من طابقين، يشغله الحاج عبد الله أبو الروس صاحب أكبر ورشة نجارة في المدينة، والتي خرجت منها كل موبيليات العرائس في المدينة، بل في المركز كله، وفي الطابق الأول تسكن زوجة أخيه الشهيد إبراهيم الذي استشهد في حرب أكتوبر تاركاً إياها عروساً جديدة، حاملاً في شهرها الخامس، أي أنه مات قبل أن يرى ابنه النور، وقد أسمته أمه على اسم والده، وظل الفتى يعيش في كنفها، حتى تزوّج وسكن في شقة لا تبعد عنها كثيراً.

وفي الطابق الثاني من نفس البيت الحاج عبد الله وأسرته التي تتكون منه وزوجته سامية وابنه الأكبر سعيد وابنتيه ميّادة ومنار، ثم الصغير كريم الذي وُلد على يد زوجة عمه كريمة فتيمنوا بها وأسموه كريم.

ويعتبر الحاج عبد الله من أغنياء المدينة وينفق الكثير على أبنائه، إلا أن حظهم لم يكن وافراً في التعليم، كابن أخيه المحاسب، فابنه سعيد وصل الإعدادية ولم يكمل، وميّادة حصلت على الدبلوم بصعوبة، ومنار وكريم مازالا في المدارس ومتعثران أيضاً.

في مقابل بيت الحاج عبد الله، يقبع بيت الأسطى عليوة
سائق النصف نقل التي يُقل فيها الركاب بين المدينة وإحدى
القرى المجاورة، يسكن مع زوجته آمال وحدهما، فليس لذيها
أبناء في بيت من طابق واحد مظهره رث من الخارج إلا أنه
مؤث جيداً ومرتب بعناية فائقة. وإلى جوار منزل عليوة،
يوجد منزل الأسطى محمود النجار الذي يعمل لدى الحاج عبد
الله أبو الروس، مساحته صغيرة جداً، يغزل إليك أنسك لا
تستطيع تحديد متى بُني لفرط قِدَمِهِ، مكوّن من طابقين يسكن
فيهما ويأمل في المستقبل أن يعيش في الطابق الأول، ويترك
لابنه الطابق الثاني ليتزوج فيه، رغم ضيق المساحة، والأسطى
محمود من أمهر النجارين لدى الحاج عبد الله، فهو يُجزل له
العطاء إلا أنه لا يكاد يكفيه ويستتره هو وأولاده الأربعة،
وأكبرهم هي صفاء الطالبة بالفرقة الأولى بكلية الحقوق، يليها
سيد وعزت وسمية، وهم في مراحل التعليم المختلفة، وفي
الإجازة الصيفية يعمل سيد وعزت مع أبيهما في الورشة، أما
زوجة محمود وتدعى سيدة، فامرأة جميلة يشغلها جمالها
والاهتمام بزيبتها وإكثار الأساور الذهبية حول معصمها عن
أي شيء في الدنيا، وهي سيدة شديدة الأناقة، وهذا سبب رقة
حائهم ومعيشتهم الضيقة رغم دخل زوجها المرتفع لأنما امرأة
مُسرفة بشكل كبير.

وفي مقابل بيت محمود، منزل آخر رث للغاية، صغير منخفض عن الشارع تنزل له درجتين عاليتين، ضيق، لونه لا تعرف إن كان رمادياً أم أنه كان أبيض فلا أحد يدري، يسكن هذا البيت سلامة الكمساري هيئة النقل العام، والذي برقبته ستة من العيال يذخر بهم البيت الضيق، وكأنه كُتسب على سلامة هذا أن يعيش حياته محشوراً بين أجساد البشر سواء في الأتوبيس أو في البيت، وأكثر أبنائه فتحي يزامل صفاء ابنة الأسطى محمود في كلية الحقوق الفرقة الأولى أيضاً، يلي فتحي سماء طالبة الثانوية العامة ثم أمل في المدرسة الثانوية التجارية ذات الخمس سنوات، في الصف الثاني، يليها فريد في الإعدادية، ثم فوزي في الابتدائية، وأخيراً إيمان في الصف الأول الابتدائي. بالرغم من المعاناة المادية التي يعيشها سلامة فهو يعد أسعد من يسكن هذا الشارع، بل إن الود الذي يربط بينه وبين زوجته وأولاده يتعكس على هيئته، فتجده دائم الابتسام، صبور الوجه مشرقاً، وكأن لا شيء يُعكر صفو حياته، لا دروس أبنائه التي تضلعه، ولا مصاريف الجامعة لابنه البكر، لا شيء إطلاقاً. ويجاور منزل سلامة، منزل آخر، يقتنيه السعيد جبر البقال الذي يقع محله أسفل منزله، فيخدم أهل الشارع والأحياء المتاخمة له، والتي تتقاطع معه من الخلف، وهي دنيا أخرى منفصلة بنفسها وأهلها عن باقي المدينة، وتنتهي بيوتهم

عند شريط السكة الحديد.

عم سعيد كما اعتاد الجميع مناداته يُعتبر أكبر سُكَّان الشارع سنًا هو وزوجته فايِزة، له ولدان، ولكنهما لم يعودا ولدين، وإنما رجلان، تزوجا منذ سنوات ولهما أبناء وحياة كاملة، وكلُّ منهما يعيش في بلد عربي، حيثُ يعمل طارق مدرسًا في الكويت، وسامح مهندسًا في عمان، بينما يعيش والداهما في وحدة قاتلة يتغلبان عليها بفتح دارهما لكل معارفهما وأقاربهما، ولا ييخلان على أحد، ويفكان ضيقة المعسر منهم، وكل من يقصدهما لا يعود خائبًا، وقد حنَّ بيت الله ويعتمران كل عام، وكل أملهما أن يعود ولداهما للحياة بجوارهما.

في مقابل منزل عم سعيد منزل آخر تظهر عليه النعمة وبجوحة عيش صاحبه وهو منزل عيد السيد الميكانيكي، واحدٌ من أغنياء العالم الحديث، بيته من طابقين، وعلى الرغم من أنَّه مؤثث بأثاث غالٍ منفق عليه، إلا أنه يفتقر إلى الذوق والتنسيق، فعيد زوجته نجاة لم تطأ قدمهما أرض مدرسة ولا يعرفان شيئًا سوى أنهما يعملان، كلُّ له عمله، فهو يعمل بورشته التي مقرها على الطريق السريع يؤمها الكثير والكثير ممن يعلمون كم هو ماهر في حرفته، وهي تعمل في المنزل مع

أطفالها الأربعة الذين أتوا متوالين، يفرق بين كل واحد منهم عامً واحدً، وهم يتعلمون في مدارس خاصة، ويدرسون اللغات بينما الأب والأم من الجهال.

هؤلاء هم سكان شارعنا وتلك هي منازلهم التي بدأ يستيقظ معظم سكانها مع أذان الفجر، فعم حلمي الحلاق يحرص على صلاة الفجر في الجامع، بينما الأستاذ أحمد عبد الفتاح يصلي الفجر ثم يتجه إلى الحجرة التي يعطى فيها الطلبة الدروس الخصوصية، حيث توجد مجموعة يُدرّس لها قبل موعد الدراسة دائماً.

أما الحاج عبد الله فهو نادراً ما يصحو في الفجر، حيث إنه لا يذهب للورشة قبل العاشرة، وعليه السائق رغماً عنه يصحو في هذا الموعد حتى يُجهز السيارة ثم ينطلق ليستقبل الركاب المتنقلين على الخط الذي يعمل عليه.

في حين أن عم سعيد البقال منذ أن عرف زيارة بيت الله الحرام، وهو لا يترك صلاة في الجامع مطلقاً بل إنه أحياناً ما يوم المصلين.

بينما يستيقظ عيد الميكانيكي من نومه في الثامنة ليذهب إلى ورشته في التاسعة بينما صبيانه يفتحونها قبل حضوره بساعة كل يوم.

لم يتبق من سكان الشارع غير سلامة الكمساري ومحمود النجار والاثنان يستيقظان مع أذان الفجر ويحرصان على صلاته في الجماعة حتى في أيام الشتاء، مثل هذا اليوم الذي اشتدت برودته وتساقط الأمطار الخفيفة منذ منتصف الليل إلا أن لكل منهما مشهداً يختلف عن الآخر. الزمان وقد حددناه من قبل وقت صلاة الفجر بالضبط، المكان منزل الأسطى محمود حيث يرقد الرجل إلى جوار زوجته التي تصحو كل يوم في العاشرة أو الحادية عشرة، غير مهم متى تستيقظ ولا تحب أن يوقظها أحد قبل أن تقوم هي بنفسها، ولكن زوجها يستيقظ كل صباح في مثل هذا الوقت، فما إن تأتي الساعة الرابعة والنصف، حتى تجده يتململ في نومه، ويتقلب على جانبه إلى أن يصحو مع صياح المؤذن ((الله أكبر))، فتبدأ حركته في الحجرة وفي المنزل، وهذا يقلق السيدة زوجته، فتسمعه كلمتين لاذعتين اعتاد على سماعهما دائماً فلم يعد يبالي، ويخرج ليصلي وبعد الصلاة يذهب إلى الفرن ليحضر العيش الطازج ثم يعود لمنزله ليوقظ أطفاله، ويعد لهم إفطارهم حتى يذهب كل منهم إلى مدرسته، وكذلك ابنته صفاء في أيام دراستها حيث إن لها ثلاثة أيام دراسة وثلاثة لا توجد محاضرات بها، ولكنها اعتادت الاستيقاظ المبكر مثل أبيها، وكلما حاولت أن تُعَدَّ هي الإفطار

بدلاً منه، يُثنيها عن ذلك ويقول لها: لا تحرميني متعتي الوحيدة،
ويطبع قبة على وجنتيها ويعطيها سندوتشاً لتأكله.

وفي الثامنة إلا الربع ينطلق إلى عمله حيث يفتح الورشة
ويبدأ العمل حتى يأتي صاحبها في العاشرة.

المشهد الثاني في نفس الزمان، ولكن المكان هو منزل سلامة
الكمساري حيث يرقد الرجل إلى جوار زوجته وهو يغط في
نوم عميق بينما زوجته تم أن تستيقظ، فهي تصحو في تمام
الرابعة، تشغل نفسها بأي شيء حتى تسمع صوت المؤذن،
فتذهب إلى حيث ينام زوجها ويبد حنون تربت كتفه وهي
تقول أبو فتحي اصح هتأخر على الشغل.

وتظل تُكرر على مسامعه تلك الجملة حتى يصحو ويذهب
لصلاة الفجر، ويعود كما عاد محمود مُحملاً بالعيش والفسول
والطعمية الساحنة، ويتناول إفطاره، وفي السادسة ينطلق إلى
عمله، بينما زوجته التي اعتادت الاستيقاظ المبكر منذ كانت
صبية في قريتها، وكأن ساعتها البيولوجية قد ضُبطت على هذا
الموعد بالضبط، تظل تعمل بالبيت وتعد إفطار أولادها
وتوقظهم حتى يتناولوا إفطارهم ويذهبوا لمدارسهم الواحد تلو
الآخر، فهي لا تدعهم يخرجون جملة مع بعضهم أبداً، فهي
تحشى عليهم من عيون الحاسدين، إنهم ستة ما شاء الله.

أوشكت الساعة أن تقارب الساعة والنصف حين أفسى
فتحى ارتداء ملايسه وجلس بجوار شباك الحجرة التي يتشارك
فيها وإخوته، كان الشباك يرتفع عن أرض الشارع مسافةً
بسيطة لا تزيد عن الأربعين سنتيمتراً، بحيث إن مدّ أحد قدمه
غبره صار في الشارع، كان الشباك مستطيل الشكل، طويلاً
يشغل تقريباً نصف الجدار، فلك البوت القديمة كانت نوافذها
على هذا الشكل لتعطي إحساساً أكبر بالانطلاق والحريسة،
ومنفذاً لدخول أكبر كمية من الهواء إلى داخل المنزل.

جلس فتحى إلى جوار نافذته ينتظر أن تفتح نافذة الجسيران
التي تشبه نافذته تماماً وتقابلها مباشرة، وأخيراً تنفس الصعداء،
فلقد فتحت وأطلت منها صاحبتها وابتسامتها العريضة عملاً
وجهها الذي يُشع بهاءً وضياءً.

قابل فتحى ابتسامة صفاء بابتسامة أكثر إشراقاً وقال:
صباح الخير.

بادلته التحية فيادر وسألها: هتخرجي إمتى؟ هنتأخر؟

قالت: هستنى إيمان وسارة.. لسه مجوش.

ثم نظرت إلى مبدأ الشارع لتجدهما أمامها، فقالت له: جم
أه، شخرج دلوقتي، وخرجت صفاء والنقت زميلتيها وقبل أن

تصلا إلى منزلها تبادلن التحية وسرن سويا، وخرج خلفهن فتحي كعادته كل يوم، سار حتى لحق بهن، نظر إليهن نظرة سريعة ثم أدار وجهه بسرعة، وكذلك فعلت هي، وتخطاهن بخطوته الواسعة حتى التقى أشرف زميله على ناصية شارع، وسارا سويا حيث محطة القطار، لم يضطر أي منهم إلى قطع تذكرة، فكلهم لديهم اشتراكات بالقطار.

كان أشرف مع صفاء وفتحي بنفس الكلية، بينما كانت إيمان وسارة في كلية التربية النوعية، والجميع كانوا على علم بما يحتلج في صدريهما من حب كبير فما مع الزمن.

لم يكن باستطاعة أي منهما أن يسير إلى جوار الآخر في طريقهما إلى الكلية فالتقاليد والعرف بمنعان ذلك منذ أن حلت الأنتى محل الطفلة والرجل زحف حثيثا إلى نفس الطفل الصغير، حتى أقيمت المتاريس بين اثنين لم يفترقا بتاتا إلا في ساعة النوم، فأصبحا يتلهفان الوصول إلى الكلية ليجلسا سويا ويتحدثان معًا حتى في قاعة المحاضرات.

حين تنظر إليهما تشعر أن كلا منهما يكمل الآخر، وأن بينهما شيئا كبيرا ومن يراهما لأول مرة يعتقد أنهما إخوة.

سبقها فتحي إلى الدنيا بخمسة عشر يوما ومنذ ولادتهما وهما معا، وبعد ولادتهما بثلاثة أشهر ولدت ميادة ابنة الحاج

عبد الله، فصار الثلاثة معاً يلهون ويلعبون، وفي المدرسة هم في نفس الفصل، كان من المنتظر أن تصبح ميادة أقرب صديقات صفاء وموضع سرها، إلا أن ميادة لم تترك للحب أو للصداقة سبيلاً للدخول إلى قلبها، فمنذ أن بدأت الفتاة تعي وتفهم وصدرها يقور بالحقد والغيرة منهما، فهما يتفوقان عليهما دراسياً، متقاربان بشكل كبير عنها، يكفي أن الكلمة نفس الكلمة تخرج من فمهما في نفس اللحظة، رأياهما واحد في كثير من الأحيان، لذا فكلما مرَّ يومٌ، شعرت بالابتعاد عنهما واتساع الهوة بينهما وبينهما، لذا وجب عليها التمييز عنهما، وكيف لا تميز وأبوها من الأغنياء، فكانت تتفاخر أمامهما بملابسها الجديدة دائماً والفاخرة نوعاً والنقود التي معها تشتري بها ما تشاء وقما تشاء، بينما لم يكن في استطاعة فتحي وصفاء في أغلب الأحيان أن يمتلكا حتى ثمن زجاجة المياه الغازية، وإذا تجمع ثمنها الضخم -بالنسبة إليهما- اشترى الزجاجة واقتسماها سوياً، فلم يكن يطيب لأي منهما الاستمتاع بشيء دون الآخر حتى وإن كان قطعة حلوى.

وما زاد الحقد في قلب ميادة أكثر وأكثر، أن صفاء فتاة دمثة الخلق رقيقة المعشر ويُشاركها فتحي صفاتها، لذا كانا يحظيان بحب من يعرفهما حتى أطفال الشارع الأصغر منهما، في حين عُرف عن ميادة عصبيتها المفرطة وزهوها بنفسها

وتفاجئها وسخريتها من الآخرين، فكان الكثيرون يُؤثرون
الابتعاد عنها وعدم اللعب معها، ولكن فتحي وصفاء كانا
يقنعوهم بعكس ذلك ويتحلمان سيطرتها وغطرستها لأنهما إن
تخليا عنها وتركاهما لن تجد من يشاركها اللعب لعزوف الجميع
عنها.

وظلا معها هكذا، متساعجين إلى أبعد الحدود، حتى أتى يومٌ
منذ أربع سنوات، وبالتحديد حين كانوا في الرابعة عشرة من
عمرهم، جميعاً بالطبع، كان يوماً صيفياً حاراً، وفي الإجازة
الصيفية اعتاد فتحي منذ أن كان في العاشرة أن يعمل في ورشة
والد ميادة فترة النهار، وفي هذا اليوم عاد الحاج عبد الله في
المساء ليجد ميادة تبكى وتولول وأمها تسب وتلعن وتتوعد،
فانزعج الرجل وسأل: إيه اللي جرى؟ لم يجبه أحد فاستشاط
غضباً وصاح قائلاً: ما ترددي إنني وهي.

لم تستطع ميادة الإجابة بينما انطلقت أمها كالمدفع قائلة:
الواد فتحي لما جه بالحاجة اللي إنت بعته كان عايز يبوسها
بالعافية. اشتعل الرجل غضباً وقال: إيه؟ يبوسها بالعافية!!!
وإنني كنت فين!!!

أجابت على الفور: فوق السطح بأكل الطيور، ماشفتوش،
أنا نزلت لقيت بتك مفطورة من العياط.

وخرج الرجل من بيته مسرعاً وشرر الغضب يتطاير منه،
يسب ويلعن ويتوعد هو الآخر، وانطلق إلى بيت سلامة أبسو

فتحي، رأتَه صفاء من النافذة وهو يدق باب سلامة بقوة ففتح له الرجل وعلى وجهه ابتسامة وهو يرحب به، ولكن عبد الله دخل عنوة وأخبر سلامة بما حدث، فأخذ يعتذر للحاج عبد الله بشدة، فهو لم يجد شيئاً يُبرر به خطأ ابنه الجسيم، ومشى عبد الله بعد أن أخبر سلامة إنه لو رأى هذا الولد في الشارع أو في الورشة أو حتى قابله صدفةً فلن يحدث طيب.

لم يكن هناك أحدٌ أكثر غضباً من سلامة، فحين علم بما فعله ابنه شعر بغصةٍ وحرارةٍ وتوقع سوء المصير، ففي هذه السن يفعل هذا، إذن بعد عدة سنوات وحين يصير رجلاً كيف سيكون حاله؟ بالتأكيد سيكون شخصاً منحرفاً يسكن خلف أسوار السجون، إنه لم يكن يريد لولده البكر هذا المصير، إنه يريد أن يكون شيئاً، لذا انطلق نحو حجرة فتحي الذي جلس داخلها يرتعد من الخوف، وهبّ الفتى واقفاً حين دخل أبوه الحجرة وشرر الغضب يتطاير من عينيه فسارع الفتى يقول: والله ما عملت حاجة دي كذابة أنا ادعها الحاجة ونزلت على طول يا بابا والله ما عملت حاجة.

كانت صفاء ترقبهم من النافذة وسمعت كل شيء.

ولكن سلامة لم يستمع لابنه، وصفعه صفعةً قوية أوقعته على الأرض، وحل حزام بنطاله، فلقد كان لتوه عائداً من عمله ونزل بكل ما فيه من قوة على جسد الفتى التحيل الذي ظل يُقسم أنه لم يفعل شيئاً وأنها كاذبة.

لم يستطع أحدُ الاقتراب من سلامة وهو في أوج غضبه، حتى زوجته لم تتمكن من أن تحول بينه وبين ابنه في تلك اللحظة، ولأنها أيضًا غاضبة من سوء فعل ولدها، كما لم تشفع صرخات الولد لديه حتى يكف.

وأخيرًا كَفَّ سلامة عن ضرب ابنه، وترك الحجرة ودخل إلى حجرته، وتبعته زوجته وهي تقول: أنا مش هدافع عنه، بس مش ممكن يكون بريء، ويجد معملش للبنت دي حاجة؟ وقبل أن يرد عليها ترمى إلى مسامعها صوت ابنها فأنصتت للصوت جيدًا.

فلقد قام فتحي من على الأرض وصعد إلى سريره أسفل الشباك ليجد صفاء أمامه وعيونها تفيض بالدمع فقال: والله يا صفاء ما قربت منها، ولا عملت لها حاجة. دي كدابة.

وجذبت أم فتحي زوجها ليستمع إلى هذا الحوار هو الآخر حين قال فتحي: أبويا مش عايز يصدقني وهو اللي مربيني صدقي أنت يا صفاء.

قالت صفاء وهي لا زالت تكي: مصدقك يا فتحي، وعارفة إنك لا يمكن تعمل حاجة زي دي.

- آمال بتعطي ليه؟ -

- عشان إنت اتظلمت، وملكش ذنب.

- طب عشان خاطري بطلّي عياط.

- حاضر. بس اضحك أنت الأول.

- مش قادر.

- والني، عشان خاطري.

وابتسم الفتى رغم ألمه وبادلته هي الابتسام، ثم قالت:
هدخل.. أحسن أُمّي بتنده عليّ.

وهنا قالت أم فتحي: عرفت يا سلامة إن ابنك عمره ما
يعمل كده، لأنه ببساطة ما بيطبقش ميادة، وصفاء عنسده
بالدنيا، ولا يمكن يعمل حاجة تزعلها منه أبداً.

قال سلامة: يمكن تكوني على حق، ثم صمت قليلاً وقال:
قومي قولي له يجي يتعشى معانا.

قالت: مش هيرضى.. أنا عارفاه كويس.

قال سلامة: بس روجي اندهي له.

ذهبت أم فتحي حيثُ يرقد ولدها على سريره وقالت: يلا
يا فتحي عشان تاكل مع أبوك وإخواتك.

قال الفتى بصوت واهن: لأ مش عاجز أكل.

— قوم يا حبيبي عشان خاطري.

- قلت مش عايز أكل.. أنا هنام.. مش جعان.

ذهبت إكرام إلى زوجها تخبره بعزوف ابنهما عن الطعام، وتركته لتذهب إلى المطبخ لتأتي بالعشاء، بينما ذهب الرجل لحجرة ولده، فما إن رآه حتى اعتدل من رقوده، فجلس سلامة إلى جواره وقال: يلا قوم عشان تتعشى معانا.

- مش عايز، مش جعان.

- قوم يا فتحي بقول لك.

- أنا ما عملتش حاجة، والله ما عملت حاجة عشان تضربني، صدقي ما عملتش حاجة.

- مصدقك يا حبيبي... بس هي ليه تعمل كده؟

- مش عارف.. طول عمرها حقودية.

وأخذ الرجل ولده في حضنه، وضمه إليه بشدة، وقال له:
أنا آسف.

فيكي الفتى وهو يقول: يعني إنت مسامحي؟

- طبعاً. أنا عملت كده عشان خايف عليك، مش عشان أرضى أبوها، وبعدين فيه راجل بيعيط يا ولّه؟

وجذبه من يده ليخرج به حيثُ يجلس إخوته وأمه الذين
قفلوا حينما صالح أبوهم فتحي، بعد أن عمّ الهم والغم كل
سكان المنزل، وبعد انتهائهم من تناول العشاء، جلسوا جميعاً
بعض الوقت، ثم دخل سلامة حجرته مع زوجته فقال لها: إنني
عارفة إيه اللي مضايقتني بجد؟

إكرام: إيه يا سلامة؟

سلامة: إن البنت صفاء الصغيرة دي تصدقه وإحنا أبوه
وأمه اللي مربينه وعارفينه كويس ما نصدقوش!

إكرام: إحنا عملنا كده بسبب خوفنا عليه وغيرتنا على
مستقبله.

سلامة: لكن مديناش نفسنا الفرصة نسمعه زى صفاء.

ضحكت إكرام وقالت: الحب بقى.

سلامة: حب إيه في سنهم دي؟

إكرام: يا سلام يا خويا.. قال يعني ما كنتش بتحبني من
وإنت في سنه دي. مش قلت لي كده؟

سلامة: وإنني مش كنتي بتقعدي تبصي عليا في الراححة وفي
الحاية؟

إكرام: غلطانة، أنا اللي كنت بحبك.

سلامة في انزعاج وقد ذهبت ابتسامته: كنتي!!! ودلوقت يا أم فتحي؟

إكرام في دلال: بحبك أكثر يا أبو فتحي.

وضحكا بشدة حتى خشيا أن يسمعهما أطفالهما.

ومنذ ذلك اليوم قاطع فتحي وصفاء ميادة ولم يتلفظا معها بأية كلمة وإن كان حتى إلقاء التحية.

مرت الأيام كتيبة متعبة، إحساس فظيع بالظلم يحتاج نفس الفتى الصغير، تعلّم طعم المرار وهو في تلك السن، إلا أنه بعد أسبوع فقط، حدث شيء لم يكن متوقعًا على الإطلاق، فلقد كان سلامة وزوجته وأولاده يجلسون كعادتهم بعد رجوع سلامة من عمله أمام التلفزيون، في تلك الليلة الصيفية الجميلة سمعوا دقًا على الباب، فقام فريد ليفتح الباب، فإذا به وجهًا لوجه أمام الحاج عبد الله، فدهش الفتى حتى إنه لم يستمع إلى الحاج وهو يسأل عن أبيه الذي ما إن ترامى إلى مسامعه صوت الحاج عبد الله، حتى قام إليه علي الفور، ورحّب به، فقال الرجل ووجهه إلى الأرض خجلًا: آسف يا سلامة.

تعجّب سلامة وقال: آسف على إبه يا حاج؟

— ظلمت ابنك، واتهمته من غير ما أتتحقق من كلام بني، عماني الغضب.

- يعني إيه الكلام ده؟
- يعني ابنك بريء وبنتي هي الكذابة، أنا عرفت الحقيقة منها بنفسها.
- صحيح يا حاج؟
- صحيح ومن بكره إن شاء الله يرجع الورشة ينورها وربنا يخليهولك.
- ربنا يخليك يا حاج ده إنت شلت من على قلبي هم كبير.
- ربنا ما يجيب هم يا سلامة ويحفظ الود بينا.
- وانصرف عبد الله تاركًا البيت المهموم سعيدًا فرحًا، وجرى فتحي نحو حجرته، ووقف في النافذة ونادى صفاء بالإشارة المتفق عليها بينهما، فخرجت بسرعة إليه وقالت: في إيه يسا فتحي، خير؟
- خير يا وش الخير، الحاج عبد الله جه واعتذر لي، وقال إن بنته كذبت عليه.
- صحيح الكلام ده؟
- صحيح يا صفاء، بس أنا مش عارف إيه اللي خلاها تغير موقفها!
- عندك حق، إيه اللي خلاها تغير كلامها؟

لكن لم يشغلها الأمر طويلاً، فالفرحة أنستهما أي كلام.
وفي اليوم التالي ذهبت صفاء لمزل فتحي وهي منتهلة فرحة،
فقالت لها أمه: - - خير إيه اللي مفرحك كده يا بنتي؟
وسألها فتحي السؤال ذاته فقالت: عرفت الحقيقة وإيه اللي
خلّى ميادة تغير كلامها وتقول الحق.

صاحت أم فتحي: إيه يا صفاء، اتكلمي بسرعة، قولي.
- أبويا هو السبب.

قال فتحي: إزاي ده؟

صرخت صفاء: ما تقاطعنيش بقى، وصممت برهة ثم
أكملت قائلة: أبويا شافها مرة واقفة مع واد ساكن في أول
البلد ما خدش في باله، وسكت، وبعدين شافها مرة ثانية، وبعد
الكلام اللي قالته عنك، شافها ثالث مرة، فلم يسكت، ذهب
حيث كانت وشدها من دراعها، وساعة الواد ما شافه جرى
بسرعة وقال لها: شوفي بقى شفتك ثلاث مرات مع السواد ده،
وهروح أقول لأبوك، خافت ميادة وقالت له: لأ.. في عرضك
يا عم محمود.

قال لها أبويا: عايزان ما أقولش؟ روجي قولي الحقيقة
لأبوكي.. قولي له إنك كدبتى، وافتريتى على فتحي.

قالت: بس.....

قال: من غير بس.. بقول لك لتقولي لأبوكي الحقيقة، لا أروح أقول لأبوكي علي اللي أنا شفتة.. وإنني عارفة إن أبوكي بيصدقني، وراحت قالت له، وجه اعتذر لك.

صاحت أم فتحي في فرح: ربنا يخليكي يا وش الخير، ده إنني تستاهلي حاجة حلوة على الخير الحلو اللي زيك.

قالت صفاء وقد احمر وجهها في خجل: شكرًا يا نحالي.

نظر إليها وقال: طول عمر الخير بيحي وراها، وفي أيدها، وطول عمرها بتسعدني وتفرّحني.

- نجد يا فتحي.. بفرحك؟

- طبعًا.. لأنك الحاجة الحلوة في حياتي.

ازداد خجل الفتاة، وانصرفت على الفور قبل أن تأخذ الحاجة الحلوة التي دخلت أم فتحي لتجلبها لها، فأرسلتها إليها مع ابنتها الصغيرة.

في الكلية، جلس فتحي إلى جوار صفاء في المدرج، وفتحاً صفحة جديدة ابتدأها بـ(بسم الله الرحمن الرحيم)، وكتباً التاريخ (العشرون من فبراير، عام ألف وتسعمائة.....)

كان أول يوم لهما في الفصل الدراسي الثاني من عامهما الجامعي الأول.

منذ بداية دراستهما في الكلية وهما لا يفترقان، فهو إلى حوارها في كل محاضرة، يتابعان ما يقوله الأستاذ في الكتاب، أو حين يكتبون خلفه، فهما يكملان الكلمات من بعض، حتى في المساء يجلسان أحياناً كثيرة في إعادة كتابتها بخط واضح وبنظام حتى تسهل مذكرتهما بعد ذلك.

من يتطلع إلى وجه صفاء قد لا يشعر بالراحة لأول وهلة، ومن يتعامل معها يتعجب من استكانتها الواضحة، ولين عريكته، لأن وجهها ينطق بقوة غريبة، قوة خفية لا تظهر في تصرفاتها مما يُثير تعجب الآخرين، فعيوننا واسعة عميقة حاجباها غليظان متصلان بشكل يُعطيها القوة التي تؤهلها لتكون شخصية قيادية، جبهتها العريضة وشفاتها الغليظتان بعض الشيء وشعرها الذي لم يكن طويلاً ولم يكن ناعماً، قالت لها مرة إحدى زميلاتها إن جمالها من النوع المثير وليس

من النوع الهادئ الذي يستمتع المرء بالنظر إليه مدة طويلة، إنها ذات جمال يريد معه المرء اقتناصها دون تردد.

لكنها لم تُعر هذا الكلام انتباهًا، فإنَّ ما يتردد داخلها ومسا تشعر به أبدًا لا تُحدث به أحدًا، حتى فتحي، كل ما يدور في نفسها ملكها وحدها، وهي لا تقول إلا ما تريد أنْ تقوله، وغير ذلك فهي لا تُفصح عن شيء.

إنها كيان مستقل بذاته، صندوق مغلق على محتوياته، وبدخله مفتاحه، لا يحقُّ لأحد أنْ يفكر حتى بمحاولة اختراقه.

لها معتقداتها الخاصة، وأفكارها، وآمالها، وكل ذلك لها وحدها، فهي تسير مجتمعتها في كل ما يطلبه منها، تسير وفق تقاليده، بل وتشارك في إحيائها، كأنها فرد ممن صنعوا تلك التقاليد، رغم أنَّها من الداخل غير ذلك، فهي على اختلاف كبير مع الناس، ومع الشارع، ومع التقاليد، وإنَّ كانت تتصرف بعكس ذلك، وهذا ليس لأنها لا تمتلك الجرأة لمواجهة الآخرين بمعتقداتها ورغباتها، ولكن لأنَّ هناك شيئًا بداخلها هي، تعرفه هي وحدها يحول بينها وبين البوح بمكنوناتها.

انتهت المحاضرة، وخرج الطلبة من المدرج، وبقي فتحي، لأنَّ صفاء مازالت جالسة، قال لها: يلا مش هتخرجي؟
-لا هستنى شوية.

- ليه؟

- إيمان وسارة هيعدوا عليّ دلوقتي.

- بس إحنا لسه ورانا محاضرات.

- مش محضر باقي المحاضرات هخرج معاهم.

— فيه إيه يا صفاء من إمتي بتسيي محاضرة؟

- إيه يا فتحي؟ طلبة الحقوق كلهم ما حدش بيهتمه الحضور، وانت عارف، حتى وان غبت، مش هلاحظ حد إنك غايب.

- طب هتروحي فين؟

- مش عارفة إحنا هتتمشي ونشوف المحلات.

- هشوفك في المطة.

- هقابلك على قطر ثلاثة ونص، وصمتت برهة قبل أن تواصل حديثها: أهم وصلوا، باي يا فتحي.

— باي، وصمتت برهة ثم أردف منادياً: صفاء.

- نعم.

- خلى بالك من نفسك.

ابتسمت ثم انصرفت.

ودارت رأس فتحي، لم تكن صفاء هكذا من قبل، لم تكن أبداً لتترك محاضرة ودائماً تذاكر، ما الذي حدث؟! أسئلة كثيرة دارت برأسه لم ينقذه منها سوى يحيى، أشرف وعروجهما لشرب الشاي، خرج فتحي مع أشرف وذهبه مشغول بأمورها حتى إنَّ أشرف سأله عن سر شروده فأخبره.

فقال له أشرف: إيه يا فتحي؟ ما تسيبها يا أخي تخرج مع صاحباتها.. حل عنها.. إنت ما بترهقش؟

-أنا؟! أنا أزهد من صفاء؟! أبداً، طب أزهد إزاي، حد يزهد من نفسه؟ من دمه اللي بيحري في عروقه؟ من الهواء اللي بيتنفسه؟

- يا سلام يا سيدتي.. إيه يا ابني ده كله؟ ده إنت شوية، شوية هتقول فيها شعر!

كان فتحي يرى الدنيا بعينها، أحلامه كلها معها، لم يعرف غيرها، ولم يهوى سواها، إنها كل عمره الصغير.

وفي الثالثة كان في محطة القطار، وبعد قليل جاءت هسي بصحبة إيمان وسارة، أسرع إليها قائلاً: حمد الله على السلامة.

-الله يسلمك، أما يا فتحي شوفنا شوية حاجات تجن!

-انبسطي؟

- جدًا، كان أحلى يوم.

أخرج فتحي من جيبه باكو بسكويت، وأعطاه لها، فرفضته
قائلة: لا يا فتحي أنا أكلت.

-أول مرة ترفضني حاجة بديها لك.

-إنت زعلت؟ مش قصدي يا توحة.

لم تتغير صفاء كما ظن فتحي، فهي كما هي، وإنما هي في
سبيلها لإطلاق ما ظَلَّ حبيسًا في عقلها وقلبها، ولكن مازال
الوقت مبكرًا لذلك، فهي بعد لم تقرر متى يحين الموعد.

وصل القطار إلى المدينة ووصل كلٌّ إلى بيته.

وما إنْ ولج إلى بيته حتى تهللت أسارير أمه، وأخذته في
حضانها قائلة: حمد لله على السلامة، يلا يا حبيبي على ما تغير
هدومك أكون حطيت الأكل.

دخل فتحي ليستبدل ملابسه، وضع كتبه على تلك المنضدة
الصغيرة التي يذاكر عليها، ثم خلع قميصه، وبنطلونه، والبلوفر
الصوف وعلقهم بعناية، فهو برغم قلة عدد ملابسه، إلا أنَّه
يُحافظ عليها، ويحرص على أن تكون مُنسَّقة، وأنيقة، فيبدو
مظهره جيدًا، وارتدى ملابسه المزلية ثم فتح الشباك رغم برودة
الجو في شهر فبراير وانتظرها.

دخلت البيت وهي تقول: سلامٌ عليكم، قالت أمها وفي
يدها ميرد تقليم الأظافر: وعليكم السلام، حمد الله على

السلامة.. يلا غَيّري هدومك، الأكل في المطبخ، سنجنيه،
وكلي، وواصلت تقليد أظافرها.

دخلت حجرتها، ألقت بكتيها على مكتبها ثم غيّرت
ملابسها، ونثرتها على السرير، وارتدت بيجامتها وهمت أن
تخرج إلى المطبخ ولكنها تراجعته حيث ذهبته إلى الشباك
وفتحته، ليطالعها وجه فتحي بابتسامته المأدبة وهو يقول:
هبيّض المحاضرات، وهجيها لك.

- شكرًا يا فتحي.

-أمي بتنده عليا عشان أكل.. ما تيجي تاكلي معايا.

-أنا هدخل أسخن الأكل ما تيجي إنت.

- لو معجيكيش الأكل هستناكي.

ودخل كل منهما ليتناول طعامه.

مازال فتحي منشغلاً بأمرها، أما هي فقد بدأ رأسها يدور،
منذ فترة تفكر وتفكر، وقد حان الأوان لرفع راية العصيان
والتمرد، باتت حثيثاً رغبتها في إظهار آمالها، وطموحها الذي
ظلّ مكبوتاً داخلها، تريد الخروج للنور وللحياة، وهي تُحجّم
نفسها بقدر ما تستطيع، لم تكن تريد أن يتهمها الآخرون بأنها
متمردة، غير راضية بمعيشتها، ومعيشة أهلها، نساظرة إلى مَنْ
يفوقها غنى ومكانة، لم تكن تريد أن يظنها الناس منذ صغرها
هكذا، لذا فلقد حرصت على الكتمان، حتى عن أعز الناس.

ولكن ماذا تفعل حتى تصل إلى ما تربو إليه، وما تتمناه؟ إن طموحها ليس في المال وإنما في مكانة اجتماعية مرموقة، ولم يكن يشغلها كونها ابنة عامل في ورشة نجارة، كل هذا لم يكن يشغل بالها، إن ما تفكر فيه حقاً، ويخبرها هو كيف لها أن تبدأ الطريق لتصل لمرامها؟ كانت تدور مع صديقاتها في الشارع وكل ما تفكر فيه هو كيف تنطلق؟ كيف تواجه الجميع برغبتها؟ وكيف تواجه فتحي الرومانسي الحالم الطيب طيبة أبيها؟؟!!

أبوها وأمها السبب الرئيسي في دفعها للتمرد، فحب أبوها لأُمها يجعله يصير على أفعالها وتبذيرها، وقوتها الواضحة المهيمنة عليه، لقد تعلمت من أمها الكثير والكثير، تعلمت أن تكون في قوتها، وعنفوانها وصلابتها، وأهم ما تعلمته وأتقنت طسوال السنوات الماضية تعلمه، هو ألا تكون كأُمها في لامبالتها، في إهمالها، في تبذيرها، وورثت عن أبيها رغباً عنها أن تعطى مثلما تأخذ، لأن الأخذ على الدوام هو الأمانة بعينها، لكن والدها البسيط اعتاد العطاء دون النظر إلى ما يأخذ، أما هي فقد وعت الدرس، وأصبحت تُعطى بقدر ما تأخذ، فلا تكون مدينة لأحد ولا أحد مدين لها، ولكن الأهم هو أن يكون كل شيء يُخدم نفسها وحدها.

بعد الانتهاء من طعامها، جلست تُعدّ خططها للوصول إلى ما تأمل، واهتدت إلى أن أول الطريق هو الانفتاح على المجتمع الجديد الذي دخلته، ولم تفكر لحظة أن تكتشفه ظناً منها أنها مازالت في مرحلة انتقالية، دون أن تعرف أن قدمها وطأت بالفعل أول درجة في السلم، ولا بد أن تصعدها، والسبيل الوحيد هو عدم الانغلاق على مجتمع شارعها الضيق ومدينتها الصغيرة.

إن الكلية بها من كل مكان في الجمهورية طلبة وطالبات، لم لا تحاول الولوج إلى عالمهم ولو حتى من بعيد، لا بد من الخروج من دائرة فتحي وسارة وإيمان وأشرف، لا بد من أن يكون هناك صلات بالآخرين وعلاقات تفتح الطرق المغلقة وتسهّل الدروب العسيرة، وتقرب الآمال البعيدة، وحينما وصلت إلى تلك المرحلة، سمعت دقات على باب حجرتها، دقات تعرف صاحبها قدر معرفتها بنفسها فقالت: ادخل يا فتحي.

دخل وهو يتنسم ويقول: أنا قلت نبيّض المحاضرات سواء، وأعوض الوقت اللي غبتي فيه النهارده.
قابلت كلماته بابتسامة لم يعرف مغزاها ثم قالت: يلا نكتب يا رايق.

وصمتت قليلاً قبل أن تُكمل حديثها: إلا ما سمعتش حاجة
عن نتيجة أعمال السنة النهارده؟

- يقولوا له أسبوعين كمان، إيه؟ خايفة؟

- يعني.

- طول عمرك بتقلقي من النتيجة، بس أنا واثق إنك
هتتجحي، وبتقدير، وبعدين دي امتحانات أعمال سنة.

- تقدير إيه يا ابني، إنت مسمعتش إن مفيش حد بياخد
تقدير في الكلية دي أبداً؟ وإن معظم الطلبة يا إما مقبول يا إما
شايلين مواد والباقي بيعيد السنة!

- نفسي تبقى متفائلة.

- وأنا نفسي تبقى واقعي.

- هو حرام نخلم؟

- الخلم مش حرام، بس نكون قادرين نحققه، أو على الأقل
تكون حساباتنا بتقول إن ممكن تحقيقه.

- حسابات إيه في الأحلام يا صفاء؟

- لازم نحسب يا فتحي، المجتمع اللي إحنا عايشين فيه يقول
إنك إن ما درستش كل شيء بعناية، وبجد مش هتقدر تحقق
أي شيء.

- كان من باب أولى تخشى تجارة، مش حقوق.

- حوّل كل كلامنا لهذا وأنا بتكلم بجد.

- جد إيه يا شيخة سبيننا نعيش سننا.

لم يكن برأس فتحي ما برأس صفاء، ولم يستطع التوصل من كلامها إلى ما تريده أن يصل إليه، هي تعلم أن إيصاله إلى تلك المرحلة التي وصلت إليها أصعب مما تتخيل، لأنه ببساطة غير مؤمن بما تعتقد، لذلك فهي ستحاول ولكن دون أن تتأخر عما رسمته لنفسها، حتى وإن اضطرت لعمل شيء غير متوقع.

وفي أثناء جلوسهما سوياً، ترامى إلى مسامعهما صوت شجار وصياح، فلقد كانت كريمة أرملة شقيق الحاج عبد الله تصيح بصوت جهوري في أطفال الشارع الذين مسحوا أيديهم المتسخة في غسيلها المنشور، ولأنها تسكن في الطابق الأول، فغسيلها قريب من الأرض، ولهذا دائماً ما كانت تجده متسخاً، من فعل الأطفال، ولكن تلك المرة رأهم بعينها، كانوا أولاد جودة السمسار وشوقي العلاف الذين يقطنون الشارع الخلفي.

وما إن سمعا صياح كريمة حتى هبّا إليها ليساعداها، رغم استياء صفاء من تفاهة مشاكل الشارع وخناقهم المستمر والمشاجرات المنتشرة بسبب جارة نشرت غسيل فوق غسيل جارها، أصوات الأطفال العالية حين تلعب في الشارع وصياح

أحد الجيران لأنها تزعمه، وقد يكونون جيراناً أكليين نائمين
سويًا ويتشاجرون أمام كشك العيش لرغبة أحدهم أن ينصرف
أسرع من جاره، الكثير والكثير، وكأن الدنيا خلست من
المشكلات حقاً لتتشاجر حول التفاهات التي بقليل من النظام
سوف يتم التغلب عليها، فلو حددت الجارات يوماً لكل جارة
للغسيل، لما نشرت إحداها على غسيل الأخرى، وإذا أرادت
واحدة حرق النظام لسبب طارئ فيجب عليها استئذان جارها
أولاً.

وإذا فتحنا مراكز الشباب للصبية والبنات على حد سواء
لممارسة الرياضة واللعب، لما سمعنا جاراً يصيح في طفل لأن
صوته يزعجه، ولو علمنا أطفالنا أن لكل فرد منا حرية
شخصية يجب أن يناها دون أن يضر بها غيره، وأنه يجب أن
يحافظ على ملكيات غيره، كما يحافظ على ممتلكاته، لما سمعنا
عن عبث أحد بأشياء غيره.

ولكنه الناس في بلدنا أصبحوا ينسون مشكلات بلدهم التي
تغرق في بحور من التأخر والتخلف، ينسون غلاء الأسعار،
ورداءة الصناعة المحلية، وغزو المنتجات الأجنبية لسوقنا المصري
وفرض نفسها علينا، نسوا انفتاح أسواق التجارة العالمية، وعدم
وجود ضوابط على الاستيراد الذي من مضاره أن نغرق أكثر
وأكثر، ومن الممكن بل من المؤكد أن تنهار صناعاتنا أمام

السيل المتدفق من الخارج ناتج التكنولوجيا الحديثة إذا لم تتطور
بدرجة تفوق كل شيء، متحدين الوقت والموارد والزمن، نسينا
كل هذا ولم يعد يشغلنا سوى تلك المشكلات الصغيرة التي تملأ
حياتنا!

أفاقت من شرودها على صوت كريمة وهي تقول لها:
افتحي المية شوية يا صفاء عشان الهدوم تنصف.

- كده كويس يا خالتي؟ ده فيه شعوب مش لاقية المية
وإحنا بنعترها بيمين وشمال!

رد فتحي: صفاء، خالتك كريمة مش حمل مناقشات
معاكي.

- وهو أنا اتكلمت؟ أنا بقول الحسق، بكره يجي يوم
ومتلاقيش نقطة المية وساعتها بس هنفوق ونعرف إن إحنا
السبب لأننا ما حافظناش على نعمة ربنا.

قالت كريمة في عفوية: يا بنتي ربنا الرزاق.. ثم إحنا فبين
وبكره فين؟

قالت صفاء وقد أخذتها الحمية: بكره قريب قوي يا
خالتي.. بكره بتاع ولادي وأحفادك اللي في يوم من الأيام
هيبقى نفسهم يسألونا إنتم سبتوا لنا إيه؟ السؤال اللي بتسأله
كل الأجيال اللي سبقوا، بس الأجيال اللي جاية حياتها هتبقى
أصعب، لأن الزمن كل يوم بيصعب عن اليوم اللي قبله، الموارد

بتقل، وقيمة النبي آدم بتقل، وربنا يا خالتي هيسألنا إنتم عشتم
في الدنيا اللي وهيت لكم فيها كل النعم عملتوا بيها إيه؟
استمتعتم بيها ومتعنتم غيركم ولا كنتم أنانيين وخذتوها
لروحكم؟

صرخ فتحي فيها: صفاء بالراحة إنتي مش في مؤتمر سياسي!
قالت صفاء في حدة: الأسرة دولة.. وشارعنا مجموعة دول،
لابد من التنسيق بينها حتى تسير الأمور وفق النظام المتفق عليه،
ومدينتنا الصغيرة هي العالم الذي نحيا به، وفي ظل العولمة
الجديدة يجب أن يكون هناك تواصل واتصال داخل العالم بما
يضمن للفرد حياته وعدم التجني عليه.

قالت كريمة: إيه اللي بتقوليه ده يا بنتي أنا مش فاهمة
حاجة.

قال فتحي: معلش يا خالتي، دي بس تخاريف قبل النوم،
سلام يا خالتي كريمة، نشوفك الصبح وعليكي خير.
وأخذ صفاء من يدها وخرج وحينها قالت: أنا بخزف يا
فتحي؟!!

قال مصالحا لها: أنا مش قصدي.. بس هي الست البسيطة
دي إيه فهمها الكلام اللي بتقوليه؟

- لازم تفهم، وغيرها يفهم، كفاية جهل وأمية، الزمن الجاي
مش بتاع الجهل اللي إحنا فيه ده، ده محتاج وحوش وغيلان.
- يا صفاء حرام عليكى..أنا نفسي تعيشي سنك وتطللى
تحسسينى إن إحنا في غابة، الدنيا جميلة يا صفاء عيشي
واستمعي بيها.
- بكره يا فتحي تعرف وتؤمن غصب عنك باللي بقوله،
وساعتها هتبقى مش مهياً ليه، وهتعرف معنى الندم.
- ربنا ما يجيب ندم تصبحي على خير.
- وإنت من أهله، قالتها ولسان حالها ينطق خسارة.

أتى صباح جديد يُمحو يوماً مضى ويزيد يوماً في أعمار
 أهل الشارع، وفي موعده تماماً - ككل يوم - استيقظ فتحي
 وقابل أمه بابتسامة هادئة وهو يرد صباحها، وبعد أن اغتسل
 وتوضأ وصلى، كان لابد له أن يُلقى تحية الصباح على نصفه
 الثاني، ولكنها لم تكن فتحت الشباك بعد، فتسرب الألم والقلق
 لنفسه، فقام ليرتدى ملابسه وهو يسأل نفسه: لماذا تأخرت في
 صحوها اليوم؟! وإن كانت قد صحت فلماذا لم تفتح
 الشباك؟! ووسط تساؤلاته سمع صوت أمه يناديه ليتناول
 إفطاره، ولكنه لم يلبِ نداءها، كان في انتظار صفاء لتلي نداء
 قلبه المتنازع.

وأخيراً فتحت الشباك، فتحت الدنيا كلها أمامه وهي تقول
 له: صباح الخير.

فرد تحتها ثم قال بلهفة: قلقتني عليكي.. فيه إيه؟

- مفيش بس كنت بردانة فمقدرتش أفتح الشباك.

- هنركب فطر ثمانية ونص النهارده؟

- إن شاء الله، يلا خش افطر، عشان مانتأخرش.

ودخل الاثنان وجلس فتحي ليتناول إفطاره، ثم قال لأمه:
 أمه، نفسي أكل فطر النهارده.

ردت الأم بحنان بالغ: عيني يا ضنايا هتيجي تلاقيه، حظك
حلو ستك لسه باعته زبده امبارح من البلد.

- ربنا يخليكي ليا.

- ويخليك يا حبة قلبي.

وفي الثامنة خرجت صفاء مع زميلتيها وخلفها فتحي الذي
قابل أشرف وسار الكل باتجاه المحطة.

وفي الكلية أصرت على الجلوس إلى جوار بعض الفتيات
اللاتي تظهر عليهن بعض مظاهر النعمة، وتعجب فتحي جدًا
ولكنه جلس إلى جوارها ولم يسأل، كان عليها لفت نظرهم
إليها بأي شيء، وهذا تفكيرها أنهن لن يلحأن إليها ولن
يقلوا معرفتها إلا إذا كان هناك شيء سيستفيدون به من
ورائها، وبالطبع هي لا تملك شيئاً.

وتداركت أنها تملك ما لا يملكونه، المحاضرات الكاملة في
كل مادة، فهي لا تترك كلمة يقولها الأستاذ إلا وتسجلها، وما
يقولها يكمله لها فتحي، إهن وأصدقاهن الشباب لا يفعلون
شيئاً سوى الهذر والضحك والجلوس في حديقة الكلية وأكثر
المحاضرات لا يحضرونها وإن حضروها فهم غير منبهين.
وبالفعل حدث ما توقعت، لاحظوا أنها لا تترك كلمة إلا
وتسجلها، وفكرت الفتيات في شيء واحد هو التحدث إليها

حتى يستطيع أخذ المحاضرات منها ونقلها، وبعد المحاضرة سألها عن اسمها وفتح حواراً معها، وكانت صفاء في أوج سعادتها، فهي على أول درجة من درجات السلم، ويكفي أنها فكرت جيداً ووصلت إلى ما أرادت.

قال لها فتحي: صفاء فيه إيه؟ عايزة إيه من البنات دول؟
- هعوز إيه يعني، لازم تتعرف على الناس كلها، ويبقى لك صداقات مختلفة.

- من إمتي؟ ما إحنا بقي لنا ترم كامل في الكلية، وما اتعرفتش على حد، اشمعي دلوقتي؟

- كل وقت وله أدان، والتيرم اللي فات أول ترم في الكلية، في مكان جديد تماماً عليك، يعني كان لازم تبص وتشوف كل اللي حواليك وتتعرف على المكان الأول، وبعد كده تاخذ أي خطوة، البنات دول مجتمع غير مجتمعنا، بيئة غير بيتنا ومن حقنا نتعرف على حياتهم حتى وإن مدخلناش.

- ولزومه إيه المشوار ده كله؟

- هتعرف بعدين أنا قصدي إيه.

- بس دول بيعرفوكي مصلحة ليهم.

- صدقني أنا اللي قصدت كده لأني عارفة إزاي هستفيد منهم.

- حاسس إني مش فاهمك.

- بكره هتفهمني كويس.

وقبل أن تُكمل حديثها، سمعا صوت أشرف وهو ينادى فتحي، فذهب فتحي إليه، واستدارت هي لتواجه صديقها الجدد وقالت إحداهن: على طول إني وهو مع بعض.. إيه؟ هو الجور بتاعك؟

ضحكت صفاء ضحكة هادئة وقالت: أكثر من كده.

ارتسمت الدهشة على وجوههن جميعاً وهن يقلن في نفس اللحظة: يعني إيه؟!!

-إيه؟ فكر كم راح فين؟ كل الموضوع إن إحنا جيران، البيت قصاد البيت، اتولدنا في نفس الشهر، طول عمرنا مع بعض، عايشين كأننا في بيت واحد، حتى الكلية ما افترقناش فيها، وكأننا اتخلقنا عشان نعيش مع بعض.

وبدأت الحوارات تتطور، وتأخذ جميع المسارات في جميع المواضيع، وتعرفت على أصدقاء الفتيات الشباب، كما عرفت وظيفة والد كل واحد، وكل واحدة، فسهر والدها مستشار وأمها مدرسة، وداليا والدها طبيب وكذلك أمها، لها والدها ضابط بالقوات المسلحة وأمها ربة منزل، شريف والده تاجر قطع غيار سيارات وأمها ربة منزل، عماد والده محامي كبير له مكتب في طنطا من أكبر مكاتب المحاماة.

كلّ كان فخوراً وهو يذكر مهنة والده، حتى هي كانت فخوراً وهي تقول: أبويا نجار وأمي ست بيت.

نعم لم تحجل ولم تتجمل، إنها يوماً لم تتذمر لكون أبيها بسيطاً، لم تشك حظها ولم تتمرد عليه، إنها تريد أن تكون نفسها وليس عيياً أن تمنى أن تكون شيئاً، وتصنع لنفسها مجداً طالما باستطاعتها تحقيقه بطرق شريفة لا ضير منها.

قالت سهر برقة مصطنعة: نجار؟!!!

ردت صفاء بجدة: أيوه نجار، نجار فنان كمان، أبويا بيطلع من تحت إيده تحف موييليا، مفيش حد في مهارة أبويا ولا زيه، واللي ممكن يبقى زيه فتحى لأنه متربي على إيديه في الورشة وشرب منه الصنعة وهو صغير.

قالت داليا: ومالك زعلتي كده ليه؟ سهر مش قصدها حاجة وحشة.

ردت صفاء بكياسة: عارفة بس أنا حبيت أقول لكم إنه صنايعي مفيش أخوه، وإن أنا مش نخجلانة من مهنته البسيطة.

وأغلق عماد هذا الحديث قائلاً: الواحد مننا مش بأهله المهم إحنا هنكون إيه بعد كده، صحيح أهلنا نأجحين وليهم مراكزهم، لكن يا ترى هنتجح زيههم أو حتى نحافظ على نجاحهم واسمهم.

قالت لها: ما بلاش مواضيع سخيفة بقى المهم مين اللي
شاف الفيلم الأجنبي اللي جه امبارح في التلفزيون؟
رد شريف بسرعة: أه كان تحفة، رهيب.
قالت صفاء: أنا شفته.
عماد: احكوه، أنا ما شفتوش.

وجلسوا لسمعوا قصة الفيلم، وصفاء وحدها هي من
كانت تفكر، لم يكن هناك وقت لعدم التفكير، لابد أن تشغل
عقلها جيداً وتفكر.... وتفكر وتبلور حاجتها من هؤلاء، وإلا
تكررت حكايتها كما يحدث في أفلام التلفزيون للولد الفقير
الذي يصاحب أبناء الأغنياء، فإما ينحرف ويسقط في بشر
الجريمة، وإما يصبح ثرياً، ويحاول إفقارهم، وجعلهم دائماً في
حاجة إليه، كما كان في حاجة إليهم في محاوله لإشباع عقدة
النقص لديه!

لم يكن هذا ما تقصده من محاولة التعرف على أمثال هؤلاء،
لذا يجب عليها العمل سريعاً حتى لا تظل بينهم كالنغمة
النشاز.

ظلت تفكر حتى وصلت بيتها، ولم تُحب على أسئلة فتحي
حول علاقتها الجديدة، تركته في حيرة.

ودخل فتحي البيت متجهماً، واستقبلته أمه في حضنها
وبابتسامتها الجميلة وهي تقول: عملت لك الفطير اللي نفسك
فيه يا حبيبي.

- تسلّم إيديكي، هغير هدومي وآجي حالاً.

وبدل فتحي ملابسه وفتح الشباك ونادى صفاء بإشارتهما المعهودة كانت هي الأخرى قد بدلت ملابسها قال لها: تعالى بسرعة.

- ليه فيه إيه؟

- بس تعالى حالاً.

وذهبت صفاء لديهم، لتجد صينية الفطير أمامها فصاحت قائلة: الله! فطير؟! ده أنا كان نفسي فيه.

قال فتحي: ما رضتش أكل من غيرك وأنا عارف إن إنسي بتحبيه.

وجلس الاثنان وامتدت يدها ويده لنفس الطبق في نفس الوقت، وما إن أكلت أول قضة حتى قالت: تسلّم إيديكي يا خالتي... أستاذة والله.

وأرسلت أم فتحي ليبت صفاء مع ابنتها الصغيرة فطيرة حتى يأكل منها إحوتها كما أكلت هي.

وأكلت بنهم شديد هي وفتحي، ثم بعد أن انتهت، حملت الأطباق إلى المطبخ وأعدت بنفسها الشاي، وجلسوا جميعاً يشربونه وهم يشاهدون مسلسل التلفزيون.

بعد طول تفكير وصبر مال عليها فتحي وهو يقول: مش هتجاوبي على أسلتي؟

-أُسئلة إيه؟

- ليه اتعرفتي على الشلة دي؟

- يا فتحي سبق وقلت لك إنك لازم تتعرف على كل الناس.

- صفاء أنا عارف إن ما فيش حاجة بتعملها إلا ولها سبب.. إيه السبب؟ وبعدين إنتي ما تقدرينش على مصاريفهم، ثم أنا مش طايقهم.

-إذا كان على السبب، فيه فعلا سبب، بس أفضل أحستفظ بيه للوقت المناسب، أما مصاريفهم، فدي سهلة، لأن مش هقضى معاهم معظم الأوقات، أما عنك إنت، فأنا فاهمة كويس اللي جواك، أنا معاك يا فتحي مش مع حد تاني، ويوم ما هفكر في حد مش هيبقى واحد من الناس دي.

- لكن أنا قلقان.

- إياك تقلق، قلقك يعني عدم ثقتك فيا.

- مش فيكي إنتي فيهم هم.

- مالكش دعوة بيهم، بس نصيحة مني ما تقفلش على نفسك الدائرة وتيجي في يوم ما تعرفش سبب ضيقك، افتح كل يوم شباك في مكان، اتعرف على كل الناس، إنت هتبقى محامي، والمحامي علاقات.

مرت عدة أيام حاولت فيها كسب ود العديد والعديد من الزملاء، وفتحي في حيرة من أمره، إنه يشعر بها لأول مرة في عمرهما القصير تباعد وتبتعد حتى صارت أيامه حزينة ولياليه باكية، كان يشعر باغتراب وهي إلى جواره، وما أصعب شعور المرء بالغربة وهو يحيا على أرضه وفي وطنه، لقد كانت هي الوطن، وهي المعنى لهذا القلب الشاب النابض بالحب.

لم تكن صفاء تفكر بأحد غير فتحي، ولكن الحب في حياتها درجة ثانية، لم يكن هو أول اهتماماتها وإنما هو بعد طموحها، ولكن إن قالت إن في حياتها حباً ورجلاً لكان فتحي.

ولكن من يقول له هذا؟ مَنْ يُخبره بأن ظنونه خطأ، وأن قلبها لم يتحول؟ مَنْ يُخبره؟ مَنْ يُخرجه من حيرته؟ لم يكن أمامه سوى المواجهة ولا شيء غيرها، وفي هذا اليوم كان لديهما ساعتان بين أولى المحاضرات وثانيها، وقد عقد العزم على مفاتحتها بالأمر مهما تكن العواقب والنتائج.

وما إن انتهت المحاضرة حتى التفت حولها بمجموعتها الجديدة مما جعله يشعر بالحنق والضيق فنادها، فاستأذنت منهم وأتت إليه.

قال: عايز أكلمك في موضوع مهم.

- خير؟ قالتها وقد بدت على وجهها الدهشة من أسلوب حديثه وتجهمه.

- مش هينفع هنا، تعالى نقعد في حطة بعيد عن هنا، وخرجنا سوياً وقد زادها تجهمه قلقاً.

جلس فتحي معها بعيداً عن تجمعات الطلبة وقال وهو يحاول جمع كلماته المشتتة: بدون أي مقدمات.. إنني عارفة إني بحبك.

- صحيح عمرك ما قلتها لي.. لكن عارفة.

- وإنني؟

- إنت عارف.

-لا مش عارف.

- إزاي مش عارف بعد كل حياتنا اللي قضيناها مع بعض.

- يمكن يكون تعود لكن مش حب.

-أنا عمري ما فكرت في حد غيرك، إن كان ده قصد كلامك من الآخر.

- لما إنني عارفة إن فكرى وصل لكده ليه سبتي في النار دي لوحدي؟

-لأني كنت واثقة إنك عارف قد إيه بحبك.

- يبقى لي يتبعدي عني بالشكل ده؟
- لاي بحب نفسي.
- يعني إيه مش فاهم؟
- لأني عايزة أكون حاجة، أبقى شيء مهم فيحيها وبحاول أحصل لها على أي شيء تعوزه.
- وأنا اللي واقف في طريقك؟
- لا يا فتحي، بس إنت مش قادر تفهمني ولا حتى تعمل زبي.
- وصدقاتك الجديدة هي اللي هتوصلك؟
- هستفيد من وراها في شيء واحد ممكن يكون أول درجة في سلم نجاحي.
- وأنا فين من ده كله؟
- إنت اللي مش عايز تشاركني.
- وإنني.. له مبتصارحنيش باللي جواكي واللي إنتي عايزاه؟
- لأن الوقت مش مناسب، وبعدين أنا فاكدة إننا واحد، وإننا بنفكر في نفس الشيء في نفس اللحظة لكن طلعتنا كل واحد منا في وادي.
- نظر إليها نظرة مليئة بالألم، يغزوها سؤال واحد فهمته بالطبع، وهو أين أنا في حياتك وفي مخطط نجاحك؟

ولأها فهمته ربت يديه في حنوٍ بالغ وقالت: ما تقلقش من
جهة قلبي لأنه عمره ما هيعرف غيرك.

لمستها كانت كالمخدر سريع المفعول، سرى في جسده
فاستكان، وذهب عنه غضبه، وقاما من جلستهما ليذهب هو
لأشرف صديقه وتذهب هي لأصدقائها الجدد.

قابلتها سهر بضحكة خبيثة قائلة: ساعة لقلبك وساعة
لصاحبك.

ردت صفاء وهي تبتسم: لازم نرضى جميع الأطراف.
قال عماد وعلى وجهه الدهشة: إني صحيح بتحبي الواد
ده؟

ارتسمت على ملاحظها بعض مشاعر غاضبة وهي تقول:
وماله بقي الواد ده؟

تدارك عماد خطأه وقال: ما قصدتش بس أنا حاسس إن
إني حاجة وهو حاجة تانية!

قالت في حدة: فتحي راجل تحبه وتتمناه أي واحدة وما
تندمش لأنه راجل في زمن قلت فيه الرجالة.

وصممت برهة فشعرت أنها كانت تتكلم بحدة قد تُفسد
عليها مخططها فأردفت قائلة وهي تحاول الابتسام: القلب وما
يريد يا عماد.

جملتها الهادئة الأخيرة جعلته يرد عليها قائلاً: بس مش عارف ليه أنا شايفك مع واحد تاني خالص؟ شخص له مكانة و طلة تأسر أول عينك ما تقع عليه.

قالت داليا في ضيق، وقد أغضبها حديث عماد مع صنفله، وإلحاحه عليها وكأنه يعرض عليها حبه بدلاً من فتحي، وهي التي تمواه وتحجل من مصارحته: ما قالت لك القلب ومطاييريد وإنه في نظرها راجل، ما تفهم بقي.

سهر: بس بقي، إحنا هنتخناق؟

- شريف: صحيح إيه اللي بتعملوه ده؟ وهدوء شديد قالت صفاء: شوفوا يا جماعة فتحي بعيد عنكم، وأنا فعلاً بحبه ودي مشاعري وانتم أصدقائي وأنا اللي معاكم هتقبلوني على كسده أهلاً وسهلاً، وإن كان لحد رأى تاني ممكن يقولوا دلوقت.

شريف: هو حد قال حاجة؟ إنني صاحبتنا وده المهم.. ثم إحنا أصحاب وبس.

ونظرت صفاء في ساعتها وقالت: المحاضرة، هتبدأ كمان ربع ساعة، أسبيكم عشان ألاقى مكان كويس أقعد فيه.

سهر: أنا مش هحضر أصلى مواعدة ماما تقابلني ونخرج نشترى شوية حاجات.

داليا: وأنا مليش نفس أحضر وهروح.

عماد: استني يا صفاء أنا جاي وياكي هحضر المحاضرة.

شريف لعماد وصفاء: خدوني معاكوا.

انصرفوا في اتجاه قاعة المحاضرات ما عدا سهر وداليا بالطبع
قالت سهر لداليا: مكش فيه داعي تظهر غصبك بالشكل
ده من عماد.

- إنني شوفتي كان بيكلمها إزاي، هو ماله تحب فتحي ولا
تحب فرد حتى؟

- مجرد كلام يا داليا.

-لا. هو مهتم بيها.

- حتى لو، مجرد اهتمام بشخصية من نوع جديد هاتخذ وقته
ويروح على طول مش أكثر، وإنني شوفتي هي متمسكة بفتحي
قد إيه.

- ما يمكن يكون كلام وشغل حركات وساعة عماد ما يشاور
لها تلاقيها تحت رجليه.

- ما أعتقدش وهتشوفي.

وانصرفنا كل إلى طريق.

وفي داخل قاعة المحاضرات، جلست صفاء إلى جوار فتحي
الذي رآها تدخل القاعة في صحبة عماد وشريف دون البنات،
فاشتعلت نيران الغيرة تمزقه.

بدأت في الكتابة وراء الدكتور بينما فتحي يجلس صامتًا محققًا
في كرّاسه، دون أن يُحرك ساكنًا، فقالت له في صوت
خفيض: ما بتكتبش ليه؟
- مليش نفس، مش قادر.

— مالك فيه حاجة بتوجعك؟
- لا مفيش، كان يود أن يقول لها: قلبي يؤلمني، وأنت السبب،
لكنه اكتفى بتلك الإجابة المقتضبة.

سمعته وواصلت الكتابة قبل أن تجد فرصة تتابع فيها حديثها معه
قائلة: ومين يكملني وإنت ساكت كده؟
رد عليها والغيرة تملأ صوته: واحد من اللي إنني جاية وياهم.
— آه فهمت، طيب يا فتحي.

وانتهت المحاضرة وانصرفت جموع الطلبة.
قالت صفاء: باقي ساعة على معاد القطر ومش عايزة أركب
للمحطة ما تيجي نمشي.

- زى ما نجي.
وفي الطريق قالت: أنا عارفة إنك زعلان.. بس لحد إمسي
هفضل أكّد عليك إني بحبك وإني لا يمكن أحب حد غيرك؟
- خايف أصدقك، وآخد صدمة عمري بعد كده.

- واشمعي طول عمري بصدقك.
- لأن عمري ما عملت حاجة تخليكي ما تصدقيش اللي بقوله.
- ولا أنا كمان.
- متأكدة؟
- طبعًا، يا فتحي الناس اللي إنت قلقان منهم دول صحيح إحنا ممكن نكلمهم، نصاحبهم، لكن نحبهم ونجوز منهم، صعب، ما ينفعوناش، هم حاجة وإحنا حاجة ثانية، تعرف إنت تعبتني قوى عايزني أصرخ في الشارع وأقول بحب فتحي يا ناس، أكتبها وأسجلها في الشهر العقاري؟
- لأ مفيش داعي.
- يا سلام يا واد يا ثقيل.
- أنا لا ثقيل ولا حاجة ده أنا ميت.
- بعد الشر عليك يا حبيبي.
- قلتي إيه؟
- بعد الشر عليك يا حبيبي.
- كانت تلك أول مرة تنطق فيها هذه الكلمة، فطار عقل فتحي معها ووضع يده في جيبه فحذلته نقوده فظهر الألم على وجهه فقالت: فيه إيه؟ وبطلع فلوس ليه؟

- لازم نحتفل..بس على قد دول.
- نحتفل؟! وانت كنت محتاج إن أقولك حبيبي؟ طب ليه أنا ما طلبتش تقولها لي؟
- لأنك عارفة قد إيه بحبك.
- وانت ما كنتش عارف؟
- كنت عايز أتاكد.
- وتوقفنا عند محل الحلويات، وابتاعنا علبة آيس كريم ووقفنا يتناولانها وعيونهما لا تكف عن الحديث، حديث من القلب إلى القلب.

مضى يومان بعد ذلك اليوم، وبدأ الاثنان برنامجهما المعتاد، وما إن وطأت قدماهما أرض الكلية حتى انتابها قلق، فلقد تردّد على ألسنة البعض أن اليوم موعد إعلان نتيجة الامتحانات التي أجراها الدكتور سيد أستاذ المنظمات الدولية لمادته، وكذلك باقي امتحانات المواد الأخرى والتي سوف تضاف نتائجها للتقدير النهائي للمواد آخر العام وما إن عرفت صفاء حتى شعرت بالبرد يسري في جسدها وازداد قلقها، حاول فتحي تهدئتها، وأخيرا عرفت صفاء تقديرهما التي كانت تشير لكونها من الأوائل بينما هو من أهل المقبول هو وأشرف.

فرحتها لم تكن لها حدود. إن نجاحها هذا يثبت لها إنها قادرة على تحقيق ما هو أكبر بالجهد والمثابرة.

لم تفرح صفاء بتقديرات المواد التي ظهرت نتائجها كقندر فرحتها بتقدير مادة المنظمات الدولية فلقد حصلت عليها بتقدير ممتاز، في حين رسب فيها شريف وسهر، وحصل فيها كل من فتحي وعماد على تقدير جيد، وحصل أشرف وداليا على تقدير مقبول. فرح فتحي من أجلها أكثر مما فرح لنفسه.

وقبل انتهاء أولى محاضرات هذا اليوم بقليل دخل القاعة أحد العمال، وتوجه ناحية الأستاذ، ومال عليه قائلاً بضع كلمات ثم انصرف. وفجأة سمعت صفاء اسمها يتردد على لسان الأستاذ فقامت منهشة، فأبلغها أن تصعد لتحدث

الدكتور سيد عبد السلام أستاذ القانون الدولي، أو بمعنى أصح الأستاذ الذي درس لهم مادة المنظمات الدولية بعد المحاضرة، صعدت وهي متوجسة خيفة، وأوصالها ترتعد وتبعها فتحي لينتظرها عند خروجها ليطمئن.

قابلها الأستاذ بابتسامة ووجه متفحص لها، وصافحها ودعاها للجلوس وهناها على النتيجة قبل أن يقول: أتعرفين؟ أنا أدرس هذه المادة منذ سنوات طويلة، ولم أعط لأحد فيها امتياز قبل عشر سنوات، ولكن إجاباتك أجرتني أن أضع ممتاز بدرجة خمسة وتسعين في المائة، ودا محصلش قبل كده رغم إنه مش الامتحان النهائي.

اتسعت ابتسامة صفاء وهي تسمع حديثه وقالت: متشكرة يا دكتور.

قال لها: ترتيبك الثاني تقريبا أليس كذلك؟

- لسه ماعرفتش.

- من الآن اجتهدى يمكن يكون لك نصيب، وتكوني أستاذة زميلة.

- العفو يا دكتور.

- ليه لأ؟ كل شيء بالاجتهاد بيتحقق، وأما أشوف هتعملي إيه في امتحان آخر السنة وكمان مادة القانون الدولي اللي هدرسها لكم العام القادم إن شاء الله.

-ها أكون عند حسن ظنك يا دكتور.

- عايز أسألك إيه رأيك وإحساسك تجاه القانون الدولي؟

- أول ما فتحت كتاب المنظمات حسيت بشيء غريب.
حاجة بتدفعني إني اقرأ، وقرأ كويس وأتمعن في الكلام، أنا مش
بدرس قوانين لفض منازعات بين شخصين، أو عدة أشخاص،
أو قوانين تحكم في قضايا السرقة والقتل، وما شابه، وكلها
خصومها محدودة، وإنما أنا أمام شيء أكبر من هذا، كيانات
كبيرة، دول متكاملة وشعوب ومصائر من خلال وضع قوانين
تنظم العلاقات والعمل بين دول العالم ككل، وإن الفرد
المخطئ هنا ليس شخصاً بعينه وإنما هو أمة بأسرها.

- أتعلمين يا بنيتي إن هذا كان إحساسي حينما درست
تلك المادة لأول مرة واستهوتني حتى أصبحت أستاذًا لها.

- كم أتمنى أن ادرسها وأنخصص فيها!

- ليس بعيداً على الله، ذاكري واجتهدي فلكل مجتهدٍ
نصيب.

- إن شاء الله، متشكراً يا دكتور.

قالتها وانصرفت لتجد فتحي أمامها يسألها: ماذا حدث؟

- مفيش كان عاوز يعرف مين دي اللي حصلت على
تقدير ممتاز في مادته.

إن نجاح صفاء بتلك التقديرات كان دافعاً للكثيرين —
وليس أستاذها فقط — ليتعرفوا عليها ومبشراً لمستقبلها بالكلية،
جميع الطلبة كانت بهم رغبة لمعرفة تلك الفتاة التي احتلت المرتبة
الثانية، حتى عبد الله الذي كان يظهر عليه منذ البدايات أنه
متفوق فهو من كان يسأل الأساتذة ويستفسر عن كل شيء
ويناقش ويجلس في المكتبة كثيراً. سعى لمعرفة.

أما هي فكانت في المحاضرات أشبه بالمقعد الذي تجلس عليه
لاحس ولا حركة من أي نوع، فقط تكتب المحاضرات
وتسجل كل كلمة ينطق بها الأستاذ وغير ذلك لا تفعل، لقد
أتى عبد الله ليعرف من تلك التي سوف تنافسه على احتلال
مكانه وسحب البساط من تحت أقدامه.

ووجدت نفسها بين الكثيرين، وقبل أن تشعر بأنها تائهة
وسط هذا الجمع وأنها ستكف عن التفكير، أخذت نفسها من
بينهم وتركت الكلية كلها وخرجت دون أن تنتظر فتحسب
كعادتها، انطلقت إلى البيت، وكل ما تفكر فيه هو كيف لها أن
تصرف هذا الجمع الغفير عنها، وتلك العيون المتطفلة التي تتطلع
إليها، وسوف ترمقها أينما ذهبت، تلك الشهرة لم تكن ببساطة
فهي تود أن تؤدي كل شيء بنودة ورويسة، ودون علم أي
مخلوق، فهي دائماً لا تُشهد أحداً ما تفعل، هكذا ستكون كل
العيون عليها ستفقددها خصوصيتها ورغبتها الصامتة في عمل
أي شيء دون معرفة الآخرين، كان لابد أن تعيد حساباتها من

جديد وأن تفكر عليها أن تعمل على استعادة حياتها قبل انفلاتها من بين يديها.

على الجانب الآخر كان هناك فتحي الذي يبحث عن نصفه المفقود، عن حلمه الذي يشعر به يتسرب من بين يديه دون أن يفعل شيئاً، اشتد قلقه عليها لقد بحث عنها في كل مكان ولم يجدها، فانطلق على غير هدى، ولم ينتظر موعد القطار، ذهب في الأتوبيس لبلدته، وبخطوات واسعة متعجلة كانت أشبه بالعدو اخترق الشارع الرئيسي للمدينة حتى وصل شارعهم دخله وهو على نفس سرعته، طرق باب بيتها دون تردد، وبقوة حتى فتح الباب وكانت هي فاتحته فانطلق فيها كالمذفع: في إيه يا صفاء، إزاي تمشي من غير ما تقولي لي؟ أنا تعب من اللف عليك، القلق كان هيموتي.

-أنا آسفة، قالتها وصمتت.

-هوده اللي عندك وقدرت تقولييه؟

لم تُحب، وظلّت على صمتها ثم تركته، ودخلت فدخل خلفها وهو يقول: صفاء المفروض النهارده نكون فرحانين، ده إحنا ناجحين، وإنتي بالذات المفروض تكوني أكثر واحدة فرحانة، دا لو حسبنا تقديرات المواد اللي ظهرت بس بتقسي تقريبا الثانية، ولا إنتي زعلانة وكان نفسك تبقى الأولى.

لم تعرف بماذا تجيبه؟ كل الكلمات محبوسة في حلقها، تأتي الخروج، ثم ماذا تقول؟ إنه لن يفهمها، لن يفهم رغبتها الملحة

في العمل في صمت وفي التوحد الذي قواه، ثم هي نفسها لا تفهم، كيف كانت تدعوه للانفتاح على الناس ومعرفتهم! وفجأة حينما تجدهم إلى جوارها تخشاهم؟ وكيف لإنسانة تتمنى أن يكون لها مكانة اجتماعية مرموقة ومزلة في مجتمعها تخشى الشهرة والناس؟ أم أنها تخشى أن تكون موضعاً لاستغلالهم ولا مجال لاستفادتها منهم؟

وبينما هي مستغرقة في التفكير قاطعها فتحي قائلاً: صفاء ردى على حرام عليكى.

- مفيش يا فتحي، أنا بس تعبت من كل الناس اللي كانت حوالى، هربت منهم بعد ما حسيت إهم طابقين على نفسي.

- بقى كده يا شيخة؟ وتضيعى علينا فرحة النجاح.

- صحيح. ألف مبروك يا توحة. بس مش لو كنت سمعت كلامي وذاكرت شوية كنت جبت تقدير.

- يا ستي. المهم إن أنا نجحت وخلّص، وكفاية على نجاحك إنتي يا حبيبتى.

قالها والابتسامة تملأ وجهه فبادلته الابتسام، وصمت برهة ثم قال لها: على فكرة أنا عندي ليكي هدية بمناسبة نجاحك، بس يا رب تعجبك.

-هدية ليّ أنا؟

-أيوه صنع إديه وحياة عينيه هروح أجيبها وأجي.

وذهب فتحي ليحضر هديته التي عكف على صنعها أياماً حتى ظهرت بهذا الشكل البديع، كانت هديته عبارة عن ميدالية مفاتيح من الخشب مكتوب عليها اسمه واسمها بتناغم وخط بديع ومفرغة بحيث يظهر الاسم فقط وكأن الحروف رصت إلى الجوار بعضها في الهواء، بالإضافة إلى قطعة فنية بالخشب أيضاً مصنوعة بمشمار الأركت. كان يعشق الخشب، ويشعر بالألفة وهو يتعامل معه، وكأنه قطعة منه، وهو ليس صانعاً ماهراً فقط وإنما فنان فهو يصنع أشكالاً مصغرة ونماذج تماثل تلك الكبيرة التي يصنعها في الورشة بنفس الإتقان والجمال فتمثل قطعاً يمكن تزيين البيوت بها كأكسسوار يضيف جمالاً للمكان.

وما إن رأها حتى بُهرت بجمالها ورقتها ودقة صنعها، وأخرجت هي الأخرى هدية له اشترتها منذ أيام واحتفظت بها، ساعة جميلة الشكل رخيصة الثمن جداً، ولكن لقد ادخرت ثمنها بصعوبة فلقد كان يجب أن تشتريها لأن ساعته كُسرت منه ولم يُجد معها الإصلاح.

فرح فتحي بهديتها، وشكرها عليها كما شكرته على هديته، وأعدت لهما أمها طعام الغداء وتناولاه سوياً.

وكانت فرحة العائلتين كبيرة حتى أن أم فتحي أخذت ترغرد حتى تجمع أهل الشارع في بيتها وهنأوا فتحي وصفاء على نجاحهما وشربوا الشربات الذي أحضره أبو صفاء الفخور

بابتها المتفوقة، على الرغم من أنها ليست نتيجة نهائية. لم يمض أسبوعٌ على نجاحهما في امتحانات أعمال السنة التي اعتبروها كألمام امتحانات آخر العام وانطلاق الزغاريد من فم أم فتحي حتى تردد في الشارع صوت زغاريد أخرى، خرج جميع أهل الشارع ليعرفوا مصدرها وبالفعل حددوا مكانها فهي صادرة من بيت الحاج عبد الله، يا ترى ماذا حدث؟ الجميع يترقب وما هي إلا سويغات وانتشر الخبر، فلقد تمت قراءة فاتحة ميادة إلى سيد تاجر الماشية الكبير وابن تاجر الماشية وحفيد تاجر ماشية فالمهنة متوارثة في العائلة عبر أجيال بعيدة، وسيد هذا شابٌ وسيمٌ نوعاً في الثالثة والثلاثين من عمره، عُرف عنه كرهه لفكرة الزواج، أو الارتباط بأي امرأة حتى شاهد ميادة فتغيرت كل أفكاره وسعى شاب الثلاثينيات للارتباط بميادة التي لم تكمل التاسعة عشر ربيعاً من عمرها، ولكنه شاب لقطعة كما قال الجميع، وسيضمن لميادة الحياة التي تمنها والتي تعشقها حياة البذخ والاستعراض.

لم يذهب فتحي مع أبيه ليبارك ولم تذهب صفاء فالجميع يعلمون ما بينهما وبين ميادة، ولم يلومهما أحد، يكفي أن يتذكر فتحي ما حدث منها وما ناله من ورائها حتى يقشعر جسده فهو لا يطيق مجرد سماع اسمها.

وحينما أتت أم ميادة لمزل أم فتحي لتريها شبكة ابنتها كانت صفاء مع فتحي يكتبان المحاضرات وما إن وقعت عينهما على الذهب حتى اتسعتا عن آخرهما فهما لم يريا أبداً تلك

الكمية من الذهب التي تقدر بخمسة عشر ألفا من الجنيهات،
لقد عقدت ألسنتهما فلم ينطقا ولو حتى بكلمة مبروك.
وانصرفت أم ميادة فقال فتحي كلمة واحدة: حظوظ.
قالت صفاء: عندك حق هي الدنيا كده حظوظ.

- بس تفتكري كل الذهب ده والفلوس اللي بالكوم دي
هتضمن لها السعادة ولا حتى ضحكة من القلب؟

-إنت مالك بتكلم زى الناس المتواكلين اللي دائما باصين
لروحهم إنهم في أحسن حال رغم إن هما مش كده؟ ومن
جواهرهم عايزين الأحسن لكن مش قادرين والآخر يقولوا
كلمتين زى اللي قلتهم بالضبط.

- مش عارف أنا متلخبط.

- وإيه سبب اللخطة.

- حاسس إن الدنيا ماشية بالمقلوب.

- ليه؟

- ليه واحدة بصفات ميادة السيئة ترتبط بإنسان غني
ويضمن لها حياة مرتاحة رغم إن هي ما تستاهلش؟

-أولاً وقبل أي شيء ربنا وحده الأعلم والأدرى بلمماذا
يحدث هذا وله حكمة من ذلك، ثم إنت ما سمعتش المثل اللي
يقول الطيور على أشكالها تقع، مش يمكن يكون هو زيها
بالضبط.

وبعد فترة صمت قطعتها صفاء: ما تشغلش بالك وخلينا في اللي إحنا فيه إحنا مشوارنا طويل.

وعادت أيام صفاء تسير على وتيرتها السابقة برغم محاولة الكثيرين التقرب منها ليستفيدوا منها في معرفة المهيم في المحاضرات، ونقل ما كتبه وما شابه. حتى عبد الله منافسها أصبح يحدثها كثيراً ويحاول معرفة ما كتبه وما سجلته ويقارنه بما سجله هو ليضمن أنها لم تعرف شيئاً أزيد منه، وفي إحدى المرات كانت تجلس مع فتحي فأتاها كعادته متطفلاً بأسلوب سمج فظ، قال لها: تعرفي لحد دلوقت مش عارف برضه إنني إزاي جيتي التقديرات دي؟

فتحي: وإنت مالك يا أخي؟

عبد الله: أصلها لثيمة ومش باين عليها، يعني لا بتناقش ولا بتسأل، إيه فاهمة كل حاجة؟

صفاء: لأ طبعاً مش فاهمة كل حاجة، بس كل شيخ وله طريقة.

عبد الله: وطريقتك إيه بقي؟!

صفاء: دي حاجة تخصني لوحدي.

عبد الله: طب إزاي جيت امتياز في المنظمات؟

صفاء: حبيتها.

سمع عبد الله كلمتها، وهو يهم بالانصراف وفي عقله يقول:
إيه البت الغريبة دي؟ أكيد مجنونة.

وبعد انصرافه ضحككت صفاء بشدة، وشاركتها فتحى
ضحكها وهما في نفس الوقت يتعجبان، فهما لم يصادفا مثل
تلك الشخصية من قبل.

قالت صفاء بشيء من الحزن: تعرف إن فيه فرق بين إنك
تسعى لمعرفة شخص وإن الناس تفرض نفسها عليك؟

فتحى: أكيد فيه فرق لما تسعى إنك تعرفي إنسان يقسى
راجع إنك عايزاه يدخل حياتك، أما لما حد يفرض نفسه
عليكي، ممكن تقبله وتقبلي وجوده، وممكن وجوده يكون له
ثقل الجبل فلا تقبله.

صفاء: ده غير الناس اللي مستكترة عليك النجاح،
ومستغربين البيت الفقيرة اللي دائما قاعدة مع الواد بتاعها دي
تنجح وتحب تقدير، إيش حال إنها امتحانات أعمال السنة!

فتحى: إيه اللي بتقوله ده؟

صفاء: سمعت الكلام ده بودني يا فتحى من اتنين بيتكلموا
وسخروا منّا بشكل وحش، وبعدها جم ياخدوا مني
المحاضرات ينقلوها!

فتحى: ما كنتيش تديها لهم.

صفاء: مكنتش ممكن.

فتحي: معلىش بكرة يعرفوا قيمتك.

عادت صفاء مع فتحي إلى بيتها وقد أخذت عهدًا على نفسها ألا تشغل بالها بأحد، سوى فتحي بالطبع، ودراستها، ولا تعير انتباهها إلى أي مخلوق، آيا كان، فقط من سعت إلى معرفتهم ومن سوف تسعى هي لمعرفةهم بعد ذلك، أما متسلقوها فسوف تحملهم قدر الإمكان.

وحاولت جاهدة أن تعيد حياتها إلى وتيرتها الأولى، وخاصة بعد أن بلورت حاجتها من أصدقائها الجدد الذين اختارت منهم واحدًا فقط، هو الذي يجب أن تحافظ على الآخرين من أجله، وهذا الشخص هو بالطبع عماد الذي يعد والده من أكبر المحامين في المحافظة، ويعد سُلماً جيداً للتسلق، وبحاسة الأنثى عرفت أن عماد مهتم بها، لذا فلا يجب أن تضع منها الفرصة.

أما من وجهة نظر عماد، فقد ظن أنها تحاول نسيان فتحي وتقرب منه، وقال في نفسه: "طول الصبر يبلغ الأمل"، لكنه لا يعرف أنه مجرد درّاجة سلم سوف تصعد عليها صفاء في محاولة جادة للوصول إلى العليا.

وانقضت الأيام يوماً يتلو الآخر، وهي تتيقن من أنها سوف تنتصر وتحقق آمالها، واقتربت الامتحانات واشتدت حاجة زملائها إليها، وبخاصة مجموعتها المقربة، وعلى رأسهم عماد الذي كان يأخذ منها المحاضرات في كل المواد.

لم تتأخر صفاء عنهم في شيء وأعطت دون تردد حتى انتهت الامتحانات وفي آخر يوم، طلبت من عماد أن يُحادثه على انفراد.

طارت الدنيا بعماد، فظن أنها لانت له، وعزم أمره على أن يفتحها ويخبرها بحبه، فجلس معها وهو باسم منشرح الصدر وقال: خير يا صفاء؟

قالت: خير إن شاء الله، صمتت برهة ثم قالت: عماد إحنا أصدقاء من مدة، صحيح هي مش كبيرة، بس أنا حاسة إنها كافية جدًا عشان نبقى أصحاب.

- طبعًا.. طبعًا يا صفاء.

-أنا طالبة منك خدمة.

-اطلي اللي إنني عاوزاه وأنا تحت أمرك.

-عايزة اشتغل عند والدك.

تعجب عماد بشدة وقال: ده إحنا لسه في سنة أولى، تشتغلي إيه عند بابا وإنني ما بقتيش محامية؟

-أي حاجة إن شا الله سكرتيرة، أي شيء أنا عاوزة أتعلّم كل حاجة عن المهنة دي من دلوقتي، مش عايزة أضيع وقت، ومش مشكلة مرتب وفلوس، أنا مش محتاجة الفلوس، أنا عاوزة أتعلّم بس.

-أنا هكلم بابا طبعًا، بس أنا مقدرش أوعدك، بس هبلغك
رده إزاي وإنني معنديش تليفون؟

-إديني غرة تليفونك، وأنا هتصل بيك بعد ثلاث تيام من
دلوقتي.

أخذت صفاء غرة التليفون وهي مستبشرة خيرًا، ولكن دون
أن تضع أملها كله في هذا الموضوع، حتى لا تهرمها صدمة
الرفض.

وفي الطريق إلى منزلها، سألتها فتحي عن سبب وقوفها مع
عماد منفردين، لم تُجب صراحة وإنما قالت: هتعرف اللي
يخطط له بعدين.

وظلت في حالة قلق شديد، ولا أحد يشعر بها، بينما فتحي
منذ الصباح في الورشة، وعندما يعود لا يفهم شيئًا منها ولا
يعرف ماذا أصابها، ثلاثة أيام على تلك الشاكلة قبل أن تتصل
بعماد وتعرف نتيجة أول اختبار في الحياة بالنسبة لها، أخبرها
عماد أنه قال لوالده كل كلمة نطقت بها، ولكنه لم يوافق
موافقة صريحة، وإنما طلب مقابلتها في مكتبه، وأعطاه عنوان
المكتب وحدد لها الموعد.

وفي اليوم التالي، تزينت صفاء، وارتدت أفضل ملابسها
وتأكدت من حُسن مظهرها ووقارها فهي لا بد أن تظهر بمظهر
جيد يقنع الرجل بها.

لم تخبر أحداً عن وجهتها حتى والدها أخبرته أنها على موعد مع صديقة لها في طنطا، وذهبت لمقابلة والد عماد في مكتبه، في عمارة راقية بشارع المديرية، استقلت المصعد إلى الدور الرابع حيث المكتب كان ثالث شقة بالدور الذي به أربع شقق، وجدت بابه مفتوحاً ووجدت عماد في مقابلتها، سلم عليها ودعاها للدخول لمقابلة المحامي الكبير سعيد الصعيدي، رجل على أعتاب الخمسين من عمره، وسيم، طويل، ممتلئ الجسم، لديه هيئة رهيبة ووقار كبير، وتزيده الشعيرات البيضاء المتناثرة في شعره وسامة فوق وسامته، حيث ودعاها للجلوس.

قال: عماد كلمني عنك كثير، وقال إنك طالبة متفوقة، وقال لي إنك عايزة تشتغلي معايا في المكتب.

راقت لها كلمة (معايا)، فهي أفضل كثير من تشتغلي عندي، وشعرت بأنه رجل جدير بالاحترام، فقالت بعد صمت لم يدم كثيراً: صراحة يافندم أنا حبيت المهنة، ونفسي أتعلم كل شيء عنها، وأطلع سلمها من أوله بحيث لما أخرج أكون على أتم استعداد للعمل فيها والنجاح أيضاً.

- تفكيرك ده كويس جداً بالنسبة لواحدة في سنك، عماد عمره ما أبدى لي رغبته في تعلم أي شيء.

— يافندم قربه من حضرتك ومعيشته معاك تحت سقف بيت واحد كفيفة بأن تعلمه الكثير والكثير.

راقته إجابتها، وشعر أنها سوف تكون مكسباً له فقال:
المرتب هيبقى صغير.

-أنا صحيح مش غنية، لكن الحمد لله مستورة، وما تمش
فلوس خالص، زى ما قلت لحضرتك: أنا يهمني أتعلّم، يعنى
المفروض أنا اللي أدفع فلوس مقابل الخدمة العظيمة اللي
حضرتك هتقدمها لي.

نظر الرجل إلى ابنه وقال: إنت لازم لك مكافأة على الهدية
الجميلة اللي إنت جبتها لي.

ضحك عماد وقال: إن كان كده إيدك بقى عليها.

ضحكوا جميعاً، ثم توجه سعيد إلى صفاء بالكلام وهو
يقول: في انتظارك من الغد، وأيام الدراسة ستعملين بعد الظهر.
ارتسمت على وجهها ابتسامة رضا وانتصار في أولى
جولاتها، وشكرت الرجل شكراً كبيراً في غير ابتذال ووعدت
بأنها ستكون عند حسن ظنه.

وخرجت من عنده وهي منشوية، سعيدة، تكاد تطير من
الفرح، وفي الطريق مرت على الورشة لتخير أباها بعودتها،
حيث إن لديه عملاً كثيراً وكان يعرف أنه سيظل في الورشة
للعشاء.

قالت لأبيها: مساء الخير..أنا لسه راجعة دلوقتي.. مش عايز
مني حاجة.

- تسلمي يا ضنايا.. مع السلامة.

- ما تتأخرش.. عشان هاقولك موضوع مهم أما ترجع.

- فيه إيه؟

-أما ترجع.

ومالت على فتحي وقالت: أول ما تروح تنده لى عشان
عاوزاك.

كانت تعلم أن فتحي لن يطيق الانتظار، وتعلم أيضًا أنه
ينصرف من العمل قبل أبيها، لذا فهناك متسع من الوقت
لإخباره.

وكما توقعت، بمجرد أن وصلت للبيت وبدلت ملابسها
حتى رآته وراءها، وعلى باب المنزل وقفت تحدثه: أنا هشتغل
من بكره.

اتسعت عينا فتحي عن آخرهما من جراء ما سمعه وقال:
تشتغلي؟! إيه؟ وإيه؟ هو إني محتاجة تشتغلي؟ ومن امنى
فكرني في الشغل؟

- حيلك.. حيلك عني وأنا هاجوبك على اللي إنت
عاوزه.. فكرة الشغل من زمان في بالي، لكن المهم هو إيه
الشغل المناسب؟ ولما لقيته ما اترددتش.. هشتغل في مكتب
سعيد الصعيدي المحامى أبو عماد زميلنا، أنا اللي طلبت منه
ده.. عرفت ليه كنت واقفة معاه؟

- كل ده من ورايا يا صفاء؟
- لا من وراك ولا حاجة أنا ما بجيش أقول حاجة قبل ما تتم.
- وهتشتغلى إيه في مكتب المحامي؟
- أي حاجة.. المهم أتعلم المهنة كويس.
- وطبعاً سي عماد معاكى هناك.
- لأ.. عماد ما بيشتغلش هناك.
- ديك الساعة هيجلو الشغل، ده ما هيصدق، ولا ما تعرفيش إنه بيحبك؟
- بيحبني؟! قالت بتصنع عدم المعرفة.
- آه. اللي بيحب يعرف اللي بيحب زيه.
- بدل ما تفكر في الكلام الفارغ ده، فكر تعمل زبي وتبنى مستقبلك معايا.
- أنا مليش مستقبل في المحاماة.
- أمال ليه بتدرس الحقوق؟
- مجرد شهادة تتعلق على الحيط.
- إنت عارف كويس إن كلية الحقوق ماكنتش ضمن أولوياتي، ولا على قائمة رغباتي، لكن لما بقت هي اللي قدامي،

يبقى خلاص أطوع نفسي لتقبلها وأطوعها لي عشان أنجح وأبقى حاجة فيها.

- وأنا ما أقدرش على كده.

-إنت حر يا فتحي.

- طبعاً حر.

صمت برهة ليسيطر على انفعاله، قبل أن يقول في وداعة: صفاء خلّى بالك من نفسك.

كان لا بد لها أن ترد بشيء تكسبه به وتكسر حدة غضبه، فقالت وابتسامتها تعلو وجهها: أنا ما بخافش وإنت جني.

ابتسم لها وقال: نجيك.

اعتلت حمرة الخجل وجهها ونظرت إلى الأرض وهي تقول: وأنا كمان، ودخلت بيتها مسرعة.

وأخذت تعدّ نفسها لمفاتيح والدها حين يأتي من عمله.

وأخبرته بما أخبرت به فتحي، ووافق الأب حينما رأى حماسها الكبير ورغبتها الأكيدة في هذا العمل، كما أنه لا يستطيع أن يرفض لها طلباً، واستعدت صفاء لبداية الرحلة الطويلة.

في الثامنة من صباح اليوم التالي، استيقظت وكلها حيوية ونشاط، والبشر ينطق من وجهها، انتفت أفضّل ملابسها وارتدتها على عجل، تدندن بإحدى الأغنيات الخفيفة، حين

سمعت إشارة فتحي سارعت على الفور تفتح الشباك وهي تغلق آخر أزرار بلوزتها، طالعت بابتسامة عذبة، قابلها بمثلها، وقد نطقا في نفس اللحظة: صباح الخير.

- قلت أشوفك قبل ما تمشي.

-أنا كمان كان لازم أشوفك قبل ما أمشي عشان اعرف إن يومي هيقى جميل.

- يا سلام بتعرفى تضحكي عليّ كويس.

-أنا؟! بقى كده؟

- ميعادك هناك إمتى؟

-الساعة ثمانية ونصف.

- تحبي أوصلك؟

- ليه هو أنا صغيرة؟

- عشان أطمّن عليكى.

- اطمن واعتبر نفسك معايا، كفاية كلام بقى هتأخر.

- ماشى يا ست الموظفة.

ذهبت صفاء للعمل أول يوم، مصحوبة بدعاء والسداها وحييها، دخلت المكتب والخوف يملؤها كعادة أي إنسان يُقدم على شيء جديد، لم يكن الأستاذ بالمكتب، فاستقبلتها السكرتيرة والمحامون العاملون مع الأستاذ سعيد، أبدى الجميع ترحيباً بها، حتى السكرتيرة التي سوف تشاركها صفاء العمل بدت متعاونة، وأخذت تعلّمها كل شيء، من حفظ الملفات وتصنيفها حسب نوع القضية، وترتيب مواعيد الأستاذ، وتسجيل مواعيد الجلسات، وما شابه، حتى كتابة المذكرات على الحاسب الآلي.

أسبوع كامل مضى عليها في العمل وهي تتعلم في صمت وتشاهد وتخزن كل شيء في عقلها، بدت للجميع مطيعة وصفحة بيضاء بحاجة لأن يملأها الجميع، كل يكتب فيها بخطه وأسلوبه، لم تنذر ولم تتحاذق، لقد أعطتهم هذا الإحساس، حتى تستفيد من الجميع وتستقي منهم خبراتهم دون أن يضن بها أحد عليها، لقد نالت إعجاب الجميع، ورعايتهم واعتبروها فتاة مدهشة جيدة بكل المقاييس، واعتز الأستاذ بذكائها، كان يظهر عليه بوضوح أنه يفهمها ويعرف أنها عكس ما أظهرت، لكن صفاء بالفعل يصعب فهمها، أو إدراك ما تفكر فيه بسهولة، لذا لم يرقها إقناع الأستاذ لها بالفعل بأنه يفهمها، ولكنها بالرغم من ذلك، لم ترد من تصرفها كأنها بالفعل

صفحة بيضاء وإنما كانت صفحة مُلئت في ظرف أيام ببعض المعلومات، بل إنها تظهر له ما تتعلمه بشكل جيد، مضافاً إليه بعض لمساتها، فصار بحق معجباً بها وبذكائها.. واليوم الجمعة إجازتها، كما أنها إجازة فتحي من الورشة، دعته أم فتحي لتعدّ معها الفطير الذي تحبه، ويحبه ولدها أيضاً، وذهبت صفاء لتجد فتحي في استقبالها، بينما أمه بالمطبخ تعدّ العجين، قال لها: وحشتيني قوى.. أسبوع كامل معرفش أكلمك فيه كلمتين على بعض.

- ما إحنا بنشوف بعض كل يوم الصبح.

- وهو ده كفاية؟ أنا نفسي أقعد معاكي وأكلمك كثير، أنا عمري ما حسيت إنك بتوحشيني بالشكل ده إلا دلوقتي، واقترب منها وطبع قبلة على وجنتها، فاضطربت وابتعدت وأظهرت بعض الغضب وهي تقول: إيه ده؟ عيب يا فتحي.. كانت المرة الأولى التي يفعل فيها ذلك، ولكن فرط شوقه غلبه وأخرجه عن إدراكه، تلك أول مرة يفترقان فيها كل تلك المدة دون أن يجلسا سوياً، ويتسامرا، وأشعره غضبها بالخجل من نفسه فأخذ يعتذر لها بشدة إلى أن قبلت اعتذاره وأخذت منه زجاجة المياه الغازية التي أحضرها خصيصاً من أجلها ورجعت الابتسامة الصافية لوجهيهما.

مازال الوقت باكراً على موعد صلاة الجمعة، فجلس فتحي معها ومع أمه وهما يصنعان الفطير فقال لها: بس هتحكي لي عاملة إيه في الشغل؟

روت له صفاء يحمل أحداثها، فجمعت الأسبوع بكامله في
بضع كلمات ليس إلا، ولكن دون أن تُشعره بأنها تخفي عنه
شيئاً، فلا تثير بذلك حفيظته، واطمأن قلب فتحي من ناحية
عملها.

مرت بها الأيام وهي تُثبت كفاءتها كل يوم عن سابقه، وقد
بدأت في قراءة ملفات القضايا القديمة جيداً، لتعرف ملابسات
كل قضية، والدفع المقدمة لها، وتعرف الفرق بين نوعيات
القضايا، هذا غير الكتب والمراجع القانونية القيمة التي تذاخر بها
مكتبة الأستاذ.

إنَّ المحاماة بحر واسع خضم لا تمثل فيه الدراسة جزءاً كبيراً،
وإنما الممارسة هي أصل المهنة وأساسها، لذا فإنَّ عملها في هذا
المكتب هو المدرسة الحقيقية، والموسوعة التي يجب أن تنهل منها
بقدر ما تستطيع.

لقد سألتها الأستاذ في أحد الأيام، لماذا تُصر على العمل في
دائرة المحاماة وهي متفوقة، ولها الفرصة للعمل بالتدريس في
الجامعة أو في النيابة الإدارية.

أجابته صفاء إجابة واقعية، فلقد تعلمت أن نحيا في الواقع:
هجاوب حضرتك وبصراحة.. حضرتك تعلم تمام العلم إن
فرصة العمل كمعيدة ليست مضمونة، فتلك الوظائف أصبحت
حكرًا على أبناء الأساتذة، وتلعب الواسطة دوراً كبيراً فيها،
كمان أنا يا دويك خلصت سنة أولى، مين عالم نتائج السنين

الجلية شكلها إيه؟ ولا هم هيعملوها إزاي عشان يطلع ابن
أستاذ ولا أستاذة مكاني، وبعيد عن ده كله، ممكن تكون
الكلية في السنة اللي هتخرج فيها مش محتاجة معيدين، وأنا
مش عايزة أبقي زي اللي رقبوا على السلم، وما طلّتش عنب
الشام ولا بلح اليمن، أنا عايزة أي مكان أبدأ فيه أكون كبيرة
فيه.

- عندك حق يا بنتي.. يا ريت فيه عشرة يفكروا زيك.

- الله يخليك يا أستاذ سعيد، أما بقى النيابة الإدارية،
فبصراحة لا أعتقد أنها تستهويني، كما إن العمل فيها ليس له
بريق العمل كوكيل نيابة عامة أو قاضٍ في محكمة، ولا تنس
أستاذي الوسطة أيضا.

- عارفة يا بنتي أجمل حاجة فيكي إيه؟

- إيه هي يا أستاذ سعيد؟

- إنك مش عايشة في الأحلام زي شباب كثير أولهم ابني،
والحامين اللي بيشتغلوا معايا هنا!

- من وأنا صغيرة وأنا مؤمنة بشيء واحد بس، إني ما
أحلمش غير الحلم اللي أكون قادرة على تحقيقه، وأنا باعتر إن
ده سر نجاح كل الناس اللي لهم اسم في المجتمع ومكانة
اجتماعية مرموقة، حصلوا عليها من خلال عملهم طبعاً.

- فعلاً ده حقيقي، بس إزاي في سنك ده، قدرتي توصلني
للحقيقة دي؟ أنا عرفتها من خلال خبرتي وعملي مع ناس

كثير، أنا ما عشتش في الأحلام لكن طوّعت اللي في إيدي للنجاح بنوع من الجِد والاجتهاد، والكثير بين الموكلين أصحاب الأعمال الهامة، لم يقل لي أحدهم أبدًا أنه حلم بشيء أكبر من قدراته، بل هو يحلم بما في يده، وما بإمكانه، ومن خلاله يصل لما يريد، وما هو أكبر منه، ربنا يوفقك يا بنى.

- متشكرة يا أستاذ سعيد.

وشعرت صفاء بأهمية دخول هذا الرجل حياتنا، وبقدر الاستفادة الكبيرة التي سوف تحققها من معرفته.

أصبحت ساعة الصباح بل الدقائق المعدودة كل صباح هي مجال الرؤية الوحيدة ليرى الحبيب حبيبته، وتستبشر الحبيبة بوجه حبيبها، دقائق معدودة يختلسانها من الزمن المفقود من عمريهما، بضع كلمات تتردد على لسانيهما كل صباح، ليس فيها الكثير ولكنها تحمل في طياتها آثار الشوق المتأجج في صدريهما، وفي هذا الصباح رآهما الحاج سعيد جبر هو وزوجته وهما يجلسان في حانوتهما، وقد أحضرت له زوجته طعام الإفطار فقال لها: ياه على الشباب يا أم طارق.. ليت الشباب يعود يومًا لأخبره بما فعل المشيب!

-إيه يا حاج، هناخد زمانًا وزمن غيرنا كمان؟

-أنا ما بقولش حاجة، بس كل ما بشوفهم بحن لزماننا الجميل الناعم، وبشفق عليهم في الزمن الصعب ده.

-والله صحيح يا أبو طارق، ده المشوار قدامهم طويل....
طويل قوى يا حاج.

- ربنا يكون في عونهم وفي عون أهاليهم.

- ويصبرهم يا أبو طارق على أيامهم وزمانهم.

سرعان ما انقضى شهر على صفاء في العمل، وهما هي
تحصل على أول راتب في حياتها، أول نقود ربحتها بعد عمل
شاق ومضن، أرادته بنفسها وأحبته، فاجتهدت فيه وبذلت
أقصى ما في وسعها.

وشعرت بطعم آخر للسعادة، حين أمسكت بين يديها تلك
النقود القليلة، كان مبلغاً ضئيلاً جداً، ولكن بالنسبة إليها، أكبر
مبلغ حصلت عليه وضمته يديها، كانت سعادتها مختلفة عن
تلك التي تشعر بها حين تكون في حضن أبيها، أو برفقة فتحي،
أو حين تحصل على فستان جديد، أو حذاء، إنها سعادة من
نوع آخر، أول مرة تعرفها، وتذوق طعمها.

خرجت من عملها وهي طائفة من الفرح وفي يدها أولى
ثمرة كفاحها، فذهبت إلى أحد المطاعم وابتاعت دجاجة
مشوية، ثم ذهبت إلى محل الحلويات الشهير بالبلدة، وابتاعت
دستني جاتوه، واشترت شيئاً آخر مهماً جداً، وأسرعت إلى
بلدتها، وقبل أن تدخل بيتها، قرعت باب فتحي لتفتح لها أم
فتحي الباب وعلى وجهها ابتسامة، فأعطتها صفاء إحدى
دستني الجاتوه، وقالت لها: دي حلاوة أول مرتب يا خالتي.

فردت المرأة الطيبة عليها: عقبال ما نجيب لك في بيت العدل يا ضنايا.

- متشكرة يا خالتي.

ودهبت لمزها فرحة بما أحضرت لإخوتها، فلقد كانت تعرف مدى رغبتهم في أكل تلك الدجاجة، ومدى حُبهم للجاتوه.

لقد جمعت الأسرتين على شيء واحد، فجلسوا جميعًا في وقت واحد يتناولون ما أهدقهم إياه.

وقبل أن تشاركهم، سمعت الإشارة، فتوجهت نحو الشباك مسرعة، وفتحته لتطالع رجه حبيبها الذي قال لها: مبروك.

-الله يبارك فيك عجبك الجاتوه؟

- لسه ما أكلتوش.

- ليه؟

- قلت أبارك لك الأول.

- طب خد الكيس ده، وقذفت إليه الكيس عبر النافذة.

-إيه ده؟

-افتحه وأنت تشوف، وفتحته فتحتي، ليجد القميص الذي كان يتمنى شراءه، وفرح به جدًا وقال لها: ليه كلفتي نفسك يا

صفاء؟ هو يعني مرتبك كام جنبه عشان نجحي بييه قميص
عشاني؟

-أولا مفيش تكلفة ولا حاجة، ثم إنه مش غالي، ثانيا مسا
أحبش أعرف إن نفسك في حاجة، وما أجيبهاش على طول،
ثالثاً إنت فاكّر أول يومية خدتها من الورشة، واشتريت لي بيها
كلها العروسة اللي كان نفسي فيها، فاكّر ولا نسيت؟

- ربنا يخليكي ليا.

منذ أسبوعين كان فتحي قد ذهب إليها في مكان عملها ولم
يصعد، انتظر خروجها، فلقد كان في شوق كبير لها، وبحاجة
لأن تسمعه ويسمعها ويحدثها، فانتظرها حتى خرجت وسار
معه في شوارع المدينة رغم خوفهما من أن يراها أحد، ولكن
نيران الشوق المتأججة بداخلهما كانت أقوى من هذا الخوف،
وأكبر من أي خوف، وفي أثناء سيرهما، شاهد القميص الذي
أحضرت له وأعجب به بشدة، ولكن لم يكن معه شيء من
ثمنه، وها هي تأتي له بما يحب ويتمنى.

لذا في صبيحة اليوم التالي، ذهب فتحي إلى محل بيع الحلبي
الفضية وابتاع فلادتين، بكل منهما قطعة مكتوب علي إحداها
"لا إله إلا الله" والثانية "محمد رسول الله"، وبعد أن أنهى عمله،
توجّه إلى عملها، وقابلها هناك وسعدت لرؤيته جداً، وجلست
معه لأول مرة في أحد الكازينوهات، لم تفعلها معه من قبل،

ولكنها كانت في حاجة لأن تسمعه، فهي تفتقده كثيرًا بسبب عملها هذا.

جلسا وأخذهما الوقت وسعدت بالقلادة التي ألبسها إياها بنفسه وألبسته قلادته بنفسها، واتفقا على ألا يخلعاها مطلقًا.

ثم توجهتا إلى موقف سيارات بلدتها، وركبا سويًا وحين وصلا البلدة، نزلت هي في أول البلد، ونزل هو في آخرها، حتى لا يراهما أحد يسيران سويًا.

رغم أنهما يحاولان إخفاء هواهما عن الجميع، إلا أن أي مخلوق ينظر لعينيهما حين يلتقيان، من السهل جدًا أن يعرف مكنون قلوبهما والهوى الساكن فيهما.

لقد مضى على انتهاء امتحاناتها شهر ونصف الشهر، وبدأ القلق يتسرب إلى نفس صفاء من أجل النتيجة، وكلما ذهبت لتسأل، لا تجد شيئًا، وكل معاد تسمع به تذهب ولا تجد شيئًا، ولكن في صباح أحد الأيام، دخل عماد المكتب مستبشرًا فرحًا، فلقد جاء ليبلغ صفاء النتيجة، ويبشر والده، لقد نجح، وكذلك صفاء التي نجحت بتفوق، فهي الثانية بفارق ضئيل عن الأول، وسألت مسرعة: وفتحي عمل إيه؟ قول لي والنبي.

-أنا شفت بس عشان خاطرك، نجح يا سي.

-الله يبشرك بالخير، نطقته، وهسي في أوج سعادتها وسارعت تدير قرص التليفون، بينما عماد يتحدث مع والده في أمر مكافأة النجاح، على الجانب الآخر رد عليها الحاج عبد الله

صاحب الورشة فقالت له: أنا صفاء يا حاج والنبي قول لأبوي
إني نجحت.

-مبروك ألف مبروك يا بنتي.

-الله يبارك فيك، وسارعت قائلة: وقول لفتحي كمان إنه
نجح.

-حاضر.

ثم استأذنت رب عملها، لتذهب إلى الكلية، لتؤكد من
التقديرات، وسمح لها الرجل فانصرفت على الفور.

ثم توجهت إلى البلدة وعرجت إلى الورشة لتبشر أباه
وتبشر فتحي، وشربت الورشة كلها شربات النجاح بل التفوق
أيضا، وفي عملها، كافأها الأستاذ على تفوقها بمبلغ لا بأس به،
سعدت به جدًا، وزادها بنجاحها رغبة في مواصلة المشوار
وتمسكًا بما تريد، ولكن هناك عقبة في طريقها بل هي ليست
كأي عقبة قد تقف في طريق إنسان، إنها أكبر عقبة، إنه الحب،
حبها لفتحي أكبر عقبة في حياتها، فهو ليس به طموحها ولا
يريد ما أرادته لنفسها بينما هي تريده ويريدها، ولكنها تريد
بنجاحها في الحياة، فالحياة ليست فتحي وحده ولكن ماذا بيدها
لتنقله من البئر التي يختبئ فيها إلى بحرها الواسع؟

اقترب موعد الدراسة في العام الجديد، وبدأ الجميع يستعد، فإخوتها وإخوة فتحى يفصلون زى المدارس لهذا العام، بينما اكتفت هي بشراء طاقمين جديدين من مرثيها، ولم تحمل أهلها شيئاً هذه المرة، وهكذا فعل فتحى الذي ساعد أباه في مصاريف إخوته.

كانت قد اتفقت مع الأستاذ سعيد على أن تعمل طوال الأسبوع، بما فيه أيام الدراسة، غير أنها ستذهب للعمل بعد انتهاء محاضراتها، وتلك كانت رغبته، فلقد شعر بالفارق الكبير في عمله معها، إنها شيء مختلف، فكل شيء تلمسه، أو تؤديه يكون شكلاً آخر، إنها سيل من النجاحات حتى مع أنفسه الأشياء، فلمستها للأشياء هي السحر بعينه.

وبدأت الدراسة، وانتظمت صفاء في الكلية، فهي لا تدع أي محاضرة تفوتها، وبعد انتهاء المحاضرات تتوجه إلى عملها، وفي الثامنة مساءً تكون متوجهة إلى بيتها، وأحياناً تتأخر إلى العاشرة، حسب حجم العمل في هذا اليوم، ومع هذه الأيام المزدحمة، فقد نبتت بذور الفرقة بينها وبين فتحى الذي وصل به الغضب أشده، فهو لم يعد يراها، إحساسه بافتقادها أفقده الإحساس بأي شيء، فهو لا يراها إلا في الصباح وهما في طريقهما للكلية، وهناك تجلس تستمع للمحاضرات، فلا تشعر بأحد غير الأستاذ الذي يلقي المحاضرة، وفي الأوقات بين

المحاضرات، تتكلم معه قليلاً، ثم تجد ما يشغلها عنه، فهذه تأتي لتقول كلمتين، وهذا يأتي ممازحاً، وتلك وذاك حتى أصبح الأمر لا يطاق!

استمر الحال هكذا ثلاثة أسابيع، فرغ بعدها صبره، فأتى يوم كانا فيه معا في الكلية وما إن انتهت المحاضرات، حتى جذبها من يدها وهي تسأله: في إيه يا فتحي؟ على فين؟ ثم توقف عن المسير ونظر إليها وقال: لحد إمى هنستمر على كده؟

قالت والدهشة غلورها: قصدك إيه؟

- مش معقول مش حاسة!

- حاسة إيه؟ ما تنطق.. فيه إيه؟

- فيه إني خلاص، ما عدتش قادر على كده، أنا فين في حياتك؟ ما عدناش بتكلم ولا نقعد مع بع، إيه؟ ما بوحشكيش؟

- أيوه يا فتحي، ما بتوحشنيش، عارف ليه؟

- ليه يا أستاذة!! نطقها بسخرية تملأ كلماته.

-لأنك دائماً في بالي، ومعايا، يبقى إزاي هتوحشني؟!

- ما اقتنعتش.

-إنت حر، وأنا هعمل إيه؟

- سبي الشغل.

- ده من رابع المستحيالات.

- يا سلام.. ليه بقي؟

-لأني ما أقدرش أتخلي عن حياتي، ثم لازم نتحمل ونتعب
في بداية حياتنا، إن معملناش كده دلوقتي هنعمله إمتى؟

- بس ده وقتنا، ودي الفترة اللي لازم نستمتع فيها بحياتنا،
ليه عايزة تضيعها كده؟

-إحنا ممكن نخلق سعادتنا، وحياتنا في أي وقت، وأي سن،
بإيدنا نكون أو مانكونش، المهم التفاهم، تعرف يا فتحي
شغلي ده خلاني أختصر السنين، وإداني خيرة يتمناها أي
إنسان.

- يعني إنتي مصممة على رأيك؟

-أبوه مصممة، ويا ريت تفكر تعمل زي. صدقني هتختلف
حياتك، وحتس إن ليها قيمة، ده غير لذة كفاحك كل ما
تحقق نجاح.

- ياه! وشغل السكرتيرة هو اللي معاه النجاح وهو ده
الكفاح.

-أي سخرية تانية مش هسمح لك، نطقك تلك الكلمات
وشرر الغضب يتطاير من عينيها ثم تركته ومضت.

كانت تلك أول مشاجرة في عمرهما القصير، سارت، وسار، كل في طريق، ذهبت إلى عملها وهناك غصّة في حلقها، ولكن على باب المكتب تركت مشكلتها، وغضبها، ومرارتها، ونسيت كل شيء، فالعمل عمل، وليس به مجال للمشاكل الشخصية، وليس هناك داع لأن تعطى الفرصة لأي مخلوق ليسألها عما بها، ثم يمضي بالحديث فيتدخل في شئونها الشخصية.

واستطاعت صفاء بالفعل الفصل بين ما تعانيه وما يظهر عليها، ولم يلحظ أحد أبدًا ما بها، أما فتحي فإناطلق بمفرده هائمًا في الشوارع، يمشي بلا هدف، وكأنه تائه عن دربه، لم تثر في وجهه من قبل، لم تحند عليه هكذا، لماذا تحولت وأصبحت بتلك الشراسة؟! طيلة عمرها وهي وديعة، رقيقة، تبكي بسرعة، وإذا أصابته نزلة برد بكت لأجله، وانتحبت، وإن كان معها أي شيء اقتسمته معه، ماذا حدث؟! وبدأ فكره يذهب إلى وجود شخص آخر يحياها، ولكنه عاد وتساءل: من هذا الذي استطاع أن يحو حيا نسخته الأيام والسنون سنة بعد أخرى؟ ثم عاد وقال: إنه ليس حيا، بل هي العشرة والجيرة، فهي لم تحند غيري أمامها ولم أجد غيرها أمامي!

ثم عاد ونهر نفسه، ثم عاد لفكره الأخرق وظل هكذا، بين تلك الفكرة وغيرها حتى أمسى به الكون، وتأخر به الوقت فلم يشعر وهو يمر.

ذهبت في موعدها لمترها، فوجدت أم فتحي تجلس خلف
شباك حجرة ولدها ويدها على خدها فقالت لها: مساء الخير يا
خالتي، عاملة إيه؟

- مساء النور يا بنتي، الحمد لله، إلا قولي لي يا صفاء ما
شفتيش فتحي؟

- من ساعة ما خلصنا المحاضرات ما شفتوش ليه هو فين؟

- من ساعة ما خرج للكلية الصبح ما رجعتش.

- ما رجعتش؟! إزاي ده؟

- والله ما أنا عارفة يا بنتي، أنا خلاص هتجنن، يا ترى راح
فين؟

- ما تقلقيش يا خالتي، زمانه راجع، هو صغير ولا إيه؟

قالت صفاء تلك الكلمات وهي تتمزق من الداخل، فهي
قلقة بالفعل عليه، ونسيت غضبها منه، وأصبح ما يحول
بخاطرها: أين هو؟ وماذا حدث له؟ إنه مجنون لها ولن يتسورع
عن فعل أي شيء.

ولم تأكل، وإنما دخلت حجرتها، وظلت بملابسها، جلست
إلى الشباك في مواجهة أم فتحي، في انتظار الغائب، وكل منهما
عينها تنطلع إلى مبدأ الشارع عله يظهر، وأخيراً، وفي الساعة
التاسعة والنصف، ظهر فتحي، دخل الشارع يمشي بتؤدة ولكنه
في الواقع كان يجر قدميه.

ما إن رأيتاه حتى قهلت أساريهما، ولكن صفاء دخلت
مسرعة متعللة بأن أمها تناديها، ودخلت أم فتحي لتفتح الباب
لابنها، وتأخذه في حضنها، وهي تسارع بالقول: كنت فين يا
عنيا؟ ده أنا كنت هموت أنا وصفاء من تأخيرك.

- بعد الشر عليكى يا أمه، وسكت قليلا ثم تابع قائلا: أنا
تأخرت مع واحد صاحي كان تعبنا شوية.

- طب يلا، خش غير هدومك، وتعال عشان تاكل.

- لا يا أمه أنا لسه واكل مفيش ساعة مع صاحي، أنا
هدخل أنا، عشان تعبنا شوية.

- سلامتك يا عيوني.

ودخل حجرته، وجدها تجلس إلى جوار الشباك وفي يدها
كشكول محاضراتها، ألقي بنفسه على السرير بملابسه، ولحنته،
ولكنها لم تستطع أن تكلمه، لم تقدر، فهي بعد ما زالت
غاضبة، وإن تناست غضبها هذه الفترة حتى اطمأنت لرجوعه
سائما، مرت ساعة وهي جالسة في انتظار أن يصلها ولكنها
أبدا لم يفعل، فأغلقت شباكها وحاولت النوم رغم أنه أبى أن
يصاحبها، فظلت تتململ في سريرها، وبين حين وآخر تتطلع
من خلف الشيش، عليها تراه ولكن ليس له أثر، وما زال
الشباك مفتوحا ولم ينغلق إلا الفجر، وبعدها نامت إلى أن
أيقظها أبوها في موعدها كل صباح، وانتظرت صفاء أن يفتح

الشباك ولكن لم يحدث، وظلت منتظرة حتى أتتها صديقتها،
فخرجت معهما، وسألتهما إحداهما: أين حارسك الأمين؟
ردت عليها دون أن تشعرها بوجود شيء بينهما: هيحصلنا
بعد شوية أصله صحي متأخر.
سارة: طبعاً يصحى متأخر مش بيحب.

صفاء: بطلتي الكلام ده.

وعلى المحطة، أخذت تبحث عنه بين جموع الواقفين، ولا
أثر له، حتى أن أشرف يقف بمفرده دونه ولسان حاله يسألها:
أين هو؟

وأصبحت حيرتها على أشدها، ووصلت الكلية، وسألها
أشرف، فأجابت بعدم المعرفة.

وظلت اليوم كله لا يشغلها سوى تصرف فتحي، رغم أنها
هي الغاضبة منه، وانتهى اليوم كثيباً طويلاً، تلك أول مرة في
عمرها لا تراه، إنها كل يوم معه، كل يوم تطالع وجهه، لم
تغب عنها ابتسامته وحتى دموعه لم يحجل منها فبكي أمامها،
كيف يحدث ألا تراه يوماً؟!!

وصلت البيت في الثامنة والنصف وكان الشباك مغلقاً
أيضاً، ورغم أنها كانت مرهقة جداً، إلا أنها لم يغمض لها جفن
هذه الليلة أيضاً، واستمر الحال على ما هو عليه، فهو لا أثر له
وهي كرامتها تأبى أن تذهب لتسأل عنه، ويكفي أنه المخطئ.

وفي صباح اليوم التالي لم يظهر، ولم يفتح الشباك، واضطرت أن تذهب لكليتها دون رؤيته، وأصبحت في واد آخر، مضطربة حائرة، فاقدة التركيز بشكل فظيع، وتكسب المحاضرات وراء الأساتذة كأنها إنسان آلي يسجل ما يسمع دون تفكير، خرجت من الكلية تبحث عن أقرب تليفون وأبلغت الأستاذ اعتذارها عن المجيء للعمل اليوم، ثم طارت إلى بلدقها، كانت تتعجل الدقائق لتصل إلى منزل فتحي، دقت الباب ففتح أخوه فريد سأله: فين فتحي؟

قبل أن يجيب الفتى، كانت أمه في مواجهتها، فردت عليها: جوّه بقى له يومين يقول تعبان ومش عايز يخرج.

- ممكن أشوفه يا خالتي.

- طبعاً، خشي يا حبيبي.

فرعت صفاء الباب بلطف، ثم دخلت فوجدته مستلقياً على السرير، اعتدل حين رآها ولكنه لم ينطق بكلمة.

قالت وهي تقترب، وتجلس إلى جواره: المفروض إن أنا اللي زعلانة مش إنت! لم يرد عليها، فشعرت بجرح آخر ينفذ إلى قلبها، وبإهانة أخرى فقالت: كويس إنك بخير، وإني اطمَنت عليك، وقامت لتمشي، وقبل أن تصل إلى باب الحجرة ناداها قائلاً: صفاء.

-نعم. عاوز حاجة؟

قام واقترب منها وقال: أنا آسف، مكنش قصدي أسخر منك، غضبي هو السبب، سامحيني.

-أنا ممكن أسامح أي حاجة ممكن تعملها، غير إني أقعد يومين ماشوفكش.

- غصب عني.. كنت تعبان ومضايق.

- إنت اللي مكبر المشكلة.. رغم إن من وجهة نظري مفيش مشكلة.

-إنني بتعتري إن مفيش مشكلة، وأنا شايف إن فيه معضلة، وهى إني حاسس إني بفقدك وإنك بتضيعي من أيديا.

-هروح فين يا فتحي؟ أنا معاك مهما حصل، المهم نقرّب وجهات النظر.

-المهم سامحتيني؟

- طبعاً، قالتها في دلال وحب.

فلثم يدها وهو يقول: ربنا ما يحرمي منك أبداً.

وصمنا قليلاً، تبادلنا نظرات المودة والشوق إلى أن بدد الصمت قائلاً: احكي لي عمليتي إيه من غيري اليومين دول.

- كنت بفكر فيك لحد ما هديني التفكير، وناره خلستني جيت لك لحد هنا.

-عارفة أنا حاسس بإيه؟

-إيه؟

- جعان، جعان جدًا، عايز أعوض اليومين اللي فاتوا.
- معقول يا فتحي تقعد يومين بحالهم ما تاكلش عشان
زعلنا شوية؟

- وإيه تساوى الدنيا من غيرك؟؟

- يا حبيبي.

صرخ قائلاً: الله أكبر..... يا أمه، يا أمه هتأكلينا إيه
النهارده؟

قالت أمه في فرح: صحيح يا فتحي هتاكل؟

قالت صفاء: صحيح يا خالتي وأنا كمان هاكل معاه، المهم
عاملة لنا إيه؟

- عاملة كشري من اللي قلبك يحبه، هاجبيه وآجي.

وقبل أن تدخل مطبخها، التفتت إليهما وقالت: كنت
عارفة إنك إنتي اللي هتداويه.

ضحكا ثم تبادلوا الحديث إلى أن أتى الكشري والتهام عن
آخره.

وفي المساء، دخل سلامة وزوجته إلى حجرتهما يتبادلان
الحديث قبل استسلامهما للنوم بعد يوم آخر من أيام الحياة
المرهقة.

قال سلامة: يعني فتحي خف، وبقي زى الحصان.

- أُمال الركّة في صفاء.

- شكسلهم كان متخائق.

- ما أنا قلت كده برضه.

- ياما أنا خايف الواد يبقى في إيدها نسخة من أبوها في إيد أمها.

- لا يا خويا ما تقولش كده على ابني.

- هو أنا قلت حاجة؟ ما إنني شايقة قدامك أهو، شوية زعل رقد فيهم يومين لا أكل ولا شرب، أُمال لو سابتة ولا لو حصل حاجة كبيرة، هيبقى شكله عامل إزاي؟!

- ما أعرفش، بس أنا ابني راجل.. إيش جابه لمحمود أبو صفاء؟

- يا وليّه متقولش كده متغالطيش نفسك! إنني عارفة إن محمود راجل، وسيد الرجالة، مشكلته إنه قدام مراته بيبقى حاجة تانية، بيحبها لدرجة الجنون، وإنه يقدرش ينطق بكلمة قبلها، أي كلمة تكون مخالفة لرأيها.

- والله ما أنا عارفة يا أبو فتحي، بس دي تبقى مصيبة لسو الواد بقي زى أبوها!

- سيبها على ربنا، هو حلال العقد، وهادي كل من كان.

وعادت الحياة لمجراها بين الحبيبين، عاد الشباك يُفتح من جديد ليدخل النور مرة أخرى حاملاً نسمات الهواء العليل المحملة بعطر الهوى، وعبر العشق المتأجج في قلبي فتحي وصفاء.

أيام مضت، وهو يحاول جاهداً مقاومة شعوره بافتقادها، والاعتiad على الحياة الجديدة التي كان لكل منهما هدفٌ مختلفٌ فيها.

وكل يوم يمر، تزداد هي إيماناً بتفوقها وجدارتها، وأنها سوف تصبح محامية يُشار لها بالبنان، أما هو فيثبت عملياً قدرته كفنان ماهر، كان الحاج عبد الله يحافظ عليه ويجزل له العطاء، أما الأسطى محمود فلم يخل عليه بأي شيء، فهو يعلمه المهنة بكل صغيرة وكبيرة منذ صغره حتى آل لما آل إليه الآن.

أيامٌ كثيرة تمر ولم يعد هناك شيء يشغل صفاء سوى عملها، ومذاكرتها التي أصبحت تقبل عليها بحماس أكبر، ورغبة لا مثيل لها، ودرجة عشق لا توصف، وامتثل فتحي للوضع الجديد، وأصبح يعتاده شيئاً فشيئاً، وبدأت الهوة تعرف طريقها للتوسع.

انغلق فتحي على نفسه، فدارت حياته بين عمله وكنيته وصفاء فقط، أما هي فقد بدأ يدخل حياتها الكثير، والعديد من الرجال بدأوا يعرضون عليها أنفسهم طالين ودها، راغبين في الارتباط بها بدءاً من عماد ابن الأستاذ، مروراً بالمحامين العاملين

في المكتب، إلى الموكلين أصحاب القضايا، الجميع يلاطفونها ويسعون خلفها، ولكن الشيء الغريب والملفت أنها لم تلتفت لأي منهم، لم تعقد مقارنة واحدة بين واحد منهم وفتحي، حتى وإن كانوا في مستوى مادي وعائلي وتعليمي أكبر، لم يهز أحدهم شعرة واحدة منها، ولم تؤثر فيها نظرة من عين أحدهم، كما تؤثر فيها نظرة عين فتحي الساحرة K ولكم سألت نفسها: مادامت تحب كل هذا الحب... فلم تعذب وتعذب نفسها؟! وماذا سوف تستفيد من الجفاء الذي حل بعلاقتهم؟ وتلك الهوة التي اتسعت بينهما؟ والمعاناة التي تلمح آثارها في عينيه كلما نظرت إليها؟ حتى صارت تنهز من النظر إليها وهي التي يوما لم عمل أو تهرب منها!!

كانت الإجابة رغم صعوبتها واضحة جلية جلاء نور الشمس الساطع بلا حجب، إنها ببساطة كلمة واحدة دائما تفسر نفسها وينهار إلى جوارها كل مناس، حتى ولو كان حبيبا، إنها كلمة (أنا)، نعم، (أنا)، فالأنا لدى صفاء لها صوت جهوري، وقلب قوي، وكلمة لا ترد، ومطلب مجاب، وعين لا تغفل، وتلك هي أساسها.

ولكن ما ذنب فتحي المحب الواله العاشق؟ جرمه أنه أحبها.

في أحد الأيام، كانت الساعة تقارب السادسة والنصف، لم يكن بالمكتب سواها، حين حضر الأستاذ، ودخل حجرته

وطلب منها عدم إزعاجه، ثم أتى الأستاذ مجدي الزيات أحد المحامين بالمكتب، ألقى عليها تحية المساء، دخل مكتبه ثم خرج بعد دقائق ليطلب منها أن تكتب له ورقة على الآلة الكاتبة، أخذتها منه، وشرعت تكتب أول كلمة حين فاجأها بقوله: أتعلمين أنك رقيقة وجميلة جدًا؟

سيطرت على نفسها ورسمت ابتسامة مجاملة وهي تقول: شكرًا على المجاملة الرقيقة.

-أنا مش بمجامل. إنتي فعلاً كده، وأكثر لو بإيدى لكتبتي فيكي كل يوم قصيدة شعر.

-أستاذ مجدي.. كفاية من فضلك.

- لا أرجوكي، سيبيني أكمل.. أنا ما صدقت لقيت فرصة أقول لك على إحساسي من ناحيتك وحي الكبير ليكي من أول يوم شفتك فيه، بحبك، بحبك.

-قلت كفاية ومش عايزة أسمع كلمة زيادة وإلا هقول للأستاذ.

ولم تكمل كلمتها لأن الأستاذ ببساطة كان مستمعًا لكل كلمة قالها مجدي، فخرج بهدوء وقال كلمة واحدة: ورايا تاخذ حسابك، وما أشوفش وشك هنا بعد كده.

كانت المفاجأة من نصيب محدي وصفاء على السواء، فهي لم تتخيل أن تسبب في قطع عيش مخلوق آيا كان، ولكن لم يكن باستطاعتها أن تنطق بكلمة فالرجل فعل ذلك من أجلها.

تلك كانت عينة مما تعانيه صفاء وتلاقيه من كل الرجال الذين تقابلهم، ولم يكن بمقدورها أن تشكو أو تندمر أو تحكي لفتحي أي شيء، فيكفي ما بينهما، فلا يجوز لها أن تشعل النار أكثر من هذا.

دارت الأيام، وفتحي يفرق في عمله بالورشة أكثر وأكثر، وأحياناً كثيرة لم يكن ليذهب للكلية، لوجود ضغط عمل في الورشة، وأصبح هذا مصدر قلق لصفاء، وأثار غضبها، إلا أنها لم تشأ أن تتطرق للموضوع، لقد تركته يفعل ما يحلو له، مادام أنه في النهاية يأخذ منها المحاضرات، ويذاكرها بعد ذلك.

كما أنها لم تشأ أن تنير نائوته، فيذكر لها مسألة عملها مرة أخرى.

و ذات يوم، ذهبت للكلية، ولم يذهب هو، فقد كان لديه عمل كثير بالورشة، وجلست في قاعة المحاضرات دون أن يجاورها وتشعر بحرارة جسده تلامسها، ولا يده التي اعتادت أن تلتصق بيديها وهما يتسابقان في الكتابة خلف الأستاذ، تلك المرة كان بجوارها عماد الذي يراها، ويعلم أنه ليس له أمل فيها، فالكل يعلم أن قلبها موصد في وجه الجميع إلا فتحي.

وشعرت بغصة في حلقها، وضيق يكم أنفاسها، وارتفاح في صوت نبضها وقالت في نفسها: خير يا رب !

سألها عماد وقد لاحظ قوة نظراتها: مالك؟

-أبدًا قلبي مقبوض.

-خير إن شاء الله.

ثم صاح الأستاذ: مش عايز أسمع صوت.

فصمت الجميع، وبعد المحاضرة الأولى، لم يكن لصفاء رغبه في إكمال المحاضرات، ولكنها ثابت، ففتحي ليس هنا ليحل محلها، ولم تكن تثق بكتابة أحد غيره، فتحاتمت على نفسها، وواصلت إلى أن انتهت المحاضرة الثانية، وضيقها وانقباضها يزدادان.

وفي طريقها للمكتب، هوى قلبها في قدمها وسيطر عليها أن هناك خطراً يوشك أن يقع وزاد إحساسها بشكل غريب.

فتوجهت بسرعة إلى بلدتها، وفي طريقها مرت على الورشة لتجد العمال لا يعملون بالصورة المعتادة، سألت عن أبيها، فقال لها أحد العمال: هو إنتي ما تعرفيش يا أبله اللي حصل؟

انزعجت صفاء وصاحت قائلة: إيه اللي حصل؟ جرى إيه؟

-فتحي وقع عليه عرق خشب، وراح المستشفى الكبيرة والأسطى محمود والحاج عبد الله معاه هناك.

نزل الخير كالصاعقة على نفسها الملتاعة، وهولت جهة المستشفى تبحث عن نصفها الآخر.

كان فتحي بالورشة التي هي عبارة عن ساحة كبيرة تمتلئ بالعمال، والآلات اللازمة للتصنيع، وعلى اليسار حين تدخل الورشة سلم يصعد طالعه إلى ما يشبه السندرة -طابق صغير ليس مرتفعاً أرضيته من الخشب يجزن فيه الخشب حتى يتم تصنيعه- وفي هذا اليوم كانت هناك طلبية خشب يحملها العمال لأعلى، وإلى جوار درابزين السلم تعثر العامل وسقطت

منه عروق الخشب ليستقر أحدها على رأس فتحي، ويشجّه،
والآخر على يده، فيكسرهما، فصرخ فتحي من شدة الألم،
وهاله الدم المتفجر من رأسه كالشلال.

وسارع الحاج عبد الله بطلب الإسعاف التي حضرت وحملته
للمستشفى بصحبة الأسطى محمود، وتبعهم الحاج عبد الله في
سيارته.

وصلت صفاء المستشفى لتجد أباهما وأم فتحي التي تجلس
والدموع ثملاً وجهها، احتضنتها صفاء وسألت عنه، قالوا لها:
عند الدكتور جوه.

واقتحمت صفاء حجرة الكشف وهرعت إليه وكان
الدكتور لتوه قد فرغ من ربط جرح رأسه، فنار في وجهها:
إنني مين؟ وإزاي تدخلني هنا؟

لم ترد صفاء وإنما أمسكت بيد فتحي السليمة وهي تسأله:
عامل إيه حاسس بيايه؟

لم يرد فتحي وإنما ضغط على يديها بقوة، فأحست مقدار
ألمه، فسالت دمعة من عينها وهي تقول: يا ريتني كنت أنا.
قال لها والألم يعتصره: بعد الشر عليكى.

ابتسم الدكتور حين سمعهما، فلقد عرف من تكون دون أن
تجيبه، ثم أمسك بصورة الأشعة التي جاءت بها المريضة، ليتضح
الكسر في الساعد، كان مفعول المسكن الذي أخذه فتحي في

طريقة للتلاشي، فقام الطبيب بتجبير اليد المكسورة، وطلب منه العودة بعد ثلاثة أسابيع.

خرجت صفاء وفتحي يستند إلى كتفها، لتلاقيه أمه وتأخذه في حضنها، ويستند عليها، وعلى والد صفاء، حتى ركبوا سيارة الحاج عبد الله لتقلهم إلى البيت، ليس خفيًا على أحد حب صفاء لفتحي، وحب فتحي لصفاء، فلم يكن بمقدور والدها أن يسأل عما أتى بها قبل موعد حضورها لتعرف ما حل بفتحي، وتلحق بهم في المستشفى، فقد كانت الإجابة واضحة، وليست بحاجة لأن يرد بها أحد، تكفي النظرة الملتاعة في عيناها، النظرة التي احتضنته دون أن تمسه، النظرة التي بثته فيها كل مشاعرها، وهواها المحمل بخوفها، ولوعتها عليه.

وخلت حجرته من الجميع سواهما فقالت: سلامتك يا توجة شد حيلك.

-الله يسلمك يا عنيا.. كنت عارف إنك هتحسسي بيا وهتيجي.

-آه لو أعرف إن انقباض قلبي ده كنت إنت المقصود بيه، كنت جيت من الصبح، من ساعتها، وما اتأخرتش، ممكن مكش ده حصل!

-المكتوب مكتوب ولازم تشوفه العين، الحذر لا يمنع القدر.

-عندك حق.

ظلا يتحدثان حتى أرهق فتحي من الإعياء فنام، وهنا تركته، وذهبت لبيتها، ولكنها ظلت إلى جوار الشباك، تنتظر أن يستيقظ وتطمئن عليه، حينما تركته كانت الساعة قد تجاوزت الثامنة بقليل، حين حضر سلامة أبو فتحي من عمله، فوجد امرأته منكسة الرأس حزينة، وأولاده كلهم بالبيت والحزن يكسو وجوههم، جزع الرجل وسأل عما حلّ بهم، وعندما عرف ما حدث، حزن قلبه ودخل ليطمئن على ولده النائم، فقَبِلَ جبهته، ودعا له بالشفاء، وألقى التحية على صفاء، ثم خرج من الحجرة متوجهاً لحجرتها ليبدل ملابسه، تبعته زوجته وهي تقول: كنت بتكلم مين؟ هو صحي؟

-لا كنت بمستي على صفاء قاعدة جدار الشباك وشكلها كان بيعيط.

-آه يا أبو فتحي على اللي عملته صفاء النهارده، ولا همها حد، ولا كلام أبوها، ولا أي حد، وروت له تصرفها مع ولدها اليوم.

- ما إحنا عارفين يا وليه إنهم بيعجبوا بعض، هي جديدة دي؟ وبعدين أنا لو جرى لي حاجة مش هتعملي زيها؟

-بعد الشر عليك يا أخويا، ده إحنا عايشين بحسك.

-ربنا يخليكي لي يا أم فتحي يا رب، ده إنتي الخير والبركة.

وجلس الرجل ليتناول طعامه، فلم يطب الطعام دون ولسده
الأكبر، فقام مسرعاً رغم أنه لم يتناول شيئاً منذ إفطاره في
الصباح.

دخل الرجل حجرته ونادى زوجته وقال لها: فيه معاكي
فلوس أد إيه؟

-مصروف البيت يعني؟

-لا يا إكرام الفلوس اللي إحنا شايلنها على جنب.

-معايا ميت جنيه..ليه؟ عاوزهم؟

-إنتي مش بتقولي لي إن مصاريف المستشفى دفعها الحاج
عبد الله، يبقى لازم نرجعها له.

-بس ده انصاب عنده في الورشة وهو اللي لازم يعالجه.

-لكن لازم نعرض عليه ويبقى عندنا ذوق، يلا هاتيهم.

وذهب الرجل ليرتدى جلبابه الأبيض، ثم توجه لمزول الحاج
عبد الله، الذي استقبله بترحاب شديد، وسأله عن أحوال
فتحي ودعا له بالشفاء.

قال سلامة وقد أخرج النقود من جيبه: دول يا حاج ميت
جنيه المصاريف اللي دفعتها، ولو كنت دفعت أكثر، قول لي
وأنا أول الشهر أجيبهم على طول.

-ياه يا أبو فتحي! عايز تحرمي أعالج واحد من ولادي؟!

-ربنا يخليك لنا يا حاج بس.....

- من غير بس، أولاً دي إصابة عمل، وصاحب العمل هو
اللي لازم يتحمل كل التكاليف، وبعدين إنتم مش عندكم
الحكومة بتعمل كده؟

- بس دي الحكومة يا حاج.

- وأنا بقى الحكومة في ورشتي، يلا يا راجل شيل فلوسك
وعيب كده، فتحي ابنك ده غالى عليا، ده الورشة مفتوحة
بحسه هو والأسطفي محمود، أنا خلاص ماعدتش قادر على
الشغل، يكفي إن صاحب ورشة النور عرض على فتحي
يشتغل عنده بيومية أكبر من يوميته عندي ثلاث مرات، وفتحي
رفض، وما قالش، اللي قال لي صاحب الورشة بنفسه، ابنك لو
طلب عيني ما اتأخرش.

- ربنا يدم المعروف اللي بينا، وبعدين يا حاج إنت اللي
مريبه، ومشربه الصنعة، يقوم أما يكسر يجري ورا القرش
ويسيب أستاذه، ده لو عملها يبقى قليل الأصل.

- ربنا يخليه ليك يا رب، وبارك لك فيه، وفي إخوانه.

- يسمع منك يا حاج، وأخذ سلامة نقوده وانصرف، وهو
يشكر الله ويحمده كثيراً فلقد تعب كثيراً إلى أن ادخر هذا المبلغ
هو وزوجته، وكانا في انتظار الشتاء ليحريا لابتئهما سماء -التي
دخلت كلية الآداب هذا العام- عملية إزالة اللوزتين بعد أن
بدأت تؤثر على قدمها وتتعبها بشدة.

لم تكن سماء تسافر مع أخيها إلى طنطا، إنما كانت تركب من الرصيف المقابل لتذهب إلى الرقازيق، فهي في قسم اللغة الإنجليزية بكلية الآداب، جامعة الرقازيق.

لم تكن سماء جميلة وإنما ملاحظها مريحة هادئة، لم تكن في طيبة فتحي الزائدة، ولا في عنفوان صفاء، وإنما كانت شخصية متزنة، ترسم ملاحظها من كونها إنسانة عادية جدًا كأكثر البشر على الأرض، وإن كانت تحدد خطواتها بدقة ولا تأمل في الكثير، وأقصى ما كانت تريده، العمل بمهنة محترمة، وبيتًا تكون سيدته وتكون لأولادها كأمها نبعًا متدفقًا من الحنان، وسيلًا من العطاء، هذا ما تريده سماء ولكل امرئ الحق فيما يشاء والناس فيما يعشقون مذاهب.

وكثيرًا ما كانت سماء تشك بأن هناك حبًا بين فتحي وصفاء، ودائمًا ما كانت تسميه اعتيادًا وعشرة، ولكنه بأي حال من الأحوال ليس حبًا، فكيف لشخصين بعيدين بُعد السماء عن الأرض في تفكيرهما، أن يتحابا، ويرتبطا بعد ذلك، كانت تتعجب من الأمر، وكثيرًا ما كان يعضب منها فتحي حين كانت تجاهر بوجهة نظرها هذه، أتى الصباح الجديد كعادته في مواعده رغم أن صفاء كانت تتعجله، وتأمل أن تسطع شمس اليوم قبل موعدها، حتى تذهب لتطمئن على نصفها الآخر، فلقد أقسمت ألا تذهب لأي مكان اليوم، حتى العمل، لتبقى إلى جواره.

وها هي الشمس قد ملأ نورها الرائع الكون، شمس نوفمبر
الجميلة الهادئة، وشمس الصباح غير أي شمس حنون دافئة، رغم
نسيم الهواء الذي يسرى بين أن وآخر فيُحد من دفئها قليلاً.

و بمجرد أن ذهب أبوها لعمله، حتى انطلقت تدقّ بابيه
وتدخل حجرته، كان ما زال نائماً منذ أن تركته فقالت لأمه:
معقول نائم ده كله؟ بقي له أكثر من اتناشر ساعة نائم!!

- مش عارفة يا بنتي، وخايفة أصحيه.

- يمكن الدوا اللي أخده، على العموم أنا هصحيه.

جلست إلى جوار فراشه، كم هو رائع وهو نائم، جميلة
ملاحظه، ولكنه أروع حين يفتح عينيه العسليتين، وتظهر سيوف
رموشه الجارحة بعنفوانها وغرورها، تلفتت صفاء خلفها، فلم
تجد أحداً، فمالت عليه مهدوء وبخوف وتردد، وأخيراً اقتربت
شفاهها منه وطبعت قبلة على جبهته، حملتها كل هواها
وشوقها، ولكنه صحا في تلك اللحظة التي قبلته فيها، فابتسم
حين رأى حمرة الخجل تعلو وجهها فقال: يا ريتي عييت من
زمان بعد ما أخف هقول لهم يكسروا الإيد الثانية ولا رجلي
ولا أي حاجة.

-بعد الشر عليك متقولش كده.

واقتربت أكثر منه لتساعده ليقوم، ولكنه تأوه، فرأسه ثقيلة،
ويشعر بأنه غير قادر على حمل نفسه، فقالت: خليك زى ما
إنت، وذهبت إلى أمه، وأحضرت منها منشفة، وطبقاً به ماء،

وذهبت إليه، بينما تركت أمه تعد له الإفطار، وبللت يديها
بالماء ومررته على وجهه تغسله، فأمسك يدها بيده السليمة،
وقربها من فمه ليلثمها وهو يقول: مش عارف أشكرك إزاي.

-تشكرني على إيه؟ هو إحنا بيئا شكر؟

-أنا تاعبك معايا.

-تعبك راحة يا أستاذ، وبعدين مين قال إني تعبانة؟ أنا اللي
تاعيني رقدتك دي، ومش عايزة أشوفك تاني راقد في السرير.

-مش بإيدي، المهم إنني مش رايحة الشغل النهارده ولا إيه؟
-أروح إزاي وأسيبك.

-صحيح يا صفاء مش هتروحي عشائي؟

-طبعا.. هو أنا عندي حد أغلى منك؟

امتلا وجهه بالبشر والابتسام وهو يردد: بحبك ولو فات
عليا ألف سنة هأفضل أحبك.

-ياه ألف سنة؟ طب قول ستين.

-مش كفاية.

-يا أخويا، بكره تلعن اليوم اللي شفتني فيه.

-أنا؟! أبدا، عمري.

وأتى الإفطار، وأفطرا سوياً، كانت تطعمه بيديها وتأكل معه، أجمل طعامها هو ما تناوله معه، حتى وإن كان قطعة خبز جافة، إن كل شيء تنقاسمه معه له طعم وشكل آخرين.

اليوم التالي، كان إجازة المكتب، فلم تذهب حيثُ إنَّ يوم الجمعة هو اليوم الوحيد الذي كانت تقضيه في البيت.

وفي صباح السبت، توجهت إلى الكلية ومنها للمكتب وعرف أصدقائها ما حل بفتحي، وكذلك سألتها الأستاذة عن سر عدم مجيئها اليومين الماضيين، فأخبرته أنَّ أخاها أصيب في حادث عمل في الورشة، حكّت له الحكاية إلا أنها لم تخبره بأن حبيبها هو المصاب.

ولكن حينما ذهب الأستاذ سعيد لمقره في مساء اليوم قال له عماد: عرفت سر غياب صفاء يا بابا؟

-أيوه، أخوها مصاب في حادث بالورشة.

-أخوها؟! نطقها عماد وعلامات الدهشة ترتسم على وجهه ولاحظ أبوه دهشته فقال له: أيوه أخوها.

-أخوها مين؟ ده فتحي زميلنا وحبيبها اللي ما بتقبلش كلمة واحدة عليه من أي حد.

-حبيبها!! في السن دي.

-أصلهم جيران طول عمرهم، هو أكبر منها بأسبوعين بس، ومتربيين سواء، علاقتهم وطيدة جدًا رغم الاختلاف

لواضح بينهم من حيثُ طريقة تفكيرهم وأسلوبهم ورغباتهم في الحياة.

-وهو يشتغل في الورشة مع أبوها.

-أيوه تجار مع أبوها، ويتقoul عليه فنان، وصناعي مقيش خوه.

-البت دي غريبة جدًا، كل يوم أكتشف فيها وعنّها حاجات غريبة.

-هي غريبة بعقل! دي أغرب إنسانة شفتها، مش زى لبنات أصحابنا، تفكرها غيرهم، حياتها غيرهم.

-إيه يا سي عماد؟ إيه في دماغك؟

-أنا؟ أبدًا وحتى لو فيه، دي عاملة زى الحصن، القلعة اللي لا حدش يقدر يتسلق أسوارها العالية ويخترقها.

وفهم الأب مقدار حب ولده لها من الحرارة التي كان يتكلم بها عنها، ومن مقدار الحزن الذي ارتسم على وجهه وهو يتحدث عن قلعتها الحصينة.

واصلت صفاء حياتها السابقة كما كانت بين الكلية والمكتب، ولكنها كانت تعود مسرعة إلى حيثُ يوجد حبيبها لتطمئن عليه، وتجلس معه قليلاً، وأحياناً كانت أمه تشكو لها من عدم تناوله طعامه، فتضغط هي عليه ، وتطعمه بنفسها ولو حتى رغماً عنه.

وبعد أن فك فتحي رباط رأسه، أقنعتة أن يذهب معها للكلية بدلاً من جلوسه في المنزل بلا فائدة، وبالفعل ذهب معها، وبالتالي فهي مطمئن عليه أكثر لوجوده بقرها نصف ساعات النهار، لثلاثة أيام، وتركه ليعود مع أشرف، ثم ترجع ليلاً وتفتح شباكها لتعتمد جبال الهوى وتتصل.

مرت الأسابيع الثلاثة التي أمر بها الطبيب، وذهب فتحي وهي معه بالطبع للطبيب الذي أمر بفك الجبس وعمل أشعة ليتضح التئام الكسر، وسرعان ما سأل فتحي: أقدر أشتغل بيها يا دكتور دلوقتي؟

-لا يا عم فتحي، لسه شوية، أنا هربطها لك برباط ضاغط لفترة، وبعدين أشوفك تاني، وهعلمك بعض التمرينات لتنشيط الذراع عشان ترجع زي ما كانت.

-لسه هصبر؟ أنا زهقت!

قال الطبيب وهو يحاول تهدئته: يا بني اصبر واحمد ربك على ما أصابك، فيه ناس بتقضي في الجبس شهور، وبعدها شهور تانية في العلاج الطبيعي!

نظرت صفاء بغضب تجاه فتحي، وقالت: ما تستعجلش يا فتحي، الحاجة اللي بنستعجلها دايماً تطلع مش أد كده، ونخسر ونرجع نصلحها، ولا حتى ندور على غيرها، زي حنة المويليا يا أسطى إن ما كانتش تاخذ حقها من كله، نلاقيها بعد مدة قصيرة تشتكي.. ولا إيه؟

-عندكو حق، قالها وهو ينظر إلى الأرض نحجلاً منهما.

قال الطبيب: إنت نجار كويس بقى؟ ولا نص نص؟

-الحمد لله.

-يعنى إيه ما فهمتش أنا؟

قالت صفاء بلا تردد: يعنى فتان يا دكتور، أستاذ في صناعته،
يكفى إنه مضيع دراسته ومايبروحش الكلية وقاعد في الورشة
بل نهار.

قال الطبيب: إيه ده انت بتدرس في الجامعة.

فتحي: في كلية الحقوق الفرقة الثانية.

الطبيب: وإنني يا آنسة؟

صفاء: معاه، آمال مين اللي بيحجب له المحاضرات اللي ما
بيحضرهاش؟

فتحي: دي بتطلع الثانية على الدفعة، سوسة مذاكرة.

صفاء: هانقرّ بقى؟

فتحي: أنا برضه همسلك يا صفاء؟ ما إنني عارفة!

صفاء: باهرز يا فتحي ما أنا عارفة إنك طول عمرك بتتمنى
لي الخير.

الطبيب: تعرفوا إن إنتم الاثنين حلوين قوى؟ ربنا يسعدكم،
عايز المرة الجاية أشوفكم سواء ضحكا ونظرا لبعضهما في
خجل، ونطقا في نفس اللحظة: إن شاء الله بس مش عيانيين.

وخرجنا للدنيا الواسعة، وكل منهما عاقد العزم على
استرجاع حياته التي شعر هو أنها توقفت، وشعرت هي أنها
زادت فيها أعباؤها، كانت معهم أم فتحي وقد اطمئن قلبها
حين رأت ولدها قد فك الجيس.

قالت صفاء: لازم نحتفل النهارده يا خالتي.

أم فتحي: طبعاً، آمال إيه.. إحنا عندنا كام فتحي.

صفاء: خلاص روحوا إنتم وأنا هحصلكم.

فتحي: على فين؟

صفاء: هشتري حاجات أمني طلبتها مني، وهاجي بسرعة.

فتحي: آجي معاكى.

صفاء: روح إنك عشان تستريح شوية أنا مش هغيب.

وذهبت صفاء إلى محل حلويات بسيط في البلدة، اشترت
بعض الحلوى الرخيصة، وزجاجات المياه الغازية، وتوجهت
بسرعة إلى بيت فتحي، الذي فتح لها الباب وابتسامته الرقيقة
تملأ وجهه وهو يسألها: تأخرتي ليه؟

-أنا ما تأخرتش ولا حاجة يا دوب.

-إيه اللي معاكى ده؟

-سيبني بس أحط الحاجة، تعبت من شيلها.

وضعت الأكياس على المنضدة الصغيرة في الصالة، ونادت أم فتحي وإخوته، وطلبت من فريد أن ينادي إخوتها وأمها وأباها إن كان هناك، ورصت الأشياء التي أحضرها على المنضدة، وأتت بالأطباق لتوزع فيها، والأكواب لتملأها بالمياه الغازية، بينما فتحي وأمه ينهراهما لتكيدها تلك الكلفة، وملأت طبقاً مخصوصاً لعمها سلامة، وأعطته لأم فتحي لتحتفظ به، وكذلك طبقاً لأبيها واحتفل الجميع بسلامة فتحي.

وأشبعنا داخلها رغبة في الفرح، نعم إنها تريد أن تفرح، إن حياتها ليست حزينة، وإنما حياة عادية، راكدة ليس فيها من التطرف شيء سوى في مشاعرها ورغباتها الداخلية، ولكنها تأتيها لحظات تريد فيها تغيير نطاق حياتها ولو حتى بالحزن، وليس بالفرح!

ذهبت لمترها برفقة أمها وإخوتها، وفي البيت قالت أمها تهكم: يا أختي بدل ما تصرفي عليه، وتحتفلي بيه، حوشى فلوسك، وقريها، جيب بيها حاجة تنفعك، حنة دهب ولا حاجة في جهازك.

-جهاز إيه يا أمه دلوقتي، ولا دهب إيه.. ما كفاية علينا الذهب بتاعك!

-أمال تصرفي على ابن الكمساري؟

- ما له ابن الكمساري؟ ما أنا بنت النجار، في إيه اتغير؟

- فقرية زى أبوك!

- أمه، أنا حرة في فلسي، وكل واحد ينام على الجنب اللي يريحه.. خلاص؟

قالت جملتها الأخيرة تلك، وتوجهت إلى حجرهما، وقد تبددت لحظات فرحها القصيرة، فجلست إلى الشباك بعد أن خلعت ملابسها فوجدته في انتظارها.

- غيبي كده ليه على ما فتحني الشباك؟

- كنت بتكلم مع أمي شوية.

- مالك؟

- مفيش.

- صفاء.....

- نعم؟

- في إيه؟ طمني، إني كنت كويسة من دقايق.

- ولسه كويسه.

- هو أنا ما عرفكيش ولا إيه؟

- مفيش يا فتحني ما إنت عارف أمي... لازم تنكد علينا

بكلمتين طالما جاين مبسوطين.

- قالت لك إيه؟

-أبدأ كان فيه شوية حاجات قالت لي أعملها، وما عملتهاش.

-يجد يا صفاء ولا فيه حاجة ثانية؟

-هيكون فيه إيه ثاني؟ ما إحنا كده على طول.

-يا شيخه انسي، ما أنا أمي مع أخواني البنات كده برضه، المهم هتروح بيكره الكلية؟

-طبعاً آمال إيه..المهم إنت هاجي معايا ولا لا؟

-جاي.

-أد إيه المحاضرات ملهاش طعم من غيرك!

-يا سلام بتقولي كده بس عشان آجي، طب ما أنا كنت معاكى امبارح والأسبوع اللي فات كله.

-ده عشان كنت تعبان، لكن مجرد ما إيدك تقدر تشتغل بيها، هترجع ربما لعادتها القديمة، وأرجع أنا أبقى لوحدي!

-ليه ما قلتيش كده من زمان؟

-ما أنا يا ما حاولت أقول لك تعالى، وإنت رافض.

-لأني ما كنتش شايف إن عندك وقت لي.

-طب ما إنت اختصرت الوقت اللي ليك ونهيتته، الوقت اللي كنا بنقضيه سوا في الكلية مكنش بيكفيك يا فتحي؟

-إنني بتيقي في المحاضرات مركزة بدرجة كبيرة ما بتحسبش
باللي حواليلي، يعني وقت مش محسوب، كنا الأول بترجع
نكتب المحاضرات سوا ونقضى وقت كبير دلوقت بقيت بعد
الكلية بتروحي المكتب وترجعي تعبانة وهلكانة هتنامي، أنا
فين؟ مليش مكان، هتقعد أعمل إيه؟ أخط إيدي على خدي
وأندب حالي؟ لا، كان لازم أشتغل، وأشتغل، وأشتغل روحى
وأرجع أنام من التعب!!

-طب ليه تحرميني من الوقت اللي بتقعد فيه جنبي في
المحاضرات؟ وجودك كان بيحسني بالأمان، بالراحة، لما إيدك
أحسن إنها جنب إيدي، لما بتكمل الكلمة من بعض، لكن
دلوقتي بحس إني غريبة وحيدة!
-وأصحابك؟

-كم مرة قلت لك إنت مش في مقارنة معاهم، هم حاجة
وإنت حاجة ثاني، إنت أهم، ويكفي إن علاقتي بيك مش قائمة
على المصلحة زى علاقتي بيهم.
-أرجع وأقول إنني السبب.

-ماشى يا فتحي، أنا السبب وأنا المسؤولة وأنا الغلطانة،
طب وبعدين؟ هي دي بقت حياتي، وهتبقى كده على طول
هنعمل إيه؟

-زى ما إحنا لحد ما ييجي الحل لوحده من عند ربنا.

-عندك حق.

قالتا وتوارتا عنه، فلقد ألقت بنفسها على السرير الذي كانت تجلس عليه بينما ظل هو جالساً يتطلع إلى شباكها الخالي وقد آله أنه أغضبها وهي التي كانت فرحة به منذ قليل وتكفلت بحلوى الاحتفال، فصمت قليلاً ثم نادها بإشارتهما، فلم ترد، فنادها ثانية، فقامت، ونظرت إليه دون أن تنطق فقال لها: -أنا آسف.

لا زالت على صمتها، لم ترد عليه، فقفز من الشباك، وذهب إلى نافذتها، وجلس على الإفريز قبالتها، وأمسك بيدها وقبلها وقال لها: سامحيني مكنش قصدي أضايك.

كان يتصرف وكأنه وحده في الشارع، وأنه ليس حوله أحد من الجيران، أو المارة، أو أي مخلوق، ولكن لحسن حظه، لم يرها أحد، حين عاد إلى حجرته وقد ابتسمت له وقالت: خلاص مفيش حاجة.

كانت الساعة تقارب الثالثة عصراً حين ارتدت ملابسها وذهبت للمكتب، فلقد كان أحد أيام دراستها وهي لم تذهب للكلية هذا الصباح.

واصلت عملها بنشاط، وظلت تعمل حتى التاسعة، وحينما نزلت من المكتب لم تصدق عينها، إنه هو في انتظارها، سارت إليه، تأبطت ذراعه وقالت: كنت عارفة إنك هتيجي وتستنائي، لكن مكنتش عارفة إن ظني هيتحقق كده وبالسريعة دي.

-ما أقدرش أعيش وأنا حاسس إنك لسه زعلانة مني.

-بس أنا مش زعلانة.

-صفاء أنا عارفك زى ما أنا عارف نفسي، وصمت قليلاً
ثم قال: أنا جعان ونفسي نتعشى سوا.

-مش خايف حد يشوفنا؟

-معاكى ما يخافش غير عليكى، وبعدين كل الناس عارفة
إن أنا ليكى وإنتى ليا.

وذهبا سوياً لأحد المطاعم، وتناولوا بعض الساندويتشات،
أرادت أن تشاركه الحساب، لكنه رفض رفضاً باتاً، وخرجاً،
سارا معا مسافة ليست طويلة، قبل أن يتنبها إلى أن الساعة
قاربت العاشرة والنصف، ولكن ليس مهما، سوف تخترع أي
حجة لأبيها، المهم أنها ستبيت ليلتها سعيدة هانئة.

في الصباح، أشرقت الشمس وأشرقت أنوارها معها، فلقد بدأ يومهما بابتسامتهما البراقة التي لها نور الشمس، وجمال الشروق، وهمة الصباح، وفي الثامنة والربع كانا في المحطة ليستقلا القطار إلى حيث كليتهما، هناك وفي قاعة المحاضرات نظرت إليه وابتسمت بادلها الابتسام وهو يتلمس يديها خلسة حتى لا يراها أحد، إلى أن دخل الأستاذ وبدأ الحديث، وشرعت في الكتابة، وبدأ هو الآخر، وعادت تكمل منه ما يفوقها وينقل منها ما فاتته.

وبين المحاضرات جلسا معاً، تناولوا طعامهما، وتبادلا الحديث وكأتهما في محاولة لسيان فترات افتراقهما، والجفاء الذي دبَّ في علاقتهما.

راود صفاء شعور خفي لم تكن تدرك كنهه، كانت تعاني، ولا تعرف سبب معاناتها، وبعد طول معاناة أدركت صفاء ما بها، لقد كلَّت، تعبت منذ أشهر طويلة، وهى في صراع مستمر، لم تهدأ لحظة، لم ترتج، لم تكف عن التفكير، إنها بحاجة للتغيير لكسر حدة الملل الذي تسرَّب إلى نفسها لمواصلة حياتها بعد ذلك، إنها تريد يوماً واحداً بلا عمل، بلا دراسة، بلا معارف، بلا طامعين، بلا متحذلقين، ومتباهين، بلا ناقلين، وحاسدين، نعم إنها تريد إجازة فقط، إجازة، ليس كثيراً عليها

أن تحصل على يوم تكون خالية فيه من كل ذلك، لكن كيف تحصل على إجازة؟ وأين تذهب ومع من ستذهب؟

وقررت أن تختار يوماً ليس به دراسة وتغيب عن المكتب وتذهب مع صفاء وحدها، وحدها دونما أحد حتى فتحي، إنها تبغي صفاء فقط، بقي لها أن تقرر أين تذهب؟

خطر ببالها الإسكندرية، فهي كما تسمع بديعة في الشتاء ساحرة حتى بأقطارها الكثيرة، إنها تريد أن ترى أمواج البحر المتلاطمة بقوة كقوة عزيمتها ورغبتها في مواصلة الطريق الذي بدأت، وكأنها تستمد من قوة الموج قوتها، ولكنها عادت وقالت في نفسها: إنها لا تعرف كيف تذهب إلى هناك وحدها، وخشيت أن تضل الطريق.

وعادت لتسأل نفسها أين تذهب؟ ثم استدركت وما لها القاهرة؟ إنها دافئة في الشتاء، بديعة جميلة، طوال العام ثم إنها ذهبت إليها في رحلة وحيدة مع المدرسة، وكذلك ذهبت إليها مع فتحي وأمه في زيارات قصيرة لخاله المقيم في حي شبرا، إنها تستطيع الذهاب إلى هناك دون أن تضل، وحتى إن ضلت فيكفيها أن تسأل كيف تذهب إلى ميدان رمسيس وألف من يدها، فمن يسأل لا يتوه كما يقولون.

وعقدت العزم على الذهاب، وخرجت في موعد ذهابها للمكتب، ولم تترك من بلدتها مباشرة للقاهرة وإنما ركبت من طنطا ونزلت في ميدان رمسيس ثم ركبت من هناك سيارة

للتحرير نزلت منها وسارت قليلاً إلى كورنيش النيل وأصبحت أمام هذا العملاق الهادئ، نبع الحياة وشرائها.

إنه نزهة الفقير، ومتعة الغني، وصاحب العاشقين، وملهم الفنانين، كم سمع شكوى المكلمين! وكم بكى مع المعذنين! وكم فرح! وكم حزن مع المحبين! أنه اليوم لا لتشكو، وإنما لترتاح بالنظر إليه، لتأخذ على صفحته أول أيام إجازتها منذ أن اختارت درهما لتمشييه راضية قانعة بما ارتضته لنفسها، ورغبت فيه.

جلست أمام النيل تُمتع نظرها به لأكثر من ساعتين تتأمل موجه الهادئ، والمراكب التي تتمايل على صفحته برفق، والبواخر السياحية الراسية عند ضفته المقابلة، وشعرت بحرارة الشمس قليلاً رغم أن شمس مارس شمس دافئة هادئة فزلت لتركب قارباً من تلك المخصصة للنزه.

لم يكن هناك أناسٌ كثيرون، فهو وقت عمل والناس في أشغالها، والطلبة في مدارسهم، لم يكن هناك غير بعض العشاق المختلسين هذا الوقت من الزمن، ومن أهلهم، ومن كل شيء، هي الأخرى اختلست هذا الوقت لتكون مع نفسها ولنفسها، وشعرت بنسمات الهواء الباردة تتسلل إليها فتتبعشها ليتلاشى الوجود من حولها، اختفت أصوات السيارات والناس حتى محرك القارب الذي هي على متنه! لم تشعر سوى بأنها طائر في السماء يضرب الهواء بجناحيه، ويشق عباب السماء، يداعب

السحاب، ووجدت نفسها تقول: "الله... الله" دون أن تدري، وظلت ساجدة في خيالها الجميل، وهذه الرحلة النيلية الرائعة إلى أن شعرت بوخز الجوع فقالت: آه منك أيها الجوع سوف تُفسد على متعتي ولكنها صبرت حتى تعود مع القارب للشاطئ.

لم يكن ينقصها في تلك الرحلة سوى فتحي، ولكن صفاء أمرت أن تظل مع صفاء، ومادامت قد أمرت فأمرها واجب التنفيذ، لأن الأنا لديها أسمى من أي شيء، فصفاء لصفاء مهما حدث.

عادت من رحلتها وهي منتعشة، سعيدة بعد أن جددت نشاطها المفقود رجعت مليئة بالحياة لمواصلة حياتها السابقة فالمرء دوماً بحاجة لأخذ إجازة ولو ليوم واحد يُريح فيها عقله من التفكير الدائم فيما يفعل، وما سوف يفعل، ومن الناس أجمعين.

لم يعرف أحد بإجازتها تلك، وحين سألتها الأستاذ سعيد، وزملاؤها بالمكتب عن سر تغيبها، ادعت أنها كانت مريضة، ومن وجهة نظرها لم تكن تكذب فهي اعتبرت نفسها مريضة وكانت في رحلة استشفاء.

وتواصلت الحياة على نفس منوالها إلا أن الفجوة بينها وبين فتحي تتسع، فهو لم يعد قادراً على تحمل فراقها المستمر ونظرها إلى الساعة كل دقيقة بعد المحاضرات، وكأنها تقول له: "وقتك انتهى" وكل هذا من أجل عملها الذي أصبح كل شيء

في حياتها، لم يعد يقبل بكونه على الهامش في حياتها، لذا فلقد عاد إلى عمله الدائم في الورشة، ولم يعد يعتمد عليها في شيء حتى في الدراسة، فهو لم يعد ينتظر منها المزيد، فكرامته أبست عليه هذا الوضع الغريب، إنه يرى أن كل حبيب لدى حبيبه كل شيء وليس آخر شيء يفكر فيه.

حتى هي لم تسأله: لماذا لم تعد تأتي للكلية؟ كأنها لا تهتم ولكنها تعبت من السؤال، والإلحاح عليه، تركته على حريته، واهتمت فقط بمذاكرها، وعملها أكثر وأكثر، وواصلت قراءتها في كتب القانون لمشاهير القانونيين، واطلعت على كتب تحوى أشهر القضايا التي شهدتها المحاكم في مصر والخارج، لقد صارت المحاماة والعمل بالقانون أهم شيء في حياتها، لقد فصلها عن العالم الذي كانت تحيا به، عن أهلها، أصحابها، الجميع، صار المستقبل والطموح هو ما ترنسو إليه وتصبو للوصول إليه.

وفي إحدى الليالي رجعت من عملها، تناولت عشاءها ودخلت لتنام، وكعادتها ألقت نظرة على شباكها، فوجدته مغلقاً، إنما لم تره منذ أكثر من شهر إلا لحظات خاطفة يتبادلان فيها التحية كالأغراب، أو كمجرد جيران، رقدت على سريرها تبتغي النوم إلا أنه جافاها، ولم تجد غير صورة فتحي في مخيلتها ثمحو أي شيء آخر لقد اكتشفت أنها في حالة شوق إليه لقد أوحشها بشكل كبير.

إن أي إنسان يطلع على حياة صفاء، أو يتعرف عليها، فلا بد أن يصاب بالحيرة من تلك المخلوقة الغريبة، إنها لا تُعبر الحب اهتمامًا وتعتبره في مرتبة ثانية بعد الطموح، والوضع الأدبي والاجتماعي الذي تسعى جاهدة إليه، وبالرغم من هذا فإنها تسعى أحيانًا إلى الحبيب الذي شعر بإهمالها له، هي نفسها سألت نفسها: ماذا تريد منه؟ إنها حتى لم تفكر في الارتباط به لم يحظر بيائها ولو لمرة واحدة أن يجمعها بيت واحد، إذا لماذا تشتاق إليه؟ لماذا تأملت وبكت حين أصيب في الورشة؟! ولماذا تعبت من وجودها وحدها في الكلية؟ لماذا لا يهدأ لها بال أو تنام إلا إذا رأت ابتسامته أو ألقى عليه التحية!! ما الذي يربطها به؟

قد تكون العشرة، الاعتقاد، يجوز، ولكن.... ليس هناك لكن، لقد فشلت في التعرف على كنه شعورها تجاه فتحي.

وعلى العكس من هذا فهو قد حسم أمره تمامًا، فهو مدرك ومتيقن من أنه يهواها، لا بل يعشقها، وهذا سر عذابه وألمه! فما يشعر به من حب لا يجد مقابلًا له لديها، وإذا أشعرته لحظة بهذا الحب، وإذا نعتته حبيبي فهي سرعان ما تتصرف بعكس ما فعلت أو قالت، إنه مرهق، متألم، معذب، أبت نفسه البوح بآلامه أو الشكوى، لأنه أدرك أن شكواه لن يكون لها صدى لديها، وإن كان، فرد فعلها وقتي سرعان ما يزول وتعود لسابق جفائها، لذا فلقد ألقى بنفسه في دوامة العمل الذي يحبه

ويهبوا، للفن الذي يعطيه ويأخذ منه الكثير، إنه أبقى له من قلب متقلب يسعى إليه ويريده، وهو يوم له ومائة بعيد عنه!!
ظلت صفاء مستيقظة حتى وقت متأخر إلى أن سمعت صوت نافذته تفتح وزفرة طويلة سمعتها وهي مستلقية مكافأ، زفرة تحمل الكثير من إحساس صاحبها بالألم الشديد، فقامت تواجهه وهي ترسم على وجهها ابتسامة بدت شاحبة وهي تقول: سلامتك من التنهيد.

-الله يسلمك، إزيك عاملة إيه؟

-الحمد لله، وصمتت قليلاً ثم قالت: وحشتني.

-ياه! هو إحنا على بالك يا صفصف؟

-إنب طول عمرك في بالي، وإنت عارف.

-أسمع كلامك أصدقك، وأشوف أمورك أستعجب.

-يا سلام يا فتحي.

-بلاش نتكلم يا صفاء.

-ليه يا فتحي؟

-عشان كفاية عليا بقي، تعبت من الإحساس بالألم، تعبت من الشكوى، تعبت من دموعي اللي بقت تغلبي، وإنسي ولا إنني هنا!

-فتحي أنا.....

قاطعها قائلاً: مش عايز أسمع حاجة .. تصبحي على خير .

قالها وألقى بنفسه على سريرته، تركها مُسمرّة في مكانها وقد ألمها صوته المملء بالألم لدرجة أبكت عينيها، ولكنها لم تستطع أن تناديه، فألقت بنفسها هي الأخرى على سريرها وهي تبكي مر البكاء، إنها تحبه ولكنها لا تستطيع أن تتغير، ليس بمقدورها أن تبدّل نفسها، أو تقضي على طموحها من أجل الهوى حتى لو كانت عاشقة حتى الثمالة، لقد قضت عمرها كله تحلم بأن تترك هذا الشارع الضيق ضيق سَم الإبرة، من تلك المدينة التي تعتبرها مجرد قرية كبيرة ليس إلا، إنها تريد أن تكون امرأة، يتحدث عنها الجميع، لها وضعٌ ومكانةٌ في المجتمع وليس مجرد محامية عادية، أو الفتاة ابنة النجار التي تهوى جارها الذي يأمل بالعمل نجاراً هو الآخر وتزوجه وتنجب أطفالاً وتظل اليوم بأكمله في محاولة لإسكات بكاء هذا وتلبية رغبات هذه، إن كل هذا ليس ببالحال ولا تقدر عليه وكأنها ليست امرأة، إنها ببساطة لا تقدر على ذلك ولن تقدر ليس بإمكانها وليس بيد المرء أمره وكلُّ خُلُق وله طباعه وشيمه التي تفرقه عن الآخرين وإذا القلب هوى فليس بالضرورة أن يقرر العقل بذلك ويقبله.

هي تعلم أنه لولا فتحي لوصلت حياتها دون لحظة ألم أو شجن، فهو جزء منها إذا مرض مرضت، وإذا تسألم تألمت، فالجسد إذا اشتكى منه عضو تداعت له باقي الأعضاء بالسهر والحمى، فهو قطعة منها لا تستطيع أن تتجاهلها.

وأتى الصباح بعد ليل مليء بالمعاناة أتى عليها وهي متعبسة
مرهقة، عيناها متورمتان من كثرة البكاء، انتظرت أن تراه
ولكن شباكه كان مغلقاً وظل مغلقاً حتى خرجت، ظنت أنه ما
زال نائماً أو لا يريد رؤيتها، فزاد شجنها، ولكنه لم يغمض له
جفن تلك الليلة وخرج قبل أن تخرج.

تلك كانت المرة الثانية في عمرهما لا يكون هو أول من تراه
عيناها ولا هي أول من تراها عيناها، لهذا وقف على باب
الورشة ليراها ومرت في موعدها بالضبط وتطلعت عيناها إلى
الورشة آملة أن تراه فإذا بعينيها تصطدمان مباشرة بعينه،
الواضح والجلي فيهما أنهما لم يناما لحظة واحدة.

احتضنتها عيناها وعانقته عيناها، ولكنهما لم يتحادثا، لم
يسيرا في اتجاه واحد بل سارت في طريقها، وسار هو إلى داخل
الورشة.

وصلت إلى الكلية وجلست في قاعة المحاضرات كالآلة،
تكتب وتسجل كل ما يقال، دونما روح تصفى حرارة وحيوية
على الإنسان فيبدو حياً.

وبين المحاضرات سألتها الجميع عما بها، فلم تحب أحداً،
وآثرت الجلوس وحدها، كانت تلك واحدة من المرات التي لم
تستطع فيها إخفاء ما تعاني، الألم كان أشد من أن تكتمه أو
تواريه.

ذهب إليها عماد وقال لها: أظن من حقّي أسألك، وإنّي
تجاوزي على سؤالي.

-أي حق بتكلم عنه؟

-حق الصداقة والعيش والملح، ممكن أعرف مالك؟

-أبدًا مفيش

-أرجوكي يا صفاء قولي لي مالك أنا ما أقدرش أشوفك
بالشكل ده وأسكت، إنّي متيش عارفة إنّي إيه بالنسبة لي،
كل اللي بتمناه أشوفك سعيدة مش أكثر.

-صدقني أنا بعتر بصداقتك جدًا، لكن بجد مفيش حاجة،
أنا كنت قلقانة طول الليل، وما عرفتش أنسام، وقلّة النوم
بتعيني.

-رغم إنّي مش مصدق كلامك، بس هحاول أصدقك، لما
تحكي تحكي لي متاعبك أنا موجود وتحت أمرك.

إنه يهواها، لم يشعر بشيء مما يحس به تجاهها ناحية أية فتاة
عرفها من قبل، إنها تثير بداخله براكين كانت خامدة من
العواطف والأحاسيس الحياشة، لقد أصبح يشفق على داليا التي
تهواه، وهو لا يحس تجاهها بأي شيء، رغم أنه يدرك حياءها له،
ولكن ليس بيده شيء، إن قلبه معلق بأخرى تعشق آخر، ورغم
يقينه بأنه مهما فعل فلن يحظى بهواها، إلا أنه لم يمنع نفسه من
حبها والاهتمام بها.

كانت تلك المرة الثانية التي يتخاصمان فيها منذ ولادتهما
وبرغم ضيقها بخصامه، وألمها من فراقه، إلا أنها حاولت أن
تعتاد الموقف، وترجع لنفسها ضحكاتها التي اختفت، وأصبحت
لذلك موضع همس الآخرين حولها، وعرضة للسؤال عما بها.

إن ما حدث اعتبرته صفاء بعد فترة من أهم الأشياء التي
حدثت لها على الإطلاق، لأنها عرفت أن فتحي هو نقطة
ضعفها الوحيدة، وأنه العقبة الوحيدة أيضا في طريق نجاحها،
وكان عليها أن تتخلص من نقطة الضعف، وتخطى العقبة
وتمضى، وذلك إما بتطويعها لتكون رهن إشارتها، أو بنسيانها
حتى وإن كان النسيان صعبا، فهي في تلك الحالة كمن يطلب
من مدمن أن يكف عن تناول المخدر الذي اعتاده، ولكنها
أصرت على المحاولة رغم كل شيء وخاصة بعد أن طال
الخصام لما يزيد على أسبوع، إلى أن أتى يوم كانت عائدة
لنوها من العمل وكان إخوتها في فرح في الشارع المجاور بينما
أمها وحدها في المنزل وأبوها في الورشة، فطلبت منها أمها أن
تذهب لأم فتحي في المنزل لتحضر منها طبق الغسيل الكبير
حتى يتسنى لها الغسيل في الصباح، فرفضت وقالت لأمها:
الصباح حد من العيال يروح يجيبه.

-على ما أصحى هيكون إخوانك راحوا المدرسة.

-طب أما يجعوا من الفرحة حد يروح يجيبه.

-أم فتحي بتنام بدري.. يلا روجي.. وبعدين ما إنني طول
عمرك رايحة جاية وكأنه بينك.. من إمى الكلام ده؟

-من هنا ورايح.

-قلت: هتروحي يا صفاء يعني هتروحي.

-حاضر يا أمه.

وذهبت صفاء لإحضار الطبق، وسألته أم فتحي: إيه يا صفاء محدش عاد بيشوفك يعني؟

-أعمل إيه يا خالتي؟ الشغل والكلية.. مش لاقية وقت.

-ربنا عينك يا بنتي، المهم متغييش عليا كده إنتي عارفة أنا بحبك أد إيه، ده انتي عروسة ابني.

-حاضر يا خالتي حاجي أشوفك تاني إن شاء الله.

والتفتت صفاء لتخرج، فإذا بها أمامه وجهها لوجه، فتسمرت مكافأ، وتسمر مكانه دون أن ينطقا بكلمة واحدة، فقالت أمه وهي متعجبة: معقول؟! بقي متخاصمين ومش مسألة شغل ومذاكرة، أنا عمري ما أصدق إنكم في يوم ما تكلموش بعض!! معقولة؟! إيه اللي جرى لكم؟!!!

لم يرد عليها أحد، وإنما ظلت نظراتهما متعلقة ببعضهما البعض، لحين قطعت صفاء الصمت قائلة: بعد إذنك يا خالتي أنا ماشية.

قالت أم فتحي: ماشية رايحة فين إستني لازم أعرف فيه إيه؟ صفاء: مفيش حاجة يا خالتي.. وبعدين أنا رايحة أتغدى عشان لسه راجعة دلوقتي.

أم فتحي: y ستي، وكلّي مع فتحي ده أنا عاملة أكله
بتمويّ فيها.

صفاء: مرة ثانية يا خالتي.. إن شاء الله.

فتحي: سيبها يا أمه، إحنا معدناش على هواها، وأكلنا
مش هيعجبها.

نظرت له صفاء نظرة غاضبة ولم ترد.

أم فتحي: بس يا وله إيه الكلام اللي بتقوله ده؟!

فتحي: هي دي الحقيقة يا أمه... صفاء بقت في وادي،
وإحنا في وادي تاني!

أم فتحي: والله لو قلت إيه مش هصدق، صح يا صفاء؟

صفاء: والله يا خالتي.. أنا حاولت تبقى سكتنا واحدة، وهو
اللي رافض.

أم فتحي: والله ما أنا فاهمة حاجة.. أنا هروح أجيب
الأكل، واتصافوا إنتم سوا.

ودخلت أم فتحي المطبخ، وتركتهما، فهّمت صفاء
بالانصراف، فأمسك ذراعها وقال: أُمّي دخلت تجيب الأكل
لي وليكي.. هتكسفيها، وتمشى من وراها؟

-هقعد أكل مع مين؟

-هو أنا خلاص... معدتش مكفيكي يا صفاء؟!

-إنت اللي ما عدتش عايزني يا فتحي!

ابتسم ابتسامة تحمل شفقة على حاله أكثر منها ابتسامة
سخرية وهو يقول: مش عايزك؟! دا أنا عمري ما اتحنيت حاجة
في حياتي غيرك إنتي، وكل صلاة بدعي إنك تكوني ليا،
ويجمعنا بيت واحد.

-إنت اللي مصمم تبعد، مش أنا، وكل ما أحاول أشدك
معايا منتش عايز!

-أرجوكي بلاش كلام في الموضوع ده، تعالى ننساه
ونسكت.

-مش قادرة أنسى إنك تخاصمني تسع أيام بمخالهم!

-وإن قلت لك وحياتي تنسي؟

-هنسى يا فتحي.

ضحك وطبع قبة على جبينها وهو يقول: بحبك، وما
أعرفش حاجة في الدنيا غير إني بحبك وهستحمل معاكي أي
حاجة غير إني أناصمك وأبعد عنك.

وتبادلا الضحكات والحديث وهما يتناولان الطعام سوياً
كما اعتادا دوماً، وحين عادت للبيت، ضحكت أمها وهي
تقول: لسه بدري يا ست هانم وآل ما كانتش عايزة تسروح!
وتعالى صوت قهقهتها.

بينما دخلت صفاء حجرها وبذلت ملابسها وفتحت
الشباك.

ورغم أنها فتحت الشباك، وبرغم الصلح إلا أنها سوف
تمضي في مخططاتها، سوف تهزم نقطة ضعفها حتى وإن كلفتها
الكثير، أو ذرفت من أجلها الدمع الغزير.

وعادت الضحكة تنير وجهها من جديد وصار وجهها أكثر
إشراقاً، وكأن الروح قد عادت إليه من جديد فامتلاً بالبشر
وازداد طلاقة.

وحين ذهبت للكلية، أدرك عماد الحال التي تبدلت بين ليلة
وضحاها، فقال لها: رفضت تقولي لي سبب زعلك الأيام اللي
فاتت واحترت في أمرك، بس أنا عرفت دلوقتي، فتحني السبب
مش كده؟!!

لم تجبه، فواصل حديثه قائلاً: دخولك معاه المحاضرة بعد
فترة غياب طويلة، والابتسامة العريضة المرسومة على وشك
وانتي معاه، خلّتي أعرف إنه السبب، ولو كنت قلتي لي اللي
عمله، كنت رحّت له وحاولت أصلح بينكم، ولا إني أشوف
الحزن في عينكي وعلى وشك أبداً.

-أنا مش عارفة أقول لك إيه يا عماد، كل اللي ممكن أقوله
إنك إنسان عظيم، وإن أنا فخورة جداً إني أعرف واحد
زيك.. بنى آدم بجداً.

-متشكر يا صفاء، بعد إذنك.

-على فين؟

-ورايا مشوار مهم.

-مع السلامة.

-الله يسلمك، سلام.

"سلام" قالتها وهي في أشد الألم، إن عماد لا يستحق ما يعاني ولكن ليس لها ذنب، منذ أن تعرفت عليهم أول مرة وهم يعلمون جيداً أن قلبها ملك لفتحها، ولن يأخذها أحد غيره أبداً، لقد كانت واضحة وصريحة، ولهذا فإن ضميرها مرتاح وما تحسه هو الشفقة على الإنسان الذي قدّم لها خدمة العمر، الشخص الذي وضع قدميها على أول درجات السلم ولكن ما بيدها حيلة، وليس في وسعها فعل شيء، بدأ موسم الامتحانات، وبدأت الأعصاب تتوتر وتصارع الطلبة للحصول على المحاضرات الفائقة، ومعرفة المهم والملغى والمقرر كعادة كل عام، وذلك بعد أن صار التعليم تلقيناً، وتحفظياً وليس بحثاً ودراسة.

وبرغم كل هذا الشد العصبي إلا أن صفاء لم تهر اهتماماً، أو تشغل بالاً فهي دوماً تذاكر، ولم تكف يوماً عن المذاكرة في البيت، في المكتب، في كل وقت، لم تنهون، لذا فهي لم تبذل مثل هذا الجهد الذي يقوم به الطلبة في تلك الآونة فقط، يكفيها قراءة بسيطة تسترجع بها ما درسته طوال هذا العام.

لم تمنعها الامتحانات من الذهاب للمكتب طوال فترة بعد الظهر خلال هذا الشهر بأكمله، وعلى الجانب الآخر كان فتحها في تحدٍ مع نفسه فهو لم يذاكر شيئاً ولم يعرف ما تحمله

المحاضرات ولم يحضر أغلب العام، لذا كان عليه الجهاد المستميت لمحاولة تجميع المواد المقررة عليه، وكثيراً ما احتاج صفاء ليعرف منها شيئاً، أو لتفهمه ما صعب عليه، ولكنها لا تتواجد في البيت غير فترة الصباح وبعد الظهر في المكتب فكان يسألها إما صباحاً، أو ينتظر عودتها في المساء لتشرح له ما يحتاجه.

وأخيراً انتهت الامتحانات، وانتهى الشد العصبي، وأصبح الجميع بلا استثناء في انتظار النتيجة ولكن كل له شواغله، ففتحي في الورشة ليل نهار، وصفاء في المكتب بدوام كامل، وأشرف نائم معظم فترات اليوم، بينما عماد وداليا وسهر وشريف بين النادي والفرحات والبيت خلال إجازة الصيف كما كانوا في إجازة نصف العام التي دائماً تنتهي كمر الطيف، ويعود بعدها الطلبة لصفوف الدراسة، إلا أن إجازة الصيف الطويلة لم تلهمهم أن يتسمّعوا أخبار النتيجة بين حين وآخر، فمرة يُشاع ظهورها بعد أسبوع، أو بعد يومين وتخيب الظنون وتفشل التوقعات، وبعد شهر كامل ظهرت النتيجة، وكانت صفاء الثانية على الدفعة بفارق ضئيل جداً عن عبد الله الأول، بينما فتحي كان تقديره هو وأشرف والجميع مقبول في حين حصل عماد على جيد مرتفع.

وفي تلك المرة كان الاحتفال الذي أقامه والدها كبيراً بقدر النجاح الكبير الذي حققته، وابتاع لها قلادة ذهبية هدية لها واشتري لها فتحي حرف اسمها باللغة الإنجليزية مسن السذهب

لتنضعه في القلادة الجديدة، في حين أهدته هي ساعةً جديدة
تليق من وجهة نظرها بالحامي المنتظر، كما تلقت من الأستاذ
سعيد مكافأة مالية هدية نجاحها الباهر.

تفرّغت صفاء خلال تلك الإجازة للعمل فقط، وكذلك فعل فتحي، بينما باقى زملائيها منهم من قضى وقته في النوم، ومشاهدة التلفزيون، وبعض الزيارات ونزهات الشباب يوميًا حتى تمضى الإجازة وتنقضى الشهور الثلاثة ويعودوا لدراساتهم.

وبرغم العمل المستمر إلا أن لقاء فتحي و صفاء كل صباح قبل الذهاب للعمل أصبح شيئًا مقدسًا منذ تصالحهما الأخير، وكذلك لقاء المساء كل ليلة قبل نومهما، إلا أن اللقاء الليلي هذا في أحيان كثيرة لا يتم، إما لعودتها متعبة فتنام على الفور، أو لتأخره هو في العمل، أو مع أصدقائه.

في إحدى الليالي الصيفية الساحرة نزلت صفاء من المكتب، كانت الساعة تقارب التاسعة، وبرغم نسمة الهواء التي تسرى في الجو وتخفف من درجة الحرارة، وكذا مشهد النجوم التي تتلألأ في السماء والقمر الذي هو في تمامه إلا أن هناك شيئًا يثير ألمًا وانقباضًا داخلها، كانت كالأم الملتاعة حين نزلت من العمارة التي بها المكتب وترامى إلى سمعها صوتٌ يناديها، إنه صوتٌ لا تخطئه أبداً، فجرت نحوه، وحين رآته سألته: فتحي؟ خير فيه حاجة؟ حد جرى له حاجة؟

--من إمتى جيت لك هنا عشان فيه حاجة حصلت؟

--قول بقى أنا قلقانة وقلبي مقبوض.

-سلامتك يا حبيبي بس بحمد مغيث حاجة، أنا كنت عايز أشوفك.

-الحمد لله طمعتي.

وجلسا في مكان هادئ ونظر لعينها مباشرة، نظرة ترجو ألا يفارقها هذا الوجه أبداً.

-مالك يا فتحي؟ بتبصر لي كده ليه؟

-نفس أشبع منك.

-ما إحنا مع بعض كل يوم يعني هنروح فين؟

-أصلى مش مصلق إني هقعد أسبوع، ويمكن أكثر ما أشوفكيش.

-إنت بتقول إيه؟ ليه؟ رايح فين؟

-زبون للورشة يا ستي عايزنا نروح نشتغل عنده في كفر الزيات، سمع عنا، وعن شغلنا، وعايز نشتغل هنالك، حاولنا نعمله الشغل هنا، مرضيش، وبعدين طلية حلوة، وهروح أنا وعم محمود، وكم واحد كمان من الورشة.

-وأبويا كمان؟ أسبوع وأكثر يا فتحي؟ وصمتت قليلاً ثم أردفت: عرفت دلوقتي سر تعبي طول النهار.

-بعد الشر عليك من التعب، مش بإيدي، أنا لو عليا ما أفارقكيش لحظة، بس أعمل إيه؟ هيطلع منها قرشين حلوين لمصاريفي أنا وإخواني السنة الجاية.

-أنا عمري ما هقف في طريق فيه الخير ليك يا فتحي.

-عارف يا نور عيني، وعارف إن اللي تاعبني وتاعبك هو
الفراق، بس إنني عمرك ما هتفارقيني، لأنك دائما وبايا وقدام
عيني.

ظلت تفكر كيف ستقضى الأيام بدونه؟ وانتشغل هو بذلك
أيضاً، وطيلة الليل، وحتى بزوغ الفجر وهما يجلسان أمام
بعضهما البعض، وكأنهما يحشيان النوم، إلى أن غلبهما في
النهاية، وناما، وكان آخر وجه طالعه هو وجهه، وآخر وجه
طالعه، وجهها، وأول من رأت في الصباح كان هو، وأول من
رأى في الصباح هي. لم يناما أكثر من ثلاث ساعات.

ومضى اليوم، وتلاه آخر، وألم الفراق كان أكبر مما تتخيل،
حاولت أن تشجع وتعاف وتتحمل، أما هو فكانت صورتها لا
تفارق عينيه، حتى وهو يعمل، كان يتعامل مع قطعة الخشب
كأنه معها، يهمس طالباً ودها حتى تخرج قطعة فنية من مجرد
لوح خشب.

وصار الأسبوع ثلاثة أسابيع، لم تكن تتصور أنها حين تغيب
عنه، أو يغيب عنها لأول مرة، تكون فترة طويلة هكذا، ثلاثة
أسابيع انقضت كأنها الدهر، عاشتها كالموتى، وكل ما عرفه
من تلك الفترة أنها تحبه وتحبه.

وما إن عاد مع أبيها، ودت لو ألقت بنفسها بين أحضانها
كما فعلت مع والدها الذي كانت في حضنه وعيناها تعانقانه

هو، وتركت والدها لتسلم عليه، واستقرت راحتها بين راحتيه، ثم أدرك نفسه وكذلك هي فأسرع بترك يدها التي تلملت بين يديه وهي تنسحب في هدوء ليدخل على الفور بيته بينما تبعت هي أباه، ثم تسلت منهم بعد دقائق قليلة لتدخل حجرها فإذا به بانتظارها.

ظلا ينظران لبعضهما طويلاً دون أن ينطقا، وسادت فترة صمت طويلة قطعها هو قائلاً: ياه! نفسي أقعد وبياكي.. فيه كلام كثير عايز أقوله.

-أنا كمان عندي لك كلام كثير - لم يكن لسديها شيء لتقوله، فهي لا تروى لأحد شيئاً إلا ما تريد أن تقوله حتى هو - ولكنها أرادت أن ترد على حديثه فأجبرها شوقها إليه على النطق بهذا ثم قالت: وحشتني.

-وإني لأ. عارفة ليه؟

-عارفة.

-صحيح عارفة، عارفة إني كنت بشتغل وأنا بكلمك وأنا بضحك معاك وبحكيتك عملت إيه.. كنت بتكلم مع الخشب على إنه إنني، فيخرج من تحت إيدي تحفة، خلصت صاحب الشغل طائر بالحاجة طيران، مش مصدق إن أنا ممكن أطلع حاجات بالشكل ده.

-طول عمرك شاطر يا فتحي، ثم إنت فنان وبتحب شغلك واللي بيحب حاجة بيتفوق فيها.

-أنا جايك دلوقتي.

-إزاي؟

-وحشتيني ومش قادر.. أنا اتعمسدت أسيب بنطلون
وقميص في حاجة أبوكي حاجي آخذهم.

وقفز فتحي من النافذة، ودق باهم فأسرعت تفتح له، ولم
يكن هناك أحد في هو الشقة، فألقت بنفسها بين ذراعيه.

احتضنها بقوة، بثها لحب شوقه وألم فراقه، وكم غمست أن
تظل هكذا بين يديه لا تترجها ثم ترمي إلى مسامعها صوت
أبيها وهو يقول: مين اللي جه يا صفاء؟

فاضطربت وابتعدت عنه ودخلت بسرعة وهي تقول: ده
فتحي... عايز هدومه اللي ساها وياك عشان خالتي إكرام
تغسلهم.

تعجب الرجل وقال: هدوم؟ هدوم إيه؟ وقام يفتح حقيبة
ملابسه فوجد فيها ملابس فتحي، فأعطأها إياها لتحملها إليه
فأخذها منها ثم طبع قبله على وجنتها في لحظة خاطفة، ثم عاد
لحجرته مسرعاً.

عودة فتحي، وكذلك عودة أبيها أعادت إليها الشعور
بالأمان، والراحة، فعادت لعملها بحماس أكبر وشغف أكثر،
لقد عرفت كل شيء عن مهنة المحاماة من القضايا الصغيرة،
وحق القضايا الكبيرة، كل شيء، لقد صارت على دراية كاملة

بكل قواعد المهنة، وخباياها، لقد اختصرت السنين بشيء من الجهد.

ورأت صفاء المستقبل البعيد مبهجاً، وجميلاً، فصارت بجهد نفسها جذاً وبشكل غير محتمل، وبدأت الدراسة، وزاد الجهد والمعاناة، ولم تشك ولم تذمر، بل كانت تعمل بنفس راضية وتزيد من جهدها لتحافظ على تفوقها حتى إنها لم تكن تنام سوى سويقات قليلة أشبه بالنوم الخاطف، وأشفق فتحي عليها وطلب منها أن ترفق بحالها قليلاً، فليس هناك داع أن تتسهي سريماً.

وإذا بما كان فتحي يتوقعه، يحدث، فذات يوم كانت عائدة من عملها في العاشرة مساءً، في ليلة باردة من أيام شهر ديسمبر، وكانت لأكثر من أسبوع قبلها، تعمل وتذاكر بشكل جبار، فإذا بالجسد يعلن استياءه وأنه وجهده، وفي هذا اليوم أدرك فتحي تأخرها، فجلس في الشباك رغم البرد ينتظرها، فإذا بها عائدة تترنح، وتستند على حدران البيوت وهي تسير، فتعجب إلا أنه أرجع ذلك لإرهاقها طوال اليوم، ولكن ما إن اقتربت من باب بيتها حتى سقطت على وجهها، فقفز فتحي من الشباك، يحملها بين يديه وهو يصيح، صوته جعل أهل الشارع كلهم يخرجون، ليروا ماذا حدث، كان فرعاً خائفاً وهو يراها أمامه بلا حراك، وجسدها بارد رغم أن عرقها الغزير يبلل ملابسها، حملها فتحي إلى الداخل، وأسرع أبوها ليحضر طبيباً، بينما أعدت أمها كوباً من الماء الممزوج بالسكر،

حاول فتحى أن يسقيها إياه، أنفاسها تلاحقت، وأخذت تصرخ من ألم في أذنها.

كل صرخة منها كانت تذهب بعقل فتحى، لأول مرة تصمت صفاء، ولا تتكلم، سكنت عن الكلام كما كانت شهرزاد، إلا أن شهرزاد كانت تتخذ من صياح الديك حجة لتصمت، ولتقتنص من صيادها يوماً آخر تضيفه إلى عمرها بعيداً عن الموت، إلا أن الموت جاء مقتنصاً صفاء، وأمرها أن تصمت فصمت، غير أن روحها تعافر، وتكابر وتأبى الخروج، وتمسك بالحياة.

وأخذ يدعو أن يزداد تمسكها بالحياة من أجله، فلن تطيب له حياة بدونها، وذرف الدمع الغزير لأجلها، لم ينجح من كل من حوله من الجيرة والأهل، بكائها وهو يمسك يدها، ويدعوها أن تعود له، وأخيراً أتى الطبيب وأخرج الجمع الملتف حولها، ولكنه لم يستطع إخراج فتحى، لم يستطع أن يجعله يترك يدها.

كانت تعاني من هبوط حاد في ضغط الدم كاد يودى بحياتها، فحقنها بعقار ليرفع ضغط دمها، ثم كتب لها علاجاً، ذهب أخوها على الفور ليحضره سريعاً، وأخيراً وبعد ساعتين، استردت صفاء بعض عافيتها، وعادت ابتسامتها إلى وجهها، وبرغم كونها ابتسامة شاحبة، إلا أنها ردت الروح في صدري أبيها وأمها، وأعادت الحياة إلى فتحى الذي كان أشبه بالموتى مثلها.

وبات ليلته إلى جوار سريرها، ولم يستطع أحد منعه،
وكيف يمنعون، وبأي حجة، وهي الهواء الذي يتنفسه والمساء
الذي يشربه؟!

وفي الصباح، لم يذهب لعمله، ولا لكليته، وجلس يُمرضها،
أسبوعًا كاملاً لم تروح السرير ولم تخرج من البيت، وهو أيضاً
لا يفارقها، زارها الكثيرون، من بينهم الأستاذ وولده عماد،
وزملاؤها في العمل، وفي الكلية، ورأى الجميع فتحي وهو
يجلس رهن إشارتها، وهو يمرضها وكأنه ذراع من أذرعها،
يدها التي تنفذ ما تأمل فيه، بمجرد أن يفكر فيه عقلها، بلا داعٍ
لأن تنطق به.

وبرغم المرض والألم، لم تكف عن المذاكرة، كانت تذاكر،
وجعلته يذاكر معها، لأنه كان يقرأ لها وتجعله يذهب لأشرف
لإحضار المحاضرات التي فاتها وكان أشرف يأخذها من عماد،
لأنما تعلم أنه يهتم ببعض الشيء أكثر من الجميع، استردت
صفاء عافيتها، وعادت إلى دنياها، ولكن بعهد أخذته على
نفسها لرفيق روحها، أن تهم بنفسها وألا تجهدا مرة أخرى.

ولكنها كانت قد اتخذت هذا الوعد قبلاً مع نفسها، فأى
وعكة كهذه كفيلة بتعطيلها عن مشوارها وحلمها، ليس فقط
سبعة أيام، وإنما لما هو أطول، لذا فإن ليدتها عليها حقاً حتى لا
يخذلها، ويمنعها عن مواصلة ما بدأته.

أتمت صفاء مع فتحي العشرين عامًا في هذا الشهر، شهر ديسمبر، ورغم أنه عام كأي عام يمر من عمرها، إلا أنها شعرت به شيئاً آخر، وكأنه مرحلة فاصلة في حياتها، فما قبله كان شيئاً وما بعده سيُعد شيئاً آخر، وأحست بأنها نضجت، ولم تعد طفلة، أو حتى فتاة مراهقة وإنما امرأة ناضجة، فلقد مرت عليها الأيام، والشعور بالنضوج، وبكونها امرأة يزداد يوماً بعد يوم، وزادها اهتمام الآخرين بها إحساساً بتميزها كأمراة، لم تكن تحس بتلك الأحاسيس من قبل، لم تكن تهتم بمشيتها، ولا بجسدها النائر قبل هذا اليوم، كيمياء بداخلها، أشياء تختلط ببعضها، فإما أن يحدث فوراً يعقبه دوى انفجار، وإما لا يحدث شيء على الإطلاق، وكأنه ليس هناك تفاعل على الإطلاق، أمر واحد لم يحدث لها مع بلوغها تلك السن، إحساس واحد لم يتسرب إليها رغم أنه يصيب كل فتاة تبلغ هذا العمر، ومع بعضهن، قد يأتي مبكراً عن هذا، إنه الإحساس الأجل في الكون، والرغبة التي ليست كأي رغبة يطلبها المرء فهي الأسمى، رغبة كل فتاة في أن تصبح أمًا، لها طفل تضمه بين حنايا جسدها ليخرج بعد طول صبر واشتياق، ليضمه صدرها معطيًا إحساساً بالحياة، بالأمل، بالرغبة في التضحية من أجله بكل شيء، حتى بالعمر الغالي، والصحة والمال، إنها الأمومة ولا شك، النبع الذي ما إن يتفجر فليس لمخلوق قدرة أن يوقفه.

لم تشعر صفاء بتلك الأحاسيس، وإنما زادها هذا العمر
إحساساً بذاتيتها أكثر من ذي قبل، وارتفع صوت الأنا حتى
بلغ عنان السماء.

سارت الأيام بها بلا توقف، تعتصر الجميع، في حين أنها هي
التي تعتصرها، تستفيد منها أقصى استفادة وتحقق من ورائها
كل ما ترنو إليه وتحلم به، لقد نجحت هذا العام وإن كانت
تلك المرة هي الأول مكرر مع عبد الله، حصلت على نفس
بمجموع درجاته، مما زاد حنق الفتى عليها، وأقسم مع نفسه أن
يفوقها العام القادم، كما أن قدميها قد ثبتت في المكتب، بعد
زواج السكرتيرة الأخرى، فأصبحت هي مديرة المكتب.

في حين أن فتحي قد ذاع صيته كنجار، وأصبح يُطلب في
عمليات خاصة لا علاقة لها بالورشة، فلقد فاق معلمه، أباهما
الأسطى محمود، وتبدل حال أسرة فتحي بالخير الذي ورد
إليهم من وراء فتحي، وإخوته الذين يعملون معه في غير أوقات
المذاكرة، وجدّد فتحي البيت وطلاه من الداخل والخارج
واشترى بعض قطع الأثاث الجديدة، بل اشترى خشبها فقط
وصنعها هو بمهارته الفائقة، فليس باب النجار (مخلّعاً) كما
يقول المثل، وإنما هو باب مثبت بألف ألف مسمار.

دخل فتحي وصفاء الدوامة التي لا تتوقف، وإن كانت قد
دخلتها هي قبلاً، كل منهما عشق عمله وأحبه بشدة حتى صار
لديه أعز عزيز.

وأخيراً اقتربت صفاء من تحقيق الحلم، لقد قارب عامها الأخير بالجامعة على الانتهاء، وستبدأ حقاً حياتها العملية بشهادتها الجامعية، ستكون الأستاذة صفاء محمود.

جرت الأيام سريعاً وتحقق الحلم وظهرت النتيجة وحصلت على الشهادة، وصارت محامية بحق، ونجح فتحي أيضاً، وحصل على الليسانس، ولكنه بالنسبة له ليس مهماً، وإنما لها معنى حياتها.

لم تأخذ الكلية في هذا العام معيدين، وضاعت منها فرصة من فرص النجاح كما ضاعت من ندها عبد الله.

واحتلت في المكتب منصب المحامي، وجلست في حجرة المحامين، وتركت مكتب السكرتيرة لفتاة أخرى، وهدية نجاحها هذا العام من الأستاذ كانت الاشتراك بالنقابة، والحصول على بطاقة عضويتها، والذي هو كلفة ما بعدها كلفة، فلقد كانت تدخر مبلغاً كبيراً من أجل هذه البطاقة، التي طالما حلمت بها، حين تسجل اسمها ضمن قائمة المحامين بالنقابة وتقسم اليمين، ولكن الأستاذ وفر لها المبلغ الضخم، وتكفل به عنها.

وانتظرت صفاء أن يأتي عماد للتدريب في مكتب والده، إلا أن عماد لم يكن يطمح في العمل كمحام، وإنما كانت المحاماة هي آخر فرصه في الحياة، إنه يطمح في العمل كوكيل للنائب العام، ولهذا كان يحرص كل الحرص على التقدير، وقد حصل على تقدير جيد جداً في عامه الرابع، ولأن أباه محام كبير له

صيته وسمعته، وخاله المستشار كريم التونسي، وعمه قاضٍ شهير، هذا غير معارف والده من أصحاب المناصب، والذين لهم كلمة لا تُرد، لذا فقد صار وكيلًا للنائب العام في محافظة السويس.

لم يكن المكان مهما، المهم أنه حقق الحلم الذي تمناه وأصبح لديه حلم آخر كان متيقنا أن تحقيقه مستحيل، ولكن كل مدة يتحدد لديه الأمل، ما زال يطمح لصفاء، وما زال يحلم بها كل ليلة زوجته، كان يبيت وهو يحدثها ويأخذ رأيها في أي شيء، يُلقى عليها تحية الصباح حين يستيقظ من نومه، ويودّعها حين يخرج من بيته، وفي المساء يضمها حضنه ويقبلها قبل أن ينام، وفي الحلم تراوده وتشاركه حياته، إنه متيمّ بها، فمن نظرة واحدة إليها، تستثار رغبته، وتتحرك مشاعره، ولكنه يعلم ما بنفسها، بعد كل هذا، كان لابد لها من أن تجلس مع فتحى، وتحديثه بشيء من الجدية تلك المرة، فلقد فات أوان اللعب واللامبالاة، جلسا في مكان عام بعيدًا عن بيتهما.

فقال: خير يا صفاء؟ طلبت تشوفي هنا ليه؟

-عشان نتكلم في مستقبلنا.

-مستقبلنا؟! ما له مستقبلنا؟!!

-مرت شهور من يوم ما اتخرجنا، وإنت ولا إنت هنا، كل يوم يمر أقول بكرة، وييجي بكرة وأقول بعده، لكن برضه مفيش تقدم.

-قصديك إيه بالكلام ده؟

-قصدي الشغل يا فتحي.

-ما أنا بشتغل.

-بشتغل إيه؟

-ياه! هو إنتي لسه متعرفيش.

-دى شغلانة وقتية لكن دلوقتي إنت معاك شهادة لازم
تشتغل بيها.

-شهادة إيه يا صفاء اللي بتتكلمي عنها؟

-الشهادة اللي أنا بشتغل بيها دلوقتي يا أستاذ.

-شوفي يا صفاء الشهادة دي أنا خدتها عشان يقولوا إن أنا
معايا شهادة، ومش جاهل، وإني اتخرجت من الجامعة، أما أنا،
فالشهادة دي ما تلمنيش في حاجة.

همت أن تقاطعه فقال: متقاطعينش وسيبني أكمل وأحط
النقط معاكى على الحروف، فيه مليون محامي، إن كان فيهم
ألف بيشغل، الباقي لأ، وإن كان فيهم مية كويسين، الباقي
لأ، وأنا عارف إن عمري ما هبقى محامي، ولا أعرف الشغلانة
دي، لكن اللي أعرفه واللي عمر ما مليون محامي هيعرفوه،
الصنعة اللي في إيديا اللي بتوكلني الشهد دلوقتي، واللي إنسي
نفسك بتعترفي إني فنان فيها، وإن مفيش حد زبي، يبقى أجري

ورا حاجة ميعرفش فيها ليه؟ وأسبب الحاجة اللي بفهم فيها
ومجها؟!

-بس أنا ما اتعلمتش، وحللت الشهادة، واشتغلت،
وحلمت، عشان في الآخر أرتبط بنجار، بدل ما أطلع لقدام
وأحقق حلمي أرجع لورا، وأفضل في نفس المكان ونفس
الشارع اللي اتخفت منه أنا بحلم.....

قاطعها قائلًا: وأنا كمان ليا حلمي، ليه عايزاني أتخلي عنه
عشان حلمك إنتي؟ ليه عايزاني أسبب طموحي عشانك؟ ليه
إنتي ما تسيبش حلمك عشانك؟!

-ما أقدرش أنا طول عمري بحلم أبقي حاجة كبيرة، إنست
هتبقى إيه؟

-هتبقى اللي هكونه يا صفاء.

-لكن أنا ما أقدرش على كده، أنا صيرت كثير، وعافرت
لحد ما وصلت لأول الطريق، وحاولت أختصر السنين، مش
عايزاك تقف عقبة في طريقي، إنت نقطة ضعفي الوحيدة.

-والمطلوب مني أكبر من احتمالي، طول عمري على
استعداد أعمل أي حاجة عشانك، لكن أسبب شغلي اللي هو
حياتي، لأ يا صفاء، لأ مش هقدر أكون أي حاجة تانية غير
كده.

أيقنت صفاء أن حديثها معه لن يجدي، وأنه لن يُثنيه شيءٌ عما عزم عليه مثلها تمامًا، لذا قامت وسار كلٌّ إلى طريق، وفي تلك الليلة عرفت أن الطريق بينها وبينه صار مسدودًا وبلا أمل، وأن الدنيا إذا أعطت فهي لا تعطي كل شيء، وإنما إن أعطت فهي تأخذ في المقابل شيئًا، وقد تكون أشياء، وفتحي لديها كان يمثل أشياء كثيرة، إنه سنوات العمر كله، إنسه رجليها.

بات فتحي وهو مكلوم حزين، إلا أنه لم يفقد رجاءه معها، فهو ما زال مقتنعًا بأن حب السنوات الماضية سوف ينتصر مهما حدث، وأنها له وهو لها، ولكنه لم يكن يعلم أن زمن الحب والرومانسية قد ولى منذ مدة طويلة.

كانت الأحداث تمر بسرعة كأنها شريط سينما، لم يعد بينهما حديث يذكر غير حديث الصباح، أصبحا كأبي حارين في الشارع، كان يرمقها كل يوم في ذهابها وإيابها وهي في كامل أناقتها، لقد تغيرت طريقة لبسها، وارتدت ملابس أنيقة غالية، لقد علم أنها تتقاضى راتبًا ضخمًا وليس كأبي محام متدرب، فلقد اعتبر الأستاذ أن فترة عملها السابقة هي فترة التدريب، كانت تخرج كل يوم مرتدية ثوبًا مختلفًا عن اليوم السابق، وحقيبة يدها لون الخذاء الذي ترتديه، حتى مساحيق التجميل التي لم تلمس وجهها يومًا، صارت تضعها، فزادت من جمالها، وأشعلت نيران غيرته عليها، فلمن كل تلك الزينة، وبدأ ينظر لنفسه وملابسه المبقعة والمرتقة، إنها ملابس العمل،

إن بمقدوره أن يرتدي مثل ما تلبس، ولكن كيف سيعمل بتلك
الملابس بين الخشب والمنتشار والمسامير والغراء وباقي أدوات
النجارة؟؟

بدأ يسأل نفسه هل المرء ليكون محامياً بحاجة إلى كل هذا
الاهتمام بمظهره؟؟ أكيد تتزين لأحد، واحد من هؤلاء
المتأنقين، أو قد يكون عماد سيادة وكيل النيابة العاشق المتسيم
بها.

رأسه تكاد تنفجر، وأوشك أن يحدثها، ولكن لم تأت
الجرأة، فلقد شعر بأن هناك حاجزاً صار بينه وبينها، جداراً
يعلو يوماً وراء يوم، ولكن لم يعد به طاقة للصبر، وفي إحدى
الليالي كان الجو شديد الحرارة، وكان لتوه عائداً من سهرة مع
أصدقائه على القهوة في الواحدة صباحاً، حين رأى نور
حجرتها وشباكها المفتوح، فدخل حجرتها وأضاء نورها وبدل
ملابسه، كانت أمامه حيث إن شباكه مفتوح هو الآخر،
كانت منهمكة في قراءة ملف في يدها، فلم تلاحظه ولم تشعر
به، جلس أمامها فترة، كلما حاول أن يحدثها أمسك شيء ما
لسانه، وأخيراً استجمع شتات نفسه وقال: إزيك يا صفاء؟

سمعت صوته فرفعت عينيها عن الأوراق ونظرت إليه
وقالت: الحمد لله إزيك إنت؟

-كويس، إيه اللي سهرك لدلوقتي؟

-مفيش.. قضية جلسنتها بكره. وبحضرت لها.

-ربنا يعينك، وصمت قليلاً، ثم أردف قائلاً: جميل قسوي
الطقم اللي كنت لبساه النهارده.

-صحيح عجيبك؟

-ده يعجب الباشا بس الماكياج مش كثير شوية؟

ضحكت وهي تعرف مغزى كلامه: إيه هتغير؟

-مش غيرة بس عمرك ماكنتي بتحطتي الحاجات دي!

-كل مرحلة وليها متطلباتها.

-بس العيون والناس مش هتسيبك.

-كده كده هما وراك... وراك.

-بس عندهم حق.

احمر وجهها نحلاً وهي تقول: متشكرة على المجاملة.

-مش بجامل واضح إنك مش عارفة نفسك.. بصي في
المراية وشوفيها.

-مش كل الناس بتشوفني بعينك يا فتحي.

-في دي عندك حق.

تركها تقرأ أوراقها واستلقى على سريره لينام وهو مطبق
عينيه على صورتها، ومغلق أذنيه على صوتها.

وفي الصباح، رآها وهي تخرج لعملها، وقد خففت قليلاً من المساحيق على وجهها، ألقت عليه تحية الصباح وهو واقف أمام الورشة.

وفي العمل، أثبتت صفاء جدارتها بشكل ليس له نظير، حتى إن الأستاذ أصبح يأخذ رأيها في كثير من القضايا، حتى الكبير منها، ويوكل لها بعض القضايا الصغيرة - حيث إنها لا زالت تعتبر محامية مبتدئة - من بابها، ويتركها تكتب دفاعها وترافع فيها دون أن يخط فيها قلمًا أو يعطيها استشارة، لقد خلقت لتلك المهنة، هذا غير أهل بلدتها الذين يقصدونها في حل بعض النزاعات، والدفاع عنهم في قضاياهم.

لقد وصلت صفاء في حين ما زال زملاؤها يتخبطون بل، وينحسرون عنها، فإيمان وسارة في طريقهما للزواج، بينما تزوجت سهر وداليا رغم عشقها لعماد، ولكنها كانت تفقد الأمل فيه، ولم تفكر صفاء يوماً بالزواج، وإنما بالنجاح وإثبات الذات، ويمكن لأن قلبها كان مطمئناً لحبيبها، وأنه ليس هناك من يحل محله.

دارت الأيام بالشارع وقد سقط الحاج السعيد جبر بقال الشارع ميتاً في دكانه، وبعده بأسبوع واحد تبعته زوجته حزناً وكمدًا عليه، حينها أتى أولادهما من الخارج تلك المرة، ليشيعة جنازتهما وليس لزيارتهم، وبعد بضعة أشهر، تمت خطبة سماء أخت فتحي لمدرس كان يعمل بمدرسة البلدة الثانوية، في أثناء

قضائها فترة التدريب العملي لعامها الأخير بالكلية، وكان سلامة أبو فتحي يحمل هم مصاريف زواج ابنته، إلا أن فتحي تكفل بالكثير، كما أن العريس مدرس ثانوي، والدروس الخصوصية كل هم، وهو ليس بحاجة لأي شيء من عروسه فهو جاهز بكل شيء.

نظر فتحي إليها نظرة تحمل الكثير من رغبته فيها، كانت أول مرة تشعر برغبته فيها كامرأة وهو يقول لها: عقي لنا. فقالت له بلهجة أطفأت نيران رغبته المتأججة: مش دلوقتي، قالتها وتركته.

لقد كانت تلقي بنفسها بين يديه، وفي حضنه وهي تأمنه، لأنها تعرف مدى طهارة حبهما وطهارة قلبه، لم تكن تتخيل أن تغلبه شهوته ويظهرها لها علناً هكذا بعين طامعة راعية.

واقترب منها وقال: فيه إيه؟ زعلانة مني ولا إيه؟

-مفيش يا فتحي، لم تكن تعلم بماذا تحببه.

-لا فيه حاجة ضايقتك مني.

-نظرة عينيك خوفتني منك لأول مرة.

-تخافي مني أنا؟!!

-أيوه حسيت إنك زى أي واحد.. وإن أنا.. أنا مجرد واحدة قدامك عايزها.

-إيه الكلام اللي بتقوليه ده؟! والتقط بيدها بين يديه
فسحبتها على الفور وهي ترتجف فتابع قائلاً: للدرجة دي
خايفة مني؟!!!!

فأمسك بيدها مرة أخرى ولنمها وهو يقول: أنا بحبك،
وعمرى ما هعمل حاجة تضرك وإن كانت عيني خانتني، فأنا
مش هسمح لها أبداً تأذيكي مرة ثانية، كل اللي عايز أقوله، إن
إنني عمرى وإني عايش عشان اليوم اللي يضمنا
فيه بيت واحد.

-بس. أرجوك بلاش.....

لم يدعها تكمل، وقال: من غير ما تقولي، غيرتي من
العرايس هي السبب غصب عني.

ضحكت في وجهه وشربا الشرابات سوياً.

وآخر أحداث الشارع هو عودة ميادة إليه أرملة تحمل
طفلين، زادت أحزان الحاج عبد الله، ألا يكفيه أنه لا أحد من
أولاده استطاع أن يتعلم صنعته، وأن اسمه سوف ينقطع،
وتضيع ورشته هباء، حتى تأتي ابنته الشابة التي هي في الثالثة
والعشرين من عمرها أرملة وتحمل طفليْن!

في حين استمرت أحوال باقي السكان كما هي، رتيبة، كل
منكفي على حياته راضي بها ولا يسعى لتغييرها.

مرت أسابيع منذ خطوبة سماء، حين كان فتحي يقف على باب الورشة وفي يده قطعة خشب يعمل عليها، مسرت عليه صفاء عائدة من عملها، كانت الساعة الرابعة عصرًا، وتعجب فتحي، فهي لا تأتي قبل الثامنة أبدًا، قد يكون بعد ذلك، وإنما أن تأتي مبكرًا هكذا، كان أمرًا غريبًا، لم يسألها ورد عليها فقط تحيتها، وودّعها بعينه وابتسامته المبهودة، وبعد ساعة من مرورها وجدها آتية في اتجاهه، مرتدية طاقمًا آخر وتحمل حقيبة يدها وحقيبة أوراقها وحقيبة ملابس صغيرة، فارتاب في الأمر، في حين ألفت هي عليه التحية ومضت، فعدا خلفها وقال: على فين يا صفاء؟

-مسافرة مصر.

-مصر!! ليه؟ ولوحدك؟

-أنا مش صغيرة يا فتحي وبعدين عندي قضية الصبح بدري، ولازم أبات هناك.

-تباتي فين؟ وعند مين؟

-في أوتيل.

-أوتيل يا صفاء؟ لوحدك؟ إنتي جري لك إيه؟

-قلت لك أنا مش صغيرة.. أنا محامية.. ودي قضية كبيرة.. وفرصة بالنسبة لي.

وصمتت قليلاً وقالت: أسيبك دلوقتي عشان معاد القطر، تركته وذهبت، أوشك فتحي على الجنون من تلك الفتاة؟ إنسه لا يعرفها، لقد قفزت قفزة غريبة، مصر مرة واحدة، وقضية كبيرة، وأوتيل!!!

ولم يستطع أن يعمل، لقد كان شاردًا شرويًا غريبًا حتى أن "الشاكوش" سقط على أصابع يده بدلاً من المسمار، وترك فتحي الورشة وعاد لبيته، جلس في حجرته يتطلع لشباك حجرته المغلق في وجهه، وأغلقت معه الحياة كلها، لقد شعر أنها ذهبت عنه، أصبحت بعيدة، انقباض قلبه يقول ذلك أيضًا. لم يعد فتحي قادرًا على التفكير، دخلت أمه إليه لتسأله عما به، ولماذا يرفض تناول الطعام، لم يجيبها وصمت ثم قطع صمته ليقول: إنني عارفه صفاء فين يا أمه النهارده؟

-لا يا بني راحت فين؟

-صفاء سافرت مصر دلوقتي.. هتبات هناك عشان عندها قضية هناك.

-تبات عند مين يا فتحي؟ لها مين هناك؟

-في أوتيل يا أمه. لوكاندة يعني!!

-لوكاندة؟ يا خير أسود، هو أبوها جرى له إيه؟

-معرفش يا أمه جيت أكلمها قالت لي: "أنا مش صغيرة أنا محامية".

-محامية إيه؟ ونيلة إيه اللي تخلى بت زى دي تبات برّه وفي
بلد تانية؟!!

-معرفش أنا ما عدتش عارف حاجة... أنا خلاص
هتجنن!

-سلامتك يا ضنايا من الجنان.

-اتغيرت يا أمه.. مبقتش صفاء.. دي بقت حاجة تانية!

-ماتسيك منها يا حبيبي.

-إزاي؟ ما أقدرش!! قالها ووضع رأسه بين ركبتيه كمن
يتحسّر على حاله.

فربتت رأسه، ثم أخذته في حضنها وهي تقول: معلش يا
فتحي، بكره الأيام تروق ومين عارف اللي جاي شكله إيه؟

قامت، وتركته يتجرّع كأس المرارة وحده.

وصلت صفاء محطة القطار في طنطا لتستقل قطاراً آخر
متجهاً إلى القاهرة، وكان حجزها فيه مسبقاً وفي الدرجة
الأولى المكيفة، جلست في مقعدها وهي منتشية، فرحة حتى إنها
نسيت عيون فتحي الملتاعة والدمعة التي كانت تترقرق فيها
وهي تتركه، وتمضي في طريقها.

نسيت كل شيء، ولم تتذكر سوى المجد الذي سوف ترتقي
سلمه من الآن فصاعداً، وبينما هي ساجدة في خيالها، جلس

أمامها رجلٌ ما إن رآته حتّى هَلَلت أساريرها وقالت: دكتور
سيد، إزى حضرتك؟ عامل إيه؟

وتذكرها أستاذها على الفور، وقال: صفاء؟ مش معقول!
إنّى فىن يا بنتى؟ ده أنا كنت منتظر أشوفك بأي شكل؟
-خير يا أستاذي؟

-خير إن شاء الله، كنت عايز أعرف ناوية على إيه؟
وتهعملي إيه؟ المهم إنّي رايحة فىن دلوقتي؟

-عندي قضية في محكمة شمال القاهرة، بكره الصبح.

وروت له صفاء كل شيء منذ بداية عملها عند الأستاذ
سعيد الذي لم يُصدق الدكتور في البداية، أمّا تعمل عنده،
لشهرته الكبيرة، ولأن من يعمل لديه محامون ذوو خبرة ومهارة
عالية، إلى تلك اللحظة التي هي معه فيها، وعلى وشك الدفاع
في جناية قتل.

استمع إليها ثم قال: معقول؟ الأستاذ سعيد يسبب محامية
متخرجة من أقل من سنتين تترافع في قضية كبيرة زى دي
وتحط دفاعها بنفسها؟

ابتسمت صفاء وقالت: الأستاذ سعيد هيقابلني بكره في
المحكمة، وطبعاً زى ما حضرتك عارف القضية متسجلة باسمه،
وهو اللي هيتقدم للقاضي، بس هيسبني للدفاع عن المتهم وهو
جني، وإن شاء الله هاخذ حكم من أول جلسة.

-متقيش طماعة يا صفاء-

-مش طمع، أنا دارسة القضية كويس، ده أنا لو مكان
القاضي هحكم من أول جلسة، وبراعة موكلي.

وتعجب الأستاذ من ثقة صفاء بنفسها، وثقة الأستاذ سعيد
بها، ليقف إلى جوارها كمجرد اسم في قضية كبيرة، وهي لا
تستطيع الوقوف للدفاع في قضية جنائية قبل مرور مدة طويلة،
على الرغم أنه من تنبأ لها بالنجاح منذ بداية معرفته بها حين
حصلت على امتياز في مادة تخصصه (القانون الدولي)، وانتهى
الطريق بوصول القطار إلى محطته، وذهب كل في طريق.

وفي الصباح، ذهبت إلى المحكمة وهي تعتزم بثقتها أن تهزم
الخوف الذي تسرب إلى داخلها بكل ما تملك من قوة، وقابلت
الأستاذ سعيد الذي طمأنها وبث فيها بعض القوة بوجوده إلى
جوارها.

وقفت تُلقي دفاعها، وتفنّد القضية، وتستحوب الشهود
براعة منقطعة النظير، حتى إن أستاذها الدكتور سيد الذي
حضر المحاكمة دون علمها، أعجب بها أشد الإعجاب، وكاد
يُصفق لها حين حصل موكلها على البراءة.

وقابلها خارج قاعة المحكمة، وهنأها، ثم سأل عن الأستاذ
سعيد فأخبرته أنه انطلق مسرعاً ليلحق بموعد مهم لديه، فطلب
منها أن تتناول معه الغداء، ووافقت على الفور، وهنا فاتحها أن
تعمل لديه، ولم تصدّق نفسها، إنها تعلم أنه أستاذ شهير،

ومكتبه من أشهر مكاتب المحامين في مصر كلها، بل هو أشبه
بشركات المحاماة المنتشرة في الخارج، ووافقت على الفور
وبدون تردد.

ولكنها فجأة، أدركت الوضع، فتروت وسألت: والإقامة؟
أنا مقدرش على إيجار شقة هنا، ولا أقدر أروح وأجسي كل
يوم.

-محلولة، أنا المكتب بتاعي شقتين كبار، وفيهم أوضة
فاضية، ممكن تبقى بتاعتك.

-دكتور سيد، أنا مش عارفة أقول لحضرتك إيه؟ حضرتك
فتحت لي أبواب الدنيا كلها، أي شكر مش هيوفيك حقك،
بس عندي سؤال، بتعمل معايا كده ليه؟!

-لأني مؤمن ببيكي، وحاسس إنك هتكوني شيء مهم، بس
محتاج تشجيع، وأنا على استعداد أقف جنبك لآخر يوم من
عمري.

-أنا متشكرة، جميلك هيفضل طوق في رقبتي العمر كله.

وفي طريق عودتها، كانت تشعر أنها في حلم، وأنها ستصحو
منه لا محالة على واقعها العادي، ولكنها أبداً لم تكن تعلم، إن
ما تشهده هو الحقيقة بعينها وليس حلمًا، ولكن لماذا؟ لم تجد
إجابة لسؤالها غير أنها لو لم تكن ماهرة، لو لم تكن بارعة، لما
أرادها أحد، ولما تمسك بها الجميع.

بقى لها مواجهة أهلها، والأستاذ سعيد، وفتحي الذي هو أكبر عقبة تقف في طريقها، ومصدر ألمها الوحيد.

أسرعت إلى بيتها على الفور، وكان الجميع في استقبالها، أبوها وأُمها وإخوتها، وجلست إليهم وهي تُعد دفاعًا جيدًا لإقناعهم بما هي مُقدمة عليه، فهي على استعداد للذهاب حتى دون أن تحصل على موافقتهم، واستطاعت بمهارة أن تتحدث إليهم، وتقنعهم، حتى نالت موافقتهم بالفعل، ودون مشقة فيكفى أن أمها اقتصت حتى يقتنع أبوها بسهولة شديدة.

بقى لها الأستاذ سعيد، وبرغم خسارته لها كمحامية جيدة، إلا أنه بارك لها المسعى الجديد، فهو يعلم أنها تستحق أفضل من ذلك، وأن الأستاذ سيد الدكتور والأستاذ العظيم هو هذا الأفضل، ولأنه يعتز بمعرفتها فقد أبى أن يكون عقبة في طريقها، بل هناها وصرف لها مكافأة نهاية خدمة.

لقد أخلت فتحي للنهية، وقبل سفرها بساعات قليلة، واحتارت صفاء ماذا تقول له؟ لقد خلت جعبتها من أي كلام ولكن كان لابد لها من أن تُحدثه وحده، ولابد أن يفهمها ويفهم دوافعها.

وفي صباح اليوم التالي لعودتها من القاهرة، قالت له قبل ذهابها للعمل: عاوزة أشوفك النهارده بعد الشغل.

-ليه فيه إيه؟

-أما أشوفك حقول لك، هستاك الساعة ثمانية.

كانت لتوها قد فرغت من الحديث مع الأستاذ سعيد،
وأتمت فترة عملها لديه، ونزلت من المكتب لتجد فتحي
أمامها، سارت معه وقلبه يحدته أن هناك شيئاً ستفجّره صفاء
الآن، فقال لها: معلش نسيت أقول لك حمد لله على السلامة.
-الله يسلمك.

- خير عوزاني في إيه؟

كان قد وصلا لكازينو هادئ، جلسا معا، فقالت له: إنت
عارف إني بطمح أكون حاجة، وإني عايشة عشان أوصل للي
بتمناه، والحمد لله أنا قطعت شوط كبير ووصلت لدرجة
راضية عنها.

-فيه إيه يا صفاء؟ وليه المقدمة الطويلة دي؟ يكونش فيه
عريس من الناس الواصلة اللي بقيت تعرفهم؟ و.....

قاطعته قائلة: عريس إيه؟ وكلام فاضي إيه؟ دماغك ما
تروحش بعيد، أنا ما بفكرش في الجواز دلوقتي، وإن فكرت
إنت عارف كويس هو مين.

-أشك!

-على العموم بكره الأيام تثبت لك، المهم مش هو ده
الموضوع، سببي أتكلم وبلاش تقاطعني.

-اتفضلي. كلي أذان صاغية.

-أظن تعرف الدكتور سيد عبد السلام أستاذ القانون
الدولي اللي درّس لنا.

-أيوه طبعا.

-عرض عليا الشغل في مكتبه وهستلم من بكرة.

-بس ده مكتبه في القاهرة!

-أيوه عارفه، هشتغل وأسكن هناك إن شاء ربنا.

-كمان؟ وبتقولي لي ليه؟

-مكنتش عايز تعرف؟

-إنتي مش بتاخدي رأيي، إنتي بتبلغيني قرار خديته
وهتفذه!!

-الموضوع مكنش محتاج لا لرأيك، ولا رأيي، دي كانت
فرصة، والحياة فرص لازم الواحد يقتنصها.

وما نيل المطالب بالتمني ولكن تؤخذ الدنيا غلابا

صَفَّقَ لها وهو يقول: يا عيني، محامية بصحيح ودفاع قوي يا
أستاذة!

صمت برهة، ثم عَقَبَ قائلاً: روجي يا صفاء، روجي
حققي حلمك ومش مشكلة أي حاجة وأي حد، أتحرق أنا،
مش مهم، المهم إنتي، إنتي وبس!!

-فتحي أنا.....

قاطعها قائلاً: مش محتاج أسمع أي حاجة ثانية.

قالها وتجرع كأس الماء الموضوع أمامه دفعة واحدة، وكأنه يتلج الحجر الراسخ في حلقه، ثم قام وقال: أشوف وشك بخير يا صفاء، وهَمَّ بالانصراف.

فأمسكت ذراعها وقالت: بتودعيه ليه دلوقتي؟ أنا لازم أشوفك الصبح قبل ما أمشي.

-مش هينفع، مع السلامة.

تركها فتحي ليسير هائماً في الطرقات، تغلبه دموعه وهو يعني هواه الضائع، لقد فقدوها الآن للأبد، لقد كانت إلى جواره وكانت فرصة اقترانه بها تتضاءل شيئاً فشيئاً، فما باله الآن وقد تركته إلى حيث القاهرة الواسعة والمدينة والشهرة والحياة الرحيمة؟ ساعتها لن تفكر إلا بقاض، أو على الأقل وكيل نيابة، وليس فتحي النجار ابن سلامة الكمساري.

أما هي فرغم فرحتها، إلا أن ألم فراقه أبكاها، وأيقظها طوال الليل، وكلما نظرت لحجرتها، ولم تجده، تبكى أكثر، وتسأل نفسها أين ذهب؟ وماذا فعل بنفسه؟ أسئلة كثيرة أرقت مرقدها، مزقتها، راحت تدمر شيئاً فشيئاً عقلها، وأخيراً عاد قرب الفجر، فقفز من شباكها إلى الحجرة حتى لا يوقظ أهل البيت لأنه ليس معه مفتاح، وما إن وطأت قدمه سريره حتى سمعها تقول: كنت فين يا فتحي وإيه اللي أخرك؟

نظر إليها نظرة زلزلتها وهو يقول: يهملك تعرفي؟

-مفيش حاجة تعبانى إلا فراقك.

-يا سلام! وعوزاني أصدق الكلام ده بقى؟!!

-مش مهم يا فتحي تصدق، ولا متصدقش، بس هو ده اللي أنا حاسة بيه، وهو ده اللي تاعبني، ومعذبني، بس إنبت السبب، مين عالم لو كنت اشتغلت معايا مش كان زمانا سوا -متحملنيش المسؤولية لوحدي، إن كان فيسه حد لازم يثيلها، يبقى إنتي، إنتي اللي اتمررتي على وضعك وحياتك وبصيتي للشمس، وخايف لتعميكي!

-لو ما كنتش أد اللي حلمت بيه، مكنتش وصلت للي أنا فيه دلوقتي، ومكنتش أكبر مكاتب المحاماة يطلبني للشغل فيه، أنا ما حلمتش غير باللي أقدر أحققه، وبالفعل أنا بحققه، وبطريقي وبدون أي خسارة.

-عندك حق من غير خسارة، ما أنا فعلا ما أساويش!

-أنا ما أفصدكش إنت، أنا أفصد خسارة لأخلاقي، أو أي شيء يمس كرامتي.

-ولا حتى تقصدي، مع السلامة يا صفاء، وابقى خلينا نشوفك.

قالها وأغلق الشباك، كان يُدرك إنها النهاية، وأنها لن تعود أبداً.

سافرت صفاء للقاهرة، وكلها أمل في حياة أفضل، وما إن وصل بها الفطار، ونزلت سلام المحطة، حتى تَسَمَّت عبيراً مختلفاً، إنه عبر النجاح، إن قلبها يشعر بما سوف يحدث بعد ذلك.

وقابلها الأستاذ الجديد في المحطة، واصطحبها بسيارته إلى المكتب الفخم الذي اتسعت عيناها حين رآته، إنه مذهش، ورائع بكل المقاييس، وتساءلت: "يا ترى كم يدفع الموكل للأستاذ نظير أي قضية؟" وأفاقت من سرحانها حين دخل بها حجرة المحامين، بل حجرات المحامين، ليعرفها عليهم، ويعرفهم عليها، منهم الشباب، ومنهم الكبار، منهم من استقبلها بابتسامة ودود، ومنهم من رمقها بنظرة حاقدة، أو نظرة تقول لها: إنما مهما كانت لن تكون مثلهم، كما عرفها ببعض التحريين الذين يعملون لديه، وكأنها وكالة استخبارات خاصة، ودخلت صفاء لترى مكتبها الفخم، ولم تصدق ما تسمى، وعجز لسانها عن النطق بأي شيء، ورأت الحجرة التي سوف تسكن فيها، كادت تقبل يديه أو تنحني له لتقديم شكرها العميق له، واتفق معها على راتب مائتي جنيه شهرياً، هذا غير مكافأة عن كل قضية تتولاها، وتكسيها.

وأثبتت صفاء بكل جهدها أنها عند ثقته فيها، وقادرة علي تولي المسئولية الملقاة عليها، لذا فهي لشهر كامل تعمل عملاً

متواصلًا، حتى إنها لم تأخذ إجازة، لم تذهب في نزهة، لم تخرج من باب المكتب، إلا لشراء طعام لها من مطعم قريب، وبالطبع إلى المحكمة، حتى جاءها الأستاذ ليقول لها: إيه يا صفاء؟ كله شغل؟ مش عايزة تشوفي أهلك ولا إيه؟

-أنا رهن إشارتك، كل الموضوع إني مش عايزة الشغل يتعطل.

-يا ستي أنا راضي. عندك إجازة يومين. يلا خدي شنتك وسافري.

وعادت صفاء بعد شهر كامل للشارع الذي هربت منه، واستقبلها والدها بشوق كبير، ولهفة ما بعدها لهفة، وهو يردد: كده يا صفاء؟ شهر يا ضنايا يعدّي من غير ما أشوفك؟

-أعمل إيه بابا؟ شغل جديد ولازم تثبت نفسك، وإلا الباقين ياكلوك!

وفرح بها إخوتها، وبالهدايا التي أحضرتها للأسرة كلها، كما أعطت لوالدها رسوم تركيب التليفون، الذي تقدّمت بطلب لتركيبه من مدة، وأخيرًا جاء، ولم يكن مع والدها نقود له، وذلك حتى يتسنى لها أن تحدثهم ويحدثوها بسهولة.

دخلت حجرتها، وكانت الساعة تقارب العاشرة ليلاً، ألقت نفسها فوق سريرها، كم اشتاقت له! واشتاقت أيضًا لصاحب الشباك المغلق! كم كانت تمنى أن تسأل عنه، ولكن واضح أنّه ليس بالبيت، وترددت في الذهاب إليه، وأخيرًا استجمعت

شأت نفسها، وأخذت علة الحلوى اللى أضرمتا معها
خصيصاً لهم، وكانت فى انتظاره لتذهب بها، ولكنه تأخر،
فاضطرت للذهاب لعائلته، ولكن المفاجأة كانت من نصيبها،
حين وجدته هو من يفتح لها الباب وقد ألجمت المفاجأة لسانه
أيضاً.

قالت: مش هتقول لى: "حمد لله على السلامة، أو حتى
اتفضلى".

-اتفضلى-

كانت تتوقع أن يضمها إلى صدره ويقول لها: "وحشتين"
كما أوحشها هو، وقابلها أبوه وأمه وإخوته بابتسامة عريضة،
بدا وجهه الحزين بينهم كنغمة نشاز، ليس من الضروري
وجودها، ولكنه لم يستطع أن يتغلب على حزنه.

جلست معه قليلاً، ثم استأذنت للانصراف، شكروها على
علة الحلوى، ذهبت لبيتها، وعلى الفور دخلت حجرتها وهى
متألّة من هذا اللقاء البارد بينهما، ولكن ماذا كانت تنتظر منه
وهو المتضرر الوحيد من تلك العلاقة الغريبة ومن تلك الفتاة
اللى لا يهمها سوى نفسها فقط؟!

كانت تجلس وتتطلع إلى شباكها، حين دخل حجرته، ولم
يستطع أن يمنح نفسه من أن يجلس أمامها، وينظر إليها، حاولت
الابتسام فى وجهه، فقابل ابتسامتها بابتسامة شاحبة، ولكنها
تكفى لبداية حديث، أى حديث.

-عامل إيه يا توحه؟

-الحمد لله، وإنني عاملة إيه؟

-الحمد لله، وحشتي.

-ما أعتقدش.

-هنتخانيق تاني؟

-ربنا ما يجيب خناق.

كان يريد أن يعاتبها على كل هذا الغياب، ولكن كرامته
أبت عليه أن يفعل ذلك، كان يريد أن يخبرها: كم كانت
حياته مراراً طوال الشهر الماضي، وكم كان يتذكرها ليلاً
ويبكي فراقها وابتعادها، ولكنه لم يستطع أن يقول شيئاً، كان
يود أن يفهمها أنه هو الآخر قادر على الحياة بدونها مثلها تماماً.

-ياه كل ده؟ سرحان في إيه؟

-في الدنيا.

-من إمتي كل كلامك يا دوب على أد السؤال؟ نفسي
أسمع صوتك...وحشتي.

-لو كنتي عايزة تسمعيه، كنتي على الأقل اتصلي بالتليفون
في الورشة، وكلمتيني زى ما كنت بتكلمي أبوكي مرة كل
أسبوع، لو كنتي عايزة تسمعيه كنت ادتيني غمرة تليفونك هناك
وأنا أكلمك.

-والله ما كنت أعرفها قبل ما أروح.

-مش عارف أصدقك، لا، وبقيت خايف لئيجي الأحازة
الجاية بعد شهر ولا أكثر، وفي إيديكى راجل تاني!

-راجل إيه؟ أنا لو عايزة راجل كنت اتجوزت من أول ما
اشتغلت، وأنا كنت مجرد سكرتيرة وكان كل يوم يجسي لي
واحد شكل.

-لا دول ما ينفعوش، دول حاجة ورجالة مصر حاجة،
مش بعيد بعد ما بقيتي محامية، يبقى العريس قاضي، ولا
مستشار، ولا حتى وكيل نيابة!

-وإن قلت لك: إن كل دول ما يهتمونيش، وإني مش
عايزاهم.

-ليه بقي؟ متقوليش عشان يتحبيني!

-سيب الحب على جنب عشان أنا لسه قدامي حاجات
كثيرة عايزة أحققها.

-مممكن كده أصدق، بس هتعملى إيه في العريس الغنى اللي
أملك فرحانة بيه؟

-عريس إيه؟ أنا ما أعرفش حاجة، وبعدين غنى أد إيه يعني؟
عمره ما هيجي زى منصور بيه اللي فلوسه تملأ شارعنا ده
وتغطيه وإعلانات شركاته مالية التلفزيون وأنا قلت له "لا".

-لأ.. ليه برضه؟

-منتش قادر تفهمني، أنا مش عايزة الناس تشاور عليا
وتقول: "دي صفاء مرات فلان، ولا إعلان، صاحب كذا
ومالك كذا، لأ، أنا عايزة الناس تقول: دي صفاء اللي عملت
كذا وتعمل كذا، أنا عايزة أكون صاحبة المجد مش تابعة
لصاحب المجد.

-ياما أنا خايف عليكى.

-طلما ما بعملش حاجة غلط اوعى تخاف عليا.

-باقي حاجة عايز أسألك عليها، إيه أخبار وكيل النيابة
العاشق الولهان؟

-عماد! اتجوز من مدة وحضرت فرحه كمان.

-معقول؟ سلم بسهولة كده؟

-البي آدم اللي عقله شغال ما يتعشش نفسه في حاجة
مستحيلة، ويحاول يكسر الصخر بدماعه، لازم يجرب حظه في
حجة ثانية.

-صح، عندك حق، وقال في نفسه "ياما أنا خايف يكون
الدور عليا أنا كمان، وأسلم إنك عمرك ما هتبقى ليا".

-إيه رحت فين؟

-معاكى يا صفصف.

-الله... الله... والنبي تقولها تانى، من زمان محدش دلعني
كده.

-خليكي ويانا، وإحنا ندلعلك على طول.

-متيجي إنت معايا.

-آجي وياكي أعمل إيه؟

-تشتغل معايا وتشوف صفاء بقت فين، آه يا فتحي لو شفت المكتب اللي يشتغل فيه، شكله، ولا زيانته، ناس كنا بنشوفهم في التلفزيون وبس، حاجة لو قعدت أحلم طول عمري إني أشوفها، عمري ما كنت أصدق إننا نتحقق!

-يا سلام.. وأروح أنا فين وسط ده كله؟ وحتى لو وافقت وجيت معاكي المكتب الكبير ده، صاحبه هيرضى يشغل واحد زيي، مايعرفش حاجة عن المهنة من أصله؟ سبيني يا صفاء أنا راضى بنصبي، وقسمتي، ومبسوط من شغلي.

-براحتك يا فتحي، بس بجد أنا معدتش قادرة أقرب المسافة اللي بقت بنا بعد ما كنا شيء واحد!

-المكتوب على الجبين لازم تشوفه العين، سببها على ربنا.

-عندك حق.. كله على الله.

-إنني هتمشي إمتى؟

-بكره بالليل.

-تسمحي لي أوصلك لحد هناك.

-مش عايزة أتعبك.

-تعبك راحة يا صفصف.

وفرحت صفاء أنه سيشاركها الطريق، وسوف تحدثه كثيرًا من بلدنهم إلى أن تصل مقر مكتبها، كما كانا يفعلان في الطريق إلى الكلية.

وصلا القاهرة وتناولوا عشاءهما سوياً، ثم أوصلها للمكتب، ولكم أصيب بالدهشة حين رأى المكتب الفخم الفاخر! ولم يصدق عينيه حين رآه، فلقد ظن أنها كانت تبالغ، ولكنها لم تكن تبالغ، بل إنها لم تصف في الواقع الحقيقة، إنها أكبر مما قالت، ووجد نفسه يتضاءل شيئاً فشيئاً، وأصيب بخيبة أمل رهيبة، وشعر أن الفارق بينهما صار هوةً سحيقة، ولأم نفسه على مجيئه إلى هذا المكان، فإيا ليت ما جاء، لم يعد بمقدوره بعد الآن أن يشعر بكونه أفضل من كل شخص سوف تقابله صفاء، لأنه ببساطة بجوارهم لا شيء، ويوماً ما سوف تغريها الظروف وتنتصر عليها.

إن سلوى فتحي الوحيدة العمل، فهو يُفترق مشاكله في دوامة العمل، وإذا أردت أن تعرف حالته النفسية، فراقبه وهو يعمل حتى يتسنى لك أن تعرف مدى فرحه أو ألمه، إن كان سعيداً فهو يتعامل بنعومة مع الخشب، وبصبر شديد، أما إذا كان حزيناً فهو يكون عنيفاً مع كل دقة يدقها على الخشب، وسريعاً جداً، ويستغرق ساعات طويلة دون أن يشعر، فينجز بشكل غريب، ولكن أجمل شيء، أنه في الحالتين يخرج من تحت يده تحف، وقطع فنية رغم أن أغلب جمهوره من الطبقة البسيطة، ولكنه يجعل من قطعة الخشب الرخيصة شيئاً بديعاً،

إن الخشب (غلا ثمنه أو رخص) فهو أبدًا تحت يده، يسأمه، فيطيع، لا عنه يتعد، أو يدير له ظهره، ومادام قادرًا فهو أبدًا سيظل يعمل عليه، ولن يتخلى عنه لأنه بكل بساطة سيظل مهما كان، طوع أمره.

ورغم حصوله على نمرّة تليفون المكتب، ومعرفته أنها بمفردها طوال الليل هناك إلا أنه لم يتصل بها، وكلمها غالبته نفسه ليكلمها، عاد من حيث أتى، وكأن شيئًا يشده للخلف، ولكنها اتصلت به عدة مرات وفي كل مرة يسمع صوتها يكاد يذوب ويوشك أن ينهار إلا أنه يرجع ويتماسك ويذكر نفسه بما وصلت إليه، وما هو عليه، ونظرتها له، وهو نجار، وليس كما تحب وتشتهى.

واستمرت صفاء في تقدمها وكل يوم يمر تثبت جدارها أكثر، وبعد ثلاثة أشهر من إجازتها الأولى، أخذت إجازة أخرى وعادت لبلدها لتطمئن على أهلها الذين استحلّفوها بكل عزيز وغال حتى تأتي إليهم ليروها، وحضرت صفاء وعقلها قد تركته هناك، أصبح كل فكرها ينحصر في القضايا التي تتولاها وأي شيء غير ذلك لا تعيره انتباهًا.

والتقت بفتحي من خلال الشباك، وتحدثت معه كثيرًا حديثًا عاديًا جدًّا، حتى فوجئت بطفلين هللا لرؤيته، وتعلقا بيديه من الشباك، وأمهما خلفهما تقول: مساء الخير يا فتحي.
-مساء الخير يا أم كريم.

-معلش. الولاد تعينك.

-لا تعب، ولا حاجة.. دول زى العسل ربنا يخليهم لك.
واستدارت السيدة لتواجه صفاء، وتسلم عليها، فسلمت
عليها صفاء بروود شديد، وأخذت السيدة طفليها، وانصرفت.

فنظرت صفاء لفتحي: مبروك يا بابا فتحي.

-فيه إيه يا صفاء دول يُتما.

-بس ولاد ميادة يا فتحي، ولا نسيت ميادة دي عملت إيه
زمان؟ تحب أفكرك؟

-المسامح كريم، وأديكي شوفتي بقت إزاي بعد جوزها!
-آه يا حنين.. متنساش إنها صغيرة، وبكره تتجوز، ما
تقلقش عليها كده!

-صفاء، إنتي غيرانة من ميادة؟!

-وما أغيرشي ليه إن شاء الله؟

-بس مش من ميادة.

-كان زمان، قبل ما تسامحها.

-وإنتي يعني فكرك يوم ما أفكر في أي واحدة أبص لأرملة
ومعاها طفلين؟

-محدث عارف حنيتك الزيادة دي هتعمل فيك إيه؟

-متبقيش مجنونة.

-استحمل يا سي فتحي.

-ما أنا طول عمري مستحمل، قالها وقد خرجت مع زفرة طويلة، ثم أردف قائلاً: هتمشي إمتي؟

-بعد بكرة، أصلي معنديش جلسات الأسبوع الجاي، يا ما نفسي تشوفني في المحكمة.

-أكيد هيحصل.

-طب إيه رأيك أكلمك في يوم؟ رغم إنك ما كلمتنيش ولا مرة من ساعة ما طلبت نمرتي، المهم تيجي نقضي اليوم سوا وتحضر الجلسة الصبح.

-هشوف وأحاول.

-من غير ما تشوف، ولا نحاول، اوعدي.

-أمرك.

-أيوه كده.

مضى أسبوع قبل أن تتصل به، وتحدد يوم لقائهما، وذهب فتحي وهو يرتدي أفضل ما لديه، بل إنه ابتاع طاقماً أنيقاً يليق بالمكان الذهاب إليه، ويليق بها، وقابلها أسفل مكتبها وذهب معها، وكانت تترافع في قضية احتراق مصنع للملابس عقب تردد إشاعات حول تحفظ النائب العام على أموال صاحبه، وكانت هي محامية صاحب المصنع، كانت القضية على صفحات الجرائد، وكان المعروف أن مكتب الدكتور سيد هو

من يتولى الدفاع عن الرجل المتهم بإخفاء حساباته وحرقتها، إلا
أنه لم يتردد أن صفاء هي من تتولى القضية كلها،

ورأى فتحي بأم عينيه غولاً يكتسح كسل من أمامه،
وتكسب القضية التي لها أشهر في المحاكم.

خرجت معه من المحكمة وجميع زملائها الحاضرين معها من
المكب يهنئونها، ولكن عينيها كانتا متطلعتين إلى فتحي، الذي
دُهِش أشد الدهشة وهو يسمعها، ولم يتمالك نفسه فأخذها
في حضنه وهو يقول: كنتي رائعة، مدهشة، أستاذة بحق، لم
يهمه الناس من حوله، ولا أي أحد، حتى هي كانت كذلك،
وقالت: صحيح يا فتحي عجبك؟

-مش غريب إنك تتمسكي بمستقبلك بالشكل ده.

أخذته من يده، وجرت تعدو خارج ساحة المحكمة،
وقضت معه يوماً يُعد من أجمل أيام حياتها على الإطلاق،
وعرف فتحي أنه لا شيء سوف يُثنيها عما عزمت عليه، أو
يمنعها من المضي في طريقها الذي تقطعه بنجاح، وتكون أنانية
منه إن طلب منها أن تتنازل عن هذا المجد، لتعود معه إلى
الشارع الضيق، ولأنه يحبها، فقد أثر أن يصمت وأخذ على
نفسه وعداً ألا يكون عقبة في طريقها وليهزم أنانية الحب،
ولكن إن جاءت يوماً فصدره مفتوح لها، وحضنه دائماً ملسك
لها.

قرر فتحي في تلك الليلة أن يمنعها من الحرج حين يأتي يوم
وتبتعد عنه للأبد، لذا قرر أن يبدأ هو أولاً قبل أن يصل إلى
مرحلة الدموع، والآهات، فعذاب ساعة بيد المرء خير من
عذاب ألف ساعة ليس يديه!

جلس معها في مكان هادئ، وكان الليل قد أمسى عليهما،
وامتلأت السماء بالنجوم، وسطع القمر في بهاء ودلال، حتى
إنها شعرت به يشاركهما مجلسهما، وبدأ فتحي الحديث فقال
وهو يللم كلماته المبعثرة: إني عارفة أنا أد إيه بحبك.
-طبعا عارفة.

-عشان كده عايزك تسمعي، وما تقاطعنيش.. اسمعي بس
للآخر.

وصمت قليلا قبل أن يردف قائلاً: يا ما كنت بسمعك
وإنتي بتقولي: "مستقبلي وشغلي وحياتي وطموحي" وكنت
حاسس إنه نوع من التمرد، أو حتى المبالغة حتى لما اشتغلتني عند
اتنين من أكبر المحامين قلت: "برضه صدفة" أما النهارده، وبعد
ما شفتك في المحكمة، حسيت إني مش قدام صفاء البنت اللي
أنا أعرفها من يوم ما أتولدت، لأ، أنا قدام إنسانة اتخلقت
عشان تبقى كبيرة، كبيرة في كل شيء، وإن المهنة دي إنسي
هتضيفي ليها مش هي اللي هتضيف لك، وعشان بحبك يا
صفاء أكثر من روحي، ما أقدرش أقف في طريقك، ولا قدام
مستقبلك الباهر، وتبقى أناية مني لو جيت، وقلت لك:

"ارجعي معايا الشارع الضيق واشتغلي في المدينة الصغيرة وابقى مجرد واحدة محامية في صف طويل من الخامين" عارف إنك هتنحكي وسطهم بسهولة بس هيكون نجاح ضيق، ومش هيرضكي.

-قصداك إيه يا فتحي؟

-سبيني أكمل.. النهارده بس عرفت إني لا يمكن أقدر أطلب منك تضحّي بالمجد ده عشاني، بريق عينكي لحظة النصر، وفوزك في القضية، كان أقوى من أي شيء، هو نفسه بريق عيني، ونفس إحساسي لما يشتغل على حنة الخشب، ويطلع منها تحفة تتباع بالآلاف، رغم إنها أحيانا ممكن تكون حنة خشب ما تساويش، وساعتها بحس بنشوة مفيش حاجة في الدنيا بتديلي نفس الإحساس، إحنا الاتنين بنحب شغلنا أكثر متنا، عشان كده يا صفاء بقول لك إني مستعد أنزل من مرتبة الحبيب لمرتبة الصديق، اللي هي أقوى من أي شيء، الحب دائما ممكن يتعكر صفوه وممكن يخفت نوره مع الأيام وظروف الحياة، لكن الصداقة كل ما يمر العمر، بتزيد قيمتها وتتوطد أواصرها، أنا هفضل الصديق، والأخ اللي بيخاف عليكي، ويحبك، واللي قلبه، وعقله، وكلن جوارحه ملك إيديكي وقت ما نعي.

صمت فتحي، لم يعد لديه ما يقوله، ولم يسمع منها كلمة لأن دموعها كانت أبغ من الكلمات. انسابت شلالات وهي

تقول: أنا مش عارفة أقولك إيه؟ أي كلام بعد اللي إنت قلته
ملوش معنى، طول عمري يقول: "إنتك راجل" حتى وإحنا عيال
كنت في نظري راجل، وأمسكت يده، وقربتها من فمها،
ولثمتها برفق، وحنو، زلزلته، فأمسك بيدها هو الآخر، وكأنه
يودعها للمرة الأخيرة، وطبع عليها قبلة محملة بدمعة حزينة من
عينيه تقول وداعاً يا أُملي الوحيد.

ومضى فتحي إلى مدينته، وشارعه، وهو معذب حقاً، متألم،
ولكن إحساسه بالرضا هوّن عليه أمره، وتخيل فتحي أن لو
كان قد استسلم لعواطفه، وحب، وتزوجها تحت أي ظرف،
وتركها تعمل، فقد كان سيفقد شخصيته، ويكون تابعاً، وقد
تخجل منه أمام الآخرين حتى وإن عمل عامياً مثلها، فسيخجل
من نفسه هو، لكونه لا شيء بجوار تلك العظيمة في عملها.

وإذا ضحّت هي، وأتت إليه، وتزوجته حيث هو، وحين
ينحسر عنها مجدها، ستظل تعايره طوال العمر بما ضحّت به
حين يخبو بريق الحب، وتتكاثر أعباء الحياة.

إنّ ما فعله فتحي هو إحياء لهوَاهما، وتثبيتّ له في قلوبهما،
وهو التضحية الحقة، فالحب الحق هو الذي يستطيع أن يهزم
أنانيته.

ودخل فتحي منزله، وقابلته أمه بعاصفة من الأسئلة: كنت
فين؟ وإيه اللي أخرّك؟ كنت مع مين؟ ولم يستطع فتحي الرد،
بل دخل حجرته، وأغلقها عليه واستند إلى حائط شباكها،

ووضع رأسه بين ركبتيه، وتبعته أمه وهي تقول: "أنت ما
بتردش عليا ليه"، حينما وجاتته يجلس هكذا، انطلقت نحوه
وهي تسأله: "مالك يا واد؟ فيك إيه؟"

لم يرد، فتابعته: وله إيه اللي جرى لك ما تسبنيش كده؟

-إيه يا أمه مفيش حاجة، تعبنا شوية.

-كنت فين طول النهار؟

-مع أصحابي.

-ما تكديش عليا، أصحابك سألوا عليك بدل المرة ثلاث

مرات.

-يوه يا أمه هو تحقيق؟

-لا مش تحقيق، بس هو حرام أعرف إنت فين من صباح

ربنا لحد دلوقتي؟! لا كنت في الورشة ولا مع أصحابك.

-واللي يا أمه سبيني دلوقتي.

-مش هسيبك يا فتحي، يبقى كنت معاها، ونكّدت عليك

إلهي ينكد عليها بنت سيّدة، هي هتطلع عدلة لمن؟!!

-حرام عليك يا أمه ما تظلميهاش.

-ما أظلمهاتش؟ واللي إنت فيه ده مش ظلم؟!!

-أنا اللي عملت كده في نفسي، وهي أيام والواحد ينسى.

-تنسى مين يا ضنايا؟ بص في المراية، وإنست تعرف إن
عمرك ما هتنسى، إيه اللي حصل قول لي ده أنا أمك؟
-كل اللي حصل إني شفتها يا أمه وهى أستاذة كبيرة،
ولقيت طريقي وطريقها عمرهم ما هيتقابلوا، فقلت لها إننا
لازم نفرق، عشان في يوم ما الأقيش نفسي تابع ليها، ولا
متعذب وياها.

-راجل يا ضنايا.. راجل.. أنا خلّفت راجل.
-نفس الكلمة قالتها لي يا أمه، قالتها لي وهى بتعيط.
سكت، وانسايت دموعه، فأخذته أمه في حضنها عليها تبرد
نيرانه، ولكن الحزن يولد عملاقاً، لكن ما أبطأه وهو يتزاح!
قال لها بصوت متحشرج: ضميني قوي.. أنا تعبان.
قالت الأم وقد أثر فيها حال ولدها، فشاركته البكاء:
سلامتك يا عينيا. سلامتك، بكرة يا قلبي تنسى وأجوزك ست
ستها.
-مفيش يا أمه زى صفاء، ولا هيكون في يوم زيها،
وانهمرت دموعه ثانية.

ولأنه يعرف سلواه فلقد غرق في دوامة العمل بشدة، ولم
يعد هناك غير العمل في حياته، نسي نفسه، وأصدقاءه، وكل
من حوله، وغرق في بحر العمل، وكان كل ما يشغله هو
اللحظة التي سوف تعود فيها، كان يعلم أنه ما إن يراها حتى

تنهار كل السدود التي يحاول بناءها، وسيجد خط دفاعه مستويًا بالأرض.

ولكنه لا يعرف أنها بعد أن تركها باكية حزينة تنعي هواها الذي كان يقيدتها، سرعان ما أفاقت من حزنها، وأدركت أنها لم تعد مقيدة، وأن فتحي قد أعفاهها من الحرج، وأطلق لها العنان، لقد فك قيدها وحررها من أسر هواه، وقد تكون تحررت نظريًا رغم أنه لم يستطع أن يسليها عقلها أبدًا.

ولأن صفاء - كفتحي تمامًا - تحب عملها بشدة، فقد غرقت فيه دون أن تلتفت لأي شيء، حتى زيارة أسرتها، أقسمت ألا تفعل، فهي لن تقدر على النظر إليه مرة أخرى، ويجب أن تعفيه، وتعفى نفسها من أي ألم ينتج عن لقائهما.

كانت صفاء مثار إعجاب الكثيرين، وقد أعجب بها هذه المرة واحد من المحامين الشبان العاملين معها، شاب في الثانية والثلاثين من عمره، وسيم، أنيق، مهذب بدرجة كبيرة، حيي بشدة، من ملامحه وملبسه وطريقة حديثه يتضح أنه من الطبقة الراقية، ولقد أوقعه حظه التعمس وهو الجاد الرقيق في حب صفاء، عشقها ليس من أول وهلة وإنما بعد فترة من معرفته لها، عام كامل معه وكل يوم يعرفها فيه، يزداد اقترابه منها وتعلقه بها، فهو لم يغتر بالوجه، والجسد المثيرين.

وشعرت صفاء بمشاعر زميلها نحوها، ولكنها تعرف أنها لا تستطيع مجاراته رغم أنها اتفقت مع رفيق عمرها على الفراق، ولكنها بحق لا تقدر على أن تعرف غيره، أو تحب سواه، ولكن هل ستقضي عمرها كله بدون أحد، بدون مخلوق في حياتها؟! كان هذا السؤال يؤرقها في الآونة الأخيرة رغم أن مستقبلها وحده هو ما يشغلها، ولكن كيف لها أن تجاريه وتفتح قلبها له وهي لا تستطيع أن تعده بشيء، فقد لا تستطيع في النهاية، ليس لأن قلبها ملك فتحي، ولكن لسبب آخر وهو أنه قد يُعوقها عن مواصلة طريقها بأي شكل من الأشكال فيضطرها إلى قلب الأحداث رأساً على عقب، وإهانتها بشكل مأساوي يُخلف وراءه الضحايا.

وعاد سؤال آخر يتردد داخلها، أليس من الممكن أن تتجه
مشاعرها إليه أو إلى غيره ممن يتهافون عليها ويعرضون هواهم
يوماً بعد الآخر؟!

ولأنها لن تتمكن من خداع أحد أبداً، فهي صريحة مع
الجميع، قررت أن تبدأ من جديد، ومع زميلها هذا، قررت ألا
تستجيب بسهولة، ولكن بغير صدود وكأنها تتمتع، وصارت
ترد مجاملاته وكلماته اللطيفة بلطف أشد وبأسلوب أشعره بأنها
مستجيبة له، مما شجعه لأن يدعوها لتناول الغداء، ولكنها
رفضت وتكررت الدعوة وهي تتعلل بأسباب واهية، وبعد
إلحاح وافقت، وذهبت معه لمكان راق جداً، لم يأتُ بيها أن
تدخله يوماً، وبرغم فخامة المكان إلا أنها بدأت المقارنة بينه
وبين الحبيب المفقود، لقد كانت الأماكن التي يرتادها رديئة
بالمقارنة بهذا المكان، إلا أن إحساسها وقتها ليس كإحساسها
البارد الآن، وسعادتها حينها لم تحسها الآن، وحاولت أن
تستمع إليه وأن تدع مقارنتها هذه قليلاً فقال لها: نفسي تحكي
لي شوية عن حياتك؟

-حياتي مفهّاش كثير يتحكي، وبعدين ليه ما تحكيش إنت
الأول؟

-ماشى أحكي أنا.

سكت قليلاً ثم قال: أنا يا ستي اسمي أيمن كريم الساعاتي.
أبويا رجل أعمال عنده مزارع دواجن وماشية، وأمّي ست

بيت بتقضي وقتها بين النادي والجمعيات النسائية، تعتبر النموذج العصري للمرأة كما يقولون، لكن أنا حاسس إني مش منهم، صحيح ابنهم لكن حاسس إني غريب وسطهم، عشان كده أخذت طريق مختلف، كان نفسي أتعيّن في النيابة لكن مكنتش ليا حظ، وأبويا رفض يشوف لي واسطة عشان يضيق على الخناق، واشتغل معاه، واضطريت الجأ لقريب ليا يعرف الدكتور سيد، اتوسط لي عنده، واشتغلت في المكسب، وكنت عارف إن الدكتور سيد متخوف مني جدّا، لكن لما حس بمدى جديتي وحيي لشغلي، اتسكّ بي.

عندي أخ وأخت، أختي آخر العنقود اتجوزت، وسافرت مع جوزها كندا، شغله هناك، وأخويا محاسب بيشتغل مع بابا، ماسك كل حساباته، أدي حكايتي ببساطة.

روت له صفاء مقتطفات من حياتها ولكن لم تتطرق بالحديث إلى فتحي، لم تتحدث عنه مطلقاً حتى حينما سأها عنه، عندما رآه معها في المحكمة، لم ترد عليه، وحاولت تغيير الموضوع، لم تعطه الفرصة ليسأل مرة أخرى، وتعددت لقاءاتهما، وفي أحد اللقاءات وجدت صفاء أنها لا تجلس إلى أيمن أو تتحدث إليه، وإنما أمامها فتحي، وتتحدث إلى فتحي، إنه يتجسّد أمامها فتحررت صفاء من قيودها وتحدثت بطلاقة كما لو أنها في قاعة المحكمة حتى نادته، وقالت اسم (فتحي)، هنا فقط أفاقت لتحدّ أمامها الواقع، إنه ليس فتحي، وعلمت،

وأدركت لحظتها، أنها ما زالت تبحث عن فتحي، وتريده، وأنه
أبدًا لن يحل محله مهما حدث.

ولم تعرف بماذا ترد غير أن تقول الحقيقة، وتخبره أنها بحق لم
تكن تريد استغلاله، هي فقط كانت تريد بداية جديدة، ولكنها
لم تقدر عليها.

ولم يستطع أيمن أن يفهم دوافعها، وشعرت صفاء أنها
فشلت لأول مرة كمحامية، فدفاعها تلك المرة لم يكن قويًا، لم
يقنع القاضي، ولم يبرر جرميتها، لقد كانت مخادعة من وجهة
نظر المدعى عليه والقاضي في نفس الوقت.

وعادت صفاء لتغلق على نفسها حياتها وتعود صندوقًا
محكم الغلق، وقررت أن تُلقى بمفتاحه في النيل حتى لا يتسنى لها
فتحه مرة أخرى.

ولأن رها يعلم أنها لم يكن في محيلها أن تخدع أيمن، فلقد
أنقذها من مواجهته، أو البقاء في المكان الذي يجمعهما سويًا،
فهي مشيئة الله، إنه يقدر الأشياء، ويفعل دائمًا ما هو صواب
لكل مخلوقاته ولينهم يوقنون ويعلمون ذلك.

بعد أيام قليلة مما حدث بينها وبين أيمن -الذي كانت
تتفادى مواجهته أو لقاءه بشئ الطرق، كانت تحس أن نظرات
عينه تعريها، تجرحها- دعاها الدكتور إلى مكتبه، فدخلت
على الفور، استقبلها بوجه بشوش، وعيون لامعة.

زقال: اقعدني عاوز أكلمك في موضوع.

- تحت أمرك.
- الأمر لله وحده، إنتي ليه ما بتفكرينش تدرسي دراسات عليا، وتاخدي الماجستير والدكتوراه؟
- مش عارفة.. حاسة إنها مش هتفديني قوى كمحاميه.
- طب والقانون الدولي؟
- ياه يا دكتور... دا الحلم الكبير.
- واللي يحقق لك الحلم؟
- إزاي؟!!!
- هتسافري فرنسا وترجعي الدكتوراه صفاء.
- نعم؟!!! قالتها والدهشة ترسم على ملامحها.
- زى ما قلت لك كده، وأنا هساعدك في المصاريف... ده غير إنك هتشتغلي عند محامى فرنسي صديقي جدًا.
- أنا مش مصدقة نفسي... ليه حضرتك بتعمل كده؟ أنا حاسة إنك بتديلي مصباح علاء الدين، وتقول لي شيبكي لبيكي.
- اعتبريني المصباح يا ستي ويلا جهزي ورق السفر.
- لازم أعرف ليه أنا؟
- لأنك ببساطة الطالب اللي كنت بدور عليه عشان أنفذ وصية أستاذي ورغبته.

عاد بذاكرته للوراء وهو يقول: كنت طالبًا مجتهدًا، تحديث ظروفي المعيشية بالعمل والدراسة، فلم أجعل الفقر يقهرني، وكنت الأول بلا منازع، وفي أحد الأيام وجدت أستاذي أستاذ القانون الدولي يناديني، ليعرف مين اللي جاب امتياز في مادته، الدرجة التي لم يعطها لأي طالب طوال مدة عمله في التدريس، واقترب مني الرجل بشكل كبير، وخاصة أنه كان يعيش بمفرده مع زوجته ولم يكن لديهما أولاد، كان ثريًا جدًا وساعدني كثيرًا وكأني ابنه، وفتح لي بيته، ومكتبته، وحياته، وعُينت معيدًا، وحصلت على الماجستير تحت إشرافه، وأرسلني الجامعة للخارج للحصول على الدكتوراه من فرنسا، كل مصروفاتي هناك كانت على حسابه، خاصة أن مرتب البعثة كان صغيرًا جدًا، وعدت لأجد مكاني في مكتبه ما زال موجودًا، وأجدي مدرسًا زميلًا له، ولكني أبدًا لم أكن لأرفع عيني في عينيه أو أنظر مباشرة إليهما، دائمًا ما كنت أشعر بفضله بطوقتي، وأنه أكبر من أن أكون متطلعًا إليه مباشرة هكذا، وحين توفي وجدته قد كتب لي مكتبه باسمي، وظللت أعمل فيه مدة طويلة، إلى أن أصبح العقار آيلًا للسقوط، فاضطرت لتركه وكنت آخر واحد تركه، كانت وصيته لي إن وجدت طالبًا يشبهني أن أقف إلى جساره، ولا أتردد في مساعدته يوما مهما حدث، وكنت أنت هذا الطالب.

-أنا مش عارفة أقول إيه يا أستاذي؟ أنا ملك بمينك، وتساقطت دموع الفرح من عينيها.

فربت الأستاذ كنفها في حنو الأب وقال لها: يلا، اجهزي بسرعة، الوقت ضيق.

وعرفت صفاء أن الدنيا لم تكن تبتسم فقط، وإنما صارت تضحك وتقهقه ملء شديقها، فلقد كان الأستاذ طيلة العام الماضي يُعدها لهذا المستقبل، وتلك المفاجأة، لقد أصرَّ أن تتعلم الفرنسية، وكانت تجهل أسبابه، وعندما أتقنتها تمامًا، كان قد أجرى ترتيباته لسفرها، وإلحاقها بأعرق جامعات باريس (السوربون).

وسريعًا انتهت من تجهيز أوراق السفر، وكالعادة تكفَّل الأستاذ بكل المصاريف حتى تكاليف جواز السفر، وبقي شيء واحد، بل كان أهم وأصعب شيء يجب عليها فعله، وهو الوداع، وداع الأهل، والحبيب الذي تقاطعه ويقاطعها، ولكنه مازال الحبيب.

وعادت لبلدتها قبل موعد السفر بيومين، لم يكن أحد مسن أهلها على علم بتلك السفيرة، عادت ليلاً حتى لا يشعر بها أحد، واستقبلها أبوها وأمها بكل ترحاب، وهلل إخوتها مما حملته لهم جميعاً، وجلست تفتح أباهما وأمها في مسألة سفرها، لا لتأخذ رأيهم، بل لتبلغهم بموعد الطائرة، ولم يكن أبوها ليمانع أبداً فهو لم يكن يتصور أن تصل ابنته إلى كل هذا، إنها تكبر، وتكبر بسرعة فائقة، كان فرحاً فخوراً بها، ولكنه خائف خوف الأب على فلذة كبده من الغربة، والاعتراب في بلد

بعيد، كل ما فيه غريب، إلا أنها ضامته بكلماته تضمّن لها مشاعر الأب داخله، وبعد حديث طويل دخلت حجرها، كم اشتاقت لسريها الذي ارتقت عليه بشوق واستقبلته بلهفة وظلت تنقلب عليه، وكأفها تذوّب فيه، وبعين مختلصة رفعت رأسها، وفتحت عينيها ببطء في خلسة لثراء، لم يكن بالحجرة فواريت الشباك لتجلس خلفه تنتظره، ورأته وهو قادم كان يسير بتؤدة على غير عادته، دخل البيت، وتوغل داخله وأخيراً فتح نور حجرته، شاهدته وهو يبدل ملابسه، كان مطمئناً أن لا أحد أمامه في شباك الحجرة المتقابلة له، لم يكن يعلم أنها تتبع خلف خصاص النافذة تنظر إليه، جنس على السرير ولم يتطلع نحو الشباك، وقالت في نفسها: "ليته يفعل" حتى يتسنى لها رؤيته أكبر وقت ممكن وانتظرت طويلاً حتى جلس على إهريز النافذة العريض من الداخل، يتطلع للسماء، وكأنه يدعوا الله ويرجو له ليحقق له شيئاً يأمله، كم كانت عيناها ذابنتين. تنسك العينان اللتان كانتا تمثلان بالحوية، وبريقهما لم يكن له مثيل أبداً!

ظلت في جلستها حتى استلقى هو على سريره، وغلبها النوم فنامت، وصحت في وقت متأخر. كانت صلاة الجمعة على وشك الانتهاء حين استيقظت. كانت تعلم أنه يأتي بعد الصلاة بساعة، حيث يأخذه الحديث دائماً مع أصدقائه. ولم تفطر وانتظرت أباهما لتناول غداءها معه، ومع الأسرة كلها، وأكل الأب مسرعاً ليعود للورشة فقالت له: مش النهارده أجازة؟

-عندنا شغل كثير قوي. مش ملاحقين.. ولازم يتسلم لأصحابه.

أيقنت صفاء أن فتحي في الورشة، كان عليها انتظاره حتى يعود، لابد أن تودعه، وانتظرت حتى الساعة حين أتى ودخل منزله، فتبعته إلى بيته بعد دخوله، فتحت لها أمه، واستقبلتها بوجه متجهم، لم تسلم عليها كعادتها، فقالت صفاء: سلام عليكم.

-وعليكم السلام.. اتفضلني، قالتها كمن تقول لها: "ارحلي لا نريدك هنا".

-فتحي فين يا خالتي؟

-عايزة منه إيه؟ ما تسيبيه في حاله بقي!

سارع أبو فتحي يقول: إيه يا ولية الكلام اللي بتقوله ده؟ خشي يا بنتي اتفضلني.

وهنا قالت صفاء: ليكي حق يا خالتي... بس النهارده بالذات لازم أشوفه، يمكن ما تتقابلش الوشوش تاني.

قال أبو فتحي بتعجب: يعني إيه يا صفاء؟

-أصلي مسافرة يا عمي.

هنا خرج فتحي، لقد كان يستمع إلى الحديث من خلف الباب، منذ أن دخلت البيت، قال: علي فين يا صفاء؟

-فرنسا.

-الماجستير والدكتوراه؟

أومات برأسها تؤيد كلامه فقال: هتسافري إمتى؟

-كمان ساعتين.. الطائرة ميعادها الساعة أربعة الصبح.

-هاجي معاكي.

-بلاش أرجوك.

-لازم آجي.

-هفوت عليك وأنا ماشية.

سَلَمَت على الجميع، واتجهت لمقرها، لتجلس مع أبيها، وأمها، رفضت أن يأتي معها أي أحد منهم بحجة ألا داعي لتعبهم، واطمأن الأب لمرافقة فتحي لها.

وفي الطريق كانا صامتتين، لم يتبادلا الحديث، لم يكن هناك ما يُقال، وصل معها إلى المكتب حتى أعدت حاجياتها، ثم توجه معها ومع الأستاذ يصحبهم أئمن للمطار، دخلت صالة المطار لأول مرة في حياتها، دخلتها لتفادر البلاد وهي لا تعلم متى سيحين موعد العودة.

وجاءت اللحظة الحاسمة، لحظة الوداع سَلَمَت على أئمن، احتضنها أستاذها وقبّل جبينها، وبقي الأعز والأصعب على النفس فراقه.

ما إن وضعت كفها بين يديه لتسلم عليه حتى ارتفعت في حضنه، اعتصرها واعتصرته، وتعانقت دموعهما بغير حديث،

لم تكن تريد تركه مطلقاً، وأخيراً تركته لتسلم جواز سفرها للضابط المختص، ولكنها ما إن خطت خطوتين حتى عادت لحضنه مرة أخرى وهي تقول: سامحي.

-إنني معلميـش حاجة أسامحك عليها..... إنـتي عمري.

انطلقت صفاء، ولم تستطع النظر خلفها، فهي تعلم أنها لو نظرت إليه فسوف تعود، إن فراقه داخل البلد أهون بكثير من فراقه في بلد آخر، وقارة أخرى، إنما في بلدها، قد ترى له أشباهاً وسط الناس، قد ترى وجهه في كل رجل يحمل سُمرة وجهه، أما في فرنسا فإن الأشكال تختلف، والوجوه المحمرة البيضاء ليس من بينها وجه حبيبها، إن حمية المكان كانت تشعرها بوجوده أما هذا الاغتراب فهو يبعده كل البعد.

ولم ينتظر فتحي إقلاع الطائرة، بل انطلق يمدو خارج المطار بكل جهده في وسط دهشة أستاذة وأستاذها، إنه يتذكره، فكثيراً ما رآهما، لكنها يوماً لم تذكره له، لم يعرف عنه شيئاً، ولم يسألها، وحين سأل كانت قد رحلت.

وأخذه أمين، وروى له حكايتها معه، ومع فتحي، روى كل شيء طوال طريق عودتهما، وتعجب الأستاذ من تصرف صفاء، فكيف لها أن تضحي بكل هذا الحب من أجل مجد يصعب الحفاظ عليه!! كيف لها أن تترك حباً كهذا في زمن ندر فيه الحب والمحبون!! إن أي مجد مهما كان لا يساوي

دموعها المنهمرة وهى تعانقه محتضنة دموعه، بل لا يساوى
العذاب الذي سوف يعاينه كل منهما، إن الشوق نار، والنار
تشوّه كل جميل وتمحو كل أثر، ولا يبقى سوى الأطلال.

قال تلك الكلمات لأيمن فقال له الشاب: هذا يا دكتور
لأنك من الزمن الجميل، زمن العواطف والحب والصدقة، أما
الآن فلا شيء من هذا، لم يعد هناك سوى المصلحة والطموح
والرغبة، ولم تعد هناك امرأة تقنع بكونها زوجة وأماً، بل هسي
تطلب أكثر من هذا ألف مرة وأنى لأجزم أن بداخل كل امرأة
صفاء أخرى تريد التمرد على حياتها، تريد نفسها دون إفساح
بجال للآخرين في دنياها!

-لا تلق باللوم على الزمن، فنحن نلوم الزمن، والعيب فينا
كما قال الشاعر، نحن الذين فقدنا القدرة على الحب، أصابنا
السعار، فصرنا ننسج خلف غرائزنا ورغباتنا، فسادت الحياة من
حولنا.

-تفتكر يا دكتور إنها هترجع؟

-أكيد هترجع بس مش دلوقتي خالص.

-إمى يعنى؟

-لما تستكفى يا أيمن.. لما تشبع صفاء اللي جواها.

-وإن ما شبعتش؟

- كل ماعون يأتي له يوم ويمتلي. ويحتاج لأن يُخسني من
محتواه حتى يمتلي في مكان آخر، وهذا ما سوف تفعله، لذا فهي
ستعود حتمًا.

خرج فتحي من المطار وهو يشعر بأن هناك شيئاً قد اقتنع
بشدة من داخله، وحلّف وراءه جرحاً دامياً وعراً آلمه، كما لو
كان شجرة اجتثت من فوق الأرض بخشونة، مخلفة وراءها
بعضاً من جذورها في الأرض التي خرجت منها، هكذا رحلت
صفاء تاركة جذورها داخله مقضوعة تمزقه.

وصل فتحي منزله، ولم يبرح حجرته، حتى عمله لم يذهب
إليه، رغم كثرته، لقد ظمأن الجميع عليها، ودخل حجرته،
أخرج كل شيء ينقصها ويغصه، كل صورة لها، كل هدية
منها، وأخرج من عقله وقلبه كل ذكرياته معها.

كل صورة لها مناسبة، تاريخهما كنه في تلك الصور. منذ
أن كانا طفلين يلهوان سوياً، وكانت هي بالصفائر ذات
الشرائط الحمراء دائماً، لقد كانت تحب صفائرها بالشرائط
الحمراء دون أي لون آخر، كان يعلم كم كانت تقوى شعرها
هذا وتتفنن في تصفيفه.

وتلك صورهما في الأعياد حين كانا يأخذان العييدة
ويعلدوان جهة أستوديو التصوير، لينتقظهما المصور صورة
بملابس العيد الجديدة. فهي مرة في العام التي يحصلان فيها على
ملابس جديدة.

الكثير من الصور تروى حياهما معا، لقد رحلت، وتركت
له الذكرى نبعاً ينهل منه كلما كثرت أوجاع الفراق وعبث
الشوق بعقله.

لقد مضت، وتركت العين تبكي، فإذا بالعين تحف، ويظل
القلب يبكي بكاءً محموداً، ينعي هواه الذي ذهب في أوج عزه
ومجده، ينعي الظروف التي حالت دون أن يبقى المحب بجوار
حبيبه.

أما هي فطوال الطريق وهي تمسك بصورتها، تتأملها ويطفر
الدمع من عينيها، دون كلل، ساعات السفر تلك كانت
أصعب وقت مر عليها، حاولت أن تنماسك، لكن دون
جدوى، وظلت تحاول إلى أن وجدت مضيئة الطائرة تنبهم
بسلامة الوصول.

نزلت صفاء أرض المطار وبعد أن أنهت إجراءات الوصول سمعت اسمها يتردد عبر مكبرات الصوت عاليًا، كان صديق أستاذها بانتظارها، قابلها الرجل بحفاوة، وذهب بها إلى المكان الذي استأجره لسكنها، كانت حجرة صغيرة بها سرير، ودولاب صغير، ومكان للمطبخ، وحمام فقط، ولكنها أنيقة جدًا، وجميلة سعدت بها كثيرًا.

قال لها الأستاذ الجديد والذي يدعى جوزيسف: سادعك ترتاحين الآن، وسأرسل لك من يصطحبك للمكتب في الساعة مساء لتعرفيه.

-أشكرك جزيل الشكر-

لم تكن بحاجة لمترجم، فهي تتكلم معه كما لو كانت فرنسية، رغم اللكنة العربية التي تتكلم بها، ولكن ليست تلك المشكلة المهم أنها تفهم ما يقول، ويفهم هو ما تنطق به.

نامت صفاء نومًا عميقًا بسبب التعب والإرهاق من مشقة السفر، وفي المساء مرت بها سكرتيرة المكتب، وذهبت بها إلى هناك، وعرفتها كيف تستقل المواصلات إليه، ولم يكن بعيد فهو على مسافة عشر دقائق بالسيارة، كانت مشكلة صفاء أنها سوف تتعلم من جديد بعد أن كانت محامية متمرسة يُشار إليها بالبنان، ولكن صفاء المثابرة أقنعت نفسها أن فترة تعلمها لن تطول، ويكفي أنها أتت لتلك البلد بمحرد محامية، وستعود

الدكتورة صفاء، إنه المجد الذي حلمت به، لذا يجب أن تتعلم وتتعب قليلاً.

وبدا المشوار، لقد عرفت طريق الجامعة وعلمت مواعيد المحاضرات، وانتظمت في العمل بالمكتب بعد المحاضرات وفي أيام إجازتها من الجامعة تعمل بدوام كامل كما كانت في مكتب الأستاذ سعيد في أثناء دراستها.

اختلاف المكان والناس كان حائلاً بينها وبين التعرف على الآخرين، كانت تخشاهم، فالعادات والتقاليد المختلفة كانت تؤرقها، وما كانت تسمعه عن هؤلاء الناس، كان يخيفها، فخشيت أن تتورط، ظلت فترة منظرية، وحيدة لا علاقات لها.

وبعد شهر من انتظامها في الدراسة كانت تجلس منصبة للأستاذ الذي يحاضرهم حتى وجدت أحد زملائها يطلب منها بأدب أن يأخذ كراسها لينقل بعض ما فاته، فسمحت له، وبعد انتهاء المحاضرة شكرها الشاب بشدة، وعرفها بنفسه.

-اسمي ليونيل بلزاك، وإني؟

-صفاء محمود.

-من أي بلد؟

-مصر.

-رائع. لقد زرناها مرة من سنتين.

-بجد؟

-نعم واستمتعت هناك بدرجة كبيرة.

-إنت من فرنسا.

-أيوه، أبا عن جد.

-لقبك بلزاك إنت.....؟

قاطعها ضاحكاً: لست قريب الأديب الكبير بلزاك، مجرد تشابه أسماء، وصمت برهة ثم أردف: من أول ما بدأت الدراسة والجميع تعارف، وتصادق إلا إنتي ليه؟

-أبدأ. بس أصلي مش بتعود على الناس بسرعة.

-بتخافي منهم؟

-بالعكس، بس يمكن عشان دي أول مرة أخرج برّة مصر، وأشوف ناس غريبة عني، خفت شوية.

-على العموم اعتبريني صديقاً من الآن، وأي شيء تحي تعرفه، أو تفهمه، أو أي مكان تحي تزوريه في فرنسا أنا تحت أمرك.

-متشكرة ليونيل.

-لا إحنا بقينا أصدقاء وجميع أصدقائي ينادوني ليو.

-شكرا ليو.

-العفو يا صوفي.

-صفاء، وليست صوفي.

-صعب عليا نطقه.

-خلاص صوفي.. صوفي.. مش هتفرق.

وضحكا بشدة، وقضيا اليوم سويا، وتناولوا غداءهما سويا قبل أن يذهب كل منهما إلى عمله.

إن الحياة في فرنسا سريعة بشكل مذهل، وتذكرت صفاء كم كان الكبار في مصر يلومون جيل الشباب على إيقاع حياتهم السريع والذي سرق منهم متعة الحياة، ولكن حين تقارن السرعة في مصر والسرعة في دول أوربا فهي أشبه بالمقارنة بين سرعة السيارة وسرعة الصاروخ، فالحياة هناك إيقاعها يعدو بل يقفز بشدة، ومن يتوقف برهة تسحقه عجالاتها بلا رحمة، الجميع في حالة عمل دعوب، المدارس يدرس نجد، والعامل يعمل بجهد، الجميع في حالة تأهب لا وقت للهو أو اللعب بأي حال من الأحوال.

وكعادتهما دائما فهي تكسب ود وثقة الجميع، وفي الوقت القصير الذي قضته في فرنسا استطاعت أن تُجبر الجميع على احترامها والثقة بها بعد أن شهدوا دقتها في عملها، وأسألوها المنظم في التفكير.

وفي المساء كانت تستغل الوقت في المذاكرة حيث إن هناك متابعة كل فترة للتحصيل كما لو كانوا طلبة في مدرسة.

لم يكن هناك ما يورقها سوى فراق الأحبة، والأهل فكم أوحشها أبوها الذي هو أكسير الحياة بالنسبة لها، وشجارها

الدائم مع أمها وإخوتها ومضايقاتهم لها، واشتاق أكثر، وأكثر، وأكثر، للحبيب الذي أعطاها كل شيء، وهبها إحساس الحب، والعطف، والحنان، والحرية، واختار البعد لكي تحقق ما تصبو إليه، إنه لا يفارقها لحظة، إلا أنها تفتقده جسدياً حياً، كم قضت من ليالٍ تُمسك صورته وتبكي، وكم من مرة أمسكت سماعة الهاتف لتطلبه ثم تعود أدراجها ثانية دون أن تطلب الرقم، وكم من مرة أوشكت أن تسأل أباهما عليه، وهي فئاته ثم يعود لسانها إلى لجامه مسرعاً.

خشيت أن تعرف عنه شيئاً يورق مضجعها، فتهرع إليه تاركة كل شيء، خافت أن تسمع صوته، فتتهار كل قواها وتفقد صبرها وتعود إليه، هي تعلم أنها أقوى من أن تنهار أو تفعل شيئاً من هذا، ولكنها كانت تخاف من ضعفها يوماً لذا فلقد آثرت الوقاية التي هي خير من العلاج.

وكانت أسوأ أيامها هي نهاية الأسبوع، يوم الإجازة فهي بلا عمل وبالطبع لا تذاكر طيلة الوقت، لذا فالذكرى والأشواق يعيشان بها بدرجة كبيرة فكانت تخرج لتمشي، وتمشي، دون جدوى، زارت بعض معالم باريس السياحية ولكن نزهة المرء بمفرده ليست كما لو كانت مع أحد محبيه، فكانت تملّ سريعاً، وتعود لحجرتها، إلى أن أتى يوم وسألها ليونيل كيف قضت إجازتها؟ فأخبرته أنها قضتها في حجرتها لم ترحها، فصعق الفتي دهشة وهو يقول: معقول حد يبقى في فرنسا ويقضى إجازته في البيت؟

-يعني معامل إيه وأروح فين؟

-أنا ها أقول لك تعملي إيه، وتروحي فين بس استني للأجازة الجاية.

في صباح يوم السبت، كان ليو تحت باب العمارة التي تسكن بها منتظرًا إياها حتى تنزل له، وطالعه بوجهها البشوش فأخذها في سيارته وانطلق بها إلى (بورديو) مسقط رأسه، وفي الطريق الطويل من باريس إليها استمتعت صفاء بالمرارح والجمال الطبيعي في فرنسا، ووصلت إلى هناك، وتعرفت على عائلة ليو التي تعمل بكاملها في زراعات العنب، قضت يومين من أجمل الأيام مع عائلة قرية الشبه بعائلات مصر في ارتباطها وتوادها وعادت مساء الأحد وهي منتشية سعيدة، وقد وعداها ليو بأن يجعلها ترى أجمل مدن فرنسا فهو عاشق لبلاده، ومغرم بالسفر والترحال.

لو تأملت ليونيل تجد نفسك أمام شاب مليء بالحياة، والنشاط في أواخر العشرينيات من عمره، ذي بشرة بيضاء وشعر أسود يشويه اللون البني، ليس بأشقر، عيونه بنية فاتحة اللون، بديعة، ذات نظرة هادئة طموح، ولكنها ليست نهم، لم يكن مسيحيًا متدينًا، وكان عصبيًا قليلًا، وسهل استفزازه، وغير هذا فهو شاب طيب على أية حال.

كان له مكتب صغير يعمل فيه بمفرده بعد سنوات قضاها في مكاتب عدة، عرض على صفاء العمل معه، ولكنها رفضت

بحجة أنها تسعى للتعلم من أستاذها الكبير الذي تعمل لديه،
وتنفيذاً لأوامر من يصرف وينفق على رحلتها تلك.

وصار ليو قريباً جداً من صفاء، فلم يعد يمر يوم دون
لقائهما، وحاول أن يعرف شيئاً عن حياتها السابقة، فلم يعرف
إلا ما أرادت هي أن يعرفه، في حين روى لها كل شيء عن
حياته السابقة منذ ولادته، وحتى يوم عرفها وحكى لها عن
صديقاته، وقصص الحب الفاشلة التي مر بها، حتى أول علاقة
جنسية قام بها، ورغم خجلها وهو يروي لها، إلا أنها استمعت
له جيداً، ولكنها تذكرت فتحي هي لم تدخل داخله لتعلم هل
كان يفكر بها على هذا النحو أم لا، ولكنها تعلم أنها لم تفكر
في تلك الناحية مطلقاً، كان يكفيها أن تكون معه، تحدثه
وبحادثتها، كان هذا يسعدّها وأكثر ما تمنّت هي قبلة كالتي
كانت تراها في الأفلام، ولكنها أبداً لم تحصل عليها، ولم تكن
لترك نفسها لتحصل عليها، لقد عني الحب لها الاقتراب
والامتزاج الحسي، والعاطفي، وليس الجسدي، هكذا أحسّت،
وظنت أن فتحي يحب على تلك الشاكلة، فهو لم يلمح لها يوماً
هذا الأمر، كان يخشى عليها من الهواء أو أي شيء يجرّح
كرامتها وكبرياءها، أي شيء يمس سمعتها، هذا هو الحب
وليس السعي المستميت وراء الجسد بل والحديث عنه دون
خجل! ولكنه صدام الثقافات واختلاف التقاليد والأديان، لا
ليس للدين شأن، فمسيحيو مصر كمسلميها في هذا الشأن،
ولكنها تقاليد الشعوب هي التي تحكمها.

وفي صباح أحد الأيام، جلست صفاء مع ليو في مقهى قريب من الجامعة يستعدان فيها لمناقشات المحاضرة القادمة، فالتعليم هناك قائم على البحث، والنقاش واستعراض الرأي والرأي الآخر، بعيداً عن التلقين والحفظ والحقائق الجامدة، كانا منهماكين في المناقشة حين وجدا شابة جميلة رائعة الحسن تقف على رأسيهما، فنظرت لها صفاء بتعجب وكأنها تسألها: ماذا تريدان؟ ولكنها لم تنطق لأن ليو نطق: جينا، عاملة إيه؟

قبلته الفتاة وهي تقول: اعتقدت إنك هاجرت.

دهش ليو من كلامها وقال: هاجرت؟! هروح فين يا جينا؟ ازدادت حدة الفتاة، وظهر غضبها: يبقى ليه ما بتردش على تليفوناتي، وكل ما أروح لك لا أجدك في شقتك، أكثر من شهر مش عارفة أشوفك، إيه؟ خلاص جينا راحت عليها.

-لا جينا أنا.....

وظهر على ليو أنه لا يستطيع أن يجد ردًا مناسبًا، وبدأ عليه الإحراج الشديد، وما زاد إحراجه أن الفتاة قالت له في حدة: مش جديد عليك ليو، أنا عارفة إهم يومين وهترجع، ولكن المرة دي مش هتلاقيني في انتظارك أبدًا.

وانطلقت الفتاة بسيارتها في سرعة مذهلة، ولكن صفاء لم تعلق على ما حدث، وكأن شيئاً لم يحدث، بينما صمت ليو فترة قصيرة ثم قال: لقد أنهيت علاقتي ها، ولكنها ما زالت تُصر على وجود هذه العلاقة.

-مفيش داعي إنك توضح لي شيء ما يهمنيش.

أسكتته كلماتها، فوضع رأسه في كتابه حتى حسان موعده المحاضرة، هي بالفعل لم يكن يُهمها علاقات ليو على الإطلاق، فهي لم تفكر به سوى كصديق، وليس بحاجة أن يشرح لها، ما شغلها هو كلمات الفتاة بأن ليو متعدد العلاقات، وأن فئاته هذه الأيام ستركها، ويعود لها من جديد، إن ليو لا يتركها إلا سويغات قليلة هي ما يقضيها في مكتبه، وتقضيها في عملها، وباقي اليوم، هما معاً، حتى أنها تبيت في مكتبه كثيراً حين يأخذها الوقت وهما يستذكران، إذن من ستكون هذه الفتاة سواها؟! يعني هذا أن من يحبها ليو تلك المرة هي صفاء.

وأخذت صفاء تسأل نفسها: كيف هذا؟! إن بيننا ألف حاجز وحاجز، لا، لا بد أنها فتاة أخرى، ونقضت عن رأسها الفكرة وحاولت نسيان الأمر.

وبعد هذا الحادث بيومين، حضر إلى باريس أستاذها دكتور سيد في إجازة اقتنصها من وقته المزدحم، ليرتاح هو وزوجته من عناء العمل، وانتهرها فرصة ليزروها ويطمئن عليها.

انشغلت صفاء معه كثيراً وأطلعت على بحثها ودراساتها وحكت له الكثير مما عرفته وشاهدته، قضت أسبوعاً إلى جواره، أنساها موضوع ليو، بل إنها لم تكن تستطيع مقابلة ليو، وإن كان قد رآها الأستاذ معه مرات قليلة كانت كافية ليعلم

أَنْ هُناكَ شَيْئاً داخِلَ الفَتَى تَجاهَها لَذا قالَ لها: ماتَخلِش الحِياة
تاخذُك وتَعطُلك عَن تَحقيق حَلمك يا دَكتورة صَفاء.

-مَفيش حاجة تَقدر تأخِري، أنا ضَحييت كَثير عَشان أَحقق
اللي أنا عَوزاه، مَشي هَخلي أي حَاجة تَقف عَقبَة في طَريقي.

-أَتمنى ذلك، ووَد في نَفسه لو يَسلُها: "وماذا عَمَن تَركَهم
في مَصر" وَلَكنه تَراجع.

-ما تَقلقش يا أستاذي، أنا عارَفة نَفسي كويس.

-ودَه اللي مَطمَني شوية.

ورَحل الأَستاذ وعادَت حَياتُها لَسابِق عَهدَها، تَقضَى الوَقت
بَين عَمَلِها ومَاضِراتِها وصَديقَها الَّذي يَقتَرب مِنها كل يَوم.

لَقد صارت لَديه شَيْئاً عَظيماً، يَنام وهو يَحلُم بها، وَيَصَحو
لِراها أَمامَها، هي طَعامه وشَرابه وضحكُه وبَكاؤُه، لَقد كانَ
مَعها وَيَشرع بِالشَوق إِلَيها، واكتَشف لَيو أَنها هي حَبيبَها، وَأَنَّ
مَشاعرَها تَجاهَها لَم يَشرع بها مِن قَبل، وكانَ يَعرِف وَيَوقِن أَنَّ
هَذا ضَربٌ مِنَ الجَنون، وَلَكن إَحساسَه أَقوى مِن أَنَّ يَكنَهم أو
يَنسَاه، كانَ لا يَبدُ لَهُ أَنَّ يَصارحَها بِمَكنونِ قَلبِه، فَهي تَعامَلُ
مَعامَلَةَ تَثير جَنونَه بَينما هو يَذُوب عَشقاً فِيها.

يَبدو أَنَّ هَذا حَالَ كل عاشِقَينَها، فَفي فَرَنسا هو، وفي مَصر
حَبيبُها الكَثير، وعاشِقُها المَتيَم فَمَحي الَّذي أَصبَحت حَياتُه

جحيماً بدونها، فئران قلبه لا تنطفئ، ولا تجد سبيلاً للانطفاء،
فهو في حالة شوق دائم لها، كم يتوق لسماع اسمه يخرج عبر
شفتيها، كم هي رائعة لمسة يديها، عيناها المشعتان بالمرح
والحب، نظراتها دائماً كانت كفيلة بجعله طيراً يعانق السحاب،
كان معها ملكاً حتى وإن لم يكن بجيبه جني واحد، كانت له
البلمة الشافي، كم هو مرير فراقها! وكم هي مستحيلة الحياة
بدونها! لذا فلقد صار فتحي الميت الحي، لم يعد فتحي الباسم
المقبل على الحياة، أصبح آلة تاكل لتحي وتعمل فقط، لم يعد
يقابل أصحابه، أو يود أحداً من أحبائه وجيرانه، لم يعد هناك
سوى العمل، وإن لم يجد ما يعمل، فهو يعود لمزله ويجلس أمام
التلفزيون، أو في حجرته، يجتر ذكرياته وحيداً، أمه الصدر
الحنون وبلسم جراحه فهي التي يدفن في صدرها رأسه وفي
حضنها يلقي بحموله عليها تمتصها فيخف بعض وجعه.

هل هذا قدر كل عاشقيك يا صفاء؟ لماذا العذاب فقط هو
نصيهم والافتقار مصير أحلامهم؟

من قبل فتحي، ثم عماد، وأيمن الذي لا ينساها مطلقاً، بل
إنه فشل حتى في محاولته التعرف على غيرها، وأخيراً ليو، يا
تري من سينضم لقائمة المعذنين!!!

كان على ليو أن يتصرف سريعاً، له معها عام وبضعة
أشهر، صارت لديه كل شيء، زار معها كل مكان في فرنسا.

حتى (كان) في أثناء مهرجانها الشهير، شاركتها لحظات
سعادته، وسعادتها، كان لابد أن يفتحها بأمر هواه، وجب عليه
انتقاء اللحظة المناسبة، فكّر كثيرًا، ثم حدد الموعد في عطلة نهاية
الأسبوع، ولكن في أي مكان؟

قابلها بعد ذلك وقال لها: إيه رأيك في أجازة في روما؟

-روما؟ إزاي؟

-هركب القطار، هنكون هناك.

-مجنون.

-عارف، جهزي نفسك.

وهناك جلس أمامها، وضع عينيه في عينيها، نظر إليها نظرة
عرفتها على الفور، فقد سبق ورأها من قبل، وكم خشيت كل
كلمة سينطق بها بعد هذه النظرة!

-فيه موضوع مهم عايز أكلمك فيه.

-خير يا ترى؟

-تجوزيني؟

اتسعت عيناها دهشة، وفغرت فاهها، ولم تنطق بكلمة.

فقال: إنتي أكيد حسيتي بحبي ليكي، عشان كده بطلب
منك تجوزيني، لأنك مش هينفع تكوني معايا من غير جواز.

ما زالت صامته، تحاول استجماع شتات نفسها، بينما هو يحاول دفعها للإجابة، فاقترب أكثر منها، وأمسك بيديها، هنا فقط شعرت بما حولها، فانتزعت يديها من بين يديه وقالت: إزاي يا ليو؟ مينفعش.

-يعنى إيه ما ينفعش؟

-فيه عقبات كثيرة، وفروق كثيرة.

-أنا مش شايف أي عقبة.

-إزاي؟ الدين؟ لا يجوز للمسلمة الزواج بغير المسلم.

-ممكن أغير الدين وأعلن إسلامي.

-تغير دينك بكل سهولة كده عشان أي واحدة تعوزها؟

-ما تصعيبش الموقف أنا بحبك جدًا.

-وأنا لما أتجوز، لازم أتجوز مسلم، يحفظ دينه، ويؤدى

فروضه، وأربي أولادي على هذا الدين، يتعلمونه، ويؤمنون به.

-وإن درست، واقتنعت به، وأحبته هتغيري رأيك؟

-طبعًا.

-يقي اتفقنا.

عادا إلى فرنسا، واسترجعت صفاء الحديث، وصلت إلى كلمة اتفقنا، إنما وعد صريح بقبول طلبه، وسألت نفسها: هل حقا ستزوجين يا صفاء؟ أهو من سيحل محل فتحي؟ إنه مختلف تمامًا عنه، بل إنه لا يشبهه في أي شيء، وليس بينهما شيء مشترك، وليس به شهامة ونخوة المصريين إنه ليس فتحي.

واستدركت قائلة: لكن به طموحك، وهل الطموح وحده هو ما يرجح كفته ويسقط كفة فتحي؟؟ من قال هذا؟

إن الفكر يمزقها، ولا طائل منه فقررت إرجاء التفكير والقرار حتى ترى هل سيسلم ليو إسلامًا حقًا أم لا؟

وأخذها العمل والدراسة عن متابعة الأمر، ولكن ليو أصبح يختفي كثيرًا، لم يعد معها كل الوقت كما كان، فهو يحضر معها المحاضرات، ويختفي فجأة، دون أن تعرف إلى أين يذهب، وحين تتصل به لا تسمع غير صوت آلة الرد على المكالمات، لم تكن تعلم أن ليو يسعى لتنفيذ اتفاقهما، ويحرص كل الحرص على أن يكون معها عما قريب، لقد التحق بأحد المراكز الإسلامية وطلب أن يتعرف على الدين قبل أن يعلن إسلامه، ولم يكن ليتصور أبدًا أنه سيجد أمامه شريعة سمحاء، ومبادئ سامية ترقى بروح الإنسان وتحافظ على حقوقه كما وجدها بالشريعة الإسلامية. وعرف كم أن وسائل الإعلام والدعاية ساهمت في تشويه هذا الدين. وبعته بأنه دين تزمت وتأخر

ورجعية وقتل وسفك دماء، مع أنه يدعو إلى عكس ذلك تمامًا،
ويكفي أن علوم أوروبا كلها كانت نقلًا عن علماء المسلمين،
بينما كانت أوروبا تعيش عصور ظلامها.

وانشرح قلب ليو للإسلام، ورق قلبه، ولأن طبعه حين سمع
القرآن، وحين قرأه بالفرنسية، وعرف معاني كلماته، بل وحين
سمعه بالعربية، نزل دمع عينيه مع أنه لم يفهم ما يقال، ولقد
أسلم ليو عن اقتناع كامل بتلك العقيدة، أسلم بعد ثلاثة شهور
قضاها بين البحث والقراءة والإطلاع على دين الله الخنيف،
وذهب إليها وهو ليس ليونيل وإنما أحمد المسلم حقًا.

ووجدت صفاء نفسها أمام رجل آخر، شخصية تبدلت
أمامها دون أن تدري، وفوجئت بمسلم مؤمن أشد الإيمان،
يتركها في أوقات الصلاة، يتشوق لرمضان حتى يصوم لأول
مرة، ويطلب منها أن تروى له الحياة في رمضان والطقوس
وكيف يصرون دون طعام أو شراب، صارت نظرتة إليها لا
تعمل شيئًا من وقاحتها السابقة، لم يشرب كأس خمر واحدة،
أو حتى زحاجة بيرة، إنه رجل آخر يستحق أن يعرفه المرء عن
كتب، ويسعد معرفته، ولم ينقطع ليو أو أحمد عن زيارة المركز
الإسلامي، والصلاة فيه، وسماع الدروس الدينية، بل إنه
اصطحبها معه، شعرت بأنه لا بد من تلبية وعدها، ماذا يمنعها
من الزواج به؟ وسيطرت عليها فكرة الارتباط، وبدأت تفكر
فيها ليل نهار، ماذا يضير؟ ليو طموح مثلها، أصبح على خلق

وصار مسلماً بعد الضلال، كما أنه يحيا، ويأمل في نفس ما تأمل، أليس هذا ما تريده في رجلها؟

وفي حفل صغير، ودون أن ترسل إلى أهلها تنزف إليهم الخير، أعلنت صفاء خطبتها لأحمد، أو ليو سابقاً.

وبدأت تبحث عن السعادة معه، ولكن، وآه من لكن، إن بداخلها شيئاً يغص به حلقها، يقف حائلاً بينها وبينه، مع أنه يفعل المستحيل لإسعادها، يبذل أقصى طاقته ليرى ضحكة على وجهها، ولكنها لا تستطيع التغلب على تلك المرارة التي بداخلها، إنه يلح عليها في تعجيل الزواج حتى إنه على استعداد للسفر إلى مصر ليطلب يدها من والدها وأخذ موافقته على الزواج، ولكنها تقف أمام رغبته بحجج واهية، هي لا تعرف كيف تخبره بتلك الحلقة المفقودة بينهما، والتي تحول دون سعادتهما معه، إنها لم تستطع إخفاء صورة فتحي عنها، بل ما زالت إلى جوار سريرها تلقى عليها تحية المساء قبل نومها، وتحية الصباح حين تصحو، كل ما فعلته أن وضعت صورة ليو إلى جوارها، ولكنها أبداً لم ترعها من مكانها.

إلحاح ليو عليها في تعجيل الزواج، كاد يُطير صوابها، إنها لا تستطيع التحمل أكثر من هذا، إنها لا تستطيع أن تكون في حضن رجل وقلبيها وعقلها وكل كيائها رجل آخر يسيطر على كل شيء بداخلها، رجل سلبها كل شيء، ولكن أنانيتها هي ما وقف حائلاً بينهما، وكانت أقوى من أن تكون له ومعها،

فأبعدتها إلى حيثُ هي الآن، ولكنها أبداً لا تقدر أن تنساه،
تلك هي الحقيقة، إنها لا تقدر على نسيان فتحي، وحب غيره،
وكان عليها أن تخبر ليو، بعد قرابة العامين والنصف معاً يجب
أن تقول له: "يكفى هذا".

اتصل بها ذات يوم، وكانت في أوج ألمها لفراق فتحي،
ومن تعذيبها لليو، وسألها سؤاله المعتاد: إمتى بقى هنتجوز؟
وبثها بعض غرامه، لم تجبه، وقالت: "هجيلك دلوقت".

لقد أخذت قرارها، ستخبره بكل شيء، وستضع حداً لكل
هذا، يكفى أنه يجدتها فترى فتحي في صورته، لقد أصبح
وجهه دائماً محل وجهه كيف هذا؟ لا تعرف!!

واستقبلها بترحاب شديد، جلست وهي تلملم شتات
كلماتها، فسألها: مالك؟

-مفيش، فيه موضوع مهم عاوزه أحكيهولك وتسمع من
غير ما تقاطعي مطلقاً من فضلك.

-خير؟

وبدأت روايتها، حكّت كل شيء عنها وعن فتحي، وكيف
وصل بهما الحال لما آل إليه الآن، وكيف أنها لا تقدر على
نسيانه، وأنها لا تستطيع أن تكون لاثنين في ذات الوقت.

-ليه ما قتلش قبل كده؟ قالها، وغضبه على أشده.

-ماقدرتش، كنت فاكرة إني ممكن أنسى، وأبدأ حياة
جديدة، لكن ما قدرتش أنسى، صورته بقت قدامى كل وقت
وفي أي مكان.

وأحس بطعنة قلبه دامية، ولكنه تماسك، وحاول أن يظهر لها أنها لا تعنيه، وأنه أقوى من أن ينهار من حب امرأة مثلها، فقال: أنا مش زعلان، أو حتى غضبان، يكفي إنك كنت السبب في اعتناق دين أندم كثيراً على إني ما عرفتوش من يوم ما اتولدت، عشان كده أنا مش هقول لك كلمة تتضايقني منها، أو حتى أطردك من هنا، أنا هقول لك شكراً ألف شكر، لكن مش عايز أشوفك تاني أبداً.

خرجت ودموع عينيها تتساقط شلالات، في حين سقط هو على أريكة مكتبه، وهو يعض على شفتيه من الألم، إنه يشعر بغدورها سكيناً قد انغرز في قلبه بلا رحمة، وانسالت دموعات حارة على وجهه، ولكنها أبداً لا تُشفى جراحه.

لم يكن يتصور أنه سيوضع من قبل في هذا الموقف أبداً، وسأل نفسه: "هل ترى هذا ذنب الفتيات التي كنت أتركهن من قبل؟ هل كن يعانين مثلي الآن؟" ورفع يده بالدعاء: يا رب، خفف عني ما أعاني، فهو أكبر من احتمالي، وإن كنت قد أخطأت من قبل فاغفر لي، وانخرط في بكاء مرير، وذهبت صفاء لبيتها والنيران تشتعل في عقلها وقلبيها، وظلت تبكي مدة طويلة ثم أمسكت بصورة فتحي وهي تسأله: له يا فتحي تعمل فيا كده؟ له بقيت لعنة تحل علي كل ما أفكر في الحياة من غيرك؟ له يا فتحي له تعذبني وأنا بحبك..... بحبك قوى.

وتوهمت أن يرد سؤالها عبر صورته: أنا مش لعنة إنني اللي
عملتي كده في نفسك، افكرتي إنك ممكن تعيشي من غير
الحب، وإن الحب في حياتك أضعف من رغباتك، لكنك مش
قادرة تنسى الحب ولا عمرك هتنسى، إذا أنا نسيتيه في يوم
هتسبه يا صفاء.

وزاد بكاءها وإحساسها بالذنب تجاه ليو يتفارقم بشدة،
وباتت قضيتها وفتحي هي قضيتها الوحيدة الخاسرة.

مرت عدة أيام، لم يكن ليو يذهب للمحاضرات، فقلقت
عليه، فذهبت إلى مكتبه، وكان هناك، استقبلها استقبالاً فاتراً
جداً، فقالت: أنا عارفة إنك غاضبان وزعلان، ولك كل الحق،
لكن ليه ما بتحضرش المحاضرات؟

-ويهمك تعرفي؟

-ليو إحنا أصدقاء وأكلنا عيش وملح، وده له حق علينا
وعليك، زى ما بنقول في بلدنا.

-إحنا مش أصدقاء.

-تخلص.. بس لازم تحضر.

-شيء ما يخصكيش.

-أنا كنت فاكدة إن إحنا طالما ما قدرناش نبقي زوجين،
ممکن نفضل أصدقاء.

- ما ينفعلش إنني ليه مش عايزة تصدقي إنه ما ينفعلش أكون
حكك، وطول الفترة اللي فاتت بحلم بيكي مراقي وفي بيبي،
والآخر تقول لي: أصحاب! ما أقدرش، وما أقدرش أنسى
غدرك.

صمت برهة، زفر زفرة قوية، ثم قال: "أنا بكرهك يا
صفاء... بكرهك".

أدار وجهه عنها، فخرجت مسرعة من مكتبه، وهي لا
تعرف ماذا تفعل؟ وبعد طول تفكير وهي تسير في الشوارع بلا
هدف، لم تجد أمامها غير عملها ودراستها، فقررت أن تمسك
نفسها لهما أكثر من ذي قبل.

استغرقت صفاء في العمل والدراسة، بشكل مستميت أنساها نفسها، ولكنها كانت تلمح ليو في صفوف المحاضرات، يجلس في آخر صف، ويأتي في الموعد بالضبط، ويخرج أول الطلبة، ولا تراه أبداً.

كان الجميع يعرفون أنهما خطيبان، ويعلمون أنهما لا يفرقان مطلقاً، لذا فإن قطيعتهما أثارت الأسئلة في نفوس زملائهما، وكانت الأكثر فضولاً هي حَسنة الفتاة المغربية التي تعرّفت عليها صفاء في بداية المشوار، ولكنها لم تصاحبها أبداً واكتفت بصداقة ليو.

واستطاعت حَسنة أن تنفذ إلى صفاء، وغلاً بعض فراغها، ولقد كانت حَسنة فتاة متحررة لا تضع أي قيود على تصرفاتها، ومن ملابسها وملامحها الغربية تكاد تجسّم بأنها فرنسية، فلقد هاجر أبوها مع أسرته منذ أن كان صبيّاً صغيراً، أكمل تعليمه وعاش في فرنسا وتزوج من فرنسية وورثت عنها حَسنة جمالها.

ولأن حَسنة عاشت حياتها كلها في هذا البلد، لذا كان لها شبكة علاقات واسعة ولها أسلوب في الحديث يملؤه المرح والضحك، فكانت تجذب بتلك الطريقة الكثير، منهم الجاد، والبعض منهم عابث، وبسبب هذا الأسلوب المنفتح، كانت صفاء تهابها في البداية، إلى أن دخلت حياتها مؤخراً.

وسألت صفاء نفسها ما الذي منعها من تكوين شبكة علاقات كالتى كانت لها في مصر وهي قادرة على ذلك؟! لماذا

اكتفت بمعرفة أستاذها، وزملائها في المكتب وليونيل فقط،
لماذا؟ هل للغربة سبب؟ والخوف من الغرباء هو ما دفعها
للانغلاق؟ أم لأنها لم تحدد بعد مصلحتها منهم؟!

واكتشفت أنها تأخرت كثيراً، إن لها عامين وأكثر في هذا
البلد، دون معرفة الكثير، واتخذت صفاء من حسنة سُلماً
للوصول إلى كل من تعرفهم، وبعدها سوف تحدد ما سوف
تحتاجه منهم، وما سوف تعطيه في المقابل، ولكن دون أن
تعطي ببذخ، وحاولت الاندماج في عالم حسنة، وتكوين شبكة
جديدة من العلاقات، ولكن بطريقة مخالفة لطريقة حسنة، فهي
تعتمد على إظهار الأدب الجم واللباقة والكياسة في الحوار
والاعتماد على ثقافتها واستخدام جاذبيتها، تلك الجاذبية التي
تتمتع بها، وكانت عاملاً أساسياً في نجاحها، دخلت عوالم
الفرنسيين وبعض المصريين المقيمين هناك، والوافدين الجدد
والمهاجرين منذ أعوام، والذين تعرفهم حسنة منذ ميلادها.

تعرفت على عمال في مصانع، وبائعين في الأسواق والمحال
التجارية، ومضيفي مطاعم ومقاهي، بالإضافة للفرنسي فرنسوا
المحاسب، والإنجليزي ديفيد طبيب الأسنان، وإبراهيم المصري
مهندس الإلكترونيات وهو من مواليد فرنسا، ولكن أبواه
مصريان، وكان الجميع يناديه أبراهام، هؤلاء الثلاثة معهم
مارى جويل الفرنسية الصحفية المتدربة في جريدة اللوموند
الشهيرة، كانوا أهم من عرفتهم ورغبت في توطيد علاقتها بهم،

واندجحت أكثر في مجتمعهم، كانت عاملاً مشتركاً في سهراتهم،
تسمع مناقشاتهم وتشارك فيها بما تعرف أن الجميع بحاجة
لسماعة، وسوف يسمعون وينصتون، فكانت إذا تحدثت
صمت الجميع، وإذا سكنت استمعت لهم حتى يتسنى لها معرفة
أحوالهم وطباعهم لكي تدرسهم بعناية عن قرب.

كل تلك العلاقات لم تجعلها تتوانى عن المذاكرة، مهما كان
يومها مشحوناً، فلقد قلصت ساعات نومها حتى تستطيع أن
تتواجد بينهم وفي عملها وكذلك بحثها، وفي غمرة انشغالها،
نست لوينيل وتناست فتحي أو ادعت أنها نسيته وقتعت بحياقتها
بغير حب، أو شخص يفرض عليها حبه، ولكن كيف؟ إنما
تعيش بلا حب، وفتحي بلا كيانها، إن صعوبة غربتها في البعد
عنه!

أما فتحي فجأله في بعدها عجب، فهو الميت الحي، صارت
حياته كلها عملاً بلا توقف، واستغراقه في العمل هكذا بلا
مشقة جعل الحاج عبد الله يُفقد عليه الكثير من المال، هذا
بالإضافة لكونه يعمل لحسابه في بعض الأحيان، فكان يربح
الكثير، فأنفق على أهله المال دون حساب، ولكن أمه كانت
تُحذره على الادخار من أجل زواجه، في حين كان يسمع
حديثها ويضحك ساخراً رغم أنه في أعماقه كان ضحكه هذا
بكاء وعويلاً.

وكانت أمه تأخذ النقود منه وتدخرها بعيداً عن يديه،
ألحت على فتحي رغبة قوية في الانفصال عن الحاج عبد الله

بشكل غريب، وخاصة بعد ذبوع صيته كنجار، وأقدم فتحي على الخطوة التي فشل معلمه الأسطى محمود في اتخاذها.

إن ترك فتحي للورشة خسارة كبيرة لصاحبها، حيث أن ولديه لم يتعلما الصنعة ولم يريدوا أحد منهما، والأسطى محمود قد كبر وشعر الحاج عبد الله بأن المصائب لن تكف عنه منذ وفاة زوج ابنته، ثم زواجها من آخر، جعلها تترك طفليها لديه، وأخيراً سفر ولديه للخارج وتركه وحيداً، ثم إذا باليد اليمنى وصاحب السمعة الأورحد في ورشته يغادرها مصطحباً أخويه وابن الأسطى محمود الكبير، فماذا بقي!!!

لذا، حاول الحاج عبد الله أن يثنى فتحي عن قراره، ولكنه أبداً لم يتمكن، فلقد أصّر، وأخذ قراراً لن يعود فيه مهما قدم له الحاج من مغريات.

استأجر فتحي ورشة صغيرة، كثر العمل بها منذ افتتاحها، فمن هذا الذي لا يعرف الأسطى فتحي الفنان؟! ولم يمض أشهر قليلة حتى وقفت الورشة على أقدامها، وريح فتحي ما يغطي ما صُرف عليها وأكثر.

في حين كانت صفاء تستعد لمناقشة رسالة الماجستير، لقد انتهت من بحثها، وشكلت لجنّتها وأعدت الرسالة، وبقي لها موعد المناقشة، فأرسلت لأستاذها ليحضر، وكم غمت أن يأتي أهلها إلى فرنسا ويروها في هذا اليوم، ويا ليتهم يأتون معهم فتحي.. لقد شاركها فتحي الكثير من لحظات نجاحها، كان أول من يهنؤها ويفرح لها، ولكن كيف يشاركها هذه المرة وهي التي لم ترأسه ولو مرة واحدة منذ أن سافرت أو تسمع صوته ولو مرة واحدة!!!!

إنما تعلم أن استمرار علاقتكما هو العذاب لكليهما، وهو وعد يصعب عليها الوفاء به، لذا فهما يتصرفان هكذا، وفي اعتقادها أنه يجب أن يكون حالهما هكذا، وحين موعد المناقشة ووقفت أمام لجنة المناقشة والخوف يملؤها رغم الثقة التي بداخلها ونظرات التشجيع من أستاذها ومن أصدقائها الجدد، وأبدعت صفاء وصفقت لها اللجنة قبل جموع الحاضرين، وحصلت على الدرجة العلمية بجدارة، وتلقت التهاني من الجميع، وبين الحضور رأته، وعيناها تلاقى بعينيه، لقد كان حاضراً ورأها، ولكنه أبداً لم يُهنئها وانصرف مسرعاً، وهكذا لم تتلق التهاني ممن أحبوها بصدق، ليونيل الذي حضر وذهب على الفور، ومن حبيبها الذي هو في قارة أخرى بعيداً عنها بأميال وأميال.

واتصلت صفاء بأهلها، ترفّ إليهم بشرى حصولها على الماجستير، وكان عليها الرجوع لزيارتهم على الأقل قبل أن تسجّل للدكتوراه، ولكن كان لديها ارتباطات كثيرة في العمل، لذا تعذر عليها السفر، وحضور زفاف أختها سمية التي حصلت على دبلوم التجارة وخطبت لمدرس من نفس البلدة، وعلمت بأن سيد أخاها استقل في العمل مع فتحي في ورشته، فهو دائماً شريكهما، ولا يصغرها إلا بعام واحد فقط، حصل سيد على دبلوم الصنائع من عدة سنوات، أما عزت فحصل على البكالوريوس من كلية العلوم، ولكنه لم يجد عملاً سوى مع أبيه.

تفوق صفاء ورسالتها المتميزة، كانت بؤرة الضوء التي سلطت عليها وجعلت عيونًا كثيرة تفتتح عليها، وصارت موضع اهتمام كثير من زملائها الراغبين في الاستفادة منها، ومن بعض الأساتذة الذين وجدوا فيها طالبة مجتهدة تستحق المساعدة والاهتمام، وعلى رأسهم البروفسيور جيرارد سرنينه، لم يكن هذا الأستاذ سوى رجل في الخامسة والأربعين، هسيّ الطلعة مهيب المظهر، أستاذ في مادته، ومطلق منذ عامين.

اعتقدت صفاء أنه سيكون مثل الدكتور سيد، حيث سيمد لها يد المساعدة لشعوره باحتياجها واستحقاقها تلك المساعدة، هكذا ظنت في أستاذها الجديد الذي قدّم لها بعض المراجع التي لم تعدها بالمكتبة، وأبحاثه الخاصة، لتجمع مادتها العملية الجديدة للدكتوراه، ولكن بعيني المرأة وحاستها السادسة، رأت في أستاذها أنه لا يفعل هذا لكونها تلميذة مجتهدة يجب رعايتها، وإنما لأنها امرأة راقته ولعبت على أوتار عواطفه، لم يكن يلمح لها في البداية ولكنها أحسته، ورأت في عينيه ما أخفاه، إلا أنها لا تستطيع التملص منه، إنها بحاجة إليه، ولاعبها هذا الرجل بإتقان شديد، فلقد عرف أنها بحاجة إليه، ورمى لها الطعام بأن أعطاها الكثير مما يملك، وأطمعها فيما لم يعطها، حتى صارت في شبكته، بقي عليه أن يتكلم، ليس فقط يلمح وإنما يتكلم بصراحة ويعرض حبه بوضوح شديد، وحقًا قد أربكها، رغم أنها تحس من فترة، ولكنها لم تكن تتخيل أنه سوف يتعدى كل المراحل ليصرّح هكذا.

وحاولت الإفلات منه بدعوة أنها ستفكر وأنها فوجئت وأنها
تعتبره أستاذها، وهكذا حتى تركها الرجل لتفكر.

وكيف لها أن تفكر؟ إنها ما زالت بحاجة إليه، إن للرجل
علاقات واسعة بأصحاب الأمر في فرنسا، إنه قد يكون سبيلها
للارتقاء أو حتى للتعيين بالجامعة، كيف لها أن تحرب؟ لم يكن
أمامها سوى التعلق باختلاف الدين وتقاليدها التي نمت
وعاشت تلقاها.

وذهبت إليه وهي تتحاشى التقاء عينيها، حتى لا يعرف
أنها تملص منه ولا تريد، فهي لا تشعر نحوه بأي شيء، حتى
مشاعر الصداقة لا تحسها تجاهه.

وبمجرد رؤيته إياها، هبَّ من على مكتبه ليقف قبالتها غامًا
وهو يرسم على وجهه ابتسامة عذبة مستبشرة، فقال: إيه
الأخبار؟ يا ترى فكّرتي؟ صمتت برهة ثم قالت بصوت هادئ:
فكرت.. حضرتك إنسان عظيم ولك مكانتك وتحتل في نفسي
مكانة كبيرة.. بس أي علاقة بينا غير الصداقة أو الأستاذ
والتلميذة مش هتنفع.

-ليه؟ وعشان إيه؟!

-عشان اعتبارات كثيرة جدًا، أولها إني ما أقدرش أكون
معاك من غير جواز، وعشان نتجوز يبقى لازم تبقى على ديني،
أو أكون على دينك، وهذا مستحيل.. مستحيل.

-قصّدتك إني لازم أكون مسلم.

-أيوه.

-وليه إني ما تبقّش مسيحية؟

-أنا لا يمكن أن أتخلّى عن ديني أبدًا مهما حصل، وهل أترك ديني من أجل رجل؟ أبدًا مش هيحصل.

كان ردها قويًا وليس فيه من الكياسة ما يحفظ لها مصلحتها.

-الموضوع فعلا محتاج تفكير كبير، بس فيه مصريين مسلمين متزوجين من فرنسيات.

-إن الدين الإسلامي يُبيح للرجل المسلم الزواج بمن تسدين بغير الإسلام، ولكنه لا يُتيح للمرأة المسلمة ذلك.

-ليه؟

-النسل على دين أبيهم.

-ولكني مسيحي متدين جدًا، ولا أترك آحاد إلا وأكون أول من يذهب إلى الكنيسة، لقد كنت على وشك أن أصبح رجل دين.

-مش قلت لك إن الموضوع ده مستحيل؟

-بس أنا بحبك.

-لكن أنا ما أفدرش أعيش مع أي راجل في الحرام، إن المسيحية الحقّة لا تُبيح ذلك.

-يعنى إيه؟

-يعنى يكفى أن تكون أصدقاء، أو أنسحب من حياتك
هدوء زي ما دخلتها هدوء.

-أنا ما أقدرش أستغنى عنك.

-هتعود صدقي.

وانصرفت صفاء، اختفت من حياة الرجل أياماً عديدة،
وهي تشعر أنها ستعود، وأن الرجل سيسترد عقله، فهو يمتلك
فكراً وعقلاً يحسده عليه الجميع، وسوف يزن الأمور بميزان
العقل.

وفي تلك الأثناء التي كان يفكر فيها، كانت هي منشغلة في
مكتبها، وفي إعداد الرحلة التي كانت ستخرج إليها مع
أصدقائها الجدد، حسنة وإبراهيم وفرنسوا وديفيد ومارى
جويل، حيث اتفقوا على أن تكون إجازتهم تلك المرة على
شاطئ الريفيرا الساحر، وكان الجميع على استعداد للسفر إلا
إبراهيم، فلقد كان متخوفاً من أن يظهر له عمل في آخر لحظة،
ولكنه استطاع السفر وقضوا وقتاً طيباً سوياً في حين كان
جيرارد يبحث عنها في كل مكان.

وأخيراً وجدها يوم الاثنين في مكتبة الكلية، خرج معها من
المكتبة إلى حجرة مكتبه، جلس صامتاً حتى أتت القهوة التي

طلبها لها وله، ثم قال: كان لديك كل الحق في علاقتنا، لقد فكرت جيداً، ولكني أطمع أن تكون صداقة، فأنت لا تتصورين مدى احترامي لك رغم غضبي الشديد منك، والذي كان كفيلاً بإنهاء تلك العلاقة مدى الحياة، لكنني تراجعبت حين تأملت تمسكك الشديد بتقاليدك ودينك، وهذا هو الأهم، هناك أشياء ليس للمرء أن يعبت بها على الإطلاق أو يغيرها مثل الدين، أنا أشعر بأنه إذا غير المرء دينه فإنه يستطيع أن يغير أي شيء آخر، وأن يبيع أغلى وأعز شيء، وسيكون من السهل عليه ذلك دون أن يطرف له رمش.

-أنا سعيدة جداً بكلامك يا بروفسيور.

-وأنا سعيد بمعرفتك وعندي ليكي مفاجأة.

-خير إن شاء الله.

-بحث الأستاذ الأمريكي بروس وود الذي كنت تبحثين عنه، لقد راسلته، وبعثه، وها هو ذا.

-أنا مش عارفة إزاي أشكرك؟

-مفيش شكر بين الأصدقاء... ولا إيه؟

-طبعاً.. طبعاً.

-إيه رأيك نتغدى مع بعض النهارده؟

-معديش مانع، همحضر محاضرتي الباقية وبعدين أمر عليك بعدها.

-في انتظارك.

وشعرت صفاء بشعور المنتصر، فهذا الأستاذ مكسبٌ كبيرٌ في حياتها ونصرٌ قويٌّ يجب الحفاظ عليه مهما حدث، ذهبت معه لتناول الغداء، تحدثا طويلاً وأكلا قليلاً، إنَّ الحديث معه شيق بدرجة أنَّ محدثه يحزن لو تركه دقيقة واحدة، بل ثوان معدودة، وهو لا يتكلم أي كلام، وإنما يتكلم كلاماً مرتباً ذا معنى، وفي مواضيع هامة، لذا فالاستفادة منه ستكون همة، بشرط معرفة ما يريد المرء حتى يستطيع سؤاله عنه فيأخذ إجابات شافية.

لذا فقد بذلت جهداً خارقاً للحفاظ على صداقتها معه، دون أن تكون متواجدة في حياته على الدوام، حتى لا يستيقظ داخله شعور الحب الواله بها مرة أخرى.

بدأت صفاء مرحلة جديدة من حياتها، فهي تعد للدكتوراة بجد شديد، أخذها من أشياء كثيرة وناس كثير، لذا كانت حسنة وأصدقائها يحرصون على أن تكون بينهم ولو يومين أو يوماً واحداً في الأسبوع، وكانت صفاء تسعد بهذا اليوم لأنها تجد فيه إبراهيم الذي تتحدث معه بالعربية وبالعامية المصرية، فتشعر بأنها في بلدها، فكلام حسنة لا تستطيع فهمه كله، لذا فهي تؤثر الحديث معها بالفرنسية، أما إبراهيم فهي تتحدث معه كثيراً ويروقها حديثه رغم الشجن الذي يملأ عينيه ولا تعرف له سبباً، وحاولت أن تسأل حسنة فلم يجبها وقالت لها: إنه دائماً هكذا.

وصار اللقاء الأسبوعي هذا عادة يحرسون عليها، ولا يفوت أحد منهم هذا اللقاء مهما حدث.

وفي إحدى المرات انتهزوا فرصة إجازة نهاية الأسبوع، وخرجوا في نزهة منذ الصباح، وعند الغروب كانوا على ضفاف نهر السين، حيث جلس إبراهيم بمفرده يتأمل حركة المياه الهادئة والشمس التي تتوارى بهدوء شديد فاقتربت منه صفاء وقالت: مالك؟

-مفيش يحب أشوف الغروب.

-هي دي شمس وده غروب؟ دي بلاد عايشة في غروب
على طول، الشمس في مصر والغروب هناك، آه لو شفناها في
القاهرة وهى بتغوص في النيل بدلال زى ما تكون عروسة
مكسوفة من الناس فبتدارى ورا طرحتها شوية بشوية!!

-تعرفي إن من يوم ما اتولدت ما رحتش مصر غير مرة، ولا
اتنين، مش فاكرك بالظبط.

-مصر على أد ما فيها من مساوي، على أد ما شوقي ليها
أكبر مما تتخيل، دي بلد مش زى أي بلد، طول عمرها خيرها
مش ليها، وطول عمرها مطمع للجميع، وكل شيء فيها من
أهلها هم السبب في التدهور الموجود فيها، لو الناس انصلحت
واتطورت، بحثت ودرست دراسة جيدة للعالم المحيط، وأعطيت
الفرصة للمجالات العلمية ومساحة للبحث العلمي لتغيرت
البلد دي تماما.

-واضح إنك بتعشقيها... أنا مش حاسس بيها مطلقا.

-مع إنك بتتكلم لغة أهلها كويس، إزاي كلامك بلغة
أهلها مبيشوقكش ليها؟

-لولا بابا وماما وإصرارهم إني أتكلم عربي ما كنت حتى
فكرت إني مصري.

-يمكن، أصل حب الوطن مش بالوراثة، دي حاجة
بتتحس، تلاقيها كده جواك من غير ما تفكر أو تشغل فكرك
بأي حال، دا إنت بتلاقي نفسك كده غيور عليه، اسمه

بيلزلرك وتلاقي رعشة تسري في دمك، هناك في مصر الحياة والروح.. تعرف؟ ساعات بحس إن الناس فيها مش بتسام.. الناس في الشارع بالليل زى النهار، في حب، في ألفة، في أمان اتربيت هناك وعشت وأكلت وشربت واتعلمت وكبرت، هناك كل حاجة تخصك وتدل عليك.

-كوبس إنك حاسة إن ليكي وطن وبيت أما أنا فتايه كان لي وطن هجري، كانت ليا أرض وراحت.

-الوطن ثابت، إحنا اللي بنهاجر، إحنا اللي بنفارق.

وهنا نزلت غيرة حارقة من عيني إبراهيم، جعلها تسأله بلهفة وقلق: إيه اللي حصل، أنا قلت حاجة زعلتك؟

فإذا به يندفع في بكاء حار لا يتوقف، حاولت إسكاته دون جدوى، فألقى برأسه على كتفها، فلم تستطع فعل شيء سوى أن تربت كتفه حتى سكت، ثم قام، وتركها فعدت خلفه: إنت رايح فين؟ نطققتها ودهشتها على أشدها.

لم يجيبها فقالت: ما تسبنيش كده، أنا عايزة أفهم... أنا قلت إيه ضايقتك كده؟ استمر في سكوته فقالت: على العموم إنت حر.. بس أنا مش هتلكم معاك تاني.

ناداها وهي تم بالانصراف: صفاء.. أنا آسف. بس أصل أنا.....

قالت: إنت إيه؟

- كلامنا عن الوطن والبيت والأرض فكرني بالوطن اللي راح والأرض اللي افارت والمكان هنا بالذات فكسرتي بيها، كانت كل شيء، هي وطني اللي بحق، أرضي اللي عشت وكبرت عليها، راحت وسابت لي الألم والحزن من بعدها، كالت أجمل من النسمة، وأرق من الندى على ورق الشجر، عشنا سوا من وإحنا صغيرين، ما عرفتش بنت غيرها، هي كانت كل شيء في حياتي، دخلنا نفس المدارس إلا أنا درست هندسة، وهي درست فن، كانت مغرمة بالرسم والفنون التشكيلية، عمرنا ما افترقنا يوم، إنتي ما انتش عارفة يعني إيه تكوي مع إنسان من أول حياتك لحد ما تكروا.

وسمعت كلماته وقالت في نفسها: "مش عارفة!!؟ ده إنت اللي مش عارف إنك بتحكي حكايتي، إنك بتدوس على كل عمري في لحظة واحدة".

انتبهت لحديثه، فلم يكن انتهى، فإذا به يقول: كنا بنستعد لحفلة تخرجنا، كانت حفلتها بعد حفلي بأسبوع واحد، رحنا نشترى أجمل وأحلى فستان في باريس، كانت الفرحة في قلوبنا أكبر من إني أوصفها لك، اشترينا الفستان، وسببتها عند الكوافير، أخذت الفستان لبيتها واستنينا عودتها انتظرنا كثير، بس ما رجعتش، خطفها الموت فجأة من غير وداع، راحت مني بعد ما بنيت قصور في الخيال، راحت وسابتني وحيد، بلا حضن دافئ، بلا حياة، غابت بعدها الابتسامة، أكثر من سبع سنين مرت على موتها، وأنا حاسس كل يوم إنها ماتت امبارح، ومن يومها ما قدرتش أكون مع واحدة غيرها،

مقدرتش ألمس بنت من بعدها، كل بنات الدنيا مش
هيعوضوني فراقها.

-ياه يا إبراهيم! فيه إنسان بالوفاء والإخلاص ده؟ أو فيه
حب بالشكل ده في الزمن ده؟ تعرف إنك بتفكرني بواحد
أعرفه؟ ويا ما أنا خايفة عليه ليعيش زيك كده! إبراهيم، لازم
تعيش وتبص للدنيا، إحنا ملناش غير عمر واحد، والحياة أقصر
مما تتخيل، في لحظات بنعيشها مرة، ولحظات حلوة، وكله
بيعدي لأن الحياة لازم تستمر، اتعلم كمان ما تديش الحاجة
أكثر مما تستحق، لا تزيد من الفرح عن حقه ولا الحزن عن
حقه، كل حاجة لها نصاب ولها وقت.

-مش كل الحب اللي بيتنسى، أصلك ما تعرفهاش.
وعادت صفاء لتسأل نفسها: "وهو وإنني قد ربي تنسى
فتحي؟ تنسى حب العمر؟ بس يا ترى هو هيقدر ينساني؟"
التفت إليها وسألها: "إيه رحتي فين؟"
- أبدًا، بفكر في كلامك.

انتهى اليوم، وقد خرجت منه بخنجر جارف إلى الوطن، وإلى
الحب الذي هو الوطن والأرض، إلى فتحي، العمر في أحلى
مراحله وأوج أيامه، وبانت وفي حضنها صورته وفي عينيها
ابتسامة.

لقد كان فتحي يبيت لياليه صيفية أو شتوية وهي بين
ضلوعه، وليس فقط صورتها، إنه يضعها كلها داخله، وقد
أحكم الإغلاق عليها، فلم يستطع يومًا نسيانها أو حتى فك
حبسها.

ومن خلف معاناته، كانت أمه تخطط لزواجه، بعد أن تيسر حاله وكثر ماله، ففي الأيام الأخيرة كانت تتودد إلى قريبة لها في بلدتها، لديها فتاة شابة أنهت تعليمها الجامعي قبل أشهر قليلة، ولقد أحست أم الفتاة برغبة أم فتحي في تزويج ابنتها لابنها.

بدأت أم فتحي تلح على ولدها، ولكنه كان يرفض أشهراً طويلة، منذ أن كانت الفتاة في الدراسة إلى أن أنهتها وأم فتحي تلح عليه، عام ونصف العام وهو يرفض الأمر هائياً، ولكن الأم لم تيأس وظلت تلح، ولأن أم فتحي هي أعلى شيء في حياته، فلم يستطع أن يفضيها أكثر من هذا، ووافق على خطبة الفتاة، وخاصة أنه قد رآها من قبل ويعلم أنها جميلة وهادئة، وذهب فتحي مع أبيه وأمه لطلب يد الفتاة التي كانت طائفة من الفرح، فلقد وقعت في غرامه منذ أن وقعت عينها عليه، شغل تفكيرها وشغفت به، حتى تمتته، وأخذت تدعو الله أن يكون من نصيبها دون أن تدري أنها سوف تخسر الكثير والكثير.

كان معها جسداً بلا روح، فلقد كانت روحه مع التي سلبتها منذ نعومة أظفاره، لقد كان يتعامل معها بلطف، ولكن لم يكن باستطاعته أن يهواها، وإحساسه بالذنب تجاهها يتضاعف يوماً بعد يوم، ولكن ما بيده حيلة، إنه شاب في له متطلبات ورغبات وجسد جائع بحاجة لأن يشبع، ولكن ما ذنب فاطمة؟ سؤال كان يتردد داخله بقوة ما ذنبها؟!

ما ذنبها؟! رقتها وعذوبتها معه كانت تذكره دائماً بجرمه الذي يرتكبه في حقها، رغم أنه كان فرحاً بكلمات الفتاة

وأسلوها، كان سعيدًا بمصدر حنان آخر غير أمه، وحاول جاهداً أن يُحبها، ولكن دون جدوى، ومنذ قراءة فاتحتها، وهو يحاول، حتى حان موعد حفل الخطبة، فاشتري لها شبكة قيمة وأقام والد العروس الحفل في بيته، وجلس إلى جوار عروسه السعيدة وحاول أن يرسم ابتسامة على شفتيه، ولكن هيهات، فقلبه يتمزق كلما نظر لفاطمة ويرى محلها صفاء، وحينما يكتشف وهمه، يتمنى أن يكون وهمه حقيقة واقعة وليس خيالاً!

وبعد انتهاء الحفل، عاد مع أسرته لمزلهم، دخل حجرته، أغلقها خلفه، وألقى جسده على السرير، وظل يحتضن صورها وهو يسألها: ليه؟ ليه فارتيتي؟ ليه كل العذاب ده؟ وبكى كما لم يبك من قبل!

في هذا اليوم، كانت صفاء تشعر بانقباض شديد وقلق لم تشعر بمثله من قبل، لذا بمجرد طلوع النهار، ذهبت لأقرب كابينه تليفون واتصلت بأهلها، كلمت أباها وأمها، واطمأنت عليهم، ثم طلبت أن تكلم أخاها سيد، سلمت عليه ثم وجدت نفسها تسأل عن فتحي لأول مرة منذ سافرت، فهي لم تسأل عنه مطلقاً، لم تُدرج اسمه في حديثها معهم ولا مرة، رغم أنها في كل مرة تحدثهم، تكاد تم بالسؤال ثم تتراجع، فأخبرها بأمر خطبته بالأمس، فوقع الخبر عليها وقع الصاعقة وأغلقت الخط مع أخيها على عجل.

انطلقت تعدو في الشارع والدموع تساقط من عينيها،
صعدت بنايتها وأغلقت شقتها عليها، فصلت التليفون وظلت
تبكي وتبكي وتتنظر لصورته وتسأله: ليه يا فتحي؟ صحيح
قدرت تنساني؟ نسيت صفاء يا فتحي؟ حطيت إيدك في إيد
واحدة تانية غيري؟

آه... آه وانطلقت الآه منها تزلزل كيانها كله.

مرت أيام وكلّ منهما يحاول أن يُلملم جراحه ويداويها قدر الإمكان، غير أن صفاء كانت وحيدة في مداواتها، بينما حنسان فاطمة واحتواؤها خطيئها واهتمامها به، كان له أثر فعال لدى فتحى، فالتأمت جراحه رغم عدم شفائه وأعطى عقله، ولم يستطع أن يهيب قلبه وروحه، لأنهما ببساطة ليسا ملكاً له، إنهما مع صفاء صاحبتهما، وهما قيد يديها.

واضطرب وجه صفاء بصبغة حزينة وعيون تلمع فيها الدموع دائماً، ولم يكن أحد ممن يعرفونها في بلاد الغربة يصدق أن هذه صفاء، ولم يتمكن أحد من معرفة ما بها، حتى إبراهيم الذي أعاد عليها الكلام الذي أسمعته إياه والنصائح التي قدّمها له، وهى ألا يُعطى حزنه أكثر من حقه، وأنه لا شيء يستحق كل هذا الألم، ولكن ما من شيء كان يُجدي معها، ولم يستطع أي منهم أن يعرف سرّ حزنها أبداً.

وبعد حوالي أسبوعين من معرفتها الخبر المشؤم، كانت في أحد المطاعم تتناول غداءها، فإذا بإبراهيم يدخل المطعم ذاته، ويراه، فيجلس معها ويطلب غداءه هو الآخر.

قال: أنا مش هسألك تاني: "إيه اللي مزعلك؟"، ولا هقول لك أي نصايح، بس نفسي أطلب منك نكون أصدقاء من النهارده.

-طب ما إحنا أصحاب.

-لا أنا قصدي أصحاب بجد، مش مجرد نزهات بنخرج
فيها بس، أنا قصدي نكون أصحاب نخاف على بعض، هُتم
ببعض، أعرف اللي يضايقك وتعرف اللي يضايقني، اللي
يفرحك ويفرحني، يعني أصدقاء بالمعنى المتعارف عليه.
-فهتمت.. بس أنا باعتير نفسي صديقة ليكم كلكم بالمعنى

د.

-رغم إن إحنا ما نعرفش بعض غير من فترة صغيرة.
-لأن الصداقة في نظري ملهاش غير معنى واحد، هو اللي
إنت كنت بتشرحه من شوية.

وسكنت قليلاً، ثم أردفت قائلة: إنت عارف؟ طول عمري
بفصل مشاكلني عن الناس، دايماً أخليها جوايا، أنا بس اللي
أعرفها عشان ما أقعش في مأزق الأسئلة الكثير، وكلمة مالك،
لكن المرة دي كانت أقوى من إني أخفيها جوايا، إزاي
هضحك في وش الناس وأكلمهم وأداري دموعي وأنا أصلاً
مش صفاء اللي بتقدر تعمل كده؟! أنا شبح ليها، مش عارف
يعمل حاجة غير إنه يحزن عليها ويكيها، كنت باعتير نفسي
ضايعة وناقصني كثير، لكن دلوقتي أنا مش بس ضايعة، أنا مش
موجودة، أنا انتهيت.

-كل ده ليه يا صفاء وعشان إيه؟!

-إنت حزين ومهموم لأن الموت خطف منك حبيبتك، وده
شيء غصب عنك ومش بإيدك، ويكفي إنك عارف هي فين

وفي إيد مين، أما أنا فضيعة من إيدي، سيته، سافرت، قلت له
"طريقنا مش واحد"، والآخر لما ارتبط بغيري، بيكي وأصرخ
مع إن أنا السبب!

-معقول الكلام ده!!-

روت صفاء لإبراهيم حكايتها منذ بدايتها، من ولادتها إلى
هذه اللحظة، وسمع إبراهيم، ولم يصدق أذنيه أن هناك امرأة
تبيع هواها لأجل طموح زائل، ورغبة غير أكيدة.

ولأنه اتخذ قراراً أن يكون صديقها، فلقد وقف إلى جوارها
في محنتها وحاول جاهداً أن يُعينها على النسيان.

وتوطدت علاقتهما، فأصبح سلوكها وصارت معينته، كما
توطدت على الجانب الآخر علاقة فتحي وفاطمة، فكل يوم يمر
وهي تزداد عشقاً له واعتماداً عليه، بينما هو يسعد باهتمامها
به، وبطيبة قلبها، وبالجلوس معها، ولكن قلبه مازال كما هو،
مسلوباً منه، كما أن إحساسه بأنه مسئول عن أحد دائماً ما
يروقه.

إن إبراهيم هو الثاني من عرفتهم صفاء، وكان يعلم كل
شيء عنها منذ البداية، كان عماد من قبل يعلم بحقيقة علاقتها
مع فتحي، ولكنه أبداً لم يجد السبيل لمصارحتها بحبه، فلقد كان
الاثنتان دائماً أمامه يشكلان حائلاً أمام هواه، ولكنه عرف منذ
البداية أن الطريق أمامه مسدود، لكن كل من عرفتهم صفاء
بعد ذلك، كانوا يجهلون علاقتها بفتحي وهواها له فذابت

أحلامهم فجأة أمام عيونهم حين صدمتهم صفاء، أما إبراهيم فلقد كان يعلم جيدًا الحكاية من مولدها وحتى نهايتها، ويعلم أن النسيان صعب على صفاء، حتى إنها تعتبر هواها المفقود هو اللعنة التي انصبت على حياتها وسوف تصاحبها ما دامت حية.

ولكن هناك أشياء كثيرة تقرّبها منها وتعجبه فيها، فهي ليست سيئة على الإطلاق، إنه يسعد بالحديث معها ويشعر بتفاهم كبير وبدأت الصداقة تتحول إلى انجذاب، ولكن هل من الممكن أن تصبح حبًا؟ هذا هو السؤال الذي كان يتردد داخله ويؤرقه، إنه لا يتخيّل أن يكون مع امرأة غير حبيبته المتوفاة ولا يمكن أن يكون مع امرأة يمكن أن تبيعه وتتخلى عن هواه إذا كان هذا الهوى عقبة في طريق طموحها، إنه لا ينسى ما فعلته مع حب عمرها، وكيف يأمنها وهو يعلم فعلتها؟ وكيف يرضى بأن تكون في حضنه وهي عاشقة لغيره؟

الكثير والكثير يتردد في داخله ويؤرقه، ويؤله، لذا أثار الابتعاد عنها، فقرر أن يسافر، لم يخبرها أو يخبر أحدًا، ولكن ما إن انقضى يوم، حتى عاد في صباح اليوم التالي دون أن يكمل إجازته، فلقد اكتشف أنها تغفلت داخله إلى درجة بات من الصعب انتزاعها، بقي له أن يعرف ماذا يمثل هو في حياتها؟ هل من الممكن أن تبدأ معه وتنسى الماضي؟

سؤال آخر هام: هل يحبها حقًا؟!

استقبلته صفاء بغضب، وقالت: إزاي تسافر من غير ما تقول لي؟

-هو لازم أقدم لك كشف حساب؟

استمعت صفاء للكلمات التي نفذت إلى أذنها فقالت: أنا آسفة. بعد إذنك. واندفعت خارجة، فجرى خلفها وأمسك بيدها وهو يقول: أنا آسف.. آسف يا صفاء.

-ليه قلت كده؟

-غضب عني، أنا تعبان، كنت عايز أبقى لوحدي، لكن ما قدرتش، وجيت قبل ما تخلص الأجازة.

-إحنا مش اتفقنا إن همونا نشيلها سوا؟

صمت ولم يتكلم فقالت: احكي لي، فضفض، يمكن أقدر أساعدك.

-أنا عارف إن إنني الوحيدة اللي هتقدر تساعدني، وفي نفس الوقت تقدري تقتليني.

-أنا مش فاهمة حاجة.

-بلاش نتكلم دلوقتي.. هيجي يوم وتفهمي.

قال تلك الكلمات وتركها ومضى، وقد ظن أنها لم تفهم ولم تعرف شيئاً، ولكن حاسة صفاء تجاه هذه الأشياء أقوى من أي شيء، فلقد عرفت دون أن يُخبرها أنه يعاني هواها، تلك هي الحقيقة.

لقد تسرّب حبها إلى قلبه دون أن يدري، كان يحاول ألا يقع في شراكها، لكنه هوى، وسأل نفسه لم لا يترك الأمور تسير بطبيعتها؟ لم يعقدها؟ ومن يعلم ماذا سيحدث غداً؟

ومرت أيام، ولم تسأله صفاء عن سر تعبها ولم تدرج الموضوع في حديثها مطلقاً، وهو كذلك، ثم انشغلت في رسالتها، كانت تسابق الريح في تحضيرها وجمع مادتها، وبالفعل استعدت صفاء لمناقشة رسالة الدكتوراه بعد عامين بالضبط من البدء فيها، وكان إبراهيم أول من كان إلى جوارها، وفي قاعة المناقشة كان الجميع معها، حتى ليونيل لم يتغيّب، والبروفسيور جيرارد سرنيه، وبنفس ثقتها السابقة وإحساسها بكيافتها وجهدها المبذول، أبدعت صفاء، ونالت الدكتوراه بأعلى درجة، فرحتها بإنجازها لا توصف، حتى إنها شعرت برغبة في أن ترمي في حضن أحد، يُحجم فرحتها تلك، وكان إبراهيم أول من كان إلى جوارها فارتمت في حضنه وهي تبكي، فإذا بالدكتور سيد يربت كتفها ويُهنئها على هذا الإنجاز، وأقام لها إبراهيم حفلة رائعة، سهرُوا فيها حتى الصباح.

في مساء اليوم التالي، كان الدكتور سيد يستعد للسفر، فلقد اقتطع هذين اليومين بصعوبة من وقته، فجلس إليها وسألها: إيه عخططك يا صفاء للأيام الجاية؟

-بصراحة لسه ما قررتش.

-طب هترجعي مصر؟

- ما أعتقدش دلوقتى، أصل فيه احتمال أتعين في الجامعة، إذا
صبح هذا، بالطبع سأستمر هنا، أما إذا لم يكن، فسأعود على
الفور.

- على العموم مكنتي تحت أمرك وقت ما ترجعي.

- حضرتك مش عارف إنت بتمثل لي إيه؟ يكفى إن كل
حاجة وصلت لها وقيت فيها، بفضلك، أنا من غيرك ما كنتش
أساوي أي حاجة.

- لو ما كنتش تساوي، مكنتش دورت عليكى وساعدتك،
إنتي كنت حتة ذهب محتاجة تتوضب عشان تظهر وبيان
بريقها.

أسعدتها كلماته فابتسمت وهي تقول: ولولا المكشف لما
كانت قطعة الذهب.

لم يمض أسبوع حتى استدعاها جيرانه، ليزف إليها خير
تعيينها مدرسة بكلية الحقوق، خرجت صفاء من الكلية وهي
تعدو، وفي الشوارع كادت ترقص من الفرح، إنها تحقق
أحلامها كلها في لحظة واحدة بفضل جهدها ومثابرتها.

اتصلت بأهلها تبشّرهم، فطلب أبوها أن يراها، له خمس
سنوات لا يرى سوى صور لها، فوعده بالخضور في أقرب
فرصة، حيث إنها لا يمكن أن تأخذ إجازة وهي لم تتسلم
التعيين بعد.

وكَلِّمت الدكتور سيد الذي فرح كثيرًا من أجلها، وتمنى لها مواصلة نجاحها ووعدّها برؤيتها عمّا قريب إن شاء الله، وحدثت كذلك الأستاذ سعيد معلمها الأول، فهي أبدًا لم تنسه، وعلى اتصال دائم به، وكم فرح الرجل لأجلها.

استلمت صفاء عملها بالجامعة، مدرّسة لمادة القانون الدولي، وفي صباح أول أيام عملها بالجامعة، وقفت أمام مرآتها وهي تقول: صحيح يا بت يا صفاء اللي إنتي فيه ده؟ بقى إنتي بنت النجار اللي عاشت طول عمرها خائفة اليوم الجديد يجي لاحسن ما يكونش مع أبوها المصروف اللي هتدفعه بمن أكلها ولا مواصلاهما؟ معقول يا صفاء النهارده أستاذة في أكبر جامعات فرنسا ومرتبك ماوصلوش عقلك في يوم؟

كان إحساسًا بالفخر والزهو لا مثيل لهما، اتصلت بأهلها في أطول مكالمة أجرتها معهم منذ سفرها قبل سنوات، أخذت تصف لهم ما آل إليه حالها حتى أن أباهما بعد انتهاء المكالمة، قام بتوزيع الشربات علي كل أهل الشارع، ذلك الشارع الذي كانت أمنية صفاء أن تخرج منه للأبد.

وأمسك فتحي كوب الشربات وهو يرى صورتها تنطلق منه، وابتسامتها التي طالما أسرته، فقال لأبيه: وزع إنت الشربات وأنا هسقيهم حاجة ساقعة على حسابي.

فنظر الرجل إلى عيني فتحي، وهو يدرك ما بداخله، وابتسم له ابتسامة تقول له: عارف باللي جواك بس بإيدي إيسه؟ ولم ينطق، وترك ابتسامته تقول ما عجز اللسان عن قوله.

واحتسى فتحي كوب الشربات ووزع زجاجات المياه
الغازية، وانطلق لمزله الذي كان يستعد لزفافه، ودخل حجرته
وأغلقها خلفه، عاد ليتجرع أحزانه ويستعيد ذكرياته، كم تمنى
أن يسمع صوتها ولو مرة واحدة! وتراها عيناه ولو لثانية! ولكن
كيف؟؟

واستيقظ من غفلته على صوت أمه وهي تناديه: يا عريس
متعبك، بس عايزين يا ضنايا باكو شاي ومحدث من إخوانك
هنا.

-حاضر يا أمه هروح أهو.

لقد انقضى مرور عام كامل منذ أن تمت خطبة فتحي،
وكان قد اتفق مع والد عروسه على أن يتم الزفاف بعد عام
دون زيادة، واقترب موعد الزفاف، وزاد معه اضطراب فتحي،
فهو بعد لا يتصور ألا يكون مع صفاء، وأن هناك امرأة أخرى
سوف تكون بديلة لها، وأخيراً أتى يوم الزفاف في اليوم الذي
حدده فتحي بنفسه في شهر ديسمبر، في منتصفه بالضبط، بعد
خمسة عشر يوماً من مولده، أي يوم ميلاد صفاء! لقد اختار
اليوم وهو يعرف السبب، أراد أن يكون يوم زفافه دائماً في
فكره، لأنه لن ينساه أبداً، ولتكون مشاعره في هذا اليوم دائماً
متأججة، فلا تكتشف زوجته يوماً أنه ليس معها أولاً يهتم
يوم كهذا، فهي تحبه بشدة، كما أنها طيبة بدرجة يصعب معها
أن يجرحها، وكان حفلاً رائعاً جميلاً مبهجاً، لم ينقصه سوى أن

يبتسم العريس من قلبه، وليس تلك الابتسامة الباهتة التي بين حين وآخر يرسمها على وجهه.

وانتهى الحفل، ودخل العروسان شقتهما، ودلفا لجرثهما، كانت فاطمة تقف في منتصف الحجرة بينما هو يقف قرب بابها كالتردد هل يدخل أم يخرج، ثم التفت إليها، فإذا به وجهها لوجه أمامها، ورأى الدنيا كلها تسطح فجأة، فخطا نحوها واحتضنها، حتى كاد يعتصرها بشدة، فإذا بها تخاف وتتملص منه وتقف بعيداً، مرتعدة، يتصبب منها العرق، فيفريق ليجد النور الساطع قد انطفأ، واكتشف أنها فاطمة وليست صفاء، فربت كفها ليطمئنها، فوجدها تنتفض، فترك الحجرة وخرج أخذاً بيجامته معه وأغلق بابها خلفه.

فبدلت ملابسها وخرجت من الحجرة لتجده في المطبخ فقالت: عايز تتعشى؟

-لا، أنا بس عايز شاي.

-طيب سيبني. هعمله أنا.

-لا، إني عروسة تقعدني هاتم، وما تعمليش حاجة أبداً.

-إزاي بس؟

-زى ما بقول ولا إني مش عايزة تسمعي كلامي؟

-هو أنا أقدر، وصمتت برهة ثم قالت: بس تتعشى قبل الشاي.

- ماشى يا ستي حاضر.

وتناولوا عشاءهما سوياً، وفي أثناء احتسائهما الشاي قال: أنا
آسف على اللي حصل من شوية.

- ما حصلش حاجة، وضحككت وقد اكسى وجهها بحمرة
الخلل.. فأمسك بيدها وطبع عليها قبلة رقيقة.

وبينما كان فتحي غارقاً في العسل، كانت صفاء تحتفل بعيد
مولدها مع أصدقائها، وبدخلها هاجس تجاه فتحي، ولكنها
حاولت التغلب عليه، وعدم السؤال، فلقد أدركت ما يحدث
وعرفته وخشيت أن تسأل، كفاها هاجسها ولا حاجة لأن
تأكد فيزداد عذابها، ولكنها تساءلت لماذا في يوم مولدها؟؟!

وانشغلت بعملها، لتثبت فيه جدارتها، واكتشفت شيئاً كان
خافياً عليها وهو قدرتها على التدريس والشرح، لم تكن صفاء
تدرك أنها ليست محامية جيدة فقط، وإنما هي كذلك محاضرة
رائعة وممتازة، في أشهر قليلة استطاعت أن تحتذب الطلبة إليها
وتكون أستاذتهم المفضلة.

وانطلقت في عالم النجاح يوماً بعد آخر، وتركت مكتب
المحاماة الذي تعمل به لتفتح لنفسها واحداً خاصاً بها.

وكان إبراهيم خلفها مشجعاً، فقد كان غارقاً في هواها، إلا
أنه يخشاه، كلما اقترب منها خطوة، ابتعد ميلاً، فهو يدرك أن
قلبه لا يمكن أن تحبه لأحد مهما حدث، إن قلبها مع من
أحبه.

قلبه فقط هو الذي يعشق، ولا سبيل له معه، فكيف إذا
وقعنا في الحب يمكن أن نفر منه؟!

وخيل لإبراهيم أنها نسيت محبوبها، فبدأ يترك العنان لنفسه
ولا يقف عائقاً أمام هواه، فاندفع بكل قوة نحوها حتى شعرت
بهواه يطوقها من كل جهة، ولم يكن في مقدورها الفرار، كما
لم يكن بمقدورها الإنكار بأنها تشعر بالنشوة والسعادة معه،
يكفى ما تحسه حين تقف أمام مرآتها، وتذكر كلماته التي
تشعرها بأنوثتها وكونها امرأة.

رغم النجاح الباهر وطموحها الكبير، وجدت نفسها
تتعجب سعادتها من بضعة كلمات بسيطة تجعلها تطير في
السماء، سعادة تختلف عن سعادتها بنجاحها، وكأنهما يسيران
في طريقين، لكل منهما اتجاه وسمّة تميزه ولا غنى لأحدهما عن
الآخر، فهي لن تتخلى عن طموحها، ولا تستطيع أن تتبرا من
كونها امرأة بحاجة لرجل يفجر طاقتها كأنثى ويشبع فيها
رغبتها في الهوى والحياة.

لذا أخذت قراراً مع نفسها، أن تندفع نحو إبراهيم بكل
طاقتها، وأن تتناسى فتحي، وتعيش كما عاش هو، لقد علمت
بأنه تزوج وزوجته حامل أيضاً، لم يعيش هو ولا تعيش هي؟!
سؤال بدأ يلزها، إلى متى ستظل أسيرة عواطفها تجاهه؟ كيف
هربت منه ومازال طيفه يقيدها؟

مضت أشهر، وهي مع إبراهيم كحبيبة، وليست صديقة
تسعد بكلمات غزله لها، وعباراته الرقيقة، بل وتحت على أن
يزيد منها.

كان فتحي يعيش حالة صراع مستمر، إن زوجته تبذل مسا
في وسعها لتنال رضاه، ولا يُنكر أن بداخله شيئاً نحوها، ولكن
صورة صفاء وحياته السابقة معها، ما زالت تحول دون أن
يكون كلية لزوجته، التي تعشقه بكل كيانها.

بل إن مولوده السعيد، أو بمعنى أصح طفله السعيدة، أسماها
صفاء، ليظل حبيس هذا الاسم وصاحبه طول العمر، ورغم
معارضة والدته إلا أنه أصر أن تكون ابنته باسم أعز مخلوقة
لديه.

كل هذا وصفاء تظن أنه نسيها، ولا تعرف كم هو مُعذب
بهاها!

في إحدى الليالي الصيفية الجميلة، التي تنتعش لها باريس،
كانت صفاء مع إبراهيم في واحدة من نزاهتهما، تشابك
أيديهما، وكالعادة كان ييها غرامه وفي غفلة منها تلامست
شفتهما وذهبا في قبلة طويلة، كانت أول قبلة في حياتها، أفاقت
منها وهي حجلة توارى وجهها عنه، وهي تقول: كده يا
فتحي تخليني أعمل كده؟

هنا أفاق إبراهيم من نشوته على تلك القبلة التي انفجرت
في وجهه لتوها، وهو يصرخ: فتحي أنا مش فتحي... مش
فتحي ومش هكون.

وانطلق بعيداً عنها، وتركها وحدها والدموع تنهمر من عينيها، إنه ما زال عائقاً حائلاً بينها وبين أي رجل، لن تنساه ولن تستطيع أن تكون في حضن سواه، إنه اللعنة الأبدية التي تحيط بها.

ليه يا ربي كده؟ أنا عملت إيه في ديني عشان أتعذب العذاب دا كله؟ ليه كل واحد أعرفه يبقى في نظري هو؟ ليه ليه هو عايش حياته واتجوز وخلف وأنا مش قادرة أعيش حياتي زيه ويبقى لي بيت وأولاد؟ وأتاه من داخلها صوت يقول بكل قوة: ألم ترفض يوماً هذا البيت وهؤلاء الأولاد؟ ألم تقولي إنهم ليسوا شيئاً، والمهم هو الطموح؟ وهما أنت قد أخذت ما تمنيت، لماذا تريد أن تأخذ كل شيء؟ ولم الطمع؟

-ولكنني بحاجة لرجل أنس إليه، وأفرح معه وبه، تدغدغي كلماته وتشعري بأنوثتي، لمسته نحي مشاعري الساكنة، كانت أجمل لحظاتي حين كنت في حضن إبراهيم ولامست شفقتي شفتيه، تلك القيلة التي لم أتذوق مثلها من قبل، وما أجملها، ولكنني أفسدتها بظني أن صاحبها هو فتحي، ولكنها أمنية قلبي أن يكون فتحي صاحبها، فهو وحده من أشعر بنشوة الحياة معه، ومعناها وهو إلى جوارتي، لقد اكتشفت أنني لم أضحك من قلبي ولم أحزن حزناً عميقاً على أحد تالم أو رحل، إلا حينما كنت معه، مع حبيبي.

أما الآن فكأنني لا أحياء، ولا أعيش، لقد أتيت إلى هنا
وتركت خلفي إحساسي بالحياة، ومشاعري، وكل شيء
يجعلني حية، تركته حيث هو.

-إذن عودي يا صفاء عودي إليه.....

-كيف؟ هل أترك عملي الذي يحسدني عليه كثيرون؟ وإذا
عدت ماذا سيكون حالي وقد تزوج من أخرى؟ لمن إذن أعود؟
لا أستطيع!

-هل عرفت الآن أن المرء لا يستطيع أن يحيا بمفرده؟ هل
أدركت أنه مهما وصل المرء في حياته إلى المجد والشهرة، فإنه
يظل بحاجة لنصفه الآخر ليحيا؟ هل ذقت برودة فراشك
وعلمت كم هو عذابه؟

-كفاك تعذيباً وتقريعاً لي، أنا لا أحتمل.

وأخذت تبكي وتبكي، وأصررت أن تعتذر لإبراهيم مهما
حدث، وتطلب منه الصفح، وتعهده بمحاولة نسيان فتحي،
وأقدمت بالفعل على ذلك، ولكنه لا يرد على تليفونها أبداً،
فذهبت إليه ووقفت أمامه والدموع تبلل عينيها، ولكنه لم
يصفح، وصرخ في وجهها قائلاً: ابعدي عني، مش عايزك،
كفياكي خداع بقى!!

-أنا ما خدعتكش، إنت كنت عارف كل حاجة من
الأول.

-أوهمني في الفترة الأخيرة إنني كل حاجة في حياتك.

-هي دي الحقيقة بجد.

-كذابة لا يمكن أقدر أصدقك، قلت لك ابعدني عني وعن حياتي.

قالها وأدار لها ظهره، فخرجت مخرجة متأللة، ومرت أيام وهي تتجرع كأس مرارها وحدها، حتى قابلت حسنة وماري في أحد الأيام، وكان قد مرت بضعة أسابيع، وسألتهما متعمدة عن إبراهيم، فأخبرتهما حسنة أنه ترك باريس وذهب للعمل في ليون، دون أن يفهم أحد لماذا فعل ذلك!

وصمتن قليلاً ثم قالت حسنة: إذا كان فيه حاجة حصلت بينكم قولي يمكن أقدر أصلح.

وأتبعتهما ماري: أي شيء مهما كبر أو صغر يمكن مداواته.

سكنت صفاء ولم تعقب.

فقالت حسنة: سكوتكم دا هو اللي مكبر المشكلة.

قالت صفاء: سيوه يعمل اللي هو عايزه مادام فيه راحته.

ماري: ومين قال إنه مرتاح؟

صفاء: وما أدراك؟

حسنة: أصلك ماشفتيهوش كان عامل زى ورقة شجر في الخريف!

سمعت صفاء كلماتها وقد آلمها هذا الوصف، فأخذت حقيبتها وقامت بسرعة، إن إبراهيم شخص رقيق، ما كان لها أن تجرحه أبداً، "ولكني لم أقصد جرحه لم أقصد" قالت ذلك لنفسها.

-ماذا أفعل لأكفر عن ذنبي؟

-تعرفي أنا حاسة إن ربنا عمل كده عشان يخلصه منك ومن أنانيتك الزائدة عن حدها دي، يتألم دلوقت شوية وبكره ينسى.

-طب وأنا؟

-ليكي ربنا يمكن يغفر لك.

كعادتها دائماً، دفنت نفسها في عملها إلى أقصى درجة حتى تنسى مشكلاتها، وانعزلت بعض الشيء عن أصدقائها الذين هم أصدقاء إبراهيم، مع أنها كانت في شوق لأن تسمع أخباره.

تشاغلت بعملها في الجامعة، ومكتبها ولقائها مع المصريين المقيمين هناك، تلك الطبقة المطحونة التي تشقى من أجل لقمة العيش، وتحمل الغربة من أجل أناس تحيا على نفودهم.

فهذا أحمد يعمل في أحد الفنادق، ليجمع القرش فوق القرش لكي يتزوج وتكون له أسرة يستقر معها، ويستظل بها، وهذا عبد المنعم الذي يبيع الزهور في الصباح وبعد الظهر يعمل جليساً للأطفال أحياناً، أو أي عمل يُدر عليه مالاً، لكي يعود بما يكفي لتجري زوجته عملية تغيير صمامين في القلب، وحتى تنزوج ابنته، وغيرهم، هؤلاء الناس كم تشعر صفاء بهم بشدة! لا لشيء سوى أنها منهم وأن حياتها قبل أن تأتي إلى هنا كانت تشابه حياتهم.

وعادت بذاكرتها للوراء عندما كانت صغيرة، ويومية أبوها في الورشة بضعة جنيهات، لا تفي احتياجاتهم، وخاصة مع أمها المبدرة وتذكرت حين كانت بحاجة للكتب الخارجية، ولم يكن في مقدور أبيها توفيرها لها كلها، وكذلك لم يكن مع فتحي، فحاله أصعب منها، فكانا يشتريان كتاباً واحداً ويقتسمان ثمنه،

ولم يكن باستطاعتها أخذ دروس خصوصية في أي مادة، كم تحملا اضطهاد المدرسين وإهاناتهم لهما لأجل هذا! بالإضافة لكونهما دائما ممن يقفون في الفصل، ويتم تقييدهم بالكلام اللاذع، لأنهما من المتأخرين في دفع مصروفات المدرسة، والكثير من الأحوال المعيشية الصعبة التي عايشتها والتي تجعلها تشعر بهؤلاء الناس، لذا كانت دائما إلى جوارهم، عونًا لهم، ونجدةً تحل مشكلاتهم بفضل صلاتها ودراساتها للقانون الدولي العام، الذي هو أحد فروع القانون العام الذي يتضمن القواعد التي تنظم العلاقات التي تنشأ بين الدول، أو بين الدولة وهيأتها العامة من ناحية والأفراد من ناحية أخرى.

سارت الأيام بها وقد أخذت عهدًا على نفسها ألا تسمح لرجل أيا كان أن يخترق حياتها، وكفاها ما حدث.

كان فتحي يشعر بالدنيا قد ابتسمت له منذ أنجب طفلته صفاء، أو صفصف كما يناديها، وكما كان ينادي محبوبته، لقد عاد الابتسام لوجهه المتجهم دائما وعادت عيناه تلمعان من جديد، ولكنهما أبدا لا تلمعان إلا لها، ولا تبتسمان لسواها، إنه يعود معها طفلا صغيرا يلهو معها، ولم يعد يمضي يومه كاملا في الورشة كما كان يفعل، بل صار لزاما عليه أن يأتي في الرابعة عصر كل يوم ليراها، وما كان أشد حزنه عندما كان يجدها نائمة، فيعود للورشة وهو حزين، لأنه لم يداعبها، وكثيرا ما كان يخرج بها لأي مكان حتى للورشة، لم يزعجه يوما بكائها في عز نومه بعد عناء عمله، بل كان يقوم قبل أمها ليُسكتها ويهددها، ويحرك سريرها الذي صنعه بيديه خصيصا

لها، ولا ينام إلا إذا نامت، ولكم اشتعل قلب أمها غيرَ منها، ولكنها كانت أعقل من أن تتكلم، أو تتحدث معه في هذا الموضوع، فتجر على نفسها مشاكل لا حصر لها، ولا سبيل لها معها، ولكنها سعيدة لأنها عرفت الوجه الحقيقي لزوجها، الوجه الخفي عنها، هذا الطفل البريء الساكن خلف واجهته الصلبة المتحمدة، والتي لم تكن يوماً كذلك، فهي لم تعرفه حين كان ذلك الشاب الضاحك الباسم الذي يشيع في الدنيا كلها أملاً ونوراً وراحة، إذا غدا أو راح أو حتى تكلم.

ولكنه لم يعد باقياً منه سوى أحزان تطل من عينيه وصلابة تنبع من أله.

وفي مساء أحد الأيام، كان كعادته مع طفله الصغيرة، وكان قد أتى لها بالألعاب كثيرة، فقالت فاطمة وهي تنظر إليه نظرة ممتلئة بالحب والحنان والعطف وبكلمات لا تخلو من الرقة الممزوجة بالعتاب: يا سلام لو تبقى مع كل الناس زى ما بتبقى معاها.

رمقها بنظرة سريعة ثم عاد بوجهه لطفه، فلقد فهم ووعى ما تقصده، فعاد الألم يتسرب له، لأنه يعلم أنه يظلمها في كل يوم ألف.. ألف مرة، يكفي أنه يكون معها وهو في قرارة نفسه يعتبرها صفاء، ودائماً لا يراها ولا يرى ملامحها وإنما ملامح محبوبته حتى وهي في حضنه، ولكم يعذبه ضميره! ولا حيلة له. وحينما وجدته زوجته عاد لحزنه، ولم يعقب عليها قالت: أنا آسفة يا فتحي ما أقصدش أضايقك.

-بتأسفني على إيه؟ هو إنتي عملتي حاجة؟

-كلامي ضايقتك.

-إنتي عمرك ما تضايقتني، وهو فيه نسمة تتعب حد ولا تضايقت حد؟

-ابتسمت في حجل وهي تقول: نسمة؟ أنا؟! ربنا يخليك لي.

-إنتي بس اللي مش عارفة قيمة نفسك، هو إنتي لو ما كنتيش نسمة كنتي تستحملي واحد زبي؟

-وانت مالك بقي؟ ده إنت أحسن واحد في الدنيا دي.

-الله يجبر بخاطرك.

-والله بتكلم جد، إنت مش عارف إنت بالنسبة لي إيه، ده أنا نفسي أصرخ بعلو صوتي وأقول أنا بحب الراحل ده وهفضل أحبه لحد ما أموت.

خرجت زفرة قوية من صدر فتحي، وهو يجز على شفثيه ويغمض عينيه، إن أي رجل لو سمع هذا الكلام من امرأته لطار من السعادة، ولكن كلماها تذبحه، هواها هذا يقتله، ليتها لم تكن تحبه، كان أهون عليه، إن عذاب هواها لا يقارن بأي عذاب، كلما شعر بحبها له، عذبه ضميره حتى صار كالسياط تعرب بلا رحمة.

اقتربت منه وقالت: مالك يا فتحي؟ فيك إيه؟

-أيداً.. مفيش حاجة.

-نفسى تفتح لي قلبك، وتحكي لي اللي مضايقتك،
وأمسكت يده ولثمتها، ثم تابعت: أنا مراتك يا فتحي، مش
حد غريب.

قَبْلَ جِبهَتِها وضمها لصدره وهو يقول: عارف، وعارف
كمان إني مليش حد غيرك إني وصفصف ربنا يخليكم ليل..
بس صليقي مفيش حاجة.

-على راحتك يا أبو صفاء.

-الله جميلة الكلمة دي، أول مرة تقوليها لي والنبي قولها
كمان.

-أبو صفاء.

ونفض فتحي وحمل ابنته وأخذ يدور ويلف بها وهو يقول:
أبو صفاء، أبو صفاء، ويضحك وتضحك زوجته وهى
تشاركهما لهوهما.

لم يكن يخفى على الزوجة الشابة المتعلمة أن بحياة زوجها
حباً ضائعاً، ذهب بقلب زوجها للأبد، وأنها مهما فعلت فلن
تسترده، وبمعشيتها في حي زوجها وبقليل من الجهد، ربطت
بين الأشخاص والأحداث والحكايات القديمة التي يتدرون بها
على زوجها، التي كان القاسم المشترك فيها اسماً واحداً، اسماً
رفضت يوماً ما أمه أن تتسمى ابنتها به، وأمام إصرار زوجها
سميت البنت بهذا الاسم، إنها صفاء التي بعمر زوجها والتي

درست معه بنفس الكلية، ولكن أين هي صفاء؟ سؤال تردد
داخلها، ولم تردد في أن تسأل: أين هي صفاء؟

جاءها الإجابة، علمت كم أن زوجها مجروح، وارتضت أن
تعيش إلى جواره وهو لا يحسها على أن تعيش بعيداً عنه،
وتتجرع ألم فراقه وهو حبيبها، ارتضت أن تتعذب دون أن
يعلم أحد معاناتها، ولكنه كان يعلم ويتعذب من أجلها، وكم
تمنى أن ينتزع قلبه من داخله ويلقى به بعيداً! حتى ينتزع حب
صفاء منه، ويزرع بداخله حب المرأة جميلة المشاعر، حلوة
المعشر، المضحية التي تعيش معه، تلك المرأة التي رفضت أن
تعمل بشهادتها لأجل أن تتفرغ له وليبتها.

أواه منك يا صفاء جرحت قلوب كثيرين، وكم من معذبين
تركهم وراءك وفي طريقك تمضين!

كان قد مر عام على فراق صفاء وإبراهيم، حين دعته
حسنة لحضور حفل زفافها إلى رجل مغربي من المقيمين في
فرنسا، تعرفت عليه من مدة قصيرة، وسرعان ما وقعت في
هواه، أو أنها شعرت به يروقها ونظرت لسنها وأن العمر يمضي
من بين يديها، فقررت ترك حياة اللهو لحياة الاستقرار
والزواج.

وفي الحفل رأيته، كان كما هو حين عرفته أول مرة، وقد
عادت الأحزان تطل من عينيه، حاولت أن تقترب منه وتحديثه
فأناها حديثه بارداً غير معني بها، كأنها لم تكن شيئاً على

الإطلاق في حياته، تعالى على أحزانه معها، بل إنه كان قادمًا وفي صحبته امرأة فرنسية قال: "إنها خطيبته"، وشعرت صفاء أنه تجاوز الأزمة مثلما فعل ليونيل، ولكن كل بطريقته، لقد حضر ليونيل حفل الزفاف أيضًا، صار ليونيل مسلمًا متعمقًا في الإسلام حتى إنه بنى مسجدًا في باريس ملحقًا به مركز تعليمي، وصار شغله الشاغل الإسلام والمسلمين، وسخر مكتبه للدفاع عن قضايا المسلمين المتهمين بالإرهاب والمهضوم حقهم في بلاد أوروبا، إنها لسعيدة به حقًا، وبمعرفته، حتى لتعترف بأنه أفضل من عرفت على الإطلاق، ورغم أنه كان صريحًا مع نفسه في أنه لا يستطيع نسيانها، إلا أنه بعد فترة من التأمل، أعاد علاقته بها في حدود الزمالة والاستفادة من محامية متميزة مثلها، وقد دعاها لحضور مناقشة رسالة الدكتوراه خاصته، والتي كانت قبل أشهر قليلة من هذا الحفل.

ولأن حسنة هذه مجنونة فعلاً، فلقد أقامت حفل زفاف مغربيًا خالصًا في قلب العاصمة الفرنسية باريس، وارتدت أزياء غربية وفقًا للتقاليد المغربية، وبعد الحفل سافرت إلى المغرب لقضاء شهر عسل على الطريقة المغربية أيضًا، وأجمل ما فيها أن ما تريده تنفذه دون تفكير أو تعقل دائما تفعل ما تريد.

بعد الزفاف، أوصلها ليونيل أو أحمد إلى منزلها، وفي تلك الليلة شعرت صفاء بأنها قد تخلصت من وزرها تجاه إبراهيم، كما تخلصت من وزر ليونيل من قبل، شعرت بالصفاء النفسي على الرغم من نظرة الشجن واللوم والعتاب والألم التي كانت في عيني إبراهيم، وقد أيقنتها فعلاً، ولكنها تشعر بالارتياح رغم كل شيء.

ومرت أيام بعد الزفاف حين كانت في مكتبها دلف إلى غرفتها رجل قال لها: السلام عليكم ورحمة الله.
ردت التحية وهي باسمة: وعليك السلام ورحمة الله وبركاته.

لقد كان ليونيل، تلك أول مرة يزور مكتبها وقد أبدى إعجابه الشديد بذوقه الرفيع، رجيت به أشد الترحيب، جاءها ليعرض عليها قضية مهمة أراد أن يأخذ رأيها فيها فقال: "لم أجد سواك يسدي إلي النصيحة في تلك القضية".
-أنا تحت أمرك في أي شيء.

وجلسا معاً، تباحثا كثيراً في كل ركن من أركان القضية، حتى شعرا أنهما استوفيا كل شيء، ولم يعد هناك شيء باق، كما أنهما أحسا صداً فجلسا يشربان فنجان قهوة قبل أن ينصرف.

ضحك أحمد وهو يقول: تعرفي يا صفاء أنني مدين لك بدين كبير جداً لقد دلوقتي مش عارف إزاي أردته.

-دين إيه يا ترى؟؟

-أنا مدين ليكي باللي أنا فيه دلوقت، حياتي الجميلة،
والسعادة اللي عايش فيها وراحة بالي وارتياحي النفسي وصفاء
قلبي، كل ده إنتي السبب فيه.

-أنا؟ طب دلني عملت إيه لك عشان أعمله لنفسى!!

-إزاي مش عارفة، مع إنك دلتييني على الطريق؟ وزفر زفرة
قوية حاملة الكثير والكثير من الإعجاب وهو يقول إنه الإيمان
والقرب من الله عز وجل، لكم أشكرك واعترف بفضلك!!

-تشكركي على إيه؟ "إنك لا تهدي من أحببت ولكن الله
يهدي من يشاء" لقد كتب الله لك الهداية، وكنتُ سبباً فقط.

-وصمتا برهة قبل أن تُكمل: تعرف إن المركز بتاعك جميل
قوي؟ أنا زرتة أكثر من مرة وصليت في الجامع.

-صحيح عجبك؟!

-جداً.. أنا بتابع كل أخبارك، وحضرت أكثر من القضايا
اللي بياخذها مكتبك.

-غريبة عمري ما شفتك.

-إنت طلبت مني إنك ما تشوفنيش مرة ثانية.

-تعرفي أنا مُشفق عليك أكثر من إني أكون غاضب منك؟

-مُشفق عليا؟!

-مسألة الغضب منك حسنتها من فترة، قبل ما أدعيكسي لحضور مناقشة رسالة الدكتوراه بتاعتي، وأخذت من هذه المناسبة فرصة لإلغاء فترة الخصام، أما إشفافي عليك، فنايع من تأملي لحالك وإحساسي بعذابك اللي إنتي السبب فيه، إنتي إنسانة رائعة بكل المقاييس، لكن أنايتك وحبك لذاتك هم سبب معاناتك وهيفضلوا سبب أملك دائماً.

-بس أنا.....

-عارف اللي عايضة تقولي، مش بإيدك... صح؟

وقبل أن يُعطيهما الفرصة لتجيب، أكمل هو: لا.. بإيدك يا صفاء، إنتي فهمت نفسك وعرفتيها... كان لازم عليكسي تحجميها وتقفي حائل بينك وبين رغباتك اللي ستيها لحد ما بقت أقوى منك، جريتي ورا طموحك اللي كان لازم تحذري أنايته الشديدة، وقدر يسيرك مش انتي اللي تسيره، وسألها فجأة: لسه بتجيبه؟

-أحبه! ده هو الهوا اللي بتنفسه.

صممت برهة ثم قالت بلهجة خطابية بعض الشيء: إنه شيء عجزت عن وصفه أو حتى تسميته يكفي أن أقول إن الحياة معه لها طعم وشكل مختلف لم أشعر بفرح أو حتى حزن إلا معه كل شيء بدونه لا شيء على الإطلاق.

-إذن عودي يا صفاء، إنني حققت اللي جسيقي عشانه
ارجعي له.

-ما ينفعش.

-ليه؟ لسه سايبة أنانيتك تحكملك؟

-لا أبدًا، بس معدش فيه فتحي اللي بحبه، خلاص نسييني
وتزوج وأنجب، عاش الحياة اللي كان عاوزها، أنا اللي
ماقدرتش أعيش زي ما هو عايش دلوقتي، رضى بحضن غيري،
وأنا اللي فشلت إنى أكون مع أي مخلوق غيره، كل رجل في
عيني يحمل صورته، أنا بتقطع وأنا بتصوره كل ليلة في حضن
واحدة تانية بايت جنبها، خلاص نسييني ونسي حيي، وطفـر
الدمع من عينيها وهى تقول: هو عايش وأنا ميتة.

-ومن قال لك إنه عايش؟ مش يمكن يكون متعذب زيـك
بالظبط؟

-يعنى إيه؟

-يعنى يمكن اتجوز تحت ضغط أهله ورغبتهم في إنهم يفرحوا
بابنهم، مش لو كنتي هناك كان زمان أهلك ضغطوا عليكى
عشان تتجوزي؟

-طبعا.

-أنا أكاد أجزم إن ما أقوله هو اللي حصل، ألخوا عليه في
الزواج، وتحت الضغط ورغبة الجسد، سمع كلامهم، بس ما

- أظنش إنه عايش يا صوفي، مش عايش، كل اللي حكيتيه عن علاقتكم ومدى امتزاجه بيكي، يخليني أقول إنه لا يمكن يكون حي، عايش ميت مش حاسس بمراته ولا حياته عشان إنتي مش فيها!

- -يجد الكلام ده؟ قالته وهي تمسح دموعها.

فضحك أحمد ضحكة عالية.

-بتضحك ليه؟

-عشان اللي إنتي فيه دلوقتي، عندك استعداد تسامحه وتنسي غضبك منه على طول كده، إنتي فعلاً بتحبيه!

-وعشان يحبه لازم أفضل هنا بعيد عن حياته، كفاي تدمير له وحياته كفاي تعذيب له وهو أنقى مخلوق على وجه الأرض.

-مش عايزه تشوفيه وتسمعي صوته!!!؟

-أشوفه وأسمع صوته؟ ده أصبح حلمي، طول السنين اللي فاتت كنت بتجنب أنزل مصر أو حتى أتصل بيه، عشان عيني لا تشوفه ولا حتى أسمع صوته، لأن لو ده حصل، ما كنتش انتقلت من جنبه أبداً، وخاصة بعدما جربت نار فراقه.

وسرحت بعيداً إلى حيثُ شباكيهما وصباح الخير اللي ينطقانها في صوت واحد، كلما جلسا يتحدثان سويا عبر هاتين النافذتين، كانتُ صحتته وأصحابه في أحيان كثيرة، لم يكن

يخرج في صحبة أترابه وكان يؤثر الجلوس إليها ومحدثتها هي، وهي كذلك، كان الصاحب الأوحـد وأي بنت تعرفها كانت مجرد زميلة، هو سرها وهو جمعيتها وهي سره وكل ما يملك أو كان يظن أنه يملك.

وأفاقت على صوت أحمد يقول: إيه؟ رحتي فين؟

- رحت للأيام الجميلة، رحت له، ويا دوب لسه راجعة.

-قربى من ربنا، صومي، ادعيه يلهمك الصبر والرضا بما كتبه لك، آه لو تعلمي كم أن هذا الرضا هو أكبر نعمة من نعم الله في الأرض! إنه شعور كفيل بإحالة الجحيم حنة، والألم فرحاً والعذاب سعادة.

-يا رب.....

تعددت لقاءات أحمد وصفاء بشأن القضية، ثم القضايا التي تلتها، وبدأت تزور مركزه كثيرًا وتستمع للدروس، وبدأت تجد في القرب من الله سلوكى لكل آلامها وإن كانت لم تنس.

بينما كانت صفاء تتقرب إلى الله وتفرق في عملها وحياتها المليئة بالعمل، كان فتحي يتوسع في عمله وبدأ يأخذ عمليات كبيرة لأصحاب المعارض، وفتح الله عليه كثيرًا، كان هذا رزق مولوده الجديد فادى على حرف الفاء كأبيه وأمه، كان يحلم حينما أراد صفاء زوجة أن يكون أولاده على حرف الفاء مثله وإخوته ولكن حين تزوج أتت زوجته على حرف الفاء بينما لم يستطع أن يسمى ابنته سوى صفاء.

وفرحت العائلتان بالولد، وأخذ البعض ينادون فتحي "أبو فادى" فكان ينهرهم حتى الناس الأغراب أيضًا نهرهم فهو أبو صفاء، أبو صفاء وكانت حجتة أمها ابنته الكبرى، وهى أحق بأن يُنادى باسمها فهي أول من رأت عيناه.

بعد أن ترك فتحي ورشة الحاج عبد الله تدهور حالها، وخاصة بعد مرض الأسطى محمود الذي أعجزه عن العمل، وأصبح ولده الذي يعمل مع فتحي هو من يعول الأسرة، لذا كان فتحي يجزل له العطاء لمعرفة بالظروف، وقبل بعمل أخوه معه أيضًا، واضطر الحاج عبد الله لبيع ورشته، أكبر ورشة موبيليا في البلد، ولم يكن هناك من مشتر سوى فتحي سلامة الذي اشتراها وأسمها ورشة الصفا لصناعة الأثاث.

بعد أن فتح الله على فتحي بهذا الشكل، كانت زوجته تلج عليه ليشتري بيتًا آخر أوسع وأكبر وفي شارع أفضل، إلا أنه

كان يرفض رفضاً باتاً رغم أن الشارع يفقد أحبته واحداً وراء الآخر، فبداية صفاء التي هاجرت ولم تعد منذ أكثر من سبع سنوات، وتلاها أولاد الحاج عبد الله، ثم وفاة كريمة زوجة الشهيد أخو الحاج عبد الله.

لم يعد للشارع طعم، ولا معنى، ولكن فتحي كان يشعر أنه لو خرج من هذا الشارع فسوف يموت على الفور.

على الجانب الآخر، كانت صفاء قد أعدت بحثاً جديداً من أبحاثها العديدة، وذهبت إلى البروفيسور جيرارد لتعرضه عليه، فما إن رآها وهي تلج إلى مكتبه وقبل أن تلقى عليه التحية قال: كويس يا صفاء إنك جييت دلوقت، أنا كنت عاوزك ضروري.

-خير يا دكتور؟

صمت برهة قبل أن ينطق قائلاً: أنا عاوزك تاخدي حذرك من كل اللي حواليك يا صفاء.

تعجبت صفاء، وعلت الدهشة وجهها وقالت: حذري من إيه بالظبط؟ وليه؟ ممكن حضرتك تفهمني؟

-هيبدووا يحاربونك.

-يحاربوني أنا؟ وعشان إيه؟

-أول ما رشحتك للعمل في الكلية، كان فيه ناس متخوفين جداً من وجود حد جديد، المكان مغلق عليهم من سنين، وأي حد جديد يدخل المكان بيكون من اختيارهم، أما وافد جديد ومن جنسية مختلفة وكمات مسلمة، كان بالنسبة

ليهم صعب، عشان كده كانوا مش عايزينك، ولما اتعيني كانوا يتعاملوا معاكي من جانب اللا سلم واللا حرب، على الحياذ من بعيد لبعيد، لكن لما سحيتي البساط من تحت رجليهم، بدؤوا يحضروا أسلحتهم.

-أنا عملت إيه لأي حد عشان يحاربني؟

-إزاي بقي؟ أبحاثك المتميزة اللي بتلقى تقدير واحترام الجميع، وكمات تعاملك مع الطلبة اللي بيحبوكي، ونشاطك معاهم، كل ده أصبح بيثيرهم بشكل فظيع، أنا خايف عليك يا صفاء.

-ما تخافش يا دكتور، في بلدنا بنقول اللي معاه ربنا عمره ما يخاف، ولا يقدر حد يذيه، وأنا طول عمري ربنا معاينا وبفضله وصلت للي أنا فيه، وبفضله هحافظ عليه وهحميني إن شاء الله.

-بس عايزك برضه تاخدى حذرك.

-حاضر يا دكتور، المهم حضرتك نستني أنا كنت جاية ليه.

-إنني كنتي جاية ليه؟

-كنت جاية آخذ رأي حضرتك في بحثي الجديد ده.

-إنني يا بنتي بتلاقى وقت منين لكل ده؟

-وأنا ورايا إيه؟ مفيش حاجة في حياتي غير العمل، شغلي في المكتب وهنا وبس.

-وحياتك يا صفاء؟

-حياتي عملي، والعمل عبادة.

-لكن هتتعي، وجسمك يشتكي.

-راحة جسمي في الشغل، أنا عارفاه كويس، أنا اشتريت العمل، وهو اشتراقي، ومفيش أمة بتهرب من سيدها، ومفيش عاشق يعيش بعيد عن معشوقه.

وحين نطقت الكلمة سكنت، وسرحت بعيداً، وقالست في نفسها: "انت العاشق اللي عايش بعيد عن معشوقه، بس ده عايش جوايا مش بعيد ولا حاجة".

-صفاء رحتي فين؟

-هه؟ لا أبداً.. افكرت حاجة بس.

وجلس الاثنان يراجعان البحث وهو معجب بفكرته، وكل كلمة كتبها وصاغتھا صفاء فيه.

وانصرفت صفاء دون أن تفكر في الحرب التي سوف تُشن عليها ولم تعطها بالاً، وإنما مضت في حياتھا بشكل طبيعي، فلا شك أنه إذا أتى شر، فهو اختبار من الله، فلقد قال رسول الله - صلى الله عليه وسلم - ﴿لَوْ اجْتَمَعَت الْأُمَمُ عَلَى أَنْ يَضْرُوكَ بَشِيءٌ فَلَنْ يَضْرُوكَ إِلَّا بِشِيءٍ قَدْ كَتَبَهُ اللَّهُ عَلَيْكَ﴾ وما كتبه الله فقبوله واجب، ونحمد الله على كل شيء.

وفي مساء هذا اليوم، كانت ستحصل على أجرها عن إحدى قضايا المكتب، ففتحت حقيبتها وأخرجت معظم ما معها وأرسلته بالبريد إلى أسرتها، هي لا تعرف أن أباه مريض، ولكنها تعلم جيدًا كم هم في حاجة إلى المال، لذا فهي ترسل كل شهر مبلغًا كبيرًا باسم أخيها سيد، وكان أخوها يصرف المال عن آخره على علاج أبيه.

في أحد الأيام، جلس سيد أمام الورشة وهو مهموم فجاءه فتحي وسأله: مالك يا أبو السيد؟ فيه إيه؟

-أبدًا.. مفيش.

-قول يا راجل خير، أبوك فيه حاجة؟

-لا أبويا بخير والحمد لله.

-أمال مالك يا أخي؟ تكونش صفاء فيها حاجة؟

-لا.. ما أعرفش.

-وحياة أبوك لتقول فيه إيه.. إحنا إخوان يا وله.

-أصل صفاء كل شهر بتبعت مبلغ كبير بيروح كله علسي علاج أبويا ومتابعة الدكتور، والفيلس ما وصلتش في ميعادها أدليها أسبوع متأخرة، وبعدين صفاء ماتعرفش إن أبوها عيان، وخايف أتصل بيها أستعجل الفيلس، حاسس إنها مش ظريفة.

-وليه صفاء ماتعرفش بعيا أبوك؟

-رغبة أبويا، إنت عارف صفاء روحها فيه، ولو عرفت من الصبح هتبقى هنا.

-أشك.

-ليه يا فتحي؟

-لأن صفاء لسه ما استكفتش.

قالها وأخرج من جيبه حافظة نقوده، وأخرج منها مبلغاً كبيراً، مد يده به لصديقه، فأبى سيد أن يأخذه وقال: هو أنا بفضفض معاك عشان تديني فلوس؟

-هو عيب لما أخوك يدبك فلوس؟

-بس.

-خدمهم دلوقتي مشي حالك، وأما صفاء تبعت ابقى ردهم.

-وإن ما بعثتش؟

-يبقى ساعتها يجلبها الحلال يا أبو السيد، فكها بقى يا أخي.

احتضن الأخوان بعضهما وقال سيد: ربنا يخليك ليا.

وفي صباح اليوم التالي مر ساعي البريد على الورشة، وأعطى سيد الخطاب المسجل، وبه الخوالة ليصرفها، فابتسم له فتحي وقال: ما ضاقت إلا ما فرجت. يلا.. روح اصرف الفلوس جري.

اقترب موعد رمضان الذي تستعد له كل أسرة في مصر،
والعالم الإسلامي استعدادًا خاصًا، فهو شهر ليس كبقية شهور
السنة، وإنما نفحة من الإله يهبها لعباده، تعم فيه البركة وتوصل
الأرحام، وتكثر الخيرات والصدقات ويسارع الناس لفعل الخير
حتى يرضى عنهم ربهم، حتى إن الناس تغبط الميست في هذا
الشهر، لأنه مات في أيام رمضان، تحدث صفاء مع أحمد
عن شهر رمضان.

فقال أحمد أعرفك منذ سنوات ولكن لم نتحدث يوماً عن
رمضان، إلا مقتطفات قصيرة، بل إنك كنت تعتزلين الجميع في
هذا الشهر.

-هذا في البداية حين كنت لا أعرف سواك، أما بعد ذلك
فقد كنت أتشارك معظم الأيام الإفطار، مع حسنة وإبراهيم،
ودعوت الجميع للإفطار أكثر من مرة، بما فيهم ماري وديفيد
وفرانسوا.

-وأنا أيضاً أفطرت يوماً معك.. أتذكرين؟

-بالطبع أذكر.

-أتعلمين إنني قبل إسلامي حين رأيتك تصومين، حاولت
الصيام مثلك وامتنعت عن الطعام والشراب فلم أستطع
وشعرت ببرودة خفية تسرى في جسدي كله ولم أكمل اليوم؟

-والآن؟

-إنها أكثر العبادات حبًا إلى قلبي حتى إنني أصوم غالبًا يومي الاثنين والخميس أسوة بالرسول صلوات الله وسلامه عليه.
-عليه الصلاة والسلام، بس اللي ما زار مصر ما عرف رمضان.

-يا سلام!

-رمضان في مصر حياة روح، كل حنة فيكي يا بلدي بتطلق في الشهر ده، في بلدنا اللي بتنام من العشا، رمضان بيعمل لها حس، فما بالك بالقاهرة والسهرات اللي فيها لحد السحور والصخب والحياة والناس اللي مالية الشوارع ملهاش عدد، ومسجد الحسين رضي الله عنه، والندوات الدينية التي تعقد فيه وإلى جواره الخان والميدان الزاخر بالبشر! كنا بنشوف الحاجات دي في التلفزيون، وعمرى ما شفتها بجد غير لما عشت في القاهرة سنتين قبل ما أجي هنا.

-بقى تبقى بلدك، وما تشوفيش فيها كل حاجة وكل شيء؟

- ما يقدر على القدرة إلا ربنا، فيه حاجات كثير رغم بساطتها إلا إنها تعتبر بالنسبة لنا رفاهية، مانقدرش عليها، ورغم إني عشت في القاهرة سنتين، برضه مكتتش أقدر أشوف كل حنة فيها، رمضان فيها شكله إيه.

- طب إيه رأيك نزل مصر يومين أجازة ونرجع؟

- ما أقدرش.

-ليه؟

-لو نزلت مصر مش هقدر أرجع تاني هنا.

-والله العظيم إنتي غريبة، صمت برهة ثم قال: المهم هات
تفطري معايا طول الشهر.

-إزاي بقي؟ فيه أيام بيبقى عندي شغل في الجامعة لبعد
الأذان.

-حاولي تخلّصي بدري شوية، وأنا هستاكي ويوم تعملي
الأكل ويوم أنا.

-موافقة طبعًا، ده رمضان تحلي فيه الصعبة، وكمأن أخذ
ثواب إفطار صائم.

وجاء رمضان، وجلس أحمد وصفاء إلى مائدة واحدة وقد
أعدت له أشهى الطعام، وجلسا يتناولان إفطارهما وفي أثناء
تناولهما طعام الإفطار قال أحمد:

-احكي لي كتي بتعملي إيه في أيام رمضان زمان؟

-كان لينا طقوس خاصة، يكفى إني كنت بشوف خالي
حسن اللي ماكنش يجي من قريتنا إلا في رمضان والعيد بس،
وخالتي صفاء، وخالتي سامية، وعمي سليمان.

-خالتك اسمها صفاء برده.

-قالوا إني اتولدت على إيديها، فأسماني أبويا صفاء على اسمها، بس تعرف أنا كنت بتضايق من الأيام اللي بنروح فيها عندهم، كنت أحبهم هم اللي يجونا.
-أنا عارف ليه.

اتسعت عيناها دهشة وقالت: عارف ليه؟

-عشان فتحي مش معاكى.

ابتسمت في حجل وهي تقول: صح، كنت باخذه معايا، وأحياناً كان بيتكسف، وكنت بروح معاه عند خالته في البلد، أما باقي الأيام اللي ما فيهاش عزائم، كنا بناكل مع بعضنا كل يوم، أسرته وأسرتنا، زى أنا وإنت دلوقتي، كنا نتجمع على مائدة واحدة.

-جميلة قري الحياة دي، فيها ألفة ومودة وإحساس.

وقفت صفاء بكل ثبات كعادتها في قاعة المحاضرات تلقى الدروس على طلابها في الكلية، وفجأة رفع أحدهم يده طالباً الحديث، بعد أن أنهت صفاء الدرس، وطلبت منهم أسألهم إن صعب عليهم شيء، فطلب هذا الفتى السؤال فقالت: إسأل عن اللي إنت عايزه يا جو؟

-يا دكتور معذرة إن كان السؤال خارج الدرس.

-هات ما عندك.

-هو مش برضه بيقولوا على بلد حضرتك -أنا آسف- من
دول العالم الثالث؟

-صحيح.

-ويتبعوا من عندكوا ناس تتعلم هنا، وترجع عشان تعلم
أهل البلد اللي اتعلمتوه عندنا في العالم الأول؟
-أيوه.

-طب ليه حضرتك ما رجعتيش تعليمهم اللي اتعلمتية هنا؟
-عشان أنا لسه ما عرفتش كل شيء في العالم الأول، ومش
هرجع بلدي إلا إذا عرفت كل حاجة تفيدهم بجد، بحر العلم
واسع.

-بس كده ممكن السنين تعدي، وتبقى ما عملتيش حاجة.
-على فكرة أنا هنا بفيدهم أكثر، أنا بعمل أبحاث متوفر
عنها كل أركانها والأبحاث في عالمنا الآن في متناول الجميع
وتنشر في مجلات تصل إلى بلدي وإن لم تصل، أرسلها بنفسى،
أنا لست بعيدة عن عالمي، أنا مازلت جزءاً منه، وصمتت قليلاً
ثم ضحكت وقالت: غريبة يا جو إنك بتقول كده وعازين
أمشي رغم إنك بتحيب تقديرات كويسة في المواد اللي
بدرّسها لك، على العموم أنا هستنى هنا وإن ماكنش عاجبك
تدريسي فده كلام تاني تبقى نتفق عليه بعدين.
-لا.. لا أنا ما أقصدش كده.

-كفاية إنت ضيعت وقت زملائك.

وبعد المحاضرة جرى خلفها، هي تعلم أن جو فق رائع، ولكنه يحب مصلحته كثيرًا، وأكد أنا من دفعه لإلقاء أسئلة كثيرة في موضوعات لا تخصه في الآونة الأخيرة هم الذين يتشوقون لكي تترك المكان.

قال الفتي: لم أكن اقصد مضايقتك يا دكتور.

-مفيش مضايقة بس أنا عايزة أقول لك حاجة.

-قولي تحت أمرك.

-إنت شاب كويس ومخك كويس وعارفة إنك بتحسب لكل خطوة بتخطيها، لكن متخلش حساباتك توقعك في مشاكل إنت في غنى عنها، وتحطك وسط ناس ممكن يتخلوا عنك لما تقضي لهم المصلحة اللي كانوا عايزينها منك، لأنك دلوقتي لا تساوي من وجهة نظرهم غير ورقة يلعبون بها.

-أنا مش فاهم.

-لا فاهم، ولما يبقى عندك عقل وبتفكر، وبسرغم كده مصلحتك تخليك تنقاد ورا ناس مش عايزين مصلحتك، تبقى ما فرقتش كثير عن دول العالم الثالث اللي من كثر احتياجاها بتحري ورا العالم الأول، يمكن تنول شيء رغم إن ما بيدهاش شيء غير فضلاته.

-أنا متحير.

-أنا مش عايزاك تتحير، أنا عايزاك تمشي صح، في بلدنا مقولة بتقول: "امشي في طريقك عدل يختار عدوك فيك"، يعني ما تحاولش تسبق الوقت، وتختصر الطرق عشان توصل لهدفك، لأن الطريقة دي ممكن تفتح سكك لأعدائك ولناس ممكن تخطيك، وساعتها تبقى خسرت كل حاجة.

-أنا هافكر في كل كلمة حضرتك قولتيها.. ومن فضلك ساعيني.

-أنا ما أقدرش ازعل من طالب مجتهد زيك، يلا روح شوف محاضراتك. ورمقته وهو يمضي بعيداً.

لقد أرادوا أن يكون الفنى مصدر قلق بالنسبة لها داخل المحاضرات، ولكنها استطاعت بمهارة، وبقليل من التفكير، أن تكسبه إليها وفي صفها وضمن محييا، هكذا هي صفاء اعتادت أن تربح كل الجولات ولا تخسر أبداً.

مضت عدة أيام بعد موقفها مع هذا الطالب الذي فكر جيداً فيما قالته له، واستطاع أن يكسب ودها عن حب واقتناع، وفي نفس الوقت لا يغضب من دفعوه لمضايقتها، وأيقنت صفاء أن الله مازال إلى جانبها، وأنه سوف ينجيها من أخطأ الآخرين ومكائدهم، وواصلت عملها بنفس الثقة والنجاح التي اعتادت عليهما.

في مساء أحد الأيام اتصل بها أحمد، وأخبرها أنه يريد لقاءها في ظهره اليوم التالي، فاتفقت معه أن تلتقيه في الثالثة من عصر هذا اليوم، بعد انتهائهما من محاضراتهما في الكلية.

وأتمت صفاء المكالمة وأعدت لنفسها عشاءً خفيفاً، تناولته وجلست تشرب الشاي ولكنها شعرت بثقل شديد في رأسها وإحساس بالبرودة يتسرب إلى جسدها، فالتجهمت إلى سريرها، ودثرت نفسها جيداً، وغرقت في نوم عميق، لم تصبح منه، وجاء موعد أحمد ولم تأت صفاء، فاتصل بها في مكتبها فلم يجدها، أخبرته سكرتيرتها أنها لم تأت ولم تتصل، فظن أنها مازالت بالجامعة، فاتصل بها — تلك أول مرة تتأخر عن مواعدها، فهي دقيقة جداً — ولم يجدها أيضاً بل قالوا إنها لم تحضر هذا اليوم، ولم تعتذر.

استبد به القلق، وبدأ يسأل نفسه: "تري ماذا حدث؟!؟" وحاول الاتصال بمنزلة ولا من محبب، أين أنت يا صفاء؟ سؤال مزق عقله، لم تذهب لعملها وليست بمنزلة، أين هي؟! وظن أن يكون تليفون منزلها به عطل ما فذهب لمسكنها، وسأل حارس العقار، فأكد له أنها لم تنزل هذا الصباح مطلقاً، وهو لم يترك مكانه منذ الصباح الباكر، فقال له أحمد: "إنني اتصل بها ولا تجيب، قد يكون بها شيء."

وصعد أحمد والحارس وفتحوا الشقة بمفتاحها الاحتياطي وأخذوا يناديان عليها وأيضاً لا تجيب، دخلا حجرة نومها فإذا بها مستلقية على السرير، اقترب منها أحمد تحسس رأسها، فإذا بمرجل يغلي ماؤه وتعلو وجهها قطرات العرق كما أنها تنفض بشدة وترتعد، لقد كانت محمومة.

قال الحارس: دكتور سيزر صعد لشقته تَوَّأ، سأناديه.

أحمد: حسناً وأنا سأتي بقطع ثلج لخفض الحرارة.

وقام أحمد بعمل كمادات الماء البارد لخفض حرارتها، حتى يأتي الطبيب، كانت تهذي بكلمات غير مفهومة وتردد اسماً واحداً فقط، استطاع أحمد تمييزه، أتى الطبيب وكشف عليها سريعاً، وطلب دواء كتبه بسرعة، وذهب الحارس ليحضره وأتى على الفور، أعطاهما الطبيب حقنتين وطلب من أحمد إعطاءها حقنتين مماثلتين بعد ست ساعات، وأن يواصل عمل الكمادات حتى تنخفض الحرارة تماماً، وقال إنه سوف يراها في الصباح.

وظلت صفاء تهذي، وترتعد، وظل أحمد إلى جوارها يطيبها، بينما كان هناك من هو قلق عليها يشعر بأناتها رغم بعد المسافات واختلاف الأمصار.

في نفس اليوم الذي مرضت فيه، صبحا فتحي من نومها، وهو يشعر بانقباض وقلق فظيع، وتجمست صورتها في مخيلته لا ترحها، وكأنه يشعر بها، ويحس مرضها، وبدأ على وجهه التجهم، سأله زوجته عما به، فصمت، ولم يجبه، ذهب للورشة طالعه وجه سيد أخو صفاء، فسلم عليه، ثم أخذه من

يده نحو مكتبه وجلس إليه والكلمات تتعثر على لسانه فسأله
سيد: مالك يا أبو صفاء؟

كان التردد يمزقه، ولكنه حسم أمره وقال: إنت ما كلمتش
صفاء قريب؟

-بقالها كم يوم ما اتكلمتش.

-طب روح اتصل بيها دلوقتي.

-ليه فيه إيه؟

-روح بس.

--حاضر.

وذهب سيد للاستئصال، واتصل برقمها وبالطبع لم ترد، كرر
المحاولة، ولم ترد، عاد حيث فتحي الذي سأله بلهفة فقال له:
إنها لم ترد.

فزاد نجهم فتحي، ثم عاود يسأله: اتصل بيها في شغلها؟

-ما ينفعش.

-ليه؟

-ما أعرفش غير رقم شقتها بس.

-إزاي ده؟

-ما إنت عارف صفاء. ماتخذش منها غير اللي عايزة تديه
بس.

-والعمل؟

-نستنى شوية، ونتصل تانى.

ولكن كيف لفتحي أن ينتظر، وهو يحترق من داخله، قلقه على أشده، إن قطعة الخشب تصرخ تحت يده حتى المسمار الذي يدق عليه بمطرقة قد اعتصره، إنه عنيف جدًا اليوم، ولا يطبق كلمة من أحد، ليتة كان معها ليتة يعرف ما ألم بها، آه قوة تتردد داخله ولا يستطيع فعل شيء.

اقترب منه سيد وقال: بالراحة على نفسك شوية يا فتحي.

-إزاي أرتاح وأنا عارف إنها تعبانه؟

-أنا هروح أتصل بيها تانى.

-بسرعة والنبي.

وعاد سيد يخفي حنين، وقد اعتراه القلق هو الآخر، وجُسن جنون فتحي، ولم يعرف سيد كيف يهدئه فقال: أنا ما كنتش عارف إنك لسه بتحبتها بعد اللي عملته فيك؟

-صفاء ما عملتش حاجة فيا!

-إزاي ده؟

-اللي إنت ما تعرفهوش إن أنا رحت لصفاء مصر أيام ما كانت بتشتغل هناك، وقلت لها لازم تواصل طريقها وتكمل نجاحها.

-إنت عملت كده؟! قالها ودهشته على أشدها.

-كان لازم أعمل كده بعد ما شفت أد إيه هي عظيمة،
ويتحب شغلها.

-تعيش في العذاب ده عشان هي تنجح؟

-عشان أنا وهي زى بعض، إحنا الاثنين حيينا شغلنا أكثر
من حبنا لبعضنا، حلمنا كل واحد في مجال مختلف، رغم إننا
عشنا روح واحدة في جسد، كنا دايما زى بعض، لحد ما
دخلنا الكلية، صفاء عشقت المهنة، وحب تنجح فيها في حين
حييت صناعي وعشقتها، لا أنا رضيت أتخلي عنها ولا رضيت
صفاء تتخلي عن عملها، إحنا الاثنين كنا أنانيين وما حدش فينا
رضي يضحي عشان حبه، لكن ضحينا بحبنا عشان شغلنا، أنا
عملت اسمي وهي كمان، لكن عمري ما نسيته ولا هقدر
أنساها، هي كل حاجة في عمري كله، هي ضحكتي اللي
راحت وفرحتي اللي انطفت من يوم بعادها.

وصمتا قليلاً ثم أردف فتحي قائلاً: روح اتصل تاني.

وذهب سيد وعاد كما ذهب دون جدوى.

اعتصر القلق قلبيهما، ولكن ما من شيء يفعلانه فجلسا
دون حراك أو كلمة، وبعد طول صمت قاطعه سيد قائلاً: يلا
يا فتحي قوم روح كلك لقمة، وريح شوية. زمان أم صفاء
قلقت عليك.

-أروح أرتاح وأكل؟ وأنا مش عارف هي فيها إيه؟ ما
أقدرش.

-وذنبها إيه مراتك يا أخي دي ست مفيش أختها.

-عارف.

-وبرغم كده معيشها في عذاب، ذنبها إيه تتحمل شيء
ملهاش ذنب فيه، إنت وصفاء رضيتوا تعذبوا روحكم إيه
تعذبوا غيركم معاكم؟

-حرام عليك يا سيد، أنا مش ناقص.

-طب يلا قوم رَوِّح.

-تتصل بما مرة كمان.

-تعرف إني بدأت أصدقك.

-تصدق إيه؟؟

-إن صفاء فيها حاجة.

-ليه؟

-لأنها برضه بتحس بيك وتعرف عنك كل حاجة.

-إزاي؟

-فاكر يوم خطوبتك.

-طبعا.

-تاني يوم الخطوبة الصبح بدري جدًا لقيت تليفونها على
غير العادة -عمرها ما بتتصل في وقت زي ده- عملت إنفا
بتسأل علينا وفجأة سألت عنك، وصوتها كان قلقان، تعبنا وما

أحدثش بال،ى قلت لها إن خطوبتك كانت ابارح، قلتها
وملاقتش صوت الناحية الثانية، وسمعت السماعه وهي بتقفل،
وما سمعناش منها كلمة إلا بعد ثلاث تيام من المكالمه دي،
وعرفت بجوازك لوحدها، وقالت لي أقول لك مبروك، وقالت
لي أقولك: "اشمعي اليوم ده اللي اختارته؟".

-يا حبيبي يا صفاء، اتعذبت وأنا السبب، آه.....
وانسابت دمعتان من عينيه زادتا حرقة عليها.

أمضى فتحي الليلة دون طعام، ودون أن يكلم أحدًا دخل
حجرته، وحاول أن ينام ولكن بلا جدوى، كانت زوجته
مستغرقة في النوم حين جلس على سريره وأسند رأسه إلى
ظهره، وصحت زوجته فوجدته هكذا فقالت: خير يا فتحي؟
مالك؟

-أبدًا مفيش حلم وحش.

-استعيز بالله من الشيطان، واستغفر، ومدت يدها له
بكوب الماء فرشفت رشفة صغيرة، وأعطاه إياها، ثم ترك السرير
وقام.

-على فين؟

-نامي إنتي.. أنا مش جاي لي نوم.

وجلس ساهرًا، لم يغمض له جفن حتى الصباح، وانطلق نحو
الورشة قبل موعد نزوله إليها، وقابل سيد الذي ما إن رآه حتى

ربت كتفه في صمت، ولم ينطق فلم يعد هناك شيء يقال،
ومن نظرتة فهم أنه يريد أن يقول اذهب واتصل.

ذهب سيد مرات ومرات إلى أن أمسى اليوم، فذهب لآخر
مرة وهنا وأخيراً ردت صفاء بعد أن أفاقت من مرضها، فلقد
فصل أحمد التليفون حتى ترتاح وكانت قد أفاقت لتوها،
فقامت متوجهة للحمام لتغسل وجهها وتتوضأ لتصلى ركعتين
لله تحمده وتشكره وتتناول الطعام الذي أعده أحمد، فلقد
أمضى يومين جالساً إلى حوارها.

- "أهلاً يا سيد إزيك يا حبيبي" هكذا ردت عليه بصوت
واهن.

-إني بخير يا صفاء؟

-الحمد لله. ده شوية برد مفيش حاجة.

-يعني كنتي تعبانه بجد؟

-وانت إيه اللي عرفك إني تعبانه؟

-هه؟ أبداً.. مفيش... الحمد لله إنك بخير.

-فتحي اللي قالك... مش كده؟

-أيوه هو، ونظر لفتحي نظرة تعني "تكلمها، ولا لا؟"

تردد فتحي ثم اختطف التليفون من يده، كانت أول مرة
يحدثها منذ أن سافرت، أتاها صوت زفرته فقالت: "فتحي؟"

تسمر أحمد في مكانه يتسمع كلامها.

قال فتحي: "ألف سلامة".

- "وحشتني" قالتها والدموع تنهمر من عينيها.

فقال: "وإني كمان".

ومنعته دموعه من أن يواصل، فألقى التليفون من يده
ليلتقطه سيد ويفلق الخط.

أغلقتة هي الأخرى والدموع تواصل انهمارها.

"تعرفي إنك غريبة بجد أنا تعبت معاكِ"، كانت تلك
الكلمات التي صرخ بها أحمد في وجهها، لم ترد عليه فتابع قائلاً:
"إنتي إيه؟ إيه اللي غليكي راضية بالعذاب ده كله وانت داية
دوب في هواه؟ وإنتي محمومة مكنتيش بتنطقي غير اسمه، كلمة
واحدة معاه، وشلالات دموعك مش عايزة تقف، عذبتني ناس
معاكِ عشان حبك ليه، حبك اللي إنتي مش قادرة تنسيه، ليه؟
وعشان إيه؟

-عشان بحب صفاء أكثر.

-صفاء هي اللي بتحب!!

-صحيح صفاء بتحب فتحي، لكن صفاء بتحب صفاء
أكثر من حبها لفتحي.

-ولسّه صفاء عايزة إيه بعد اللي وصلت له؟

-مش عارفة، لسّه عايزة كثير، لكن اللي عارفاه إني ما
أقدرش أرجع دلوقتي ما أقدرش.

وشعرت صفاء أنها لا تقدر على الوقوف، فأعادها إلى السرير وقال: آسف، أنا احتديت عليكِ.

-أنا اللي آسفة، أنا تعبتك معايا أكثر من اللازم.

-ما تقوليش كده، إحنا أخوات... ولا إيه؟

-طبعًا.. طبعًا.

انطلق فتحي نحو منزله ودخل حجرة نومه وأغلقها عليه، وجلس على طرف السرير منكسًا رأسه لا يحرك ساكنًا، دخلت عليه زوجته وهي تقول: أنا مش هسألك تاني مالك يا فتحي؟ بس حرام عليك اللي إنت عامله قِيًا وفيك، أنا مليش ذنب، يا ريت كان بإيدي كنت ريمحتك من اللي إنت فيه، لكن مفيش في إيدي حاجة.

أمسك فتحي برأسه وقال: أنا تعب.. تعب.. تعب.. قوي، وانسابت دموعه لتراها زوجته لأول مرة، فأخذت رأسه على صدرها واحتضنته بشدة، وهي تقول: "سلامتك يا نور عيني، سلامتك، يا ريت كان بإيدي كنت جبت دواك لحد عندك يا عمري يا ريت كنت أقدر".

لم ينطق فتحي، بل ظل في حضنها يدفن فيه أحزانه وتساءل: "يا ترى يا صفاء ما هو حالك الآن وفي حضن من ستدفين حزنك يا مسكينة؟!"

وظلت زوجته -التي هي المسكينة بحق- إلى جواره حتى نام.

وفي الصباح، لم يستطع ترك السرير، فهو يشعر بوهن شديد حتى إنه تناول إفطاره في السرير، وانتظره الجميع في الورشة إلى بعد الحادية عشرة ولم يأت، فاتصل سيد به في المنزل، فأتاه صوت فاطمة فقال لها: صباح الخير يا أم صفاء.

-صباح الخير يا أسطى سيد.

-فين فتحي آمال؟

-ده تعبان شوية.

-تعبان؟ ألف سلامة، طب ممكن آجي أشوفه؟

-تشرف.. البيت بيتك.

وذهب سيد على الفور، ودخل حجرة فتحي ليجده جالسًا على السرير، فقال في انزعاج: مالك يا فتحي؟

-مش قادر أقوم من مكاني.

-عشان إيه ده كله؟ يا أخي حرام عليك مراتك وولادك وشغلك، لو هي مكانك عمرها ما هتسيب شغلها يوم واحد، ولا حد هيحس باللي فيها، اعمل زيها يا أخي، داري حتى على مراتك دي، ربنا يكون في عونها.

وهنا دخلت فاطمة فقالت: شوف صرفة للأستاذ اللي بيتدلع ده.

-والله عندك حق يا ست فاطمة، بيتدلع، يلا يا راجل قوم، ورانا شغل كثير وطلبات عاوزة تخلص.

-مش قادر.

-لا. هتقدر، دا إنت طول عمرك مهما كان فيك بتشتغل،
قوم بس معايا.

وذهب فتحي، وأمسك مطرقته ومسماره وقطع الخشب
واستغرق في العمل حتى مر به الوقت دون أن يدري، هكذا
هي سلواه ولن يكون غيرها.

صارت الأيام تمضي بسرعة شديدة، وكل منهما يمضي به طريقه كما هو، شهور مضت، سنوات مرت، وهما يعملان كثيراً، صار لديه عمال كثير، وآلات وعدد حديثة، وصار على وشك أن ينشئ مصنعاً خاصاً ويكون لديه معرض خاص به، ويكفيه أن إنتاجه يُعرض في أكبر معارض القاهرة والإسكندرية بالإضافة لطنطا أول أسواقه والمحلة الكبرى.

سُمية أخت صفاء أصبحت أمًا للمرة الثالثة، وسيد أخوها تزوج من أخت زميل له في الورشة، فتاة طيبة تدعى ثناء تصغره بخمس سنوات، وأنجب منها طفلاً أسماه (محمود) على اسم والده، أما عزت أخوها الرابع فلقد وجد عقد عمل كمدرس في الخارج، وسافر على الفور دون تردد، ولم يبق للأب المسكين المريض سوى زوجته التي يعشقها عشقاً بلا حدود، وكم أرهاقه عشقها مادياً ومعنوياً! ولكن ما بيده حيلة فهو يهواها.

أما صفاء فلقد دخلت مع أحمد عالماً آخر، العالم الذي دخله وحده من قبل، عالم النضال والكفاح من أجل قضية سامية، مما جعل صورها تحتل الصحف المصرية والعربية والفرنسية.

ففي صباح أحد الأيام، قابل سيد وهو في طريقه للعمل أحد جيرانه الموظفين الذي قال له: يا سيد، روح اشترى الجرنان صورة أختك الدكتور فيه اجري بسرعة الحقه.

وذهب سيد على الفور وقابله فتحي، فسأله عن سر
ابتسامته فقال: بص شوف صورة صفاء في الجرنان، أنا هروح
أفرّج أبويا، وانطلق فتحي ليشتري كل الصحف، ليجد صورة
محبوبته تتصدر الصفحة الأولى والعناوين تسطع باسمها.

محامية مصرية أستاذة في السوربون تدافع بقوة عن
الفلسطينيين الذين تم تعذيبهم في سجون إسرائيل، إنها تحاكم
الحكومة الإسرائيلية كلها وتضعها أمام القانون في قفص الاتهام،
تقدم مرافعات قوية وتستشهد بدلائل وقرائن تحسن من
موقفها، وشريكها الفرنسي الذي له باع طويل في مثل هذه
القضايا، هكذا أصبحت صفاء بجدها وتعبها طوال سنوات
مضت، تحفر فيها الصخر لتنقش اسمها بحروف من نور تسطع
دائما في سماء المجد، إن القضية الفلسطينية هي المسمار الذي دُق
في النعش العربي منذ حرب عام ١٩٤٨ بل إنها منذ وعد بلفور
١٩١٧ الذي كان وعدًا صريحًا لليهود بأن يتخذوا من فلسطين
وطنا، والذين تدافع عنهم صفاء الآن ما هم إلا زمرة دخلوا
السجون شابًا سُرقت منهم أياهم وسنواهم وخرجوا وقد ولى
الشباب وضاعت الأحلام ولكنهم ما زالوا يحلمون بالسلام
الحقيقي ويأملون في الحق، وهم الآن يطالبون بحقوقهم ويطلبون
محاكمة من عذبهم وسجنهم وأخذ منهم حياتهم.

لقد شعرت صفاء بالمسئولية تجاه وطنها العربي ومشاكله،
بعد أن حققت قدرا كبيرا من النجاح، إن كلمة واحدة من
موقعها هذا تكون مسموعة وملء البصر، ولها تأثيرها، ولهذا

قررت أن تخوض المعركة مع صديقها الفرنسي المسلم أحمد أو ليونيل سابقاً.

حين رأى الأسطى محمود صورة ابنته في الصحيفة، انشرح صدره، وشعر أن جسده العليل قد برأ من مرضه وطاب، فلم يكن يحلم يوماً أن تصل ابنته إلى ما وصلت إليه الآن، لقد قام من سريره وأراد أن يسير في البلد كلها ويقول هذه ابنتي.. انظروا.. هذه ابنتي.

وشاركه فتحي فرحته ورغبته تلك، إنه يكاد يحتضن الصورة حتى يخرجها من الصحيفة ويضمها إليه، كانت أول صورة حديثة يراها لها منذ أن سافرت، صورتها في المطار كانت آخر ما علق بذهنه، وقال في نفسه: "لم تتغيري يا صفاء، لازلت كما أنت، بهية، جميلة، لم تزحف السنون على وجهك، فبقى كما هو بشبابه وجماله".

شهرتها الجديدة فتحت أمامها أبواب الحياة أكثر.. وأكثر، فأنهال عليها سيل من القضايا الهامة، وأصبح مكتبها الجديد وأسطول المحامين الذين يعملون لديها شغلة من النشاط كخليفة نخل، وعلى رأسهم جون تلميذها السابق والذي حاول الحاقدون عليها أن يستغلوه ليحيل محاضراتها سيركاً، ولكنها استمالت إليها، وبفضل حكمتها وذكائها صار الفتى أهم محام لديها، والذراع اليمنى لها.

و ذات يوم أتاها عميل مصري، فقررت مقابلته على الفور، دخل الرجل مكتبها، وكانت له هيئة يستمدّها من مظهره، فهو

طويل القامة عريض المنكبين له عينان عميقتان وحاجبان كثيفان، عيناه تلمعان بالذكاء، قدّم لها نفسه على أنه جميل عبد الرحمن الجمال، مصري، هاجر قبل عشرين عاماً إلى فرنسا، له أعمال كثيرة ومتعددة وطلب منها أن تكون محاميته، استراحت للرجل، وقبلت قضاياه حين استشفت حسن خلقه من خلال متابعتها لأوراق معاملاته السابقة، ويكفي أنه مصري.

وإذا بكل معاملات الرجل تتم من خلال مكتب صفاء، وتكفّلت بنفسها بكل شيء خاص به، لتتكلم معه بالعربية التي من ضيق وقتها لم تعد تلتقي بالمصريين الذين تعرفهم لتتكلم بها معهم، ثم إن للرجل أسلوباً ساحراً يدخل به إلى عقل من أمامه وقلبه على الفور، وهذا الأسلوب جعلها تندمج معه بشكل غريب وتنسى الوقت وهي معه.

وفي أحد الأيام، طلب منها أن يلتقي بها وعائلته في إجازة الأحد، وافقت على الفور عليها تشعر بدفء العائلة المفقود.

ذهبت وهي تظن أنها سوف تلتقي بزوجته وأطفاله، فإذا بالرجل بمفرده مع طفليه الذين هم في الثانية عشرة والحادية عشرة من عمرهما، رامي ومايا، وسألت عن زوجته فاكشفت موتها قبل أربع سنوات، قضت يوماً جميلاً معهم، فرحة بالأسرة وباللعب مع الصغيرين، وشعرت أنها بداية جديدة لحياة ظنت أنها كفت عن الحلم بها، وتعددت اللقاءات وأحبها الطفلان، ولأول مرة شعرت بأن هناك من تهتم لأمرهم ويسعددها

وجودها إلى جوارهم، وخاصة بعد أن صار كل أصدقائها أصحاب أسر، حسنة وديفيد وماري جويل، حتى إبراهيم، وأخيراً أحمد الذي تزوج من فرنسية أسلمت في مركزه الديني، وأنجب منها طفلة بديعة كأُمها وأبيها، وبجيا أحمد حياة رائعة بصحبة ابنته فاطمة وزوجته مريم الوديدة. صار جميل وطفله جزءاً من حياتها، تحرص دوماً على لقائهم ومعرفة أحوالهم والخروج معهم، ورأت في شخصية جميل الجديد وكذا الطموح والعمل الديموب، فاحترمته وشجعت على مواصلة نجاحه، وساعدته في إنهاء الأمور المتعلقة بينه وبين عملائه بسرعة تحسد عليها. كانت في الأربعين من عمرها حين تعرفت على جميل، وحينئذ راودها إحساس بأنه الرجل الذي سوف تقضى إلى جواره باقي عمرها الذي بدأ شبابه ينحسر، رغم أن القلب مازال يذق لصاحبه، ولم تستجب لجميل إلا حينما أحست من معاملته لما أنه يحبها ويريدها، فبدأت تلين وتتناسى الماضي وإن لم تنس، وفاتحتها الرجل في أمر الارتباط ولم يسألها أو حتى يتطرق لأن يعرف لماذا لم ترتبط في السنوات السابقة، ولم تكن هي على استعداد للإجابة إذا سأل.

وذاث يوم كانت في مكتبه، تنهى بعض الإجراءات، وقصد أفتتها سريعاً وجلست إليه يتحدثان في أمور شتى، فطلب منها التعجيل بالزواج، فلقد تعارفا لعنة أشهر، كانت كافية ليعرفا بعضهما، ولكن جميل اشترط شرطاً حيث قال في براءة: أنا عايز لما نتحوز نسي كل حاجة وتبقى لي وحدي.

قالت في دهشة: أسيب إيه؟

-تسيبي شغللك وتتفرغي ليا وللبيت.

وضحكت صفاء كما لم تضحك من قبل، ضحكت بشدة بل قهقهت، فتعجب منها وقال: بتضحكي على إيه؟

حاولت أن تكتم ضحكها بصعوبة ثم قالت: دي أجمل نكتة سمعتها في حياتي كلها.

-أنا مش بهذر.

-مش معقول!!! قالتها وقد تبذلت ملاحظتها وسكنت ضحكاتها.

-لا معقول.. أنا صحيح عايش هنا لكن فكري بعيد عنهم أنا عاوز زوجة.. والزوجة مكانها البيت.

صرخت صفاء بهستيريا: مش معقول لا... لا... لا يمكن... إنت بتقول إيه؟!

وخرجت صفاء تعدو من مكتبه حتى دون أن تأخذ أوراقها، حملت حقيبتها وجرت وهو يناديها، وركبت سيارتها ودخلت مكتبها، أغلقت بابه خلفها وجلست بين أوراق عملها تتأملها وهي في حالة من عدم التصديق والدهشة. عجز عقلها أن يستوعب الأمر، فخرجت من المكتب وتوجهت إلى مترها، وهي لا ترد على أحد، ولا تُكلم أحداً ولا تستمع لأحد، فبدأخلها صوت قوى يشوش على كل أصوات هؤلاء، صوت

يأتيها من أعماقها يهتف بشدة متعجباً. "من هذا الذي يطلب منها أن تترك ما بنته في سنواتها السابقة؟ ما سعت إليه وضحت لأجله"، ولم تستمع صفاء لصوتها هذا ولم تستطع أن تفكر في الأمر بل ظلت تملكها حالة عدم التصديق لدرجة أن من يراها يظن أنها في حالة من اللاوعي على الإطلاق!

حين ذهبت لمكتبها في اليوم التالي حاول كل محام لديها أن يعرف ما بها، إلا أنهم فشلوا جميعاً، حتى قام جون بالاتصال بأحمد، فأتى على الفور واقتحم حجرة مكتبها دون أن يستأذنها، ردت سلامه بصعوبة.

فقال: ما بك يا صوفي؟

-مفيش ليو-

-لم تناديني بهذا الاسم منذ فترة طويلة أنا نسيته.

-أنا حاسة إني جئت هنا أمس، أنا غريبة، جوايا غريبة عسن نفسي وشاعرة باغتراب عن أهلي. أنا عايزة أرجع بلدي.

-أول مرة اسمعك تقولي: "عايزة أرجع" من يوم ما جيتي فرنسا.

كانت الكلمات تخرج بصعوبة وغير متلاحقة على لسانها وهي تقول: "لأني حاسة إني ما معملتش حاجة... كل السنين دي راحت.. راحت كده وكأنا.. ما تساويش!!".

-ليه يا صوفي؟ حصل إيه لكل ده؟

-حصل إن وحدثي باين عليها جنتني، خلتنني أشتاق للبيت وللأسرة حتى لو مع أي واحد وخلاص، صممت قليلاً، فاستحثتها أن تستمر، فتابعت قائلة : دخل حياتي إنسان حسيت إنني ممكن أبدأ معاه حياتي رغم إنه سبق له الزواج وله طفلان، تفتكر طلب مني إيه عشان تتحوز؟

-طلب إيه؟

-بكل بساطة وبراءة الأطفال في عينيه طلب مني أسيب كل حاجة.

كانت تتحدث وهي تذهب وتجيء في كل أرجاء الغرفة، ويداهما اللتان تتخذ منهما وسيلة للتعبير والشرح، ترتعدان، كما كانت ترتعد الكلمات على لسانها.

-تسيبي إيه صوفي؟

-أسيب شغلي ومهنتي وأبقى زوجة له وأربي أولاده، وهو مين ده عشان أسيب عمري عشانه؟ ده أنا سبت أهلي وبلدي وحبيبي عشان اللي وصلت له دلوقتي، عافرت في الصخر عشان أبقى حاجة لها قيمة، وهو بنفسه جه مكتني وطلب مني أتولى قضاياه لشهرتي ولأني محامية كويسة، يعني جالي وهو عارف أنا إيه، طلبه ده خلاني حاسة إنني ولا حاجة، مجرد موظفة بكام جنيه في الشهر هتفرح لما تلاقي عريس غني وإنني ما عملتش أي شيء يستاهل غربي ووحدي.

افطارت صفاء على أقرب مقعد دون أن تنطق بكلمة أخرى،
ولمعت الدموع في عينيها، فاقترب منها أحمد وربت كتفها،
وأخذها من يدها وهي مستسلمة لا تقوى على فعل شيء، فلم
تسأله حتى إلى أين؟

قال أحمد لجون: أي تليفون أو أي شيء مهم صفاء
عندي، في بيتي واعتبر أنها موجودة بالضبط وأي شيء تحتاجوه
أنا موجود.

-مالها الدكتور؟

-تعبانه شوية.

وانطلق بها ليو لمرله، فقابلته زوجته وقد أزعجها مظهر
صفاء، فطلب منها أن تدخلها الحجرة الإضافية لديهما، وتبدل
ملابسها حتى يأتيها وقال في نفسه: "مسكينة يا صفاء بحق
مسكينة شقيتي بنفسك لأقصى حد حتى أتى من حفر بكل
بساطة ما أردته نفسك، وكأنك لم تفعل شيئا رغم أنك
تحملت الكثير لأجل هذا، مسكينة يا أختاه".

ودخل الحجرة حيث زوجته وصفاء التي كانت ترتعد وتسيل
دموعها فربت رأسها وقرأ القرآن، وظل يقرؤه إلى جوارها
حتى نامت، ولكنها كانت تهذي بشدة، وبين حين وآخر تردد
اسم فتحي، فتحي الذي يشعر بكل أثارها وعذاباتها رغم البعاد،
كما كانت تحس هي بأفراحه وأشجانه تماماً، وإذا بتليفون يأتيها
لدى أحمد فأعطاه إياه على الفور لأنه من مصر،

هنا دخل أحمد وسمع جملتها الأخيرة فقال: "قولي إن شاء الله".

- "طبعًا إن شاء الله" وصمتت قليلاً ثم قالت: "أنسا مش عارفة أشكرك إزاي أنت ومريم".

- فيه حد بيشكر أهله؟

- إنتم فعلاً أهلي وأكثر من أهلي.

وعادت حياتها لسابق عهدها بعد مكالمة فتحي التي أحيتها من جديد، ولكن اكتسى قلبها بقسوة وقوة ليس لهما حدود، وقررت قراراً حاسماً ألا تسمح لأحد مهما حدث أن يدخل حياتها، فهي لن تنسى حبيبها ولن تسمح لأي مخلوق أن يجعلها تشعر يوماً بضالتها، يجب أن يعرف الجميع من هي صفاء وكم تساوي! فهي أبداً لم تسع لتكون مجرد امرأة، وإنما سعت لأن تكون شيئاً وكانت بالفعل، فهي أستاذة تسقى العلم لثلاث الطلاب ويشهد لها بتفوقها في هذا المجال أبحاثها التي تنشرها كبرى المجلات والدوريات المتخصصة، يصلها بريد إلكتروني من مختلف أنحاء العالم من المهتمين بمجال القانون الدولي، محامية يشار لها بالبنان، ونادراً ما تخسر قضية، كبار الشخصيات في فرنسا يتعاملون معها، كل هذا لم يأت من فراغ ولا مصادفة، وإنما بمجد واجتهاد سنوات وسنوات.

وكانت في مكتبها ذات ليلة بعد أسبوع مما حدث، حين أخبرتها سكرتيرتها بمجيء الأستاذ جميل، فطلبت منها إدخاله

وهي تكسو ملامحها قوة وثباتاً، ألقى عليها النحية، فحيّته
بمثلها، جلس قبالتها ثم وضع عينيه في عينيها مباشرة وقال: عايز
تفسير للي حصل... تخرجي من مكنتي تجرى من غير سبب،
وأسبوع كامل أحاول البحث عنك مش عارف، ممكن أفهم
فيه إيه؟

-معنديش غير رد واحد بس، طلبك مرفوض، ومفيش
استئناف، وقضايك ممكن تدور على محامي غيري بمسكها.

-بس أنا مش فاهم إيه اللي حصل؟

-طلبت نتجوز وأسبب شغلي وأنا لا بتجوز ولا بسبب
شغلي، وبما إنك كنت فاكّر إني ممكن أسبب شغلي يبقى أنا ما
أنفعلش أبقى المحامية بتاعتك، رغم إنك جيتني لشهري ونجّاحي
في مجالي اللي بتطلب مني التخلي عنه عشانك، وبأي حق؟ مش
عارفة.

-عشان كده.

-أرجوك أنا ورايا شغل، وأي تفاصيل بخصوص قضايك،
السكرتارية ممكن تفيدك، شرفت يا أستاذ جميل.

وخرج الرجل من مكنتها وهو غير مُصدق لما يحدث، كل
ما استطاع قوله إنها مجنونة، ولأن جميل هو الآخر لم يعتد أبداً
خسارة أي من صفقاته فقد اعتبرها صفقة غير رابحة ذهبت منه
على غير رغبته، فأراد أن يعرف لماذا خسرها، فتقصى كثيراً،
إلى أن علم أنها عُرِفَتْ بأنها تحيا لعملها وعلمها فقط، وأنه لم

يدخل حياتها أي إنسان لهذا السبب، وفهم على الفور أنه قطع معها كل السبل وليس هناك أمل معها، حتى وإن أقنعها بأنه موافق على عملها، فسوف تظل تشك دائماً في أنه سيأتي وقت ويقول لها ثانية أن تترك عملها، ولن تصدقه أبداً مهما حدث.

وقرر جميل أن ينساها رغم أنها بحق راقته له، ويكفي أن طفليه أحباها بشدة ومازالا يسألان عنها، همت صفاء أن تكلم فتحي مرة أخرى، إلا أن شجاعته خانتها أكثر من مرة، واعتبرت أن تلك المكالمات التي أجرتها معه آخر مرة وهي مريضة في بيت أحمد، حدثت في اللاوعي وأنها محض خيال، ولكن كيف؟ فهي ما زالت تعيش نفس الإحساس الذي راودها وهي تكلمه، فمن غيره انتشلها من بؤرة ضياعها، لماذا إذن لا تقوى على محادثته ثانية؟! هل ما زالت خائفة من أن تنهار حصونها بعد كل تلك السنين وهذه الغربة؟!

وفرضاً أنها اتخارت، وماذا في هذا؟ لم يعد هناك شيء لم تصل إليه، لقد وصلت لأقصى طموحاتها، وبقي السؤال داخلها يؤرقها ويؤرق مضجعها، ومازالت كلماته ترن في أذنها لا تنقطع.

أما هو فيقدر سعادته بتلك المكالمات التي أججت شوقه أكثر مما هو، وزادت من لبيب ولعه بها، إلا أنه كبح جماح نفسه، ولم يستطع أن يتصل بها ثانية، فلقد اعتبر مكالمته السابقة لها خيانة لزوجته التي شقت معه، والتي فقدت الأمل في أن يكون

لها في قلبه أي مكان، وأخذ فتحي عهدًا على نفسه أنه لا يجب عليه أن يحاول أو يفكر حتى في محادثتها وجرح زوجته أكثر من ذلك.

وقال في نفسه إنه وعد صعب تحقيقه وموالم بحق، ولكن أي ألم هذا إلى جوار آلام زوجته، وهو يرقد في حضنها وتشعر به بعيدًا بُعد السماء عنها؟! أي ألم هذا مقارنة بالآلام امرأة اعتادت أن تعطي وتعطي ولا تأخذ أي شيء في يوم واحد من أيامها معه؟ خمسة عشر عامًا وهي إلى جواره بمثابة السند والبلسم لجراحه وهو لا يهب لها شيئًا أو بعض شيء مما تحبه إياه، فقط يغدق عليها من ماله، أما مشاعره فهو بخيل ضنين بها، كيف يهب ما لا يملك؟ فلقد أخذت صفاء كل ما لديه من مشاعر حب وتركت له الصمت!!

زادت الفرفة وزاد البعاد والأيام تمضي ولا تقف، وفي أحد الأيام كانت في انتظار مكالمة من أخيها، ولكنه لم يتصل، وكلما اتصلت بهم لا يرد عليها أحد، فزاد قلقها عليهم، منذ متى والبيت يخلو من سكانه؟ سؤال يريد جواباً، وما من مجيب، وفكرت أن تتصل بالورشة ولكنها خشيت أن يكون فتحسي مجيئها، فأثرت أن توجل الاتصال حتى أنت صبيحة يوم آخر، فاتصلت لترد عليها شمس ابنة أختها سمية، فداعبتها قليلاً ثم سألتها عن جدتها.

فقالت الصغيرة: مش هنا.

سألتها عن جدتها فأجابت في براءة: ماما قالت إن سني راحت عند ربنا.

انزعجت صفاء أشد الانزعاج، وطلبت من الصغيرة أن تنادي أمها، وعلى الفور أتت سمية التي لم تكن سمعت جرس التليفون، وتحدثت إلى أختها التي قالت: فين أمك وأبوك يا سمية؟

-في مشوار.

-ما تكديش بتك قالت إن أمك ماتت... صحيح يا سمية؟

ترددت قليلاً ثم قالت: صحيح.

-وإزاي ما أعرفش؟

-أبوك ما رضيعش نقول لك.

-وهو فين؟

-في المستشفى، ما قدرش يتحمل فراقها وهو أصله عيان وراقد من سنين.

-بتقولي إيه؟! عيان وراقد من سنين ليه؟ وليه ما أعرفش؟
خلاص نسيتم إني واحدة منكم؟!!

-ما كانش بيحب نضايقتك.

بكت صفاء وهي تقول: فين أخوكي سيد؟

-في الورشة... أنا هأخذ أكل وهدوم للمستشفى، وهو هيحصلني.

-خلاص أنا هأكلمه حالا.

واتصلت صفاء بأخيها، وكان هو من رد عليها، فانطلقت فيه معاتبة ولم يستطع أن يرد تيار غضبها، وعلمت منه أن أباهما يضارع مرض الكبد منذ سنوات، وساءت حالته بعد رحيل أمها، فطلبت منه أن يستشير الأطباء ليجهزوا سفره إلى فرنسا، وستكفل صفاء بكل مصاريف العلاج والسفر وكل شيء وأخبرته أنها سوف تعاود الاتصال به بعد أن تتفق مع الأطباء لديها.

كان من بين موكلها مستشفى جيدة، أصحابها من أفضل أصدقائها، فاتحتهم في الأمر، فطلبوا منها تقارير الأطباء،

فسارعت بالاتصال بأخيها ليرسلهم لها عبر الفاكس أو بالبريد الإلكتروني، وفي أيام قلائل كانت كل الترتيبات معدة لاستقبال والدها على الفور.

وفي المطار وقفت تنتظر بشوق ولهفة أباه وأخاهما اللذين لم ترهما منذ سنوات بعيدة، كان معها أحمد الذي بين حين وآخر يربت كتفها في محاولة للحد من قلقها، وهي بين وقت وآخر تكرر نفس الكلمات: أنا مش عارفة أصدق إهم يخفوا عني إن أبويا عيان، وراقد من سنين، وكمان يخبوا موت أمي... أبويا عمره ما قعد من شغله ده هو حياته.

وصلت الطائرة في موعدها وارتفعت دقات قلبها تعانقها السماء حتى وجدت نفسها أمام أبيها وجهًا لوجه، وهو يجلس على كرسي متحرك، اندفعت صفاء نحوه تحتضنه وتقبل يديه وجهته والدموع تتساق لتزول من عينيها دون توقف، قابلتها لهفة الأب لرؤيتها ودموعه الصامته والمليئة بالألم، وبعد طول عناق، عانقت أخاهما بشدة، وسلمت عليه، ثم ذهب مع أحمد لينهي إجراءات وصولهما.

وعلى الفور كان في المستشفى الذي قرر أطباؤه أنه يجب أن يتم زرع كبد جديد له، وأجرت صفاء التحليلات هي وسيد لمعرفة هل تتوافق أنسجتهما مع أبيهما أم لا، وتطابقت أنسجتهما وأباهما، واستعدت للعملية لأخذ جزء من كبدها، ولكن قبل إجراء العملية، كانت روح أبيها قد صعدت لبارئها

وسط دهشة عارمة منها، وهي التي لم تمض سوى يومين فقط معه، تحسن فيهما بشكل واضح، ثم ذهب بغير رجعة، تاركًا إياها في بحارٍ من الألم!

وعادت صفاء تلك المرة إلى مصر، بعد كل هذا الغياب، وهي تحمل نعل أبيها معها، سافرت يومًا وهي تبكي ألم الفراق والوحدة وعاشت على أمل اللقاء وها هي تعود والفراق بلا لقاء هذه المرة!

جلست وسط نسوة نسيتهن وأغلبهن لم تعرفهن، اتشحت بالسواد الذي لم تلبسه يومًا، ولكنها بدت متماسكة رغم أن كل قطعة فيها ممزقة ومضى الوقت، وخلا البيت إلا من سيدة لا تعرفها ولم ترها من قبل، ومن أختها وأم فتحي وزوجة أخيها سيد وأطفالهم، ثم ذهبت أم فتحي وبقيت السيدة الغريبة التي اقتربت من صفاء وقالت لها: "كان نفسي أقابلك من زمان يا دكتورة وفي ظروف أحسن من دي".

-بس أنا ما أعرفش مين حضرتك.

-أنا فاطمة مرات فتحي سلامة.

مدت صفاء لها يدها تسلم عليها واحتضنتها بغير حقد، فهي تعلم أنه معها جسدًا، ولكنه معها هي روحًا وحيبًا، وأنه لم يعطها أي شيء من هواه لأنه ملكها فقط، لذا فهي الراحمة وليست زوجته.

وقالت صفاء: "بس غريبة تعرفيني مين؟"

أصحابه، نادى صفاء فأتجهت إليها الفتاة على الفور فسألتها
عن اسمها ومن تكون؟

فقالت: "اسمي صفاء فتحي، وحضرتك تبقي مين؟".
-أنا صفاء محمود.

-هو حضرتك، ودمعت عينا الفتاة وهي تقول جدي محمود
كان دائماً يقول لي: "إنني غالية واسمك على اسم الغالية"، كان
يجيب لي كل يوم حاجة حلوة وهو راجع ويقول لي:
"بتفكريني باللي عمري كله معاها" كنت بحس إنه بيحبي أكثر
من جدي سلامة.

احتضنتها صفاء بشدة وهي تقول: "طول عمره حنين
وطيب" وشاركت الصغيرة دموعها وشعرت بنشوة غريبة
والفتاة في حضنها، يوماً ما كانت لتكون تلك الصغيرة ابتها
هي، وأفادت من نشوة شعورها فسألتها: "على فين يا
صفصف؟"

-إيه ده؟ بتدلعيني زى بابا ما بيدلعني؟!
ابتسمت صفاء ولم ترد، فهو كان يناديها دوماً بهذا الاسم
وأعقبت الفتاة قائلة: رايحة درس الإنجليزي.
ابتسمت صفاء مرة أخرى وقالت: درس!! أبوكي بيديك
دروس؟

-آه ليه؟

-أبدًا.

-كان نفسي أقعد مع حضرتك وقت أكر، بس أنا تأخرت.

-طيب يا حبيبي يلا روجي.. بس لازم أشوفك تاني.

-إن شاء الله، قالتها الفتاة وهي تمضي بخطى سريعة.

مرت أيام العزاء الثلاثة ولم ترَ فتحي مرة واحدة، وقبل ذهابها للقاهرة في اليوم الرابع، عرجت على مكتب الأستاذ سعيد لتطمئن عليه ثم سافرت وهناك قابلت أستاذها وصاحب الفضل الكبير فيما وصلت إليه، الدكتور سيد الذي تقاعد ويقضي وقته مع زوجته في فيلتهما ومتابعة المكتب الذي يعمل به الكثير من المحامين، وقضت صفاء وقتاً جميلاً معه، وشكرته على مواساته لها في وفاة والدها، ثم انصرفت، ابتاعت هدايا لإخوتها وأولادهم، فهي لم يسعفها الوقت ولا أتاح لها الظروف أن تشتري لهم أي شيء.

وعادت بعد أن حجزت طائرهما واشترت التذكرة وجمعت إخوتها وأعطت لكل منهم ما يخصه ورأت الفرحة في عيون أطفالهم، فرحة بددت الجو الحزين الذي يعيشون فيه منذ فترة، ودخلت حجرهما وجلست إلى جوار الشباك تتطلع إلى ماضيها وذكرياتها مع حبيبها الذي يبيت في الشقة التي تعلو شقته القديمة، وفي الحجرة التي تعلو حجرته القديمة، هي تحس عذابه كل لحظة، وهو أيضاً يشعر بها، إنه يتململ في نومه وتشعر به زوجته رغم أنه يحاول إخفاء شعوره عنها ومقاومة رغبته

الجامحة في أن يراها ولو من خلف خصاص نافذته، وهي تجلس
نفس جلستها القديمة مرتكنة إلى إفريز النافذة، لكم يتوق
للذهاب إليها والجلوس على سور النافذة مثلما كان يفعل
قديمًا، ويحتضنها ليبيها شوقه ولهيه المضي.

في مساء اليوم التالي، ذهبت وطرقت منزل أهل فتحي،
وفتحت لها أمه واستقبلتها بفتور لا يليق بطول غيابها ومصابها،
فالمرأة تكرهها منذ أن جرح قلب ولدها، أما أبو فتحي
فاحتضنها ورحب بها بشدة وأجلسها إلى جواره وظل يتحدث
إليها ليعرف أخبارها، وتكلمه عن حالها في الغربة وهي تحتسي
معه الشاي، رغم أن أولادها جميعا تزوجوا ولم يبق أحد سوى
فتحي الذي يعيش في شقته فوقهم تمامًا، إلا أنها أحضرت
للجميع هدايا، لم تنس أحدًا منهم، وبعد أن وزعت هدايا
الجميع، بقي كيس واحد وفرد واحد لم تذكره، مدت يدها به
إلى أبي فتحي وقالت: الكيس دا لأسرة فتحي، يسا رب
يسعدهم.

وانصرفت على الفور، لتستعد لغربتها القادمة، وفي فجر
هذا اليوم انطلقت صفاء وأخوها صوب المطار لتغادر أرض
مصر تاركة فيها روحها وعمرها في نفس الوقت الذي كانت
فاطمة تفتح كيس هدايا صفاء ووجدت هدية قيمة لها،
وهديتين لطفليها ولا شيء لفتحي، لم يعلق فتحي على كلمة
زوجته التي قالت: "بينها نسيك يا أبو صفاء".

هو يعلم جيدًا أنه ليس هدية أو غيرها ستذكره أو تهواه، ولكنه يعلم أن هديته يجب أن يتلقاها منها شخصيًا، وهو وهي لا يقويان على اللقاء بعد، في نفس هذا الوقت كانت صفاة تعطي أخاها علبة صغيرة زرقاء اللون، وتوصيه أن يعطيها لفتحها وهي تقول: "أمانة يا سيد. أمانة".

طارت إلى باريس في حين عاد سيد إلى بلدكم في المساء، ليجد فتحها مازال في الورشة لم يرحها ولم يذهب للعاشر من رمضان لمباشرة بناء مصنعه هناك، فقال: السلام عليكم.

-وعليكم السلام.. سافرت؟

-أيوه وسابت لك دي، أعطاه العلبة ليفتحها فتحها على الفور، كان بها قلادة ذهبية صغيرة بها قلب صغير أيضًا يحمل حرفي اسميهما ومع القلادة ورقة كتبت فيها "ارتديتها منذ أن وطأت قدمي أرض الغربة لم أجد أعلى منها لأهديها إليك يا أعز الناس". كلمتان لا أكثر ولا أقل، بنفس خطها الذي اعتاده حتى إنه يعرفه من بين ألف خط وخط، أغمض عينيه واحتضن القلادة في يديه وذهب بها إليها يشكرها عبر خياله وحلم بها وهي في حضنه ويدها الرقيقة تربت شعره، وبسمتها التي تضيء حياته نورًا لا مثيل له.

تركه سيد يتجرع مرارة ذكرياته وآلام حبه اللامنتهي وهو يلوم أخته، فهي وهو أقرب الناس إليه، وأحبهم إلى قلبه، لكم يشقى بعداهما! لكن ليس بيده ما يفعله.

احتفظ فتحي بالقلادة والوريقة في خزانته بالورشة، لم يكن باستطاعته أن يأخذهما للبيت، كان بالحزنة كل شيء يحبه، بل كل شيء كان له معها، كل هداياها وصورهما وذكرياقهما معاً، شيء واحد لم يتخل عنه طوال هذه السنين، تلك القلادة الفضية التي يرتدى نصفها وترتدي هي النصف الآخر، كانت نصفين بأحدها لا إله إلا الله، وبالأخر محمد رسول الله، لم يخلعها يوماً واحداً، كذلك هي مهما اشترت من حُلِي فهي لا تخلع تلك القلادة أبداً.

وصلت صفاء باريس، وكان أحمد وزوجته في انتظارها، ذهب معها لمتزلها وقضت باقي اليوم معهما، وفي الصباح بدأت حياتها من جديد، كما كانت ولكن بعدم رغبة في الاستمرار.

مرت بها الأيام والأسابيع وهي تشعر بأن رغبتها في كسل شيء تنقضي، وتفعل الأشياء بلا إحساس، وكأن بها شيئا ناقصاً مفقوداً، حماسها السابق لا أثر له داخلها، وبدأت تسأل نفسها: "ماذا حل بك يا صفاء؟ ماذا جرى لك ولنشاطك وحبك للعمل؟" وبدأ عليها حالها، وظن الجميع أن حزنها لفقد أبيها هو السبب، ولكن لم يكن هذا السبب أو تلك الفكرة عن سبب عزوفها عن الحياة تروق لأحمد، أو يقتنع بها.

قرر أن يسألها وهو يعلم أنها لن تخفى عنه شيئاً بعد صداقة تلك السنين، فسألها: -مالك فيكي إيه؟

فقالت والأسى يعلو وجهها: من يوم ما رجعت هنا، وأنا حاسة إني مش عايزة أعمل أي حاجة، عايزة أرجع تاني، ما أعرفش إيه اللي جرى لي، غبت عن مصر عشرين سنة كاملة ما نزلتهاش ولا مرة واحدة ويمكن ما حسنتش فيها بالشوق، وحتى إن حسيت بسرعة كنت أكتمه وأشغل نفسي، وأنسى، ونسيت، لكن وأنا راجعة لها ومعايا جثة أبويا، كنت شاعرة بحاجة غريبة بتحصل لي، ما كنتش عارفاها ولا فاهماها، كانت أول مرة أحس بيها، عارف؟ أول ما المضيقة قالت: "إن إحنا دخلنا الأجواء المصرية" حسيت بقلبي مش في مكانه، وأول ما

حطيت رجلي على أرض المطار، حسيت إن فيه حاجة جت
ودخلت جسمي مرة واحدة، وكأنا كانت فارقتي لما سافرت
ورجعت لي لما رجعت، وما أخذتش في بالي، وعدت الأيسام،
ورجعت هنا تاني، لقيت حبيبي لمصر أكبر مني، أكبر من رغبي
في الحياة نفسها، إحساس قاسي قوي اللي يحس بيه دلوقتي.

-طب والحل يا صفاء؟ لو فكرتي ترجعي، مكتبك اللي هنا
وكم القضايا اللي فيه والجامعة واسمك اللي بنتيه، زمان قلت
لك ارجعي، ما كنتش ده بقي حالك لكن دلوقتي كل شيء
اتغير انتي بنيتي نفسك وبقي فيه ناس ملزومة منك.

-عارفة كل اللي بتقوله وهو ده اللي مقيدني وتاعبني.

-إنتي شوفتي فتحي؟

ابتسمت وقد عرفت مغزى كلامه فقالت: ولا مرة،
اختفى، حضر أيام العزاء الأولى، وبعد كده سمعت إنه راح
يشوف مصنعه اللي بيبيته.

- إيه ده عنده مصنع؟ هو للدرجة دي بقي غني؟

- فتحي اشترى الورشة اللي كان شغال فيها، وبقي عنده
أكثر من معرض في أماكن كثير، أنا نفسي شفت واحد منهم
في القاهرة، طول عمره فنان ويحب شغله جدًا.

-يعني انتم الاثنين شغللكم هو أهم حاجة في حياتكم،
نحتم فيه بدرجة إنكم أصبحتم مشاهير ويشار ليكم بالبنسان،
يجد مش عارف لحد دلوقتي كان صح فراقكم، ولا كان غلط،
كان يستاهل نحاحكم تضحوا بهواكم، ولا ما يستاهلش.. مش
عارف!!

-إحنا صحيح نجحنا، بس فاتنا الكثير وخاصة أنا، فاتني
أكون ست ليا بيت وأولاد، فاتني أشوف فتحي سنين وسنين،
فاتني أشوف الأيام والسنين وهي بتخط كل يوم خط في وشه
وفي عمره، فاتني أعيش مع أهلي وأحضر أفراحهم وأشاركهم
أحزانهم وأشوف أولادهم وهم بيكبروا يوم بعد يوم، حتى
صفاء بنت فتحي خلتنني أحس بشوق كبير إن يكون ليا بنت
زيها لما ضمتها في صدري ولما اتأملت ملامحها اللي حسيت إنها
شبهني وكأنها بنتي أنا.

-سمى بنته على اسمك؟

-أنا برضه استغربت زيك كده، لما مراته قالت لي: إن
ابنتها اسمها صفاء.

-قابليتها؟ وكلمتها؟ كده من غير غيرة أو خوف حتى؟

-أغير من إيه؟ وأخاف من إيه؟ دا أنا أشفقت عليها وهي
بتكلمني، عينيها كانت بتقول لي زى ما إنت قلت لي: زمان
"متعذب عايش وياها جسم من غير روح ميت مافيهوش
حياة"، كل الناس دي بتألم بسيني.

هو بي على نفسك، كفاياكي تعذيب وعتاب، كل اللي بيحصل
واللي حصل كان لازم يحصل، إنتم الاتنين بتحبوا نفسكم زيادة
عن اللزوم وكان لازم توصلوا للنهاية دي، لأنكم ببساطة لو
كنتم مع بعض، ماكنش حد فيكم عمل حاجة، عذابكم في
الحب هو اللي كان دافع للنجاح، إنني بس فتحتني

السكة وهو مشي الطريق زيك بالضبط، بس هو كان أضعف منك، ماقدرش يبدأ الطريق وأنت بدأتيه وفتحته قدامه وهو ببساطة خطى أول خطوة وحررك من قيده وقال لك "انطلقى".

-بس أنا نجيه.

-عارف، وبرضه هقول لك: "مجدك ونجاحك اللي صنعتهم طول السنين اللي فاتت ما يستاهلش منك تبيعهم كده بسهولة وترجعى وقدمي بيت عمره سنين وستين حرام عليكى"، وصمت برهة ثم أردف قائلا: "لسه العمر قدامك يا صفاء ممكن تعيشي حياتك اللي فاتتك، وتقابلي إنسان تأنسي له وتوديه مش شرط تعشقيه".

-كلامك الجميل الطيب هو اللي بيصيرني على الآمي، مش عارفة من غيرك كنت هعمل إيه، ولحد إمتى هتفضل واقف جنبي وأنا مش قادرة أكون لك عون في أي حاجة أو أخدمك بأي شيء.

-صداقتك أجمل خدمة، ثم لا داعي لأن أذكرك بأن جميلك عليا لا أقدر على نسيانه أو تقديره مهما فعلت.

-إنت لسه برضه معتقد إن أنا السبب؟

-أمال مين؟

-قلبك الطيب وعقلك المتفتح وربك الكريم اللي بيحبك وأراد إنه يهديك للإيمان وللحق، إن الدين عند الله الإسلام.

-وأنا بدعيه ليل نهار إنه يهديكي وينور بصيرتك يا صوفي.

ابتسمت ابتسامة صادقة وهي تقول: إنت أجمل إنسان في الدنيا دي.

-طب يلا بقي مريم زماها ماتت من الجوع وهي طائخة لك أكله يتموي فيها.

-يجد؟ طب هي إيه؟

-لا لما نوصل وتشوفي المفاجأة.

مرت الأيام ونسيت صفاء بعض جراحها بالانشغال في بحث جديد، يضاف إلى أبحاثها القيمة وإلى مجدها العلمي، ونشر البحث في عدة مجلات ودوريات متخصصة ولاقى ترحيباً كبيراً في الأوساط القانونية المتخصصة، واختيرت صفاء ضمن لجنة من القانونيين المهمين في باريس لوضع قانون جديد ودرسته قبل الموافقة عليه من الحكومة ومن الشعب الفرنسي، ونشر اسمها وصورها ضمن اللجنة في أكبر الصحف الفرنسية وأوسعها انتشاراً، مما دعا التلفزيون المصري ليحري معها حواراً يُذاع في مصر ورحبت صفاء جداً واستعدت لإجراء الحوار.

وجلست صفاء إلى مذيعة شابة جميلة جمالاً مصرياً خالصاً، وكأنهم اختاروها خصيصاً كواجهة مصرية تأتي لهم بأخبار من قلب أوروبا، رحبت صفاء بطاقم العمل، وجلست إلى المذيعة في مكتبها، لقد كانت تعيش في شقة صغيرة لم تُشأ تغييرها

أبدًا، نعمة ألما تعيش بمفردها، فلماذا تسكن بيت كبير رغم غناها وثروتها؟

قالت المديعة: نحن في مصر فخورون أشد الفخر بوجود أستاذة مصرية لها هذا الاحترام والتقدير في قلب فرنسا. -أشكرك.

-ممكن حضرتك تشرح لي إزاي وصلت لهذه المكانة؟

سردت صفاء بعض التفاصيل عن طريق كفاحها في إنجاز.

-هل هناك توضيحات؟

سردت برهة قبل أن تجيب: كثيرة.

-ممكن نعرفها؟

-أولها إني ضحيت بصحبة الأهل ورضيت بالغربة وآلامها، وثانيها إني تفرغت تمامًا لعملتي ونسيت حياتي الشخصية، أو بمعنى أدق تناسيتها.

-معقول واحدة بمكانة حضرتك وعلمها لم ترتبط أو تلتقي بحب؟

-معقول، ليه لا؟

-بس مش قادرة أقتنع إن حياة باريس وناسها لم يقدرُوا أن يأخذوا من وقتك أي شيء.

-هم أخذوا كثير لكن ماقدروش يأخذوا قلبي.

-يبقى قلب حضر.....

قاطعتها صفاء بحزم شديد لا يخلو من الاحترام والأدب
يكفى هذا.

-أسفة، لكن شخصية زى حضرتك الناس في مصر تحب
تعرف عنها الكثير اللي ممكن يستفيدوا منه.

-لا أعتقد إن حياتي الشخصية ممكن تفيدهم في شيء.

-هل تفكرين في العودة إلى مصر؟

-أفكر الآن أكثر من ذي قبل وبشدة، لكن ظروف عملي
في الجامعة ومكتب المحاماة الذي يعمل به نحو ثلاثون شخصاً
يعوقون فكرة عودتي.

-وإن طلبت مصر منك العودة؟

-لن أتأخر، فهي بلدي، بل هي عمري اللي عشته واللي
ماعتشوش، وما يعرفش قيمة الوطن إلا اللي عاش متغرب عنه.

-أكيد يا دكتورة مصر بتحب كل أولادها وخاصة
الناجحين أمثال حضرتك وتتمنى إنهم يكونوا على أرضها
وأكيد مش هيتأخر نداها.

-وأنا تحت أمرها.

وانتهى البرنامج الذي شاهده ملايين المصريين وعلى رأسهم
أسرة صفاء بل وبلدتها بأكملها وحييها الذي قام بتسجيل
البرنامج ليراه بين حين وآخر ويستمتع برؤيتها ولو صورة
أمامه.

آخر كلمات المذبة لصفاء مش هيتأخر نداها كانت تسرن
في أذنها، وكان المسئولين في مصر استمعوا للحديث المذبة
وطبقوه، لقد تلقت صفاء دعوة شخصية من عميد كلية
الحقوق بالقاهرة للعمل بالكلية وأعلى راتب يليق بمكانة
الأستاذة الكبيرة التي هي في الثانية والأربعين، وحقت نجاحات
لم يسبقها إليها أحد في مصر كلها، وطارت بالدعوة وقبلتها
على الفور ودون تردد أو تفكير، وذهبت تسرف البشرى
لصديقها الوحيد أحمد وزوجته مريم اللذين استقبلا الخبر
بدهشة لا مثيل لها، ولكن فرحتها الغامرة والتي يراها لأول
مرة منذ عرفها منعتهما من أن يبديا أي اعتراض.

استقالت صفاء من الجامعة التي حزن المسئولون فيها وعلى
رأسهم الدكتور جيرارد على مفارقتهم لأستاذة مثلها،
وأخبروها أنها في أي وقت تُقرر العودة فمكانها محفوظ، أما
المكتب فتركته تحت إشراف أحمد وفي يد جو المتصرف الأول
فيه، وهي سوف تتابع كل شيء من مصر، وقبل سفرها وعن
طريق الإنترنت، اشترت فيلا صغيرة في إحدى المدن الجديدة
المجاورة للقاهرة، اتجهت لبيتها في القاهرة بمحرد نزولها أرض
مصر وكانت قد تركت مهمة فرش الفيلا لأخيها، فقام فتحى
بانتقاء الأثاث كله على ذوقه الذي يعلم تمام العلم كم تعشقه،
ورفضت العودة لبلدنا فهي مازالت تخشى رؤيته.

بعد يومين من عودتها، انجذبت إلى كلية الحقوق جامعة القاهرة، أعرق كلية في مصر، تلك الكلية التي تخرج فيها أعظم الشخصيات في تاريخ مصر، شخصيات كتبت بنضالها كل حرف من حروف التاريخ، وجامعة القاهرة أول جامعة في مصر، جامعة فؤاد الأول سابقاً، هل تصدق ذلك يا صفاء؟ هل تخيلين ذلك؟ أنت هنا في جامعة القاهرة العريقة.. شيء لا يصدق؟ قال صوت في داخلها: "لقد درست وعملت من قبل في أعرق جامعة وأفضل جامعة في باريس، السوربون".

فقالت: وماذا يعنى هذا؟ صحيح السوربون رائعة، ووهو إنجاز أن تكون من ضمن فريق الأساتذة فيها، ولكن أن تسعي جامعة القاهرة لصفاء لكي تكون مدرسة بها، فذلك كان شيئاً عظيماً وحلماً لم يكن ضمن أحلامها.

وتصدّر خير عودتها بعض الصحف التي سعت لإجراء أحاديث معها، ودخلت صفاء بسيارتها الجديدة من باب الجامعة العريقة التي كانت تحلم قديماً بأن تكون من طلابها فإذا بها تدخلها مدرسة.

واستقبلوها استقبالاً حافلاً، وعلى رأس مستقيلها كان رئيس الجامعة وعميد الكلية وجميع المدرسين بالكلية، وسعدت صفاء جداً بهم وأثنوا عليها بشدة حتى اعتراها الخجل منهم،

وحاولت التواضع أمامهم بالإشادة ببعض أبحاث الأساتذة المتميزين، وذكرها بالاسم لتبين لهم كم تسعى هي لمعرفة الجديد مما يقدموه، وكم هو مفيد لها ولغيرها من المهتمين بالقانون الدولي في العالم بأسره.

ونالت شخصية صفاء إعجاب الجميع دون استثناء، بل ومن أول لقاء حرص البعض على التقرب منها وخاصة النساء كالدكتورة أميمة عثمان أستاذة القانون الجنائي، والدكتورة مديحة الصاوي أستاذة الشريعة، كذلك تقرب منها الدكتور رشاد أبو طالب أستاذ القانون الدولي، والتي أشادت هي ببحثه أمام جموع الحاضرين.

وتقرر أن تدرس صفاء مادة القانون الدولي لطلبة الفرقة الثالثة في الفصل الدراسي الأول الذي كان على وشك البدء.

أيام قليلة وبدأت الدراسة وانتظم الطلبة في الحضور بعد الأسبوع الأول من بدء الدراسة كما هي العادة في كليات مصر على عكس هناك، حيث الدراسة كانت تبدأ جادة في أول يوم.

دخلت المدرج فوجدته خاوياً، إلا من بعض الطلبة، حيثهم وقالت: احتراماً لكم والحضوركم دخلت المحاضرة ولكني أريد أن أرى الجميع هنا لأني جديدة وأريد أن تتعرفوا إلي وإلى أسلوب الذي سوف أتبعه في تدريس المادة معكم، لهذا أنا أعتذر اليوم عن إعطاء المحاضرة، حتى يتسنى للجميع الحضور الأسبوع القادم.

والآن ممكن استعراض الموضوعات التي ستشملها مادتنا، لم
تزد عن نصف ساعة ثم انصرفت وقد تركت انطباعاً سيئاً لدى
الطلبة الحاضرين فلقد تخوفوا منها بشدة.

وفي اليوم المقرر لها، كانت في الكلية منذ الثامنة صباحاً، مع
أن موعد المحاضرة في التاسعة، ولكنها اعتادت دائماً الذهاب
مبكراً حتى تستعد جيداً للمحاضرة.

وولجت قاعة المحاضرات كعادتها تنظر في الأرض حتى تصل
للمنضدة المخصصة لها لتلقى عليها بأوراقها، ثم تستدير لتواجه
الطلبة وفي أثناء دخولها ألقت عليهم تحية الصباح بالفرنسية،
فأفاقت على رد الطلبة عليها بإدلولها التحية فقالت: آسفة يا
جماعة، اعتدت لسنوات أن أدرس للطلبة بالفرنسية على
العموم، السلام عليكم ورحمة الله وبركاته، رد الطلبة تحيتها
فقالت: أحب أعرفكم بنفسى أنا الدكتورة صفاء محمود أستاذ
القانون الدولي، أول مرة أدرس في مصر لقد كنت مدرسة في
كلية الحقوق جامعة السوربون.

وشاهدت الدهشة على وجوه الطلبة وكذلك تخوفهم من
الوافدة الجديدة بعلم أوروبا.

ضحكت وهى تقول: تعرفوا الطلبة في مصر ما اتغيروش
كثير عن زمان، لسه زى ما هم، على فكرة ماتقولوش خوجاية
وجاية تفرد عضلاتها علينا، أنا عارفة كويس إيه بيدور في دماغ
كل واحد فيكم، أنا فلاحه من مصر وخريجة جامعة طنطا،

يعني لم أتشرف بكوني خريجة تلك الكلية العريقة التي تدرسون بها الآن، ولكن يشرفني أن أكون ضمن طاقم أساتذتها، المهم لا أحب أن يضيع وقتنا يجب أن أتكلم سريعاً عن كيفية تدريس تلك المادة.

بداية أنا ما عنديش كتاب، كل كتي بالفرنسية، المحاضرات تحت أمركم اللي يحب يصور الورق أهلاً وسهلاً واللي يحب يكتب ورايا برضه أهلاً وسهلاً، وإن كنت أفضل تكتبوا ورايا، باقي حاجة واحدة في نهاية كل محاضرة هقول عنصراً صغير مطلوب منكم تروحوا المكتبة، وتبحثوا في الموضوع، وتقدموا لي ورقة بحث، وسأقبلها وإن كان بحثاً من صفحة واحدة، وسأقرأها جميعاً، ولن أقبل بال تكرار والتشابه، قد تظنون أنني لن أقرأ ألفي بحث، ولكن أنا فاضية، ما ورايش حاجة غيركم، مكتبي في باريس أديره من هنا، فيه بدل المحامي ٣٠، هتقولوا "جاية لنا بأسلوب بره تطبيقه هنا" هرد وأقول "إن ده ما كتش أسلوب هناك بالعكس أنا كنت بدخل أقول المحاضرة وأطلع لكن هناك الطلبة رائحة عشان تتعلم وتدرس وتفهم..هم من نفسهم كانوا يبيحثوا ويتناقشوا مع بعض ومعاًيا ومع كل أستاذ مش كل غرضهم نيل شهادة يعلقوها على الحائط".

نسيت أقول لكم إيه عقاب أي بحثين متشابهين، أو من لا يقدم ورقة البحث كل أسبوع، بكل بساطة أولاً مايدخلش محاضرتي مرة ثانية، وثانياً: مالوش امتحان عندي، ومفيش مخلوق يقدر يراجعني في قراري، ومش هحس إني ظلمته ومش هسامح حد، اتفقنا؟ أعتقد ذلك.

بدأت صفاء في شرح أولى محاضراتها، ولكم أعجب الطلبة بأسلوب شرحها وقدرتها على توصيل المعلومة رغم خوفهم منها ومن تنفيذ هدياتها!

وفي الأسبوع التالي، تسلّمت الأبحاث التي عكفت على قراءتها طوال الأسبوع حتى موعد المحاضرة التالية، وفي إحصاء بسيط، استطلعت صفاء قدرات طلابها، وذهبت للمحاضرة ودخلت القاعة بكل ثبات، ألقت التحية ثم أمسكت بورقة وقرأتها، كانت أسماء عشرة من الطلاب والطالبات أمركهم بالوقوف، ثم قالت: حذرت من تشابه الأبحاث وانتم أبحاثكم نقل مسطرة، وإن غيرتم في الترتيب، لكن أنا عرفت وفي المقابل اتفضلوا برّه، ومالكوش درجات عندي، ولا هتدخلوا الامتحان.

حاول الطلبة معها، فلم تستمع لأي منهم، فسوها كانت فظيعة ولكن هكذا يتعلمون جميعاً ألا يتهاون أحد منهم، ثم نادى اسمين آخرين، محمد السلاّموني، وملياء عبد العليم الصياد، قام الاثنان وهما يرتعدان خوفاً فقالت صفاء: أنتما؟

فأجابا الاثنان في نفس اللحظة وبخوف شديد: نعم.

صفت صفاء، فاندثرت الاثنان ومعهما الطلبة كلهم فقالت: مفيش داعي للدهشة، أنتما رائعان بحق، أفضل بحسين على الإطلاق، في الأسلوب، والترتيب، وتجميع الموضوعات أنتما أوائل الدفعة مش كده.

قال محمد: أنا الأول.

بينما نظرت لمياء في الأرض وقالت: أنا مش من الأوائل.

-ممكن أعرف ليه؟ سألت صفاء.

لمياء: ظروف.

-مفيش حاجة اسمها ظروف، فيه حاجة اسمها أسباب ونتائج، صمتت الفتاة ولم ترد، وعلى الفور أدركت صفاء ما بنفسها فاحترمت صمتها وقالت: المهم إن بحثك وبحث محمد ممتازين، وياريت يبقى فيه حد تاني زيهم، لكن للأسف الفارق بين بحثكما وأبحاث الآخرين كبير، كأننا نتكلم عن مائة في المائة وخمسة في المائة، هل تسرون النسبة معي، الجميع باستثنائكما كان كمن يقضي واجباً فقط دون متعة أو رغبة، أما أنتما فشئ مختلف.

وبعد المحاضرة طلبت من محمد ولمياء الحضور إلى مكتبها وقد فعلا، وقبل أن تجلس إليهما، دخل العشر طلاب المغضوب عليهم وحاولوا معها حتى ترجع في قرارها.

فقال: عمري ما منعت طالب من دخول امتحاني، لكن إنتم استهترتم بكلامي، يعني بتسخروا مني.

قاطعوها: لا والله.

-دلوقتي بتقاطعون وأنا بتكلم.

-آسفين.

- كل ما بتغلطوا كل ما بيزيد أسفكم، وفي النهاية هتبقوا
أشخاص مبتذلة ملهائش كرامة اعتادت الأسف، على العموم أنا
هجر بكم مرة ثانية بس. الأسبوع الجاي هأخذ منكم ورقتين
ببحث، بتاع النهارده، والبحث اللي نقلتوه من بعض، وأقسم
بالله إن كانت الأبحاث نسخة من بعض لهكون السبب في
رفتكم من الكلية، اتفضلوا من هنا يلا.

وخرج الطلبة وهم يتنفسون الصعداء.

وجلس صفاء مع محمد تتعرف عليه، كان أبوه وأمه
مدرسين، وهو أكبر إخوته، وأرادت أن تتعرف إلى لمياء ولكن
الفتاة صمتت، فأمرت محمد بالخروج حتى تجلس مع الفتاة
بمفردها.

فقالت: أنا كان ممكن أبقى الأولى، أنا جاية جيد مرتفع، ما
أفرقش عن محمد غير بعض درجات في السنتين اللي فاتوا.
- إيه مشكلتك يا لمياء؟

- مشكلتي في بيت وأسرة وأب وأم، لكن أنا ماعنديش حد
من دول، أبويا سافر يشتغل بره مارجعش، وأمي بتشتغل طول
اليوم عشان تحيب اللقمة ليا أنا وأخواني، وتدفع إيجار البيت،
وبعد الكلية يشتغل في صيدلية من اللي بتسهر طوال الليل ما
يلحقش أذاكر فيها كويس.

- أولاً شغلتك دي مش عجباي.

- طب وهعمل إيه، دي الشغلانة الوحيدة اللي عرفت
ألاقيها بعد الظهر.

-بس يا بنتي لازم تخافي على نفسك بالليل، ودي صيدلية
يعنى ممكن يجيلك مدمن، مسطول، أي حد بالليل.

-بس أعمل إيه؟

-أنا كنت بشتغل وأنا طالبة بس اخترت شغلانة صح.

-اشتغلي إيه حضرتك؟

-سكرتيرة في مكتب محامى.

-حضرتك؟

-أيوه أنا، على العموم أنا هفكر في الموضوع ده، وهرد
عليكي الأسبوع الجاي قبل ما تمشى ممكن تقولي والدتك
بتشتغل إيه بالضبط.

نظرت الفتاة في الأرض ثم قالت: في البيوت.

-أنا مش عاوزاكي تخجلي من حاجة، أمك ست بتنفع
نفسها وتنفعكم، مش أحسن ما كانت تمشى في طريق حرام،
المفروض تفخري بيها.

-أنا صعبان عليا حالنا، قبل ما أبويا يسافر كان حالنا غير
دلوقتي كنا عايشين فوق الأرض مش تحتها.

-ممكن تسيبي لي عنوانك؟

-عنواي أنا؟؟!!

-أيوه من فضلك.

-حاضر، وكتبته لمياء للأستاذة وانصرفت.

وبدأت صفاء تفكر كيف تخرج بهذه الفتاة من بؤرة الضياع إلى النور؟ كيف تنشلها من بيئة وحياة قد تقضى عليها؟

ولكن كيف ذلك؟ إنها لا تعرف أحدًا من المحامين لكي تتوسط لها، فتعمل عنده، كما أنه ليس من اللائق أن تطلب منها أن تعمل والدتها لديها، فتزید من إحساس الفتاة بالمرارة، واهتدت إلى أنه إذا أغلق الباب الوحيد الذي تفكر فيه في وجهها، ستجعلها تعمل لديها كسكرتيرة خاصة، تنظم لها أوراقها، ومواعيدها رغم أنها ليست بحاجة لمن يعينها على ذلك.

وقبل أن تطلب منها ذلك، تحققت بالفعل من المكان والبيئة التي تحيا فيها لمياء لذا وجب عليها أن تطرق الباب الأول الذي فكرت فيه في أثناء زيارتها للأستاذ الدكتور سيد، صاحب العون الكبير لها والأب الروحي الذي طالما شعرت بالامتنان الشديد له.

جلست معه في حديقة فيلته الأنيقة، وقالت: أود أن أطلب منك طلبًا يا أستاذي العزيز.

-تؤمري يا صفاء.

-ممكن تتوسط لي لدى أحد المحامين لتعين فتاة كسكرتيرة للمكتب فترة بعد الظهر؟

-إيه دي؟ صفاء ثانية؟

-ممكن تكون، بس حياتها صعبة شويتين، ونحفت عليها،
وخاصة إنه ممكن يكون ليها مستقبل مع قليل من الرعاية.

-بسيطة يا دكتورة تعين في مكنتي.

-إيه ده مش حضرتك قفلته؟

-تفتكري أيمن اللي كان بيشتغل معايا زمان؟

-طبعا.

-أيمن كان محامي ممتاز ومازال، أخذ المكتب وقضاياه وكبر
بيه وأصبح محامي مشهور، ممكن أكلمه يعينها عنده، بل ممكن
أكلمه يجي دلوقتي حالا، وكلمه الأستاذ وأتى على الفور،
وقضى يوما جميلا مع أستاذه ومحبته السابقة وأخذت صفاء
منه وعدا بتعيين لمياء لديه من الغد.

ولم تنتظر للأسبوع التالي كما حددت لها، بل أرسلت في
طلبها في الصباح وأخبرتها، وفي المساء كانت بصحتها لدى
أيمن في مكتبه، وقد تسلمت عملها على الفور وبراتب جيد
أيضا.

واطمأنت صفاء على الفتاة، وشعرت بأنها راضية عن حالها
الآن.

بدأت صفاء في الاندماج والامتزاج مع الطلبة الذين أحبوا بشدة واعتادوا أسلوبها، وبدأ الجميع حضور محاضراتها، ليس خوفاً، وإنما حباً لها ولطريقة تبسيطها للمادة.

وفي أحد الأيام، أنهت محاضراتها، وجلست في مكتبها تقرأ أبحاث الطلبة، فإذا بنقر خفيف على بابها، أمرت صاحبه بالدخول، فدخلت للحجرة فتاة رقيقة استأذنتها في الحديث إليها، فقالت لها: فيه حاجة؟

ارتبكت الفتاة وعلت حمرة الخجل وجهها وهى تقول: مفيش.. بس أصلي معايا رسالة لحضرتك؟

-رسالة من مين يا ترى؟ وقبل أن تجيب الفتاة دعنها للجلوس.

جلست الفتاة ثم قالت: من بابا.

-بابا ويعرفني مين؟

-أنا لما قلت له إن حضرتك بتدرسي لينسا، قال لي إنه يعرفك وطلب مني إنك تسمحي وتقابليه.

-بابا اسمه إيه يا حبيبتي؟

-اسمه المستشار عماد سعيد.

-إنتي بنت عماد.. معقول؟ بس أكيد مش الكبيرة.

-إنت السبب ماتنساش.

قضت وقتاً طويلاً آخر مع ذكريات ماضيها، وفي وسط دفء الأسرة الذي لم تعرف له طعمًا منذ أكثر من عشرين عامًا،

ثم عادت إلى فيلتها وحيدة لا أحد معها ولا صوت يؤنسها، غير صوت الوحدة القاتلة، عادت وهى تتعجل الصباح لتذهب لعملها.

وقارب الفصل الدراسي على الانتهاء، بل إنه انتهى وبدأت الامتحانات، وفي اليوم المحدد لامتحان مادتها، كان الطلبة قبل دخوله مذعورين خائفين، ولكن انظر إليهم بعد الامتحان، إن فرحتهم غير مسبوقة، وتوافدوا إلى مكتبها ليشكروها على الامتحان، ناسين أن تحصيلهم يجد هو سبب فرحتهم بالامتحان وليس لأنها أتت بأسئلة سهلة، وما إن انتهت الامتحانات حتى استعدت صفاء لرحلة سياحية داخلية في قلب مصر مع صديق عمرها أحمد وزوجته وطفليهما الذين دعتهن خصيصاً لقضاء العطلة معها.

واستقبلتهم في مصر استقبالاً حاراً، يحمل شوقها الكبير لهم وشوقهم لها، وأقاموا في منزلها، وفي اليوم التالي لوصولهم شاهدوا معظم معالم القاهرة من قلعة صلاح الدين للمتحف للأهرامات والصوت والضوء، وتزهوا في النيل، وزاروا بانوراما حرب أكتوبر ودار الأوبرا، يومان في القاهرة قبل أن

-جد؟!!

-أه بنتي الكبيرة اتجوزت من ستين، نسييتي إني اتجوزت
بدري؟

-صحيح خطفوك.

قاطعتهما ابنته سمر لتستأذن في الذهاب لمحاضرتها، وتركتهما
يواصلان الحديث.

-كان لازم أتجوز، عشان ما أعيش على أمل مفقود.

-طول عمرك عملي يا عماد.

-لكن مش خسارة عمرك اللي ضاع عشان إنسان ما
يستھالش؟

-أرجوك يا عماد.

-لسه برضه عندك استعداد تتخافني عشانه؟

-وأضحى بحياتي كلها عشانه.

-حتى بعد ما سابك واتجوز يا صفاء؟

-فتحي ما سابنيش، أنا اللي سيبته، ولو كنت مكانه كنت
اتجوزت أنا كمان.

-طب ليه ما اتجوزتيش؟

-عشان ما قدرتش أكون لحد غيره.

- ياه عليكى! هتفضللى أغرب واحدة شفتها في حياتى كلها.

- سيبك منى، أخبار ناس زمان إيه؟

- أنا زى ما إنت عرفتي، شريف ساب الحمامة واشتغل في التجارة وربنا فتحها عليه من وسع، داليا وسهر اتجوزوا ومازلت بقابلهم كثير، بقوا أصحاب مراقى، وكمان أنا صديق شخصي جدًا لأزواجهم، وكلنا أصبحنا من سكان القاهرة.

- إنت ما تعرفش أد إيه أنا سعيدة بمقابلتك دي.

- أنا الأسعد لكن عندي ليكي مفاجأة لازم تشوفها لما تيجي معايا دلوقتي.

- على فين؟

- على بيتي.

- بس.....

- من غير بس يلا بينا.

وانطلقا إلى شقة عماد في الحي الهادئ الذي يسكن فيه، وهناك وجدت في استقبالها الرجل العجوز، الأستاذ الكبير الذي أعطاها أولى فرص حياتها، ومهد لها الطريق لتسير فيه ولم تقف للآن. فاندفعت نحو الرجل تحتضنه وهو فرح جدًا بلقائهما، فبرغم سنوات عمره الطويلة لم يجد أحداً مثلها. قال عماد: من لقي أحبابه نسي أصحابه.

-إنت السبب ماتنساش.

قضت وقتاً طيباً آخر مع ذكريات ماضيها، وفي وسط دفء الأسرة الذي لم تعرف له طعماً منذ أكثر من عشرين عاماً،

ثم عادت إلى فيلتها وحيدة لا أحد معها ولا صوت يؤنسها، غير صوت الوحدة القاتلة، عادت وهى تتعجل الصباح لتذهب لعملها.

وقارب الفصل الدراسي على الانتهاء، بل إنه انتهى وبدأت الامتحانات، وفي اليوم المحدد لامتحان مادتها، كان الطلبة قبل دخوله مذعورين خائفين، ولكن انظر إليهم بعد الامتحان، إن فرحتهم غير مسبوقة، وتوافدوا إلى مكتبها ليشكروها على الامتحان، ناسين أن تحصيلهم بجد هو سبب فرحتهم بالامتحان وليس لأنها أتت بأسئلة سهلة، وما إن انتهت الامتحانات حتى استعدت صفاء لرحلة سياحية داخلية في قلب مصر مع صديق عمرها أحمد وزوجته وطفليهما الذين دعتهم خصيصاً لقضاء العطلة معها.

واستقبلتهم في مصر استقبالاً حاراً، يحمل شوقها الكبير لهم وشوقهم لها، وأقاموا في منزلها، وفي اليوم التالي لوصولهم شاهدوا معظم معالم القاهرة من قلعة صلاح الدين للمتحف فالأهرامات والصوت والضوء، وتزهوا في النيل، وزاروا بانوراما حرب أكتوبر ودار الأوبرا، يومان في القاهرة قبل أن

ينطلقوا إلى الأقصر وأسوان التي كانت صفاء تشاهدها لأول مرة، بينما أحمد كان قد أتى لمصر في زيارة سابقة وهو شاب صغير، حين كان مُغرماً بالرحلات وتمتعا بياقي الأسبوع في المدينتين الساحرتين ليقضوا بعدها ثلاثة أيام في ربوع شرم الشيخ، قبل أن ينطلقوا إلى فرنسا، ومعهم صفاء التي سافرت لتتابع مكتبها وقضاياها هناك، خاصة أنها سوف تدرس الجزء الثاني من الفصل الدراسي لطلبة الفرقة الثانية، حيث تشترك وأستاذ آخر في تدريس المادة، وسعدت بتلك الحياة الجديدة التي تجمع بين مصر وفرنسا في آن واحد.. في تلك الأثناء، كان فتحي في إيطاليا، يوقع عقود تعاون مشترك بين مصنع لإنتاج الأثاث ومصنعه، فقد اتفق على فتح سوق للمصنع الإيطالي في مصر وكذلك فتح سوق لمصنعه هناك، هذا بعد أن شاهد تصميمات عدة رأى أن بعضها يتماشى مع الذوق المصري، كما أنه منذ سنوات وسنوات ومن قبل أن يمتسهن المهنة، والنحارون في مصر ينفذون موبيليات من كتالوجات إيطالية ويعرف مدى حب الناس للذوق الإيطالي، كانت تصميماتهم سهلة وتنفيذها ميسوراً، وإنما هو يبغي من وراء هذا التعاون انتشار الأثاث الذي يصنعه في مصر بتصميم مهندسين مصريين وتنفيذه هو وعماله، هناك، رغم أن فتحي صار رجل أعمال، إلا أنه مازال يعشق قطعة الخشب والتعامل معها كفنان نحّات

يعمل على منحوتته حتى تصير كتلة فنية، صائغ يُشكّل ذهبه ليصبح قطعة حُلّي تزيّن جيد حسناء، هكذا هي قطعة الأثاث التي يصنعها، تحفة فنية تبرز المكان الذي توضع فيه وتزينه.

لذا فهو مازال يعمل بيديه وسط عماله، سواء في الورشة القديمة أو في المصنع وعاد من إيطاليا، لعمله وبيته.

عادت من فرنسا، رجعت لعملها دون أن تفكر في أن تطأ قدمها أرض بلدها،

بدأت في تدريس منهج القانون الدولي لطلاب الفرقة الثانية الذين كانوا مؤهلين نفسياً لاستقبال صفاء، بعد أن سمعوا عنها من طلبة الفرقة الثالثة، لذا كانوا في قمة تعجبهم ودهشتهم عندما وجدوا أسلوباً آخر غير الذي سمعوا عنه، لم تشأ صفاء أن يأخذ الطلبة عنها فكرة عدم التجديد فيحفظوا أسلوبها ويأمنوها، هي تريد لهم دوماً في حاجة لأن يبحثوا، حتى لا يصيبهم الملل وتفقد العملية التعليمية مغزاها.

الأيام تمر بها بين فرنسا ومصر، وفجأة ودون إنذار، فقدت أستاذها وصاحب الفضل الكبير، رحل أبوها الثاني، هكذا الكل يتركها ويرحل، وأثر فيها جداً موت الدكتور سيد، حتى إنها ارتدت الأسود مدة طويلة، وغابت عنها البسمة وصارت تلازم أرملة العجوز معظم الوقت، ثم هرب إلى فرنسا وتعود تنغمس في حزنها من جديد... لم يخفف عنها سوى إخوتها الذين

يأتون بين الحين والآخر ليزوروها كلما سنع الوقت، كذلك عماد ووالده الذين وقفا إلى جوارها حتى نخطت تلك الأزمة.

مرّ عام ونصف على وجودها في القاهرة، ولكنها تغيب الآن في فرنسا مدة إجازة الصيف، قبل أن تستأنف الدراسة وفي أثناء وجودها بفرنسا شعرت ذات صباح بانقباض شديد، وتمثلت أمامها صورة فتحي أكثر من مرة، وخشيت أن يكون هناك مكروه أُلْم به، وحاولت نبذ الفكرة، ولكنها سرعان ما عاودتها، فاتصلت مسرعة بأخيها الذي كان صوته حزينًا جدًا فسألته: فيه إيه؟ مالك؟

-مفيش حاجة إنتي عاملة إيه؟

-أنا كويسة الحمد لله، فتحي ماله يا سيد؟

-كنت عارف إنك لازم تعرفي من غير ما حد يقول لك.

قاطعته مسرعة: ماله يا سيد؟

-مراته تعيشي إنتي، بيصحبها الصبح ما صحيتش، كانت ملاك يا صفاء، ست مفيش في طبيعتها ولا حنيتها.

-الله يرحمها، مسكين يا فتحي مسكين.

-حالته صعبة قوي.

لم تكمل المكالمة، لقد تركت لعينها العنان لتبكي وتبكي، ليس حزنًا على المرأة المتوفاة، وإنما مشاركة لحبيبها، فهي تبكي ألمه وحزنه، فلقد عاشت المرأة عشرين عامًا، تحملت فيها ما لم

تَحْمِلُهُ امْرَأَةٌ أَيَّا كَانَتْ، إِلَّا إِذَا كَانَتْ نَحْبَ، لَقَدْ أَحْبَبْتَهُ، بَلْ
عَشَقْتَهُ، وَهِيَ تَعْلَمُ أَنَّهُ لَا مَكَانَ لَهَا بِقَلْبِهِ الْعَاشِقِ الْوَالِدِ بِامْرَأَةِ
بَعِيدَةٍ تَفْصِلُهَا عَنْهُ مَسَافَاتٌ طَوِيلَةٌ، ضَحَّتْ بِحُبِّهِ لِأَجْلِ نَفْسِهَا
لَكِنَّهُ يُعَشِّقُهَا وَيَهْوَاهَا.

وَأَرْسَلَتْ تَلْغَرِافَ عَزَاءٍ مِنْ فَرَنْسَا، وَلَكِنَّهَا لَمْ تَسْتَطِعْ أَنْ
تَعُودَ لِمِصْرَ فِي تِلْكَ الْآوَنَةِ، حَتَّى لَا يُقَالَ إِنَّهَا ظَهَرَتْ فِي الصُّورَةِ
بَعْدَ وَفَاةِ زَوْجَتِهِ، وَكَأَنَّهَا كَانَتْ تَنْتَظِرُ مَوْتَهَا، اكْتَفَتْ بِتَلْغَرِافِ
الْعَزَاءِ.

عادت صفاء بعد شهرين إلى مصر، وهي تستعد فكرة أن تعود لبلدتها، وكانت ترفض كل طلبات إخوانها لزيارتهم وتعلل بعملها ومشاغلتها، حتى جاء يوم كانت تعمل في مكتبها بالكلية، دخلت عليها السكرتيرة تخبرها أن قريباً لها يود مقابلتها، وتعجبت صفاء من هذا القريب ولم تشغل بالها، وطلبت منها أن تدخله، وما إن ولى من الباب حتى فغرت فاهها وتلاحقت الأنفاس وارتعدت الأوصال وارتعشت الشفاه وسقط منها القلم، وهمت بأن تقوم من مكانها فلم تحملها قدمها، فإذا بيده تعينها لتقف أمامه وجها لوجه، غير مصدقة، صافحته بقوة وهي تحديق في عينيه وتعانقهما عناقاً قوياً، ثم ارتمت في حضنه، تدوب وتدوب حتى صارت داخل جسد صاحبه وانغمرت دموعها ودموعه لتشارك في هذا العناق الملتهب بعد فراق طويل وشوق حمسة وعشرين عاماً، في سرعة البرق عادت صفاء للوراء شابة في العشرين وليست امرأة في الخمسين من عمرها، حاولت أن تنطق اسمه ولكن حبس صوتها وأبى أن يخرج، ظلت بحضنه تخشى مفارقتها مرة أخرى، لم يكن فتحي أقل حالاً منها بل إن شوقه لها يفوق شوقها بمراحل، إن حبه لها لم ينقص بل كان يزداد يوماً بعد يوم.

مازالت لم تنطق ولم ينطق، أخذت حقيبتها ومفاتيحها وأخذته من يده وانطلقت به خارجة دون أن تعبأ بكلام

السكرتيرة عن موعد محاضرتها، طارت صفاء بصحته، ركبت وهو سيارته واتصلت بسائقها ليلحق بها إلى المنزل، لم يكن بمقدوره هو الآخر الحديث، إنه لا يشعر إلا بها ولا تشعر إلا به، تَفَجَّرَ هوى السنين هكذا مرة واحدة، كل مخزون الأعوام الماضية تجسّد أمام أعينهما فلم يعد أي منهما يرى سوى الآخر.

سار بالسيارة إلى بيتها، وطوال الطريق لم يتبادلا كلمة واحدة، فقط ينظر إليها، يراها بين حين وآخر وهي تتطّلع إليه وهو يقود.

دخل معها هو فيلتها الصغيرة، نظر حوله بإعجاب للمكان وأخيراً نطق: جميلة.

فردت بابتسامة: ومثلثة بفنك، أعرفه متى أراه.

-لقد اخترت كل قطعة هنا بنفسى.

وعاد الصمت يغلف المكان قبل أن يستدير لها، فمضت لحضنه مجدداً وهي تقول: وحشتني..... وحشتني قوى.

زفر زفرة قوية وهو يعتصرها أكثر وأكثر: "دلسوقتي بس حسيت إن الحياة رجعت لي مرة ثانية، وإني عايش من جديد".

ابتعدت قليلاً عنه لتنظر في عينيه وتقول: "نفس العينين ما اتغيروش هم دول كانوا صُحبي في أيام غربتي، صورتك كنت بصحا وأنام عليها وهي في حضني سنين وسنين، كل أحلامي

كانت معاك، كل أفراحي اتمنيت تكون شريكى فيها وما
كانت تكمل إلا لما أروح البيت وأبص لصورتك وأحتفل
معاها وأكلمها لحد ما يغلبني النوم وأناام".

-حالك ما يختلفش عن حالي كثير، وإن كنت بعاني من قيد
بمعني أحمل صورتك معايا فين ما أروح، أو أحطها جنب
سريري، كنت بحطها في رأسي وفي خيالي وفي خزنتي مع كل
صورك وأخبارك في الجرائد وشريط فيديو للبرنامج اللي اتزاع
ليكي في التلفزيون.

-عارفة إنك كنت بتعاني أكثر مني ألف مرة، وإن مراتك
كان ليها عليك حق.

صمتت برهة ثم قالت: البقاء لله.

-ونعم بالله، شكرًا على البرقة.

-ما قدرتش آجي بنفسي.

-آه لو عرفتها، كانت ملاك، اتحملت كثير قوى يا صفاء،
الوحيدة اللي شالت ذنبي وذنبتك رغم إن ما كنش ليها ذنب!

-عارفة يا فتحي ويوم ما قابلتها أشفقت عليها وجرححتني
نظرة عينيها.

وطفر الدمع من عينيها، فاقتربت منه وبأناملها مسحت
دموعه وهي تقول: "بعد النهارده مش هنبكى تاني يا فتحي

مش هنسمح لعينينا حتى تفكر يوم في البكا كفيانا، نفسي
أفرح من قلبي زى زمان، نفسي أرجع الضحك لحياتي أيام ما
كنت معاك".

-إنتي اللي اخترتي الحياة دي.

-ماتلومنيش، أنا من أول سنيني هناك وأنا حاسة بالندم،
بس كان الوقت اتأخر وبقي ليك زوجة وبنت، كان رجوعي
مستحيل، عشت سنين في ندم وألم وكل ما أفكر حياتك
كزوح وأب أرجع لساقية العمل وأشتغل... وأشتغل.. لحد ما
ياخدني الوقت وأنام، كنت بعمل شغل يومين في يوم واحد
ولما يسألوا "إمتى عملتي ده؟" ولا يقولوا "إدي لنفسك راحة
وانسي الشغل" أقول لنفسي: "أنساه مع مين؟ وإزاي؟ ده هو
سلوتي".

-ليه ما اتجوزتيش يا صفاء؟ ما تقوليش عشان بتحبيني، أنا
اتجوزت وأنا بحبك أكثر من حبك إنتي لي.

-عارفة، ومش حقول لك: "ماحاولتش"، أنا حاولت
وحاولت مرات كثيرة، وكل واحد أفكر إن هو ده اللي
هيكمل معايا حياتي ويبدأ خلاص الموضوع يدخل في الجسد،
تلاقيني أناديه باسمك وأكلمه على إنه إنت، وألاقي صورتك
بقت مكانه وكأني كنت بدور فيهم عليك!

-معقول ده؟!

-من عشر سنين اتعرفت على رجل أعمال مصري هناك،
أرمل وله طفلين اتقرب مني بعد ما جه للمكتب بقضاياها

للشهرة الكبيرة لمكتبي هناك، يعني جاني عشان أنا محامية شاطرة
وليا اسم، وعرض عليا الجواز وكنت هوافق بالفعل لكن
بشرط... تعرف إيه هو؟

- إيه؟

-أسيب الشغل اللي عشت بيه وليه وضحت بأغلى حاجة
في حياتي عشانه.

ضحك فتحي، فقالت: بتضحك؟! أنا يومها اتصرفت مع
الراجل بشكل أقسم لك إنه للآن يعتقد إني مجنونة ولولاك لما
استطعت العودة لحياتي.

-إزاي؟

-لما اتصلت بيا وكنت تعبانة وقلت لسك إن اتصالك دا
هيفليني أقف على رجلي تاني.

-بحبك.

-ياه! ياه! من زمان وأنا نفسي أسمعها وأقول لسك إني
بحبك... بحبك قوى يا فتحي يا فنان.

-تجوزيني يا صفصف؟

اتسعت عيناها عن آخرهما وهي لا تصدق ما تسمع،
وحاولت أن تنطق إلا أن الكلمات لم تطاوعها، فأعاد على
مسامعها السؤال وبعد برهة قالت: هو أنا أطول يا فتحي
أجوزك وأنا في السن دي؟

-سن، سن إيه؟! ده أنا عمري كله بستنى اليوم ده،
وبعدين مين فينا اللي يطول؟ هو أنا كنت أحلم أتجوز واحدة
عملقة زيك؟

-أنا جنبك صفاء بتاعة زمان اللي نسيت يعنى إيه الفرحة
اللي بجد والحزن للدمعة من عيون أي حد من يوم ما سابتك،
صفاء اللي بتشوفك في وش أي راجل، واللي أكلها الندم لأنها
يوم فاتتك عشان شيء زابل ومش مضمون، نسيت إن الحب
هو أهم وأجل ما في الوجود، وإن لازم نضحى بالغالي
والرخيص عشان ما نضحش بيه!

وصممت قليلاً وهي تتطلع إلى عينيه ثم قالت: نفسي أعيش
بقية عمري في حضنك وما أفارقهموش أبداً.

-في يوم من الأيام قلت لك حضني مفتوح لك في أي وقت
ترجعي فيه، ولستة عند وعدى وكلمتي، ومش حضني بس اللي
مفتوح لك، دي حياتي كلها مفتوحة لك يا أجمل ما في حياتي.
وعاد الصمت يُلقى ظلاله وهي تلقى بنفسها في حضنه
ودموعها تبلل وجهه.

-صفاء، مش عازيك تبكي أبداً.

-فرحتي بيك هي اللي خلّتي أبكي.

-عارفة أنا عاوز إيه دلوقتي؟

-أؤمر يا عيوني.

-أكل، جعان..... جعان قوي.
-يا حبيبي، تليفون واحد وأجمل وأشهى أكل يكون عندنا
دلوقتي.
-لا عايز أكل من إيديكي زى زمان.
-بس خايفة مايعجبكش.
-إنتي أي حاجة تلمسها إيديكي تبقى أجمل ما في الوجود.
-من عينيا يا حبيبي.
-هساعدك.
-لا إنت تقعد كده باشا وكل حاجة تيجي لحدك.
-لا، وياكي، ومن النهارده مش هنتفارق، إيدي علي
إيديكي.
-حاضر.
-أيوه كده اسمعي الكلام.

ودخلا سوياً المطبخ وأعدا طعامهما بنفسيهما، ثم جلسا
ياكلانه كما كانا يفعلان دائماً في الماضي البعيد.
كانت تطعمه بيديها كطفلها، كان لا يأكل إلا إذا سبقته
هي إلى الطعام وكأنه يطمئن إلى أنها أكلت أولاً حتى يهنأ
بطعامه، ثم تمتد يده بالطعام لها، تكلما كثيراً ومر الوقت بهما
سريعاً ولكنهما لم يشعرأ به، فلقد توقفت في نظرهما كل

الساعات وصمتت الدقائق والثواني ولم يُفكر أيّ منهما في أن ينظر لساعته أبدًا.

ولكن الليل الذي أتى مسرعًا جعله ينظر في ساعته وهو يقول: معقول الساعة بقت ثمانية؟ لازم أمشي.

-لا. تمشي تروح فين؟

-الولاد يقلقوا عليا، وهم ما يعرفوش أنا فين، كنت الأول بعتند علي وجود أمهم معاهم.

-عشائهم بس هسيك، لكن بعد كده لا يمكن أسبك أبدا يا قدرى.

أنت لحظة الفراق، لم يكن أيّ منهما يريد أن يترك الآخر، ولكن كان يحبّ عليهما أن يمضيا كل إلى طريقه، وأخيرًا تركا بعضهما ووعدها أنه سيحدثها في التليفون ما إن يصل وفي أثناء الطريق، سيحدثها عبر تليفونه المحمول، وأمضت صفاء الليلة وهي تكاد تطير فوق السحاب، غير مصدقة ما يحدث، لقد ظنت أنها تحلم، ولكن صوته ما زال في أذنها ومحادثته لها طوال الليل، لقد استيقظت في الصباح وهي تمسك بسماعة التليفون في يدها، إذن ما حدث حقيقة واقعة.

وأول شيء فعلته حين صحت أن اتصلت بأحمد في فرنسا، روت له ما حدث، شعر أحمد بحزنها التي لم يشعر بها يومًا هكذا بقت له عبر صوتها إحساسها الرائع بالسعادة، ولكنهم فرحوا! وسعدوا! أحبها!

قامت صفاء تنظر لدولاب ملابسها، تلك الملابس التي
اشترتها من أرقى المحلات في باريس، ومعظمها ماركات عالمية،
انتقت رداء يحمل ألواناً مبهجة ونظرت للمرأة، فشعرت بأنها
عادت للوراء ثلاثين عاماً مرة واحدة، وأحست بجمالها يعود
مرة أخرى، وأن تجاعيد وجهها التي ظهرت مؤخراً قد ذهبت،
وتوجهت للكلية وهي ترسم ابتسامة على وجهها لا مثيل
لعذوبتها.

كل من قابلها ذلك اليوم لم يكن ليصدق عينيه، أهذه
الدكتورة صفاء صاحبة الوجه العبوس، والعيون الذابلة، أتللك
هي حقاً؟! هي

وبدأ الجميع يسألونها وهي لا تجيب، وإنما تكتفي برسم
ابتسامة لا تشفى فضولهم.

وأعطت محاضرة قصيرة لطلبة الدراسات العليا لديها ثم
انصرفت إلى مكتبها، حدثته هاتفياً فقالت: وحشتني.

-إنني أكثر، إنني فين؟

-في الكلية، وإننت؟

-في الورشة، ما تيجي النهارده.

-آجي إزاي، وصمتت برهة ثم أردفت قائلة: طب

وإخوانك وأولادك وأملك اللي بتكرهني؟

-وماهم دول كلهم؟

-لو شافوني وشافوا حالي النهارده هيعرفوا من غير ما أتكلم.

-هو إنتي كمان؟

-قصديك إيه؟

-من الصبح وكل ما حد يشوفني يسألني: "فيه إيه؟" وعلى رسهم صفاء الصغيرة، وأخوكي سيد مش فاهم فيه إيه؟

-الهوى المداري بان.

-مش فاهم، عمرنا ما كنا بنخاف الناس، ليه دلوقتي هنخاف منهم ونعملهم حساب.

-خلاص يا حبيبي هاجي لك ولو في آخر الدنيا.

وصلت صفاء البلدة، وطرقت باب بيت أبيها، ولم يصدق
أخوها سيد حين رآها أمامه، فهو يقيم في الدور الثاني من
البيت بعد زواجه وموت أبويه، أصبح يعيش في الطابقين،
وذلك بموافقة إخوته وخاصة عزت أخوه الذي استقر في
الخارج، رحب سيد بها بشدة وفرح بزيارتها، وفهم ما حل بها
حين رآها ورأى فتحي هذه الصباح.

ودخلت صفاء حجرها التي كانت كما هي لم تتغير،
جلست في مكانها المعتاد لتجده يفتح شباكها وينظر إليها، وعلى
وجهه ابتسامة عذبة ثم قال: أنط وأجيلك؟

-تقدر!!-

-إنني عارفة كويس إني أقدر.

-عارفة يا مجنون.

-بس المرة دي مش هاجي لك سرقة هاجي من الباب.

-وأنا مستنيالك.

وطرق فتحي بابها وفتح له سيد ورحب به وهو يقول:
كنت عارف إنك هتيجي.

-جاي لك في طلب ويا ريت توافق.

-أنا عينيا ليك يا أبو صفاء.

خرجت لحظتها من حجرها، فتوجه نحوها وهو يقول:
تقبل تجوزي أحتك؟ قالها وهو يحسك بيدها بين راحته ويطبق
عليها بشدة.

-بتسألني يا فتحي وأنا عارف أد إيه استنيتوا اليوم ده؟ طبعا
موافق، ومن غير تردد، ألف ألف مبروك.

نظر فتحي لعينها وهو يحسك كتفها بكلتا يديه، وهو
يقول لها: مبروك يا أغلى حاجة في حياتي.

نظر إليهما سيد والدهشة والفرحة تملأ عينيه، وقال: أول
مرة أشوف فتحي بتاع زمان النهارده، فتحي اللي نسيت
شكل بسمته وصوت ضحكته.

وكادت زوجة سيد تطلق زغرودة، غير أن سيد كتمها قبل
أن تطلقها وقال: -إيه نسيي فاطمة؟

وأفاق فتحي من نشوته على تلك الحقيقة المرة، فهو أرمل له
زوجة متوفاة من ثلاثة أشهر فقط، وله طفلان حزينان.

وسأله سيد: أخذت رأي صفاء وفادي؟

نظر فتحي في الأرض دون أن ينطق، فأردف سيد: طبعا ما
عملتش حساب حد، ونسيت أد إيه كانوا بيعجبوا أمهم
ومرتبطين بيها، نسيت إن صفاء بتلك ما تختلفش كثير عن
صفاء حبيبك في قوتها وجبروتها، وكأنك كنت بنري فيها
وتزرع كل صفاء.

صرخت صفاء قائلة: كفاية يا سيد.

وانتفتت إلى فتحي وقالت: أنا مش عاوزة الجواز دي لو على حساب ولادك، أنا اتعودت على بُغْدُك، ويكفيني إنك لسه بتحبني زى ما بحبك، ويمكن أكثر، يكفيني كمان أسمع صوتك عشان أعيش بقية عمري.

-لا يا صفاء، لا، مش هنضحى تان، كفاية بقى، وإذا كان على ولادي أنا هقدر عليهم.

وانطلق خارجًا نحو منزله، صعد شقته وجد كلا منهما يجلس في حجرته، فدعاهما إلى هو الشقة وقال: اقعدوا عاوز أكلمكم في موضوع.

صفاء:خير يا بابا.

حاول فتحي استجماع شجاعته ليتكلم، وهواه الذي فاق الحدود جعله يشعر بقوة وشجاعة لا مثيل لهما فقال: أنا هتجوز.

وارتسمت علامات الدهشة على وجهيهما مترجة بآثار الغضب وخاصة على وجه صفاء التي قالت بلهجة تحمل بعض السخرية: على طول كده؟ مش بدري شوية؟

تناسى فتحي سخريتها وقال: بالعكس، أنا استنيت كثير، كثير قوى، سنين طويلة لحد ما جه الوقت المناسب.

غضبت الفتاة وقالت: حب قدم بقى؟ مين دي؟

وقبل أن يجيب تابعت قائلة: ما تقولش.. أبقي غيبة إن ما عرفتهاش.. أكيد الدكتور صفاء.. صح يا والدي؟ الدكتور

اللي سمتني على اسمها وعشت تحبها وما راعتش أبدًا شعور أمي
اللي كانت كل حنة فيها وكل تصرف من تصرفاتها بيقول
بحبك، وأنت ولا حاسس بيها، كنت بسمع حكايات أصحابي
عن أباهتهم وأمهاهم، وهم كل زوج فيهم فيه شيء مشترك ما
بينهم، وأد إيه بيّفهموا بعض ويحبوا بعض، بيحكوا عن
حاجات عمري ما لاحظتها في أبويا وأمّي، وإنما لاحظت أم
عاشقة وأب في وادي تاني، ولما كبرت وبقيت أسمع عن
حكاوي فتحي وصفاء، فهمت وعرفت ليه أمي كانت دائما
تناديني باسم الدلع وما تحبش تناديني باسمي، اسمي اللي كرهته
لما عرفت أد إيه بيوجعها كل ما تسمعه، وكأنك ما كنتش
حاسس باللي بتعمله يوم ما سمتني الاسم ده، اتحوزت أمي ليه
لما أنت عايش على ذكرى الهانم الغاية من سنين؟

- "كفاية يا صفاء" قالها فادي.

لقد أخطأت في حق أبيها وهو صامت يتحمل كلماتها التي
لها وقع كضرب السيّاط.

وأخيراً قال: عارف إن كل كلمة قولتيها ليكي حق فيها،
بس إنني عمرك ما هتعرفي إحساسي إلا إذا جربتي يوم تحي، أو
لو جربتي عمرك كله يرتبط بحياة إنسان واحد اتولد معاك،
كبرتي معاه يوم بيوم وستة بسنة، بتاكلوا وتشربوا مع بعض،
بتتعلّموا في نفس المدرسة في نفس الفصل في نفس الكلية، كل
حياتكم مشتركة مبتفترقوش إلا ساعات النوم، وأول وش

تشويهه وشه، أول كلمة تيدني بيها يومك تبقى ليه، إنسان
بيجري في دمك وهو الموال الذي بيدخل ويخرج من صدرك.

إنتي ما تعرفيش يعني إيه صفاء في حياتي، أنا عارف إن
غنطت في حق أمك وهو ده كان سبب عذابي لسنين وسنين
وإحساسي بالذنب كان هيقطني، عشان كده ما فكرتش لحظة
أروح لصفاء رغم إننا رجعت مصر من مدة طويلة، وكنت
كل ما أفكر أروح لها، أفكر أمك وعذاها السنين اللي فاتت
وإننا ما تستحقش مني كده، أنا أول مرة أشوف صفاء من
خمسة وعشرين سنة إمبراح.. إمبراح بس، بس
إمبراح..... إمبراح!!

وانسابت دموعه فجرى نحو حجرته وأغلقها خلفه وهو
يقول: صعب اللي أنا فيه ده!

لم يكن من السهل عليه أن يبكي أمام أطفاله، أو أن يروي
لأحد عن قصة هواه ولكن ما بيدد حيلة!

وسمع طرقاً على الباب، ثم دخل فادى وقال له: مبروك يا
بابا ألف مبروك ولما أشوف طنط صفاء هبارك لها بنفسي.

احتضنه فتحي: الله يبارك فيك يا حبيبي، صفاء هتفرح بيبك
قوى، هي تحت في بيت جدك محمود.

خلاص أنا هروح لها على طول، المهم أشوفك سعيد يا
أحسن أب في الدنيا.

وخرج الفتى مسرعاً ليتوجه لصفاء التي قابلها وهو يتسسم
ابتسامة شاحبة وهو يقول: أنا بحب أمي وحزين لفراقها جدًا،
لكن يهمني أشوف أبويا سعيد زي ما شفته النهارده الصبح،
كان واحد جديد بس جميل قوى، عشان خاطري خليه كده
على طول يا طنط.

فرحت صفاء بكلمات الولد ذي الثمانية عشر ربيعًا
واحتضنته بقوة وهي تشكره.

فقال لها الفتى: مبروك..... ألف مبروك.

وتركها وصعد لشقتهم، ودخل حجرته وأغلقها خلفه،
وأمسك بصورة أمه وبكى، ظل يبكي كثيرًا حتى تعبت عيناه.

أما صفاء فكانت شعورها بالغضب قويًا بشكل غريب،
ولكنها لا تُنكر أن كلمات أبيها أثرت فيها ونفذت إلى قلبها،
ولكن ذكرى أمها يجب أن تُحترم مهما كان الأمر.

وظل فتحي حبيس حجرته باقي اليوم ونصف النهار التالي،
فقال فادى لها: حرام عليكى يا صفاء، ارحمى ضعف أبوكى.

-وليه هو ما يرحمش ذكرى أمنا اللي اتعذبت كثير بسبب
حبه ده؟

-يعنى يرضيكى حاله كده؟

-هو اللي عمل في نفسه كده.

-ما تقيش قاسية زي الزمن اللي قسي عليه، كل شيء
قسمة ونصيب يا صفاء، واللى حصل لأمنا ده قدرها وحظها

في الدنيا، وهي اتحملت وما اعترضتش، يبقى ليه إحنا نعترض؟
ده كله أمر ربنا، اسعدي أبوكي يا صفاء، ارسمي الضحكة
بتاعة امبارح على وشه تاني، عشان خاطر أمك اللي إنسي
بتحبيها، اللي كانت دايما بتحب ضحكته اللي كانت عاملمة
زي هلال العيد ما تظهرش غير مرة في السنة.

فكرت صفاء قليلاً في كلمات أخيها، قبل أن تتوجه إلى
حجرة أبيها وتدخلها مطأطأة الرأس وهي تقول: بابا أنا آسفة،
ما كنش من حقي أعترض، دي حياتك وإنك حر فيها تعمل
اللي إنت عايزه.

رُدت الروح إليه من جديد فقال: يعني موافقة يا صفاء؟

-موافقة.. بس بشرط ما تعيشوش هنا.

-طبعاً، طبعاً، قالها وأخذها في حضنه وهو يقول: شكراً يا
حبيبي شكراً، كنت عارف أد إيه بتحبيني.

وسكت قليلاً ثم قال: أنا هغير هدومي وأروح أفرح صفاء
بسرعة.

رأت الفتاة أباه كطفل، أو على الأكثر شاباً في العشرين
من عمره، فرح بالزيجة المقدم عليها، وعلى استعداد لفعل أي
شيء لينال رضا عروسه، وفجأة خرج من الحمام وهو يتناول
طاقما من دولاب ملابسه ويقول لها: حلو ده يا صفصف؟

-جميل يا بابا، جميل قوي.

-ده إنني اللي جميلة يا روح بابا.

وانجه صوب بيتها، طرق بابه بشدة، فقابلته فأخذها في
حضنه وطار بها وهو فرح غير مصدق وهو يقول: وافقوا يا
صفاء، وافقوا.. أنا مش قادر أصدق نفسي، أنا وإنني أخيراً
هيجمنا مكان واحد بعد كل سنين البعاد، مبروك يا روجي.

- مبروك يا حبيبي مبروك.

وبدأ يخططان للحياة سوياً، ولكن كيف؟ فهي لا يمكن أن
تعيش في شقته، وهذا شرط ابنته ودون أن تشترط فهذا بيت
أمها، ثم عملها في القاهرة، يجب أن يكون هناك حل وسط.

فادى كليته في القاهرة، فهو يدرس في كلية الاقتصاد
والعلوم السياسية، وقيم في المدينة الجامعية، إذن فمن مصلحته
الإقامة في القاهرة، وليست مشكلة بالنسبة لفتحي أن يقيم هو
الآخر هناك، فهو بحاجة لمتابعة مستمرة لمصنعه في العاشر من
رمضان، أما الورشة فهي في يد سيد، بقيت صفاء التي رفضت
الإقامة مع زوجة أبيها، كما أنها ما زالت تدرس بكلية التجارة
في طنطا، لذا كان الاتفاق أن تعيش مع جدها وجدتها مؤقتاً،
وحاول فتحي أن يُقنع صفاء بأن يشتري لها شقة، ولكنها
أصرت على الإقامة في فيلتها الجديدة.

وافق فتحي ووضع باسمها في البنك مبلغاً كبيراً، مهرها لها،
رغم رفضها ذلك وقولها إنه هو مهرها وكل حياتها، إلا أنه قال
لها هذا هو الشرع والقانون يا أستاذة القانون، واشترى لها
شبكة من الماس قيمة جداً، وطارت صفاء لباريس لتبتاع فستاناً

أنيقاً من أرقى بيوت الأزياء، لم يكن فستان زفاف وإنما فستان
سهرة أبيض اللون، وعادت مع أحمد وأسرته وتلميذها جيون
الذي أصر على حضور حفل زفافها بنفسه، وتم عقد القران في
بيت أسرة صفاء القدم، ومساء اليوم التالي، اتفقا أن يقيما
حفلاً في فليتها يدعوان إليه كل أحباتهما ثم يتركان الجميع
ويتوجهان إلى الإسكندرية كما كان يحلم فتحي قديماً.

كان المأذون يعقد القران وكل منهما ينظر للآخر، وكأهما يخشيان الفراق لحظة أو النظر لأحد آخر، ويكرران ما يقوله المأذون بسعادة لا مثيل لها على وجه الأرض وفي قلوب البشر كافة.

وبعد القران، أخذها بسيارته وطارا إلى القاهرة ليقضيا السهرة في أفخر مكان في القاهرة بصحبة أحمد وزوجته اللذين تركا أطفالهما مع أولاد فتحي. وجون الذي سعد بالجو الغريب عليه، ظن فتحي أن أحمد فرنسي حين رآه واحتار حين عرف اسمه، فأخبرته صفاء بأنه فرنسي مسلم، قضوا سويًا سهرة جميلة، ثم شعر أحمد بالإرهاق، فأراد الانصراف، ولكن صفاء أصرت أن تذهب معه وزوجته لبيتها، ولكن أحمد رفض إفساد السهرة عليها، وأصر على حجز حجرة له ولزوجته في هذا الفندق، ثم يأتیان إليها في الصباح الباكر، ووافقت صفاء على هذا الحل بصعوبة، فصعدا الحجر كما وتركاهما مع محبوبها الذي أراد أن يعرف سر تعلقها الشديد بهذا الرجل، حكّت صفاء حكايتها له مع أحمد منذ أن تعرفت عليه أول مرة في باريس وحتى تلك اللحظة.

- كان يبحبك يا صفاء؟

- أيوه.. بس مش حب.. تقدر تقول كان إعجاب بشخصية جديدة عليه، لون من البشر ما عرفوش قبل كده.

-طب وإيه اللي رجعه لحياتك بعد فسحككم الخطوبة؟

-تصالح مع نفسه، وعرف إني قدمت له هدية بالسدين
الجديد اللي عشقه وهواه وبني من أجله مركزاً من أهم المراكز
الإسلامية في فرنسا. إنه يشعر أنني صاحبة الفضل في هذا.

ومن بعدها ونحن نتعاون كثيراً، وكان شريكى في قضية
الدفاع عن الإخوة الفلسطينيين، بل هو صاحبها في الأصل،
لأنه منذ إسلامه وهو يدافع عن كل مسلمي العالم والمتهمين
منهم، وهو الذي كلمتني في بيته آخر مرة حين شعرت بتعبى،
بل بنكستني لحظة أحسست بأن كل شيء صنعت له لا قيمة له يوم
أراد المصري المهاجر أن أتركه لكى أتزوجه، يومها أخذني
لبيته وظل يقرأ القرآن إلى جوارى وزوجته تطبني، حتى
اتصلت فأعطاني السماعة وهو يقول: "دواؤك" وهو من كان
يدفعني للعودة إليك بشئ الصور ولكنى كنت أعشى أن أهدم
بيتك.

-في الأول غيرت منه... أما دلوقتي فأنا بحترمه جداً.

-ولسّه لما تعرفه كويس هتجبه جداً.

-المهم إني دلوقتي مش مصدق السعادة اللي أنا فيها، بحبك،
ونفسي أصرخ بأعلى صوت وأقول بحبك يا أجمل وأعظم ست
في الكون كله.

وأخذها من يدها وخرج إلى حديقة الفندق يسيران تحت
ضوء القمر وقال لها: نفسي يشاركني اللحظة دي زى ما كان

ببشاركني لحظات أسايا وعذابي، يا ترى كان يقول لك كل كلمة قولتها له.

-يا ترى هو وصل لك كل رسالة حملتها له، ياما قلت له وحكيت، وشكيت، واتأسفت، وقلت له حرمت، بس يرجع لي وأرجع له. يا ترى قال لك؟

نظر لعينيها مباشرة واحتضنها بقوة وهو يقول: نفسي الزمان يرجع بينا لورا وما أفارقكيش لحظة واحدة.

ثم اقترب منها واقتربت حتى تلامست شفاهما، وذهبا في قبلة طويلة لأول مرة في عمرهما كله، يختلساها من الزمن ومن الناس من حولهما، فلم يعد أي منهما يشعر بشيء إلا بنفسيهما والهوى الذي يطير بهما فوق السحاب ويحملهما ليعانقا النجوم ويسامرا القمر.

لم يكن أي منهما يريد لليوم أن ينتهي، أو أن يترك أي منهما الآخر، صارت لحظة الفراق أصعب من أن يُقدما عليها ولو حتى فراق ساعة، وعندما سطع ضوء النهار توجهها إلى فيلتهم لينا قليلاً.

سويعات قليلة قبل أن يستيقظ، نام يحلم بها واستيقظ على صوتها وهي تقول

- الإفطار جاهز يا مولاي.

-مليكني بنفسها حضرت الفطار؟

-بل جاريتك يا ملك ملوك الدنيا.

طبع على جبهتها قبة خاطفة، قبل أن ينهض من السرير وهو يقول: لازم أروح البلد عشان أجيب الناس دي كلها من هناك.

-إنت مش هتروح في أي حنة، أنا اتصلت بيهم وسيد أخويا عارف المكان كويس هو وإخواتي، وهيجهوا كلهم ومعهم إخواتك وأمك وأبوك وولادك، وزمانهم قربوا يوصلوا، أحمد ومراته كمان تحت والطباخين بيشتغلوا في المطبخ، كله تمام يا مليكي.

-كل ده حصل وأنا نائم؟ هي الساعة كام؟

-الساعة عشرة ونص الصبح.

-إنتي صحيتي إمتى عملتي كل ده؟

-أنا ما نمتش، هو أنا أقدر أنام في يوم زى ده؟ ده عمري بيتندي من النهارده.

-يا روجي، بموت فيكي.

-بعد الشر عليك يا عمري.

-طب بدليتي أنا سبتها هناك.

-عارفة هتيجي معاهم.

-طب عايز أغير هدومي بتاعة امبارح دي.

-أنا عاملة حساي.

قالتها وهي تنجھ نحو أحد المقاعد بالحجرة، حملت الكيس
الموضوع عليها وقَدَّمت له طاقمًا جديدًا اشترته بنفسها له،
ليرتديه وكأنها كانت تعلم.

-الله ده جميل جدًا، ومش من هنا.

-من باريس، جتته معايا وأنا جاية.

-أعمل فيكي إيه؟ إنني الدنيا وما فيها.

-اقعد كده اتكلم، وضيع الفطار، يلا غَيِّر هدومك وأنا
مستنيك تحت بسرعة.

-حاضر جاي على نار.

ونزلت صفاء وعلى وجهها ابتسامة رائعة ولكنها لم تَرُق
لأحمد فقال لها: مالك يا صفاء؟

-أبدًا مفيش.

-ما تكديش على، مش هي دي ابتسامة اليومين اللي
فاتوا.

-بصراحة حاسة قلبي مقبوض وكأن الفرحة دي كثير عليا
خايفة أصدقها وأبص حواليا ما ألاقهاش!

-صفاء، كله بإيد ربنا ما تقوليش كده تاني يا صوفي،
فاهمة، قولي يا رب.

-يا رب.

قالتها وذهبت لتباشر ترتيبات الحفل بنفسها، وفي الظهيرة، كان البيت قد صار خلية نحل، فإخوة فتحي الخمسة وأولادهم، بالإضافة لأمه وأبيه وابنه وابنته، وأخوها سيد وزوجته وطفليه، وأختها سمية وزوجها وأولادها الثلاثة، لم يتغيب سوى أخيها عزت الذي اختار الغربة مقاماً، وأحمد وطفليه وزوجته بالطبع، وجون الذي بين حين وآخر يشكرها على هذا اليوم الجميل.

وتناول هذا الجمع الغفير طعام الغداء في حديقة الفيلا، والسعادة تطل من عيونهم، والفرحة تسبق حديثهم، وضحكهم وأحاديثهم لا تنقطع، هذا غير الموسيقى التي تنطلق من المكان وبنات العائلة اللاتي يتبادلن الرقص واحدة تلو الأخرى، والنساء كن يتغنين بأغنيات الأفراح القديمة التقليدية والجميع مبتهج.

كان موعد الفرح مبكراً في السادسة، وفي الخامسة صعدت صفاء لحجرتها لتلبس هي وفتحي الذي ارتدى ملابسه في الحجرة المجاورة سريعاً، ونزل للناس الذين وصل بعضهم، فلقد دعت الأستاذ سعيد وابنه عماد وزوجته وسهر ابنته وعميد الكلية وبعض زملائها من أساتذة القسم وزوجة الدكتور سيد وأيمن، ظلت صفاء ساعة وأكثر وهي تتأهب لتلك اللحظة، ارتدت فستانها وأتمت زينتها، لم يكن باستطاعتها أن تكون عروساً صغيرة تذهب للكوافير وتزين، ولكنها أبداً لم تكن أقل من هؤلاء العرائس بهذا الفستان الأبيض ومساحيق الوجه التي جعلتها شابة في العشرين.

ونزلت صفاء السلم الداخلي لذي كان فتحي يقف عند
نهايته، ينتظرها وعيناه تملآن بإعجاب لا مثيل له، رأت فيهما
نظرة رأتهما مرة واحدة من قبل، ولامته عليها، أما الآن فهي من
حقه، كان طائرًا في السماء، سائبًا بين أمواج هواء، استقبلها
بلهفة وهو يمسك يديها على الدرج الأخير ولثمها وهو يقول:
إيه الجمال ده كله؟

-صحيح حلوة؟

-حلوة شوية عليكى.

كان على حق فعلا، فجماها صعب كل الحاضرين، حتى
بدت الشابة الصغيرة المثيرة -التي كانت تثير إعجاب الجميع،
تلك التي جرى خلفها الكثير من الرجال ولم تلتفت لأحد-
وليست امرأة في الخمسين من عمرها، وبكل سعادة، كانت
صفاء تظهر بين الموجودين لترحب بهم، وأخذت فتحي من يده
وقالت: فيه ناس هنا تعرفهم كويس.

تعجب فتحي وقال: مين دول؟

-تعالى بس.

وسلمت على الأستاذ سعيد وقبّلت جبهته، وسلمت على
عماد وزوجته وابنته، قالت: لسه ما عرفتش مين دول؟
-الوشوش مش غريبة عليا، وخاصة حضرتك وأشار لعماد.
-نقونك عشرة أربع سنين.

نظر فتحي لصفاء وقال: كفاية حيرة بقي..قولي لي.
قالت: الأستاذ سعيد أول من فتح لي مكتبه أشتغل فيه.
قال مسرعًا: أبو عماد.
نظر إليه عماد: وأنا عماد.
قالت صفاء: المستشار عماد وزوجته وابنته سهر، رَحَّب
بهم فتحي بشدة وشكر حضورهم.
وظل يتحدث إليهم بينما ترَحَّب هي بضيوفها الآخرين.
قال لها أحمد: جميلة مظاهر الفرح عندكم.
-يوه! إنت شوفت حاجة، هو ده فرح؟ دا إحنا نقعد
نستعد للفرح شهر، ونعمل كحك، وبسكوت، ويوم للحنسة،
ويوم للفرح.
-معقول ده؟
-أمال إيه؟ في يوم هحككي لك.
أخذها فتحي من يدها وهو يقول: "إيه ده بقي؟ هو إحنا
مش هنعرف نقعد مع بعض شوية ولا إيه؟ مش عارف
أكلمك".
-مش قادر تصير شوية؟ أيا منا جاية يا حبيبي.
-مفيش وقت، اللي راح كثير قوي، مش أد اللي جاي.

-من عيوني، كل طلباتك أوامر بس تعالى معايا لحظة واحدة.

أخذته وانجھت نحو أمه وأبيه، ركعت أمامها ليصبح وجهها في مقابلة وجه أم فتحي، وهي تجلس على مقعدها وقالت لها: سامحتيني يا خالتي؟

قالت السيدة والدموع تترقرق في عينيها: ساعة ما شفت ابني رجع من تان ابني اللي كنت أعرفه ونسيت شكله، سامحتك يا بنتي، ربنا يهنيكم.

انجنت صفاء على يديها تقبلها، وقبلت رأسها ورأس حميها وأخذت أكثر من صورة لها ولفتحي بجوارهم.

ثم وقفت مع فتحي يشربان شربات الفرح، بعد أن دعوا الجميع ليتناولوا العشاء، طعام الغرس، وبعد أن تأكدوا من أن الجميع أكل وشرب، وقفوا يحتسيان كوبيهما وهما ينظران لبعضهما ويتبادلان الابتسام، دون أي حديث، وكأن الكلام قد انتهى، فقالت: يعني ما بتقولش حاجة؟

-أصل بسمع عينيكي وبردّ عليها.

-وقالت لك إيه عيني؟

-كلام كثير وبين كل كلمة وكلمة بتقول لي بحبك.

-مش بس عيني اللي بتقولها، قلبي بيقلها، وإيدي ولساني وكل حنة فيا بتقول بحبك، بحبك، بحبك قوي.

-خائف يا صفص.

-من إيه يا عمري؟

-حاسس إن كل ده كثير عليا قوي.

-وأنا كمان، بس أنا عارفة إن من حقنا نفرح ونسعد
شوية بقي.

-عندك حق لازم نفرح.

وفجأة شعر فتحي بدوار فقالت له: مالك يا فتحي؟

-مش عارف حاسس إني مش مضبوط.

وأخذ نفسًا عميقًا ما إن أخرجه حتى سقط على الأرض،
فلم يأخذ غيره، سقط بين يديها لتجد جسمه باردًا كالثلج،
لقد رحل فتحي الذي شعر أنه لم يكن لديه وقت!

صرخت صفاء: فتحي!!

والتف الجميع حوله، أخذته في حضنها وهي تقول:ف.....
ف..... فتحي والدموع تتساقط من عينيها شلالات ودقات
قلبها تتسارع حتى كادت تقف.

آه، آه يا فتحي.

الجميع غير مصدق ما يحدث، فجأة تحول الفرح الكبير
إلى مأتم وصراخ ودموع، سكنت الموسيقى وانقلبت
الزغاريد صراخًا، لم يكن أحد ليصدق ما يحدث، وإن كان

قد رآه في فيلم، لظنه فيلمًا مأساويًا شديد المأساوية ولكن قد غادره ومضى! وإنما ما حدث ليس فيلمًا لتعلق الشاشة عليه، إنه حقيقة، حقيقة زلزلت كل أصحابها.

- خدني معاك يا فتحي خدني معاك ما تسبش كده

انطلقت الكلمات من فم صفاء التي كانت تهدي بكلمات غريبة وهي تنظر لجموع الحاضرين، ثم قالت: كنت زمان عايشة على أمل إنني في يوم هرجع له، والنهارده كنت عايشة على أمل إن هقضى معاه بقية عمري، طب بكره أعيش على إيه؟ وليه؟ ولين؟ خدني معاك.. كفاية عليا وحدة، واحتضنته أكثر وأكثر وهي تقول له: بص لي يا فتحي... كلمني... قول لي حاجة، قول لي إنك هترجع، قول إنني مش هعيش لوحدي تاني، قول إن السنين رجعت لورا أيام ما كنا عايشين سواء، فاكتر يا فتحي لما كنا بنروح المدرسة سوا؟ كنت بتمسك إيدي خايف عليا من الناس، كنت بتحميني أما حد يضايقي، مين يحميني يا فتحي؟ قوم يا فتحي نفتح شبايكنا، وتنط من شباكك عشان تقعد على سور شياكي وتكلم سوا، رحبت فين يا حبيبي رد عليا!!!

اقترب أحمد منها، وحملها على النهوض، ودموعه تسبقه فقالت: أنا صحيح غلطت في يوم وندمت.. صح يا أحمد؟ أنا ندمت كثير.. ليه عقاب ربنا صعب كده ليه؟ أنا ما أستحقش كده!!

- حرام يا صفاء اللي بتقوله ارحمي نفسك ما تعترضيش على أمر الله.

-مش قادرة أصدق إن رجعت عشان أقتله!

نظرت لأخيها وقالت: فاكِر يا سيد لما قال لك اتصل
بصفاء لأنها عيانة ولاقتيني بجد عيانة.

-فاكِر يا صفاء كل حاجة، عارف إنه كان بيعبس بيكسى
وانتي بتحسى بيه، فاكِر يوم ما سبتي محاضراتك وجيتي زى
المجنونة بتسألني عليه، ولما عرفتي إنه في المستشفى دراعه انكسر
جريت جري ومفيش حد قدر يبعدك عنه ولا حتى الدكتور،
ولما عييتي ووقعتي قدام البيت صرخته عليكى صحت الشارع
كله، وأسبوع كامل وهو ما يتنقلش من جنب سريرك حتى
عشان ينام، فاكِر يوم ما عرفتي إنه خطب وهينجوز من غير ما
حد يقول لك، فاكِر يا صفاء.

قالها والدموع تتلاحق في سرعة من عينيه ثم واصل قوله:
فاكِر صاحب عمري اللي إيده كانت دايما ممدودة بالخير، آه يا
فتحي آه يا صاحبي، كان يشتغل زى الآلة عشان ينسى لكن
عمره ما نسي، جه عليا وقت وكرهتك بسبب عذابه، وإنه
بقي شخص غريب غير اللي نعرفه.

سقطت صفاء مغشياً عليها، وكان عماد قد استدعى
طبيباً للتأكد من موت فتحي، فإذا به يحاول إفاقة صفاء التي
أفاقته قليلاً، فأخذت تمذي من جديد، فحقنها الطبيب بعقار
مهدئ أنامها، وخاصة بعد صراخ صفاء الصغيرة في وجهها
وقولها لها: إنتي اللي قتلتني أبويا.. أنا بكرهك.. بكرهك.

الكل في لوعة وألم ولكن حزن أبيه وأمه وإخوته وأولاده،
لا يعادل ذرة في حزن صفاء التي كانت تعتبر وجوده كوجود
قلبها داخلها وعقلها في رأسها، فكيف لأي منهما أن يترك
جسدها إلا بموتها؟ لماذا تحيا بدون قلب أو عقل؟! بل كيف تحيا
بدونهما؟!!!!

قدّم ضيوف الفرح -أو المأتم- تعازيهم وانصرفوا وهم في
حالة ذهول مما يجري، ويكفي أنهم رأوا امرأة واحدة شابة في
العشرين ثم عجوزاً تعدت المائة في أقل من لحظات قليلة! وكان
رجلها هو سر شبابها وفرحها وعمرها، وأفاقت صفاء لتجد
نفسها على سريرها القلتم وقد تبدّل ثوبها الأبيض بآخر أسود
قبيح، ونساء المعزين من حولها كثيرات، وصوت المقرئ يتردد
عبر المكان، قامت صفاء وخرجت من البيت، ذهبت إلى بيته،
إلى حجرته القديمة -التي ظل يحافظ عليها كما هي، حتى أثنائها
المتهاالك- لم يمنعها أحد، لم يقف أمامها أحد، دخلت إلى هناك
وألقت بنفسها على سريرها، تتلمس رائحته في المكان، تحدّثه
وكأنها تراه من حولها حتى كادت تحن.

لم تشعر بالأيام التي تمر من حولها، لأنها لا زالت تحيا معه،
لم تكن تأكل أو تفكر في أي شيء غير أن تبقى معه في تلك
الحجرة التي بها بعض أشياءه التي ظلت تحتضنها وتبلسها
بدموعها.

أسبوع كامل وهي على تلك الحالة حتى دخلت أم فتححي
وأبوه وأخوها وأولاد فتححي يحاولون إخراجها من الحجرة،
فلقد شعروا بأنها على وشك الجنون، ولكنها أبت بشدة أن
تخرج مكانها.

فاقترب منها فادي وقال لها: أنا وأختي خلاص ما عدش لينا
حد غيرك.. تقبلي تبقى أمي؟ لو إني كمان رحني مين غيرك
يبقى معانا يا ماما؟

أول مرة في حياتها تسمع هذه الكلمة التي نفذت إلى قلبها
سريعاً، فاحتضنت الفتى الذي يشبه أباه بشده.

قال لها ودموعه تلاحقه: بابا مات وهو مطمئن إن إني
هتبقى جنبي أنا وصفاء الصغيرة، ليه عايزة تسيينا وتسيي ولاده
اللي ممكن يفكروكي بيه؟ أنا عارف إن إحنا مش هنعوضك
عنه، لأن ما فيش حد أبداً زيه، لكن إحنا من ريجته.

--مين قال إنك مش زيه؟ ده إنت هو، نفس الوش والروح
والطيبة والرفة.

وعادت لتحتضنه من جديد، واقتربت منها صفاء الصغيرة
وهي تقول: أنا آسفة، ما كنتش أعرف إنك بتحبيه بالشكل ده
زى ما هو بيحبك وعذب أمي سنين بحبك.

-سامحيني يا بنتي...أنا دفعت تمن غلطتي سنين ندم... لكن
عمري ما نسيته أبدًا ولا قدرت أتجوز غيره.

نظر إليها أبو فتحي وقال: يا بنتي، أنا إن عشت النهارده
مش هعيش بكره ويرضه أم فتحي، وإخوانه مشغولين، مفيش
حد غيرك لولاده، دول أمانة في رقبتك، أمانة سابها فتحي
حبيلك.

-ما حدش فيكم هيوصيني على ولادي، بس يا ريت صفاء
تسامحني وترضى عني.

-يا ماما.. بابا كان بيحبك جدًا... ما أقدرش أكره حد
بابا بيحبه.

-يا نور عيني.

أخذتهما في حضنها وهي تواصل بكاءها المموم، الذي لم
ولن ينقطع، فمن يعرف فتحي يكيه العمر بأكمله، فما بالسك
من قهواه وتعشقه حتى الثمالة.

وتلفت صفاء خطابًا من أحمد يعتذر عن سفره بسرعة
لارتباطاته الشخصية، ولكنه وعدها بالحضور في أقرب إجازة،
لذا اتصلت به صفاء تطمننه عليها وتوصيه بمكتبها، كان في
نيتها أن تعود لفرنسا مرة أخرى، ولكن بعد الأمانة التي

وضعوها في عنقها، لا بد أن تحملها وتصونها حتى آخر يوم في عمرها، وكعادتها، ألقت بنفسها في دوامة العمل بعد شهر كامل قضته في حالة من عدم التوازن الذي أفقدها القدرة على التفكير، ولكن تلك المرة بغير حماس أو أمل.

قالت صفاء لطفليها: هنعيش زى ما كان بابا عاوز أنا وفادى في القاهرة وصفاء هنا عشان الكلية وحميس وجمعة معانا في القاهرة، الورشة في إيد عمك سيد، أما المصنع عمك فريد بيشراف عليه وإنني وفادى هتياشروه، أما نصيبى اللي الحامى بيقول عليه في ثروة أبوكي، هيبقى باسمك إنني وأخوكي، هوزعه عليكم بالتساوي.

قاطعتها صفاء قائلة: بس ده حقك.

-لا مش حقي.. وكمان المهر اللي أبوكم دفعه لي.. هارده ليكم، شيء واحد عاوزة أخده معايا، ذكرياتي وياه، عاوزة كل ورقة وصورة تخصني وتخصه، هو قال لي إنه عاينها في خزانة الورشة.

وخلعت صفاء الكبيرة من رقبتها سلسلة ذهبية أهدها 'صفاء الصغيرة وقالت لها: كان نفسي أجيب لك حاجة أغلى من كده.

-بس دي جميلة قوى متشكرة.

-طول عمره كان بيديني الهدية ويقول لي: "نفسى أجيب لك حاجة أغلى من كده" رغم إن كل حاجة كان بيحبها كانت أجمل وأحلى حاجة في الدنيا.

ولمخ فادى في صدرها سلسلة فضية صغيرة فصرخ: السلسلة دي نصبا معايا عمر بابا ما قلعتها إلا لمسا.....وصمت لم يكمل.

فهمت صفاء: هاتقا... هي فين؟

تناولتها منه وقالت وهي تنظر إليها: "يوم أهداني إياها اتفقنا على ألا نخلعها أبداً".

وسافرت صفاء ومعها فادى لبدأ حياة جديدة، حياة ليس بها روح، لأن روحها ذهبت، وإن كانت الحياة التي تشارك فيها الصغيرين غريبة عليها بحق، ولم تجرهما من قبل، حاولت أن تقترب منهما وتخالطهما، وخاصة أن فادى كان نسخة مصغرة من أبيه، أما صفاء فهي تشبهها هي بشكل كبير، ظلا معها شهوراً، حاولا التأقلم والعيش سوياً، رغم أن دموع صفاء لم تنقطع ليلة واحدة وهي تحتضن صورته وملابسه وتبكي.

وفي إجازة الصيف بعد انتهاء الامتحانات مباشرة، أخذتهما صفاء، وذهبت بهما إلى باريس، وعاشا معها في شقتها الصغيرة، وزارا مكتبها الشهير هناك، وأسرة أحمد، شاهدا أجمل معالم باريس السياحية بصحبتهما، ونجحت صفاء في أن تعيد الابتسامة لليتيمين اللذين فارقا أهلها صفاراً.

بدأ يفتحان قلوبهما لها، حتى صفاء التي ظلت كثيراً متحفظة معها، ولكن كلما رأت أنما نفسها لا تختلف عن هذه السيدة كثيراً، تلين معها بعض الشيء.

وحاولت صفاء أن تلتقنهما الدرس الذي تعلمته ووعته
وحفظته عن ظهر قلب، مهما يكن طموحك ورغبتك في
الحياة، فلا تدع هذه الرغبة تهزمك، وتحرمك من العيش
كإنسان، كمخلوق من حقه أن يتنفس عير الحب والحياة
وسط عائلة يشقى من أجلها، ويمسئلياً، ولا يعيش أبداً
كالآلة، حتى وإن حقق قدراً ضئيلاً مما يصبو إليه ويتمناه، فقد
النجاح الضئيل، خير من النجاح الكبير في ظل الوحدة وفقدان
الحب.

إن من يضحى بالحب أولى به أن يدفن في التراب من أن
يحيا ليعذب محبيه ويعذب نفسه.
فقصص الأنانية لا يسع غير صاحبه.

تمت بحمد الله ٢٠٠٤/١/٨